

نمازوی کتاب

مترجمہ

پادری برکت اللہ ایم۔ اے
فیلو آف دی رائل ایشیائٹک سوسائٹی۔ لندن

مترجم

ضابطہ کلیسیائے ہندو برما و لنکا۔ استحکام کی تیاری وغیرہ

مصنف و دیگر کتب بر اسلام و مسیحیت

کرپچن ٹالج سوسائٹی

انارکلی۔ لاہور

نماز دیاں ترتیبیاں دی فہرست

صفحہ	مضمون	نمبر شمار
۳	دوبیچہ مترجم	۱
۷	فجر دی نماز دی ترتیب	۲
۲۵	شام دی نماز دی ترتیب	۳
۴۱	خاص دعاواں تے شکرانے	۴
۶۳	مناجات عام	۵
۷۴	سال بھر دے لئی دعاواں تے شکرانے	۶
۱۱۲	مقدسوں دے دن	۷
۱۲۵	عشائے رباتی دی ترتیب	۸
۱۵۰	بچیاں دے بپتسمہ دی ترتیب	۹
۱۶۱	بالغوں دے بپتسمہ دی ترتیب	۱۰
۱۷۴	سوال و جواب	۱۱
۱۸۴	استحکام دی ترتیب	۱۲
۱۹۵	رسم نکاح دی ترتیب	۱۳
۲۰۹	بچیاں دے جنازے دی نماز دی ترتیب	۱۴
۲۱۵	نماز جنازہ دی ترتیب	۱۵
۲۳۲	چچہ دا شکرانہ	۱۶

دیباچہ مترجم

یہ نماز کی کتاب انگریزی "دعائے عام کی کتاب ۱۶۴۲ء" ایڈیشن کا ترجمہ ہے۔ اس میں جو تبدیلی یا کمی بیشی کی گئی ہے وہ جناب بشپ صاحب لاہور کی اجازت اور ہدایت کے مطابق کی گئی ہے۔ ان تبدیلیوں کا واحد مقصد یہ ہے کہ نماز کی ترتیمیں پنجاب کی کلیسیا کی ضروریات کو پورا کر سکیں۔ اس ترجمہ میں ذیل کے امور کو مد نظر رکھا گیا ہے :-

(۱) حتی الوسع یہ کوشش کی گئی ہے کہ کوئی ایسا لفظ مستعمل نہ ہو جس سے دیہات کے مسیحیوں کے کان بالعموم نا آشنا ہوں۔ وقت یہ ہے کہ پنجاب کے مختلف اضلاع کی زبان میں نمایاں فرق ہے۔ تاہم میری یہ کوشش رہی ہے کہ کوئی اجنبی اور غیر مانوس لفظ استعمال نہ ہو۔ پس صرف وہی الفاظ استعمال کئے گئے ہیں جو عموماً انجیل جلیل کے موجودہ پنجابی ترجمہ میں اور موجودہ "نمازی کتاب" میں پائے جاتے ہیں یا جنہوں نے غلامکالی ڈاکٹر پادری امام الدین شہباز ڈی ڈی نے منظوم پنجابی زبور دس کے وسیلے اور عرش آشیانی حضرت

پادری رحمت مسیح صاحب واعظ کے مجموعہ "راحت دل" کے ذریعہ
 پنجاب کے مسیحیوں کے دلوں میں گھر کر لیا ہے۔ اس کتاب کے
 قریباً تمام الفاظ بھائی مایا سنگھ کی پنجابی ڈکشنری (مطبوعہ ۱۸۹۵ء)
 مفید عام پریس - لاہور میں پائے جاتے ہیں۔ جو فاتح قادبان مرحوم
 ڈاکٹر مزی مارٹن کلا رک صاحب امرتسری کی زیر نگرانی تیار کی گئی
 تھی۔

(۲) کسی کتاب کا انگریزی زبان سے پنجابی میں ترجمہ کرنا آسان
 نہیں ہے۔ صرف وہی شخص ان دُشواریوں سے واقف ہو سکتا
 ہے جو اس منزل ہفت خوان سے خود گزر چکا ہو۔ انگریزی ایک
 وسیع زبان ہے جس میں ہر قسم کے الفاظ پائے جاتے ہیں بالخصوص
 ایسے مترادف اور ہم معنی الفاظ جن میں نہایت باریک اختلاف
 ہوتا ہے۔ لیکن پنجابی زبان سادہ ہے اور ابھی اپنی ارتقا کی
 ابتدائی منازل میں ہے۔ لہذا وہ انگریزی الفاظ کے باریک نکتوں
 کو ادا کرنے سے قاصر ہے۔ بالخصوص پنجاب کے دیہاتی مسیحیوں
 کے الفاظ کا ذخیرہ نہایت محدود ہے۔ اور جو الفاظ وہ بالعموم استعمال
 کرتے ہیں وہ شمار میں مقابلتاً بہت کم ہیں۔ کیونکہ ان کی ضروریات
 زندگی محدود ہیں۔ اور ان کی اقتصادی زندگی اور تعلیمی پستی ان
 کی طبع کی پروازی اور خیال آفرینی کی راہ میں حائل ہیں۔ اس حقیقت
 نے ترجمہ کی مشکلات کو وہ چند بڑھا دیا ہے۔

(۳) مزید برآں ہماری نثر کی کتاب ایک متبرک کتاب ہے۔
 پس اس ترجمہ میں یہ لحاظ رکھا گیا ہے کہ صرف ایسے الفاظ ہی

استعمال میں آئیں جو ایسی پاک کتاب کے لئے موزوں اور بر محل ہوں۔
اگرچہ اس امر نے ترجمہ کی مشکلات میں اضافہ کر دیا ہے تاہم مجھے اُمید
ہے کہ خداوند میں میری یہ کوشش بے سود ثابت نہ ہوگی۔

(۴) جہاں تک ممکن ہو سکا میں نے اس بات کا خیال رکھا ہے کہ
اس ترجمہ کی زبان میں ایسی سلاست اور روانی پیدا ہو جائے کہ کتاب
کی دُعاؤں کا پڑھنے والا نماز کے دوران میں کسی جگہ نہ اٹکے اور نہ
الفاظ کی گرائی کی رقت محسوس کرے۔ پس ترجمہ کرتے وقت علمی اور
ادبی نقطہ نگاہ کو نظر انداز نہیں کیا گیا۔

(۵) انگریزی ”دعاے عام کی کتاب“ میں جو گیت اور مزامیر
تھے اُن کا پنجابی نثر میں ترجمہ نہیں کیا گیا بلکہ ”راحت دل“ اور منظوم
زبوروں میں سے وہی گیت اور منظوم مزامیر ورج کئے گئے ہیں۔ کیونکہ
وہ پنجاب کی کلیسیاؤں کے عہدِ زبانِ اجدادِ حُرّ جان ہو چکے ہیں۔

میرے لئے یہ انتہائی مسرت اور فخر کا مقام ہے۔ کہ اب بابِ بہت
دکھو نے اس کا رخیہ پر مجھ ہیچمدان کو مامور فرمایا۔ میں نے اس
خدمت کو موجبِ سعادتِ دارین سمجھ کر اپنے ذمہ لیا۔ میں کیا اور
میری بساط کیا جو اس پاک خدمت کو انجام دے سکتا۔ لیکن میرے
خدا کا فضل میرے شاملِ حال رہا۔ اُس نے مجھ سے کہا کہ میرا
فضل تیرے لئے کافی ہے کیونکہ میری قدرت کمزوری میں پوری
ہوتی ہے۔ (۲ کر ۱۲: ۹) اُسی کی توفیق سے مدد پا کر میں یہ کام
کر سکا۔ اُس کے احسان ہی نے مجھے اس قابل بنایا کہ آج میں اس
ذمہ داری سے سبکدوش ہو گیا ہوں۔

میری دُعا ہے کہ اس ترجمہ کے ذریعہ پنجاب کی کلیسیا میں خدا
کی قربت کو حاصل کریں اور رُوح القدس سے معمور ہو کر مَنجی
عالمین و رحمتِ عالمیان کی اُس محبت میں قائم رہیں جس کی وسعت
اور رفعتِ انسانی فہم و ادراک سے بھی پرے ہے۔ تاکہ وہ اس
دُنیا میں جہان کا نور ہو کر چمکیں۔ جس کی بصیرت افروز شعاعوں
سے ہمارے وطن عزیز کے باشندے اپنے حقیقی مَنجی کے قدموں
میں آ کر نجاتِ اُخروی سے بہرہ اندوز ہو جائیں۔

دعا کا محتاج

برکت اللہ

۱۵ دسمبر ۱۹۴۲ء

سال بھر دے لئی

فجر دی نماز دی ترتیب

فجر دی نماز دے شروع وچ خادمِ دین کلیسیا دے تھواراں تے موقعہ
موجب بائبل شریف دیاں اینہاں آیتاں وچوں اک یا زیادہ اُچی آواز نال
پڑھے پھر دس نصیحت نوں جیہڑی آیتاں دے پیچھے لکھی ہوئی ہے سنا لے

توبہ :- میں اُٹھ کے اپنے باپ کوں جاواں گا۔ تے اُمنوں
آکھاں گا۔ پئی اے باپ میں اسمان دا تے تیرا گناہ کیتا ہے۔
تے ہن میں ایس جوگا دی نہیں رہیا جو تیرا پتر اکھواواں (لوقا ۱۸: ۱۱)
جے اسیں آکھئے پئی اسیں بے گناہاں تاں اسیں اپنے آپ
نوں دھوکا دیندے ہاں۔ تے ساڈے وچ سچیاں نہیں ہے۔ پر
جے اسیں اپنے گناہاں دا اقرار کریئے۔ تاں اوہ اپنے وعدے دا
پکا تے نبائیں ہے۔ اوہ ساڈے گناہاں نوں بخشدا ہے۔ تے
سانوں ہر طرح دی بدی تھوں پاک کردا ہے۔ (۱- یوحنا ۱: ۸-۹)
بھائیو اسیں خدا تھوں باغی ہو گئے ہاں۔ تے اساں خدا
اپنے خدا دی آواز اُتے کن نہیں لایا ہے۔ تے نہ اہناں حکماں

اُتے چلے ہاں۔ جو اوس نے ساڈے سامنے رکھے۔ تاں وی خداوند
ساڈا خدا بڑا ہی رحیم تے بخش ہارے۔ (دانیل ۹: ۹-۱۰)

اے خداوند اپنے بندے دا حساب نیاں نال نہ کر۔ کیونجو
تیری نظرون کوئی انسان سچا نہیں ٹھیر سکدا۔ (زبور ۱۴۳: ۲)
عبادت :- خدا روح ہے۔ تے واجب ہے۔ پئی جیہڑے
اُبدی بندگی کر دے ہن۔ اوہ روح تے سچیاں نال اوس وی بندگی
کرن (یوحنا ۴: ۲۴)

خداوند نوں پاکیزگی دی خوبی نال سجدہ کرو۔ تے ساری دھرتی
اُبدے اگے کہے (زبور ۹۶: ۹)
آواز :- توبہ کرو کیونجو آسمان دی بادشاہی نیڑے آگئی ہے۔
(متی ۳: ۲)

رات بہت بیت گئی ہے تے دن نکلن والا ہے۔ سانوں
چاہیدا ہے پئی اسیں ہنیر سوئے کماں نوں چھڑکے چائن دے ہتھیار
بندھ لئے۔ (رومیوں ۱۳: ۱۲)

عید ولادت :- یعنی خداوند یسوع مسیح دے جنم دی عید :-
دیکھو یس تھانوں بڑی خوشی دی خبر دیندا ہاں جو ساری اُمت
دے واسطے ہے۔ آج داؤد دے شہر وچ تہاڈے لئی اک سچاؤن
والا پیدا ہويا ہے۔ اوہ مسیح خداوند ہے۔ (لوقا ۲: ۱۰-۱۱)
خدا دی محبت ساڈے اُتے ایس طرح ظاہر ہوئی ہے۔
پئی خدا نے اپنے اکٹے بیٹے نوں دینا وچ گھلایا ہے تاں جو اسیں
اُبدے دیسے زندہ رہیئے (۱-یوحنا ۴: ۹)

عید تجلی یعنی مسیح دے جلوے دادن :-

خداوند فرماتا ہے۔ پئی سورج دے چڑھدے تھوں لے کے
لہندے تیکر قوماں وچ میرے نام دی بزرگی ہووے گی۔ تے
ہر جگہ میرے نام اُتے خوشبوٹیاں دھکھان گے۔ تے پاک چڑھاوے
چڑھان گے۔ کیونجو قوماں وچ میرا نام بزرگ ہووے گا۔ (یہاکی: ۱۱)
خداوند نے اپنی نجات ظاہر کیتی ہے۔ اوس نے قوماں دے
سامنے اپنی نیکی کھلم کھلے طور تال دکھائی ہے۔ (زبور ۹۸: ۲)

رونرے دے دن :-

تسیں اپنے کپڑیاں توں نہ پاڑو۔ پر اپنے دلاں توں چاک
کرو تے خداوند اپنے خدامے ول پھرو۔ کیونجو اوہ کریم تے
رحیم ہے۔ اوہ غصہ کرن وچ مٹھاتے ات مہربان ہے۔ اوہ عذاب
دین تھوں یازر ہندا ہے (یوآیل ۲: ۱۳)

خدا دی قربانی ٹٹئی ہوئی روح ہے۔ اے خدا توں ٹٹے ہوئے
دل تے کوہی ہوئی جان نوں حقارت تال نہیں دیکھدا۔ (زبور ۵۱: ۱۷)
اے سب آن جان والے لوکو۔ کیہہ تھادے لئی ایہہ کوئی گل ہی
نہیں ہے۔ نظر کرو تے دیکھو۔ کیہہ کوئی غم میرے غم وانگوں ہے ؟
(نوحہ ۱: ۱۲)

مبارک جمعہ :-

خدا اپنی محبت دی خوبی ساڈے اُتے ایوون ظاہر کردا ہے۔ پئی
جدوں اسیں ا جے گنگا رہی ساں مسیح ساڈی خاطر مر گیا۔

(رومیوں ۵: ۸)

مسیح دے جی اٹھن دا عرفہ :-

خداوند دے وچ آرام کر۔ تے صبر دے نال اوس اُتے آس رکھ تے اوہ تیرے دل دیاں سب مُراداں نوں پورا کر لگا۔ (زبور ۴: ۴) مسیح دے جی اٹھن دی عید :-

ساڈے خداوند یسوع مسیح دا خُدا تے باپ مبارک ہووے۔ جس نے یسوع مسیح دے مُردیاں وچوں جی اٹھن دے سبب اپنی بڑی رحمت نال سانوں زندہ اُمید دے لئی نوں سرلیوں پیدا کیتا

ہے۔ (۱ پطرس ۱: ۳)

عید صغود یعنی مسیح دے اسمان اُتے جان دی عید :-

خدا دا بیٹا یسوع جو ساڈا سرور کاہن ہے۔ اوہ ایسا وھڈا ہے۔ پٹی اوہ اسماناں وچ چلا گیا ہے سو آؤ اسیں فضل دے تخت دے کول دلیری نال چلے۔ تاں جو ساڈے اُتے رحم ہووے۔ تے اسیں اوہ فضل پائیے جو حاجت دے ویلے ساڈی مدد کرے۔ (عبرانیوں ۴) عید نزول یعنی رُوح پاک دے اُترن دی عید :- (۱۹: ۱۴) خدا دی محبت رُوح پاک دے وسیلے جو سانوں بخشیا گیا ہے

ساڈے دلاں وچ پائی گئی ہے۔ (رومیوں ۵: ۵)

عید شلیت :-

خدا محبت ہے۔ جو محبت وچ قائم رہندا ہے۔ اوہ خدا وچ قائم رہندا ہے۔ تے خدا اُوبدے وچ قائم رہندا ہے۔ (۱ یوحنا ۴: ۱۶) سب مقدساں دا دن :-

جدوں گواہاں دے ایڈے وھڈے بدل نے سانوں گھیرا ہویا

ہے۔ تاں آؤ اسیں وی ہر اک بوجھ نوں تے اوس گناہ نوں چھڑا
سانوں آسانی نال پھسالیںدا ہے۔ اپنے کولوں دُور کر دیئے۔ تے
اوس دُور وِچ صبر نال دُور ٹیئے جو ساڈے سامنے ہے۔ تے اپنے
ایمان دے ہانی تے کامل کرن والے یسوع ول تکدے رہئے۔

(عبرانیوں ۱۲:۱-۲)

کسے مقدس وادن :-

نیک لوکاں وی یادگاری ہمیشہ تیکر رہوے گی۔ تے سچیاں
دی یاد بרכת والی ہے۔ (زبور ۱۱۲:۶ امثال ۱۰:۷)

نویں سال یا کسے سا لکھ وادن :-

جہڑے خداوند نوں اڈیکدے ہیں۔ اوہ نویں سمرلوں زور حاصل کرن گے۔
اوہ عقاباں دے وانگوں پراں نال اڈن گے۔ اوہ دُورن گے پرکدے نہ ٹھکن گے۔
اوہ چلن گے پرکدے ماندے نہ ہون گے۔ (یسعیاہ ۴۰:۳۱)

فصل دے ویلے :-

زمین خداوندی ہے۔ تے اوہری بھرپوری وی اوسے دی ہے (زبور ۲۴:۱)
مصیبت دے ویلے :-

خدا ساڈی امید وی بگٹنے نالے ساڈی قوت ہے۔ اوہ مصیبت دے وِچ

ساڈی مدد دے لسی ہمیشہ تیار ہے۔ (زبور ۴۴:۱)

قومی دن :-

سب قوماں خوش ہوون تے لہراں دے تال نعرے مارن کیونجوائے خدا
توں سچیاں نال لوکاں دا انصاف کریں گاتے دھرتی دیاں قوماں اُتے حکومت
کریں گا (زبور ۶۷:۴)

پیارے۔ بائبل شریف دے بہت تھاں سانوں اُجھار دے ہین پئی
 اسیں اپنے طرح طرح دے گناہاں تے بدیاں لوں من کے اُہناں دا اقرار کریئے
 تے اُہناں دی بابت خدا قادر دے حضور جو ساڈا اسمانی باپ ہے۔ جیلے بدلنے
 نہ کریئے تے نہ اُہناں لوں کھائیے۔ سگوں لیم عاجز تے تابعدار ہن کے تے اُہناں
 دا اقرار کر کے توبہ کریئے تاں جو اوس دے بے حد فضل تے رحم نال سانوں معافی
 ملے۔

ایہہ تاں ساڈا فرض ہے پئی اسیں ہر دم خدا دے سامنے عاجزی ناں
 اپنے گناہاں دا اقرار کریئے۔ پر خاص کر ایس ویلے ایہہ کرنا ضروری ہے۔ کیونجو
 ایس ایس لئی اکٹھے ہوئے ہاں۔ تاں جو اسیں اُہناں جھٹیاں نعمتاں دے لئی
 جو اساں اوہدے کولوں پائیاں ہین۔ شکر کریئے۔ تے لائق طور نال اُہدی حمد
 کریئے۔ تے اوہدا پاک کلام سُنئے تے جو چیزاں جان تے تن دے لئی درکار ہین
 اوس تھوں منگئے۔ ایس واسطے ہن تہاڈی ساریاں دی جو ایہھے حاضر ہو
 منت کرواں۔ پئی پاک دل تے علیٰ نال آسمانی فضل دے تخت دے
 حضور میرے نال آکے میرے مگر مگر کھو۔۔۔

[جماعت گوڈے فواکے خادم دین دے مگر گنگ ہاں دا اقرار کرے]

اے قادر تے رحیم باپ۔ اساں خطا کیتی ہے۔ تے آوارہ بھیڑاں دا انگول
 تیرے۔ اہوں گراہ پے گئے ہاں۔ اسیں اپنے دلاں دے منصوبیاں تے خواہشاں
 دے تجھے بہت ہی لگے رہے ہاں۔ اسیں تیرے پاک حکماں دے خلاف
 ہی چلے رہے ہاں جو سانوں کرنا چاہیدا سی اوہ اساں نہیں کیت۔ جو
 سانوں کرنا نہیں سی چاہیدا۔ اوہو اساں کیتا ہے۔ تے ساڈے وچ
 کچھ جنگیاں نہیں ہے۔ پر اے خداوند توں اساں لاچار گناہگاراں اُتے رحم

کر۔ اے خداوند جہڑے اپنے قصوراں نوں مندے ہیں۔ اُہناں نوں چھڈے
تے جو توبہ کردے ہیں اُہناں نوں بحال کر۔ اُہناں و عدیاں موجب جہڑے
توں ساڈے خداوند یسوع مسیح دے وسیلے سکھاں نال کیتے ہیں۔ تے اے
رحیم باپ اُہدی خاطر ایہ بخش پئی اگے نوں اسیں دینداری نیکی تے پرہیزگاری
نال اپنے دن پورے کریئے۔ تاں جو تیرے پاک نام دا جلال ظاہر ہووے۔
آمین ✽

معافی واکھڑے صرف پرست ہی کھدے کے منائے۔ جماعت گوڈے نوالی رکھے

تو پر مطلق خدا ساڈے خداوند یسوع مسیح دا باپ کسے گنہگار دی موت
نہیں چاہندا۔ سگوں ایہ چاہندا ہے جو اوہ اپنی بدی تھوں باز لے۔ تے زندہ
کرتو ہے۔ اوس نے اپنے خداواں نوں ایہ اختیار تے عطا ہے۔ پئی اوہ اوسدیاں
ہندیاں نوں جہڑے توبہ کردے ہیں اُہناں دے گناہاں دی معافی دی خبر
تے بخشش دا اشتہار دین۔ اوہ اُہناں سبھناں نوں جو سچی توبہ کردے ہیں۔
تے اوس دی پاک انجیل اُتے نزو پرا ایمان رکھدے ہیں معاف کرداتے بخشش را
ہے۔ سو آؤ اسیں اُہدی مہرت کریئے۔ پئی اوہ ساناں سچی توبہ دی توفیق تے
اپنا روح پاک بخشے۔ تاں جو جہڑیاں گلاں اسیں ہن کردے ہاں اُہتوں پستد
آؤن۔ تے اگے نوں ساڈی باقی عمر صفائی تے پاکیزگی نال بیتے۔ تاں جو اگے
نوں اسیں اُہدی ہمیشہ دی خوشی ورج داخل ہوئے۔ ساڈے خداوند یسوع
مسیح دے وسیلے۔

ایس جگہ تے ہر دعا دے گروں جماعت آکھے :-

آمین

پھر خادم دین گوڈے نوٹے تے اچھی آواز نال تباہی دے پڑھے جماعت دی
گوڈے نوٹے رکھے۔ عبادت دی ترتیب درج حدوں دی ایہہ دعا
آوے۔ جماعت خادم دین نال ایہہ دعا پڑھیا کرے :-

اے ساڈے باپ جو اسمان اُتے ہیں تیرا نام پاک منیا جاوے۔ تیرا
راج آوے۔ تیری مرضی جس طرح اسمان اُتے ہندی ہے۔ زمین اُتے وی پوری
ہووے۔ ساڈی روزدی روٹی آج سانوں دے۔ ساڈیاں گناہاں توں بخش
دے۔ جس طرح اسیں اپنے قصور والاں توں معاف کردے ہاں۔ سانوں
ازدیش وچ نہ پین دے سکوں بدی تھوں بچا۔ کیونجو راج تے قدرت تے
جلال ہمیشہ تیرا ہی ہے۔ آمین +

ایں دے چھوٹے خادم دین آکھے

خادم دین۔ اے خداوند توں ساڈے ہونٹھاں توں کھول دے۔
جماعت۔ تے ساڈے منہ تیری حمد بیان کرن گے۔
خادم دین۔ اے خدا توں ساڈوں چھڈاؤن لئی چھیتی کر۔
جماعت۔ اے خداوند جلد ساڈی مدد کر۔

ہُن سب کھلو باؤن تے خادم دین آکھے

جلال باپ بیٹے روح پاک دا ہووے۔
جماعت۔ جیہا شروع دج سی ہُن ہے۔ تے ہمیشہ تیکر رہوے گا۔ آمین
خادم دین۔ خداوند دی حمد کرو۔
جماعت۔ خداوند دے نام دی حمد ہووے۔

پھر ایہہ زبور گایا جائے۔

زبور ۹۵

- ۱ آؤرت دی وڈیاٹی گایئے جی تے جان دے نال
جھڑا ساڈا مکتی داتا۔ اوس نوں پوچئے آساں نال
اوہو چٹان ہے جس تھوں ساڈی مکتی ہے
- ۲ کراں گا وڈیاٹی اوہدی جا کے اوسے دے حضور
نالے خوشی اسیں کریئے گاؤندے ہوئے پاک زبور
شکر اوہدا ہے جس تھوں ساڈی مکتی ہے
- ۳ کیوں جوادہ ساڈا رت ہے جھڑا وھٹا ہے بادشاہ
سارے دیوتیاں تھوں اگیترا وھ اکلا ہے خدا
اوہو مانک ہے جس تھوں ساڈی مکتی ہے
- ۴ سب ڈونگھائیاں زمین دیاں ہن اوسے دے اختیار
رت دے قبضے وچ ہن سارے نیکے وھٹے گل پہاڑ
سب کچھ اوہدا ہے جس تھوں ساڈی مکتی ہے
- ۵ اوہدی پوچا اسیں کریئے اپنے دل ہی نال
اوہدے آگے متھامیکئے جھڑا ساڈا ہے خدا
خالق اوہو ہے جس تھوں ساڈی مکتی ہے
- ۶ کیونجوادہ ساڈا رت ہے اسیں اوہدے بندے ہاں
اسیں اوہدی جودہ دے لوک ہاں اوہدے تھدیاں بھیدیاں
اوس دی سنئے جس تھوں ساڈی مکتی ہے

اس دے پچھوں مقررہ ترتیب دے بموجب زبور پڑھے یا گائے باون تے ہر زبور دے گروں تے
اگر زیادہ گیت تے مبارک کنواری یرم دے گیت تے شمعون دے گیت تے گروں ابیکلمہ پڑھیا جادو۔

جلال باپ بیٹے رُوح پاک دا ہودے -
جواب - جیسا شروع وچ سیئیں ہے تے ہمیشہ تیکر ہودے گا۔ آمین۔

ایس دے گردوں پہلا ورد پڑانے عمارت دے چوں جیتری دے موافق صاف تے
آچھی آواز نال پڑھیا جاوے۔ تے پڑھن والا ایسی وضع تے رُخ نال کھنودے
جو ساری جماعت اوس وی آواز توں بخوبی سُن سکے۔
ہر اک ورد مقول پہلاں خادم دین آکھے۔ فلاقی کتاب دے فلاقی باب دی
فلاقی آیت ایس طرح شروع ہندی ہے۔ تے ہر ورد دے پچھوں اودھا آکھے
ایتھے پہلا باؤ وچا ورد ختم ہو یا۔

المحمد

- ۱ کرے ہاں تیری ثنا و حمد رب العالمین
- جانے ہاں توں ہیں واحد و دوسرا کوئی نہیں
- ۲ ہے عبادت کُل جہاں کرا تیری مالک خدا
- توں ہیں ابدی باپ ساڈا توں ہیں خالق کیریا
- ۳ کُل فرشتے نام لیندے ہیں تیرا اے خدا
- ہو جو اسماناں دے وچ رہن والے ہیں سدا
- ۴ ہر گھڑی ہر دم سدا لیندے نے تیرا نام رب
- کُل کرویم و سرا فیم و ملائک سب سب
- ۵ آکھدے قدوس تے قدوس تے قدوس سب
- توں خدا وندا خدا ہیں لشکراں دا توں ہیں رب
- ۶ کُل زمین تے آسمان بھر پور ہیں مالک خدا

واہ تیری شان کیڈی خالق ارض و سما

۷۔ ہے رسولان دی جماعت جو بزرگی و بچ بڑی

تیرے نام پاک دی وڈیائی کردی ہر گھڑی

۸۔ گل پیہر جو شرافت و بچ ہیں سب یا صفا

تیرے نام پاک دی تعریف کردے ہیں خدا

۹۔ فوج نورانی شہیداں دی ہے گاؤندی جا بجا

تیری تعریف دستا کش رحمتاں دانوں خدا

۱۰۔ گل جہان دی پاک کلیسیا اے خداوند کریم

کردی ہے اقرار تیرا ہر گھڑی ہر دم رحیم

۱۱۔ باپ توں ہیں و بدیہ تیرا بڑا تے شان دی

نال اکلوتا حقیقی یا بن ہے رحمان دی

۱۲۔ نال ہے روح القدس دی جو سلی ویندا ہے

ہے خدا دی خاص بخشش تے ہدایت کردا ہے

۱۳۔ اے خداوند مسیح توں ہیں جلالی بادشاہ

باپ دا انلی توں بیٹا نال اُس دے ہیں سدا

۱۴۔ جہ توں مکتی آدمی دی اپنے ذمے لئی

کنیا دے گرد بھتوں نفرت نہ کچھ تینوں رہی

۱۵۔ موت دا جاں ڈنگ توں میرے مسیحا توڑیا

مومنناں خاطر آسمانی راج توں توں کھویا

۱۶۔ باپ دی توں شان و بچ سجے خدا دے پیٹھیا

ہے یقین سا توں نیاں سا دے نوں توں آئیں گے

- ۱۷۔ ہے دُعا سا دُسی مدد کر بندیاں دی ہر گھڑی
خون اپنا منگ مولا دے خلاصی دتی سی
- ۱۸۔ کر جلائی توں اساں نوں پاک لوکاں دوج رلا
اپنے ورثہ نوں مبارک کرتے اُمت نوں بچا
- ۱۹۔ ہو کے آگ توں اُہناں دا دے بزرگی مالکا
روز دہارے تیری کردے ہاں بڑائی اسے خدا
- ۲۰۔ تیرے نام پاک نوں وڈیا نوں گے یار پت سدا
آج خداوند توں ہر کر گناہاں بھتوں بچا
- ۲۱۔ رحم کر ساڈے تے ریا رحم کراے رت رحیم
ہے بھروسا تیرے اُتے۔ کرتوں رحمت اے کریم
- ۲۲۔ ہے خداوند تیرے تے آسرا میرا سدا
توں کردی بھر مندہ مینوں ہوں نہ دیوں خدا

ایس دے بچوں دُوجا درد انجیل شریف وچوں پہنے بندہ وانگوں
پڑھیا جائے۔ تے دُوجے درد دے مگروں زکریاہ واگیت گایا جاوے

زکریاہ واگیت

(مقدس نوقادی انجیل ۶۸:۱ - ۷۹)

- | | | | |
|---|---------------------------------|---|-------------------------------|
| ۱ | خدا پاک دی حمد ہو دے سدا | ۱ | خداوند ہے جو کہ یعقوب و |
| ۲ | ہے کر کے دھیان اپنی اُمت تے اون | ۲ | خلاصی دی دس دتی سچی ہے راہ |
| ۳ | گھرانے چوں داود دے اوس نے | ۳ | خلاصی دا اک سنگ کیتا کھڑا |
| ۴ | نبی جڑے مڈھوں بھتوں ہن مک ہوئے | ۴ | زبانی اُہناں دی اوس ایہ آکھیا |

۵ ہئی دیریاں رُشمنان تھوں اُہتے
 ۶ ہے کیتی پیو دادیاں تے دیا
 ۷ تے سوگند کر کے ایہہ کیا سی اون
 ۸ کریں نال پاکیزگی دے اسیں
 ۹ میرے بچے تیرا ایہہ کم ہو ٹیگا
 ۱۰ خدا تعالیٰ دا توں کہا دیں نبی
 ۱۱ جو اُترت توں مکتی دا بخشیں علم
 ۱۲ ہے ساڈے خدا دی ایہہ جیت پڑی
 ۱۳ جو وے روشنی ہوئیاں ہوئیاں توں او
 ۱۴ ستائش پتا پوت تے رُوح دی
 ۵ نجات آپ بخشی تے یکتا رہا
 ۶ تے ہے یاد اپنا عہد فرما لیا
 ۷ کرے دوتیاں تھوں وہ سائوں ہا
 ۸ نڈر ہو کے اُہدی عبادت سدا
 ۹ کریں اُہدے اگے توں راہ نوں عفا
 ۱۰ تھیں اوسرے اگے اگے سدا
 ۱۱ گناہ دی سحافی تھوں جو مل گیا
 ۱۲ اکاشوں جو سورج ہے ایہہ چمکیا
 ۱۳ تے سائوں لئے خیر دی راہ چدا
 ۱۴ شروع تھوں ہے اوڑک تلک رہیگی

یا زبور ۱۰۰ گایا جاوے

زبور ۱۰۰

۱۔ اے سب زمین دے لو کو تعریف کرو رب دی
 خوشی نال تسیں کرو خدا دی بندگی
 ۲۔ خدا دند دی بڑگی سب کرو خوشی نال
 حضور وچ اوہدے حاضر ہو گیت گاؤندے ہوئے دی
 ۳۔ خداوند جانو تسیں جو اوہو ہے خدا
 بنایا اوس نے سائوں۔ ہاں اوہدے اسیں دی
 ۴۔ اسیں ہاں اوہدی جودہ ریاں بھیڈاں تے اوہدے لوک
 اوہدے حضور وچ آن کے شکر کرو تسیں

۵ ہاں تئیں سارے آکھو مبارک اوہدا نام
خدا دے گھر وچ آؤ تے کرو بندگی
۶ کیوں جو خدا بھلا ہے مہراوہدی ہے سدا
تے اوہدی وقاداری سدا تیک رہندی وی

پھر خادم دین تے جماعت کھل کے رسولاں دے عقیدے نوں پڑھن

میرا ایمان ہے خدا قادر باپ آتے۔ جنے آسمان لے زمین نوں
پیدا کیتا۔

نالے ادھرے رکھے بیٹے اپنے خداوند یسوع مسیح آتے۔ جہڑا روح
پاک دی قدرت نال گھر وچ پیا۔ کواری مریم حقوں جہیا۔ اُسے
پنطوس سپاٹوس دی حکومت وچ دکھ سہیا۔ وہ سلیب وٹا گیا۔ مر گیا۔
دُفنا یا گیا۔ روحاں دے جہاں چلیا گیا۔ تجے دھاڑے مریاں وچوں جی
اکھیا۔ آسمان آتے پڑھ گیا۔ تے خدا باپ قادر دے سجے ہتھ بیٹھا
ہے۔ حقوں اوہ جیوندیاں تے مریاں دی عدالت کین لئی پھیرا دے گا۔
میرا ایمان ہے روح پاک آتے۔ پاک کلیہ کلبسیا آتے۔ پاک لوکاں
دی ست سنگت آتے۔ نالے گناہاں دی معافی۔ ہر دے جی اُٹھن
تے ہمیشہ دی زندگی آتے میرا ایمان ہے۔ آمین +

ایں دے پچھوں سب جماعت ادب نال گوڈے نوائے۔
تے خادم دین اُچی آواز نال آکھے:-

خداوند تھاڈے نال ہووے

جماعت۔ تیری روح دے نال وی ہووے۔

خادم دین۔ ایس دُعا منگیئے +

خداوند ساڈے اُتے رحم کر

جماعت - مسیح ساڈے اُتے رحم کر
خادم دین - خداوند ساڈے اُتے رحم کر

پھر خادم دین تے سب جماعت اپنی آواز ناں ربانی دُعا پڑھے

اے ساڈے باپ جو اسمان اُتے ہیں - تیرا نام پاک دنیا
جاوے - تیرا راج آوے - تیری مرضی جس طرح اسمان اُتے ہندی ہے
زمین اُتے دی پوری ہووے - ساڈی روزی روٹی آج سانوں
دے - ساڈے گناہاں نوں بخش دے - جس طرح اسیں اپنے قصور
واریاں نوں معاف کر دے ہاں - سانوں آزمائش وچ نہ پھینک دے -
سگنوں جی تھکوں بچا - کیوں جو راج تے قدرت تے جلال ہمیشہ
تیرا ہی ہے - آمین ✽

پھر خادم دین کھوکے آکھے

خادم دین - اے خداوند سانوں اپنی رحمت دکھال -
جماعت - تے اپنی نجات سانوں بخش -
خادم دین - اے خداوند یاد شاہ دی راکھی کر -
جماعت - تے حدود اسیں تینوں تھاپئے رحمت تال ساڈی سن -
خادم دین - اپنے خدا ماں نوں نیکی دی پوشاک دے -
جماعت - تے اپنے چنے ہوئے لوکاں نوں خوشی بخش -
خادم دین - اے خداوند اپنی اُمت دی راکھی کر -
جماعت - تے اپنے ورثہ نوں برکت دے -
خادم دین - اے خداوند ساڈے زمانے وچ صلح بخش -

جماعت۔ کیوں جو اے خدا تیرے بناں ساڈے د لوں کوئی لڑن والا نہیں ہے۔

خادم دین۔ اے خدا ساڈے اندر پاک ول پیدا کر۔
جماعت۔ تے اپنے روح پاک لوں ساٹھوں جدا نہ ہون دے۔

ایس دے مگروں تہن دُعاواں منگیاں جادون پہلی دُعاوہ جھڑی اوس دن دے
لئی "سال بھر دے نئی دُعاواں" دے دوج مقرر کیتی گئی ہے۔ دوجی
دُعا امن امان دے لئی ہے۔ تہی دُعا نیک چال چلن۔ فضل حاصل کرن
دے واسطے ہے۔ پچھپاں دودعاواں نہ بدلیاں جادون تے فجر دی نماز
دوج ہر روز منگیاں جادون۔
جماعت گوڑے نواٹی رکھے۔

فجر دی دوجی دُعا۔ امن تے سلج دے لئی

اے خدا۔ توں۔ امن دابانی تے اتفاق لوں پیار کرن والا ہیں۔
تیرا گیان ہمیشہ دی زندگی ہے تیری غلامی پوری آزادی ہے۔ جددوں
ساڈے ویری حملہ کرن لوں اپنے عاجز بندیاں دی راکھی کرتاں جو
اسیں تیری حمایت اُتے پورا بھروسہ کر کے کسے دشمن دے زور تھوں
نہ ڈریئے۔ ساڈے خداوند یسوع مسیح دی قدرت دے وسیلے۔ آمین۔

فجر دی تہی دُعا۔ فضل دے لئی

اے خداوند ساڈے آسمانی باپ قادر تے قیم خدا۔ توں آج
صبح تیکر سانوں صبح سلامت رکھیا ہے۔ اپنی بڑی قدرت دے
نال سارا دن ساڈی حفاظت کرتے ایہہ بخش جو اسیں آج دے دن کسے

گناہ وچ نہ پھسے۔ تے نہ کسے خطرے وچ پیئے۔ سگوں تیری ہدایت
نال ساڈے ہر اک کم دا اچھا انتظام ہووے پئی جو تیری نظر وچ بھلا
ہے اوہو ہمیشہ کردے رہیئے۔ ساڈے خداوند یسوع مسیح وسیلے۔ آمین +

ایتھے گیت گاؤن دا موقع ہے۔ جتھے گاؤن دا دستور ہووے
کیت گلے جاؤن۔ اوس دے پچھوں ایہہ پنج دعاواں منگیاں جاؤن۔ جے
مناجات تمام پڑھی جاوے۔ تاں صرف آخری دو دعاواں منگیاں جاؤن۔

بادشاہ دے لئی دُعا

اے خداوند ساڈے اسمانی باپ بزرگ تے قادر خدا تو بادشاہاں
دا بادشاہ۔ خداوندان دا خداوند تے سلطاناں دا اکلا حاکم ہیں۔ توں اپنے
تحت تھوں زمین دے سارے لوکاں اُتے نظر کروا ہیں۔ اسیں تیری
منت کردے ہاں توں ساڈے مہربان بادشاہ جارج اُتے رحمت دی نگاہ
کر۔ تے اپنے روح پاک دے فضل نال اوس نوں اچھا بھر پور کر دے۔
پئی اوہ تیری مرضی دل ہمیشہ مائل رہوے۔ تے تیری راہ اُتے چلے۔
اوس نوں اسمانی نعمتاں عطا کر۔ تندرستی تے اقبال مندی نال اوہدی
عمر ودھا۔ اوہنوں طاقت دے۔ پئی اوہ اپنے دشمنناں اُتے فتح پاوے۔
تے آخر ایس زندگی دے مگروں ہمیشہ دی خوشی وچ رہیئے۔ ساڈے
خداوند یسوع مسیح دے وسیلے۔ آمین +

بادشاہی خاندان دے لئی دُعا

اے قادر خدا سب نیکی دا چشمہ توں ہی ہیں۔ اسیں عاجزی
نال تیری منت کردے ہاں۔ پئی ساڈی مہربان ملکہ تے سارے

شاہی خاندان نوں برکت دے۔ اوہناں نوں اپنا رُوح پاک دے۔
 تے اپنے آسمانی فضل نال مالا مال کر۔ ہر طرح دی خوشی نال اُہناں
 نوں نہال کر۔ تے اپنی ہمیشہ دی بادشاہی وچ پہنچا۔ ساڈے خداوند
 یسوع مسیح دے وسیلے۔ آمین *

دین دے خادماں تے جماعت دے لئی دُعا

اے قادر تے ابدی خدا توں ہی وھڈے تے عجائب کم کراہیں۔
 ساڈے لیشیاں تے دین دے خادماں تے ساریاں جماعتاں نوں جہڑیاں
 اوہناں دے سپرد پین۔ اپنے فضل دی عافیت بخشش والی رُوح عطا
 کر تے اپنی برکت دی تریل اُہناں اُتے پایا کر۔ تاں جو اوہ تینوں نوں
 خوش کرن۔ ساڈے شفیع تے وچولے یسوع مسیح دی بزرگی دے واسطے۔
 آمین *

مقدس کرسٹم دی دُعا

اے قادر خدا تیرے فضل نال اساں رُل کے تیرے اگے
 اپنیاں سانجھیاں ضرورتاں پیش کیتیاں پین۔ تے توں وعدہ
 کیتا ہے۔ پئی جدوں دو یا تن تیرے نام اُتے اکٹھے ہون گے توں
 اُہناں دیاں عرضاں نوں قبول کریں گا۔ ہُن اے خداوند۔ اساں ہمدیاں
 دیاں مُراداں تے آرزوداں نوں ایس طرح پُوریاں کر جھدے وچ ساڈی
 بہتری ہووے۔ سا توں ایس جہان وچ اپنی سچیاں داگیان تے ادس
 جہان وچ ہمیشہ دی زندگی بخش دے۔ آمین۔

۲ کرنتھی ۱۳:۱۴

ساڈے خداوند یسوع مسیح دا فضل تے خدا دی محبت تے رُوح

پاک دی رفاقت اسان سبھناں نال ہمیشہ رہوے۔ آمین۔

سال بھر دے لئی

شام دی نماز دی ترتیب

شام دی نماز دے شروع وچ خادم دین کلیسیا دے تہواراں تے موقعہ موجب بائبل شریف دیاں اہناں آیتاں وچوں اک یا زیادہ آتی آواز نال پڑھے۔
بھراوس نصیحت نوں جھڑی آیتاں دے پیچھے لکھی ہوئی ہے۔ سنائے۔

توبہ۔ میں اکٹھ کے اپنے باپ کول جاواں گا۔ تے اُہنوں اکھاں گا
پئی اے باپ میں اسمان داتے تیرا گناہ کیتا ہے۔ تے ہن میں ایس جوگا وی
نہیں رہیا جو تیرا پتر آکھواواں (لوقا ۱۵ : ۱۸)

جے اسیں آکھئے پئی اسیں بے گناہ ہاں۔ تاں اسیں اپنے آپ نوں
دھوکا دیندے ہاں۔ تے ساڈے وچ سچیاں نہیں ہے۔ پر جے اسیں اپنے
گناہاں دا اقرار کریئے۔ تاں اوہ اپنے وعدے دا پکڑتے نیاں ہیں ہے۔ اوہ ساڈے
گناہاں نوں بخشدا ہے۔ تے ساڈوں ہر طرح دی بدی تھنوں پاک کردا ہے۔

(۱۔ یوحنا ۱ : ۸-۹)

بھائیوں اسیں خُدا تھنوں یاغی ہو گئے ہاں تے اسان خُداوند اپنے خُدا
دی آواز اُتے کن نہیں لایا ہے۔ تے نہ اُہناں حکماں اُتے چلے ہاں جو
اوس نے ساڈے سامنے رکھے۔ تاں وی خُداوند ساڈا خدا بڑا ہی رحیم تے

بخشن ہار ہے (دانیل ۹: ۴-۱۰)

اے خداوند اپنے بندے و احساب نیاں نال نہ کر کیوں جو تیری نظر

وچ کوئی انسان سچا نہیں ٹھہر سکدا۔ (زبور ۳۳: ۲۰)

عبادت۔ خدا روح ہے۔ تے و جب ہے پئی جہڑے اُہدی بندگی

کروے ہن اوہ روح تے سچائی نال اوس دی بندگی کرن۔ (یوحنا ۴: ۲۴)

خداوند نوں پاکیزگی دی خوبی نال سجدہ کرو۔ تے ساری دھرتی اُہدے

اگے کہے۔ (زبور ۹۶: ۹)

آمد۔ توبہ کرو کیوں جو اسمان وی بادشاہی نیڑے آگئی ہے۔

(متی ۲۱: ۳)

رات بہت بیت گئی ہے۔ تے دن نکلیں والا ہے سالوں چاہیدا

بے پئی ایس ہیرے دے کماں نوں چھنڈ کے چائن دے ہتھیار بھد

لیئے۔ (رومیوں ۱۳: ۱۲)

عید ولادت یعنی خداوند یسوع مسیح دے جنم دی عید۔

دیکھو میں تہا نوں بڑی خوشی دی خبر دیندا ہاں جو ساری اُمت

دے واسطے ہے۔ ارج داؤد دے شہر وچ تہاڈے لئی اک بچاؤن والا

پیدا ہویا ہے۔ اوہ مسیح خداوند ہے (لوقا ۲: ۱۰-۱۱)

خدا دی محبت ساڈے اُتے ایس طرح ظاہر ہوئی ہے۔ پئی خدا نے

اپنے اکے بیٹے نوں دنیا وچ گھلیا ہے۔ تاں جو ایس اُہدے وسیلے

زندہ رہیئے (۱۔ یوحنا ۴: ۹)

عید بچلی یعنی مسیح دے جلوے وادیاں۔

خداوند فرماتا ہے۔ پئی سورج دے چڑھدے تھوں لے کے لندے

تیکر توں وچ میرے نام دی بزرگی ہووے گی۔ تے ہر جگہ میرے نام
اُتے خوشبوئیاں دھکھان گے۔ تے پاک چڑھاوے چڑھان گے۔
کیوں جو توں وچ میرا نام بُنگ ہووے گا۔ (ملاکی ۱: ۱۱)

خداوند نے اپنی نجات ظاہر کیتی ہے۔ اوس نے توں دے
سامنے اپنی نیکی کھلم کھلے طور نال دکھلائی ہے۔ (زبور ۹۸: ۲)

روزے دے دن :- تیں اپنے کپڑیاں نوں نہ پاؤ۔ پر
اپنے دلاں نوں پاک کرو۔ تے خداوند اپنے خدا دے دل پھرو۔ کیوں
جو اوہ کریم تے رحیم ہے۔ اوہ غصہ کرن وچ مٹھاتے ات مہربان ہے۔
اوہ عذاب دین تھوں باز نہ ہندا ہے (یوئیل ۲: ۱۳)

خدا دی قربانی تھی ہوئی روح ہے۔ اے خدا توں طے ہوئے دل
تے کوئی ہوئی جان نوں حقارت نال نہیں دیکھدا (زبور ۱۷: ۱۷)
اے سب آن جان وائے لوکو۔ کیہہ تہاڈے لئی ایہہ کوئی گل ہی
نہیں ہے۔ نظر کرو تے دیکھو کیہہ کوئی غم میرے غم وانگوں ہے ؟
(لوحہ ۱: ۱۲)

مبارک جمعہ۔ خدا اپنی محبت دی خوبی ساڈے آتے آئیوں
ظاہر کردا ہے۔ پئی جدوں آئیں اے گنہگار ہی ساں مسیح ساڈی
خاطر مر گیا۔ (رومیوں ۵: ۸)

مسیح دے جی اُٹھن دا عرفہ۔ خداوند دے وچ آرام کر
تے صبر دے نال اوس آتے آس رکھ تے اوہ تیرے دل دیاں مُراداں
نوں پورا کریگا۔ (زبور ۳۷: ۳۷)

مسیح دے جی اُٹھن دی عید۔ ساڈے خداوند یسوع

مسیح دا خدا تے باپ مبارک ہر دے جس نے یسوع مسیح دے مریاں
 وچوں جی اٹھن دے سبب اپنی بڑی رحمت تال سانوں زندہ اُمید دے
 لئی نویں سریوں پیا کیتا ہے۔ (۱ پطرس ۱: ۳)

عید صعود۔ یعنی مسیح دے اسمان اُتے جان دی عید:-

خدا دا بیٹا یسوع جو ساڈا سردار کاہن ہے۔ اوہ ایسا دھڑا ہے
 پئی اوہ اسمان وچ چلا گیا ہے۔ سو آؤ اسیں فضل دے تخت دے
 کول دیری تال چلے۔ تاں جو ساڈے آتے رحم ہووے تے اسیں اوہ
 فضل پائیے جو حاجت دے ویلے ساڈی مدد کرے (عبرانیوں ۴: ۱۴ و ۱۵)
عید نزول یعنی روح پاک دے اترن دی عید:-

خدا دی محبت روح پاک دے وسیلے جو سانوں بخشیا گیا ہے ساڈے
 دلاں وچ پائی گئی ہے۔ (رومیوں ۵: ۵)

عید تثلیث:- خدا محبت ہے۔ جو محبت وچ قائم رہندا ہے
 اوہ خدا وچ قائم رہندا ہے۔ تے خدا اوہ دے وچ قائم رہندا ہے۔
 (۱ یوحنا ۴: ۱۶)

سب مقدساں وادن:- جیہوں گواہاں دے آئڈے دھڑے
 بدل نے سانوں گھیریا ہویا ہے۔ تاں آؤ اسیں وی ہر اک بوجھوں
 تے اوس گناہوں جھڑا سانوں آسانی تال پھسالیںدا ہے اپنے
 کولوں دُور کر دیئے۔ تے اوس دَوڑ وچ صبر تال دَوڑیے جو ساڈے سامنے
 ہے۔ تے اپنے ایمان دے بانی تے کامل کرن وایے یسوع دل تھک دے
 رہیئے۔ (عبرانیوں ۱۲: ۲-۳)

کسے مقدس وادن:- نیک لوکاں دی یادگاری ہمیشہ تیکر

رہوے گی۔ تے سچیاں دی یاد برکت والی ہے۔ (زبور ۱۱۲: ۶۔ مثال ۱۰: ۷)
 نویں سال یا کسے سا لگرہ دا دن:۔ جہڑے خداوند توں
 اڈیکدے ہین۔ اوہ نویں سرلوں زور حاصل کرن گے۔ اوہ عقاباں
 دے وانگوں پراں نال اڈن گے۔ اوہ دَوڑن گے پرکدے نہ ٹھکن گے۔
 اوہ چلن گے پرکدے ماندے نہ ہوون گے۔ (ایسایا ۴۰: ۳)
فصل دس ویلے:۔ زمین خداوندی ہے۔ تے اُہدی بھر پوری

دی او سے دی ہے۔ (زبور ۲۴: ۱)
 مصیبت دے ویلے۔ خدا ساڈی اُمید دی جگہ تے تالے ساڈی قوت
 ہے۔ اوہ مصیبت دے وچ ساڈی مدد دے لئی ہمیشہ تیار ہے۔
 (زبور ۴۶: ۱)

قومی دن:۔ سب قوماں خوش ہوون تے لہراں دے نال نعرے
 مارن۔ کیوں جو اے خدا توں سچیاں نال لوکاں دا انصاف کریں گا۔
 تے دھرتی دیاں قوماں اُتے حکومت کریں گا۔ (زبور ۶۷: ۴)

سار لو:۔ بائبل شریف دے بہت تھاں سانوں اُبھار دے ہین۔
 پئی اسٹیٹ اپنے طرح طرح دے گناہاں تے بدیاں توں من کے اُہناں
 دا اقرار کریئے۔ تے اُہناں دی بابت خدا قادر دے حضور جو ساڈا اہماتی
 یاپ ہے جیلے بہانے نہ کریئے۔ تے نہ اُہناں توں ککائیے۔ سگوں حلیم
 عاجز تے تالعدار بن کے تے اُہناں دا اقرار کر کے توبہ کریئے۔ تاں جو اوس
 دے بے حد فضل تے رحم نال سانوں معافی ملے۔

ایہہ تاں ساڈا فرض ہے پئی اسیں ہر دم خدا دے سامنے عاجزی
 نال اپنے گناہاں دا اقرار کریئے۔ پرخاص کر ایس ویلے ایہہ کرنا ضروری ہے۔

کیوں جو اسیں ایس لئی اکٹھے ہوئے ہاں تاں جو اسیں اہٹاں وھٹیاں
 نعمتاں دے لئی جو اساں اوہدے کو لوں پائیاں ہین شکر کریئے تے
 لائق طور ناں اُہدی حمد کریئے تے اوہدا پاک کلام سنئے تے جو چیزاں
 جان تے تن دے لئی درکار ہین اوس تھوں منگئے۔ ایس واسطے یس
 تہاڈی ساریاں دی جو ایتھے حاضر ہو منت کروا ہاں پئی پاک دل تے
 حلیمی نال اسمانی فضل دے تحت دے حضور میرے نال آکے میرے
 مگر گمراہ کھو۔

جماعت گوڈے نواکے خادم دین دے مگر گمراہاں دا اقرار کرے نہ

اے قادر تے رحیم باپ۔ اساں خطا کیتی ہے۔ تے آوارہ بھیڑاں
 دا بگوں تیرے راہوں گمراہے گئے ہاں۔ ایس اپنے دلاں دے
 منصوبیاں تے خواہشاں دے سمجھے بہت ہی لگے رہے ہاں۔ ایس تیرے
 پاک حکماں دے خلاف ہی چلے رہے ہاں۔ جو سانوں کرنا چاہیدا سی
 اوہ اساں نہیں کیتا۔ جو سانوں کرنا نہیں سی چاہیدا اوہ اساں کیتا
 ہے۔ تے ساڈے وچ کچھ چنگیاٹی نہیں۔ پراسے خداوند توں اساں لاچار
 گنہگاراں اتے رحم کر۔ اے خداوند جھڑے اپنے قصوراں توں مندے
 ہین اہٹاں توں چھڑ دے۔ تے جو توبہ کروے ہین اہٹاں توں بحال
 کر اہٹاں و عدیاں موجب جھڑے توں ساڈے خداوند یسوع مسیح دے
 وسیلے منکھاں نال کیتے ہین۔ تے اے رحیم باپ اُہدی خاطر ایہہ بخش پئی
 اگے توں ایس وینداری نیکی تے پرہیزگاری نال اپنے دن پورے کریئے
 تاں جو تیرے پاک نام دا جلال ظاہر ہو دے۔ آمین۔

معافی داکلمہ جو صرف پریسٹ ہی کھلو کے
سنائے۔ جماعت گوڑے نوائی رکھے۔

قادِر مطلق خدا ساڈے خداوند یسوع مسیح دا باپ کسے گنہگار دی
موت نہیں چاہندا۔ سگوں ایہہ چاہندا ہے جو اوہ اپنی بدی تھوں باز
آئے۔ تے زندہ رہوے۔ اوس نے اپنے خادماں نوں ایہہ اختیار تے
حکم دتا ہے۔ پئی اوہ اوس دے بندیاں نوں جہڑے توبہ کردے ہن انہاں
دے گناہاں دی معافی دی خبر تے بخشش دا اشتہار دین۔ اوہ انہاں
سمجھناں نوں جو سچی توبہ کردے ہن تے اوس دی پاک انجیل اُتے مزبور
ایمان رکھدے ہن معاف کردا تے بخشتا ہے۔ سو آؤ اسیں اُہدی منت
کریے پئی اوہ ساڈوں سچی توبہ دی توفیق تے اپنا روح پاک بخشے۔ تاں جو
جہڑیاں کلاں اسیں ہن کرے ہاں اُہنوں پسند آؤن۔ تے اگے نوں
ساڈی باقی عمر صفائی تے پاکیزگی نال پیتے۔ تاں جو اوڑک نوں اسیں
اوہدی ہمیشہ دی خوشی وچ داخل ہوئے۔ ساڈے خداوند یسوع مسیح
دے وسیلے۔

ایس جگہ تے ہر دُعا دے مگروں جماعت آکھے۔

۴ امین

پھر خادم دین گوڑے نوڈے تے اُچی آواز نال ربائی دُعا پڑے۔ تے جماعت
دی گوڑے نوائی رکھے۔ عبادت دی ترتیب وچ جدوں دی ایہہ دُعا آوے
جماعت خادم دین دے نال نال ایہہ دُعا پڑھیا کرے :-

اے ساڈے باپ جو اسمان اُتے ہن۔ تیرا نام پاک منیا جاوے۔
تیرا راج آوے۔ تیری مرضی جس طرح اسمان اُتے ہندی ہے زمین

اُتے دی پوری ہووے۔ ساڈی روزدی روٹی اُج ساٹوں دے ساڈیاں
گناہاں نوں بخش دے جس طرح اسپیں اپنے قصور واراں نوں معاف کرے
ہاں۔ ساٹوں آزمائش وچ نہ پین دے سگوں بدی بھتوں بچا۔ کیوں جو
راج تے قدرت تے جلال ہمیشہ تیرا ہی ہے۔ آمین۔

ایس دے پچھوں خادم دین آکھے:-

خادم دین۔ اے خداوند توں ساڈے ہونٹھاں لوں کھول دے۔
جماعت۔ تے ساڈے منہ تیری حمد بیان کرن گے۔
خادم دین۔ اے خداوند توں ساٹوں چھڑا دن لئی چھیتی کر۔
جماعت۔ اے خداوند جلد ساڈی مدد کر۔

ہن سب کھلو جادون تے خادم ہن آکھے:-

بدال باب۔ بیٹے روح پاک دا ہووے۔
جماعت۔ جیہا شروع وچ سی۔ ہن ہے۔ تے ہمیشہ تیکر رہوے گا۔ آمین
خادم دین۔ خداوند دی حمد کرو۔
جماعت۔ خداوند تے نام دی حمد ہووے۔

ایس دے پچھوں سترہ ترتیب دے بموجب زبور پڑھے یا گائے جادون تے
ایس دے پچھوں پہلا ورد پڑانے بعد نامے وچوں جنتری دے موافق صاف تے
اُچی آواز نال پڑھیا جاوے۔ تے پڑھن والا ایسی وضع تے رُخ نال کھلووے
جو ساری جماعت اس دی آواز نوں بھجی سُن سکے۔ تے وردھتوں پہلاں
خادم دین آکھے۔ خدا فی کتاب دے فلانے باب دی خدا فی آیت ایس طرح
شروع ہندی ہے۔ تے ورد دے پچھوں ادہ آکھے ایٹھے پہلا ورد ختم ہويا۔
تے ورد دے مگروں مبارک کواری مریم دائیت گایا جائے۔

مقدس مریم و اگیت

(مقدس لوقا دی انجیل ۱: ۴۶ - ۵۵)

- ۱۔ گردی ہے وڈیا ئی تیری۔ میری جان خداوند
میری روح پو خوش ہو کر کے گادے گیت بُنی دا
- ۲۔ میرے بھیڑے حال دے آئے۔ اپنے کیتی ہے نگاہ
ہن ننوں لے کے سارے لوکی بنیں آکھن دھن سدا
- ۳۔ قدرت ولے میرے کارن۔ وڈھے اپنے کیتے کام
اُستت ہووے اُبدی داٹم۔ پوتر ہسی اُبداتا م
- ۴۔ اوس وار جم ہے اُستناں اُتے جھڑے ڈردے بندے ہن
پڑھیاں تھیں لے پڑھیاں سگراوس دے جھونوں رکھیں ہن
- ۵۔ اُجئے اپنے یار و داسے دتا خوب نی زور وٹھا
جھڑے آپ نوں سمجھن وٹھا۔ دتا اُستناں نوں کھنڈا
- ۶۔ زور آوران نوں اُستے لے کے تھنوں دتا پیٹھ ڈٹکا
لے بھیڑے حال غریباں نوں لے کیتا اُستے اُچا چا
- ۷۔ جھکیاں نوں رجا یا اُستے سب داسے اُہ پالن ہار
دولتمندوں نوں کٹھ دتا۔ سکھتی ہن تھیں باہر وار
- ۸۔ اسرائیل سمجھا لیا اُستے۔ رحمت اپنی کر کے یاد
ایہ ہے خادم پیارا اُبد۔ کیتا اوس نے اُستوں شاد
- ۹۔ ابراہیم تے اُبدی نسل تے کیتا رحمت دا ارشاد
ساڈے وٹھیاں نوں جو کیا اُستے کیتا اوہ ہن یاد

استی پاپ تے بیٹے دی ہوتاے روح پاک دی دی
پہلاں جیکر ہسی ہن ہے۔ اور تک تیکر ہووے گی

یا ایہ زبور گایا جاوے

زبور ۹۸

گیت نواں گاؤ

- ۱ گیت اک نواں گیت۔ گاؤ اک نواں گیت۔ گیت نواں گاؤ
- ۲ گیت اک نواں گاؤ رب دا۔ رب دا گاؤ نواں گیت
- ۳ گیت اک نواں گاؤ رب دا۔ اُہدے پین عجائب کام۔ گیت اک نواں گاؤ وغیرہ
- ۴ اُہے سچے مہتمم نے اوس نوں فتح سجھتی ہے تمام
- ۵ پاک خداوند رحمت کر کے آپ نجات دکھائی ہے
- ۶ تو ماں اتے ظاہر گیتی جو اُہدی سچیاں ہے
- ۷ اسرائیل لئی یاو فرمائی رحمت تے امانت دی
- ۸ دھرتی دے سب کنڈھیاں دیکھنی لکھی خداوند دی
- ۹ اے سب دھرتی رب دے واسطے۔ نعرہ مار توں خوشی دا
- ۱۰ خوشیاں دے نال اچھی دتی اپنے رب دی اُستت گنا
- ۱۱ گاؤ سب وجا کے بریلط حمد خدا دی خوشیاں نال
- ۱۲ گاؤ حمد وجا کے بریلط ٹیک سب ہووے نعرے تال
- ۱۳ ترہیاں تے نرسنگے چھوٹو خوشیاں دی آواز سنا
- ۱۴ اپنے رب آگے گاؤ۔ جو خداوند ہے بادشاہ
- ۱۵ مہل سمندر شور مچا دے اُہدی سب بھر پوری دی

سارا عالم مل کے گادے گل آبادی دُنیا دی
 ۸ خوش پہاڑ ہوں ب دے گے نہاں مل کے دیون تال
 دھرتی دی عدالت کرن آؤندا ہے رب پُر جلال
 ۹ دُنیا دی عدالت آپیں راستی تال رب کرے گا
 قوماں دا انصاف کرے گا تال سچائی دے خدا

ایس دے پچھوں دوجا ورد انجیل شریف دچوں جہتری دے موافق
 صاف تے اُچی آواز تال پڑھیا جاوے۔ ورد پھنوں پہلاں خادم دین
 آکھے۔ ذمائی کتاب دے فلانے باب دی فلانی آیت ایس طرح شروع
 ہندی ہے۔ تے ورد دے پچھوں اود آکھے۔ ایتھے دوجا ورد ختم ہويا۔
 تے ایس دے گروں شمعوں دا گیت گایا جاوے۔

شمعون دا گیت

(مقدس یوقا دی انجیل ۲ : ۲۹-۳۲)

توں ہن رخصت ہے مالک مینوں کدا	۱	بجریت جو میں تیرا ماں بردا
میری اکھیاں نے تیری مکت ڈھٹی	۲	جو آگے سب دے قول تیار کیتی
اُٹھا قوماں تھوں پردہ نور دیوے	۳	جلال اُمت تیری دا آپ ہووے
ستائش یا پ بیٹے پاک روح دی	۴	جیسی پہلاں سی ہن بے پھیر ہووے گی

یا ایہ زبور گایا جاوے

زبور ۶۷

بے اساڈ اساڈے آتے اپنا رحم دکھاوے | | برکت دیوے چہرہ اپنا ساڈے تے چمکاوے

۲	سب قوماں وچ تیری مکتی صا پچانی بجاو	تیرا راہ ایس دھرتی اُتے یارب جاتا جاو
۳	تیری عظمت تیری مہما گاؤے سب کائی	اے خدا سب لوک تیری عزت تے وڈیائی
۴	خوشیاں دے وچ لہرائے نال استگد تیری	ساریاں قوماں آپس اند خوشی مناو تیری
۵	دھرتی اُپر آستاناں نوں نوں اہ وکھلاوے	کیوں جو لوکاں دی عدالت توں آپ چکا دی
۶	تیری اُمت تیری مہما گاؤے سب کائی	اے خدا لوک گاؤں تیری اُمت تے وڈیائی
۷	سانوں دیوے گارب ساڈا برکت آپ ویری	ہوئے گی ہن دھرتی اُتے پیداوار بھیری
۸	کیہن گے سب لوک خدا کھوں ہن گے فرسا	برکت دیوے گارب ساڈا دھرتی دے کتار

[پھیر خادم دین تے جماعت کھلو کے رسولان دے عقیدے نوں پڑھن]

میرا ایمان ہے خدا قادر باپ اُتے۔ جنہے آسمان تے زمین نوں پیدا کیتا۔
 نالے ادبے اکھٹے بیٹے اپنے خداوند یسوع مسیح اُتے جھڑا روح
 پاک دی قدرت نال گر بھ وچ پیا۔ کواری مریم کھوں جتیا۔ اُہنے
 نپٹوس پلاٹوس دی حکومت وچ دکھ سہیا۔ اوہ صلیب دتا گیا۔ مر
 گیا۔ دفنایا گیا۔ رُوحاں دے جہان چلیا گیا۔ تجھے دہارے مُردیاں کھوں
 جی اُٹھیا۔ آسمان اُتے چڑھ گیا۔ تے خدا باپ قادر دے سجے ہتھ
 بیٹھا ہے۔ جتھوں اوہ جیوندیاں تے مُردیاں دی عدالت کرن لئی پھیر آوے گا۔
 میرا ایمان ہے روح پاک اُتے۔ پاک کلیہ کلیسیا اُتے۔ پاک لوکاں
 دی ست سنگت اُتے۔ نالے گناہاں دی معافی۔ بدن دے جی اُٹھن
 تے ہمیشہ دی زندگی اُتے میرا ایمان ہے۔ آمین *

[ایس دے پچھوں سب جماعت دب نال گوڈے
 بولے سے خادم دین اُچی آواز نال آکھے۔]

* خداوند تہاڈے نال ہووے *

جماعت - تیری روح دے نال دی ہووے۔

خادم دین - اسیں دُعا منکے۔

خداوند - ساڈے اُتے رحم کر۔

جماعت - مسیح ساڈے اُتے رحم کر۔

خادم دین - خداوند - ساڈے اُتے رحم کر۔

پھیر خادم دین تے سب جماعت اُچی آواز نال ربانی دعا پڑھے۔

اے ساڈے باپ جو اسمان اُتے ہیں - تیرا نام پاک منیا جاوے۔

تیرا راج آوے - تیری مرضی جس طرح اسمان اُتے مہندی ہے زمین

اُتے وی پوری ہووے۔ ساڈی روزدی روٹی اج سانوں دے۔

ساڈیاں گناہاں نوں بخش دے جس طرح اسیں اپنے قصور واراں نوں مٹا

کر دے ہاں۔ سانوں آزمائش وچ نہ پین دے۔ سگول بدی کھول بچا۔

یکوں جو راج تے قدرت تے جلال ہمیشہ تیرا ہی ہے۔ آمین۔

پھیر خادم دین کھلو کے آکھے

خادم دین - اے خداوند سانوں اپنی رحمت دکھاں۔

جماعت - تے اپنی نجات سانوں بخش۔

خادم دین - اے خداوند بادشاہ دی راکھی کر۔

جماعت - تے جدوں اسیں تینوں تہائیے رحمت نال ساڈی

سُن۔

خادم دین - اپنے خادماں نوں نیکی دی پوشاک دے۔

جماعت - تے اپنے چُنے ہوئے لوکاں نوں خوشی بخش۔

خادم دین - اے خداوند اپنی اُمت دی راکھی کر۔

جماعت - تے اپنے درتہ لوں برکت دے۔
 خادم دین - اے خداوند ساڈے زمانے وچ صلح بخش۔
 جماعت - کیوں جو اے خدا تیرے پناں ساڈے دلوں کوئی لڑن
 والا نہیں ہے۔

خادم دین - اے خدا ساڈے اندر پاک دل پیدا کر۔
 جماعت - تے اپنے روح پاک لوں ساکھوں جڈانہ ہون دے۔

ایس دے پھپھوں تہ دعاواں سنگیاں جادوں - پہلی اوس دن دی خاص دعا جو
 مقرر ہے تے دُجی دعا آرام تے تسلی دے لئی - تہی دعا سب خطریاں تھوں امن امان منگن
 دے لئی ہے تے کھلی دودعاواں جلیاں ہن پر شام دی ناز وچ سنگیاں جادوں۔

شام دی دُجی دعا - آرام تے تسلی دے لئی

اے خدا رب پاکیزہ خواہشاں تے صحیح تدبیراں تے نیک عمل تیرے
 دلوں ہندے ہین ساپنے بندیاں لوں اودہ آرام دے جو دنیا نہیں دے
 سکدی تاں جو ساڈے دل تیرے حکماں لوں پوریاں کرن لئی ہمیشہ تیار
 رہن۔ تے اسیں اپنے دیریاں دے ڈر تھوں پناہ پاک تیری راکھی وچ اپنے
 دن من تے چین نال کیٹے۔ ایہ ساڈے بچاؤن والے یسوع مسیح دے
 ثواب دے سبب ہووے۔ آمین۔

تہی دعا - خطرے تھوں امن امان دے لئی

اے خداوند - اسیں تیری منت کر دے ہاں - توں ساڈے تیرے
 نوں پائن کر دے - تے اپنی بڑی رحمت نال سا لوں ایس رات دے سب
 ڈر خطرے تھوں بچا۔ اپنے اکلے بیٹے ساڈے بچاؤن والے یسوع مسیح دی

محبت دی خاطر - آمین -

ایتھے گیت گاؤن دا موقع ہے۔ جتھے گاؤن دا دستور ہووے گیت گائے
جاؤن۔ اوس دے بچھوں ایہ پنج دُعاواں منگیاں جاؤن جے مناجات
عام پڑھی جاوے تاں صرف آخری دو دُعاواں منگیاں جاؤن۔

بادشاہ دے لئی دُعا

اے خُداوند ساڈے اسمانی باپ۔ بزرگ تے قادر خُدا توں بادشاہاں
دا بادشاہ خُداوندان دا خُداوند تے سلطانان دا اِکلا حاکم ہیں۔ توں اپنے
تخت بختوں زمین دے سارے لوکاں اُتے نظر کروا ہیں۔ ایس تیری منت
کردے ہاں توں ساڈے مہربان بادشاہ جارج اُتے رحمت دی نگاہ کرتے
اپنے روح پاک دے فضل نال اوس نوں اچھا بھرپور کردے پئی اوہ تیری
معنی ول ہمیشہ نائل رہوے تے تیری راہ اُتے چلے۔ اوس نوں اسمانی نعمت
عطا کر۔ تندرستی تے اقبال مندی نال اُہدی عمر ودھا۔ اُہنوں طاقت دے
پئی اوہ اپنے دُشمنان اُتے فتح پاوے۔ تے آخر ایس زندگی دے گریں ہمیشہ
دی خوشی دِج پہنچے۔ ساڈے خُداوند یسوع مسیح دے وسیلے۔ آمین۔

بادشاہی خاندان دے لئی دُعا

اے قادر خُدا سب نیکی دا چشمہ توں ہی ہیں۔ ایس عاجزی نال تیری
منت کردے ہاں۔ پئی ساڈی مہربان مکہ تے سارے شاہی خاندان توں
برکت دے۔ اُہناں نوں اپنا روح پاک دے۔ تے اپنے اسمانی فضل نال
مالا مال کر۔ ہر طرح دی خوشی نال اُہناں نوں نہال کر۔ تے اپنی ہمیشہ دی
بادشاہی دِج پہنچا۔ ساڈے خُداوند یسوع مسیح دے وسیلے۔ آمین۔

دین دے خداواں تے حماعت دے لی دے

اے قادر تے ابدی خدا توں ہی وھٹے تے عجائب کم کرا ہیں۔
 ساڈے ہشیاں تے دین دے خداواں تے ساریاں جماعتاں توں جڑیاں
 اہناں دے سپرد ہیں اپنے فضل دی عافیت بخش والی روح عطا کر۔
 تے اپنی برکت دی ترپل اہناں اُتے پایا کرتاں جواوہ تینوں دلوں
 خوش کرن۔ ساڈے شفیق تے وچوے یسوع مسیح دی بزرگی دے واسطے۔
 آمین۔

مقدس کرسمس دی دعا

اے قادر خدا۔ تیرے فضل تال اساں رُل کے تیرے اگے اپنیاں
 سانجھاں ضرورتاں پیش کیتیاں ہیں۔ تے توں وعدہ کیتا ہے پئی
 جددی ویارتن تیرے نام اُتے اکٹھے ہون گے توں اہناں دیاں عرضاں
 توں قبول کریں گا۔ ہُن اے خداوند اساں بندیاں دیاں مُراداں تے
 آرزواں توں ایس طرح پوریاں کر جھدے وچ ساڈی بہتری
 ہووے۔ سانوں ایس جہان وچ اپنی سچائی دا گیان تے اوس جہان
 وچ ہمیشہ دی زندگی بخش دے۔ آمین۔

۲ کرنتھی ۱۳: ۱۴

ساڈے خداوند یسوع مسیح دا فضل تے خدا دی محبت تے روح
 پاک دی رفاقت اساں سبھناں تال ہمیشہ رہوے۔

~~~~~

# خاص دُعاواں تے شکرانے

جو حسبِ موقع مناجاتِ عام یا صبح تے شام دی نماز دی دوا آخری دعاواں  
تھوں پہلاں پڑھیاں جاوَن :-

## (۱) صبح دی دُعا

اے آسمانی باپ - رات دی راکھی دے لئی تے اُج دے دن  
دیاں برکتاں دے لئی تیرا شکر ہووے ساڈے دلاں توں گناہاں  
تھوں پاک کمرے شیطاں دیاں دھوکیاں دُنیا دے فریاں نے نفس دیاں  
بُریاں خواہشاں تھوں سالتوں بچا - اپنا پیار ساڈے دلاں وچ پاتاں جو  
اسیں تینوں اپنے سارے جی جان نال تے زور تے عقل دے نال پیار کریں  
تے اُج دے دن تیری پاک مرضی اُتے چلئے ساڈے سارے پیاریاں تے  
ساک انگاں توں برکت دے تے آہناں دی راکھی کر - اُج دے دن  
توں ساڈا آگو ہوتے سارا دل سالتوں اپنی محبت وچ قائم رکھ - ساڈے  
خداوند یسوع مسیح دے وسیلے - آمین -

## (۲) رات دی دُعا

اے آسمانی باپ - اسیں عاجزی نال اقرار کر دے ہاں پئی اسیاں  
اُج تیری مرضی دے اُلٹ گناہ کیتا ہے تے تیرے حکماں نوں نہیں مٹیا



سگوں شیطان دے گری لگے رہے ہاں۔ خداوند۔ توں رحیم تے کریم ہیں۔  
 توں ساڈے گناہ معاف کرتے سانوں ہر طرح دے جھوٹ تے گندیاں  
 عاداتاں تے بدیاں تھوں پاک کر۔ آج دے دن دی راکھی تے پرورش  
 تے جسم دیاں نعمتاں تے رُوح دیاں برکتاں دے لئی اسیں تیرے پاک  
 نام دا شکر کردے ہاں۔ اے خداوند اسیں تے اہناں بخششاں دے  
 لائق نہیں۔ پر ایہ تیرا ہی احسان ہے جو توں اپنے نالائق بندیاں اُتے  
 رحم کردا ہیں۔ ہن اسیں سون لئی جان دے ہاں۔ سانوں تے ساڈے  
 ساریاں پیاریاں ساک انگاں نوں اپنی پناہ وچ رکھ۔ جو آج رات تہے  
 منصوبے بھدے ہن اہناں نوں سدھے راہ اُتے چلا۔ جو دکھی ہن  
 اہناں دی مدد کر جو اکھلے ہن اہناں دی راکھی کر۔ جو بیمار تے مرن والے  
 ہن اہناں نوں تسلی دے۔ جو سفر کردے ہن اہناں دا راکھا ہو۔ بدنی  
 کلیسیا دے لوکاں اُتے اپنا رحم کرتے سب منکھاں نوں خاص کر ساڈے  
 آلے دوالے دے رہن والیاں نوں اپنے ایمان دا چائن بخش تے ایس  
 رات دے رب دُ خطرے تھوں سانوں بچا۔ ساڈے خداوند یسوع مسیح  
 دے وسیلے۔ آمین۔

### (۳) خاندان تے بچیاں دے لئی دُعا

اے خداوند یسوع۔ توں ایس دنیا وچ آکے ناصرت دے اک  
 خاندان دے وچ زندگی کٹی۔ اسیں تیری منت کردے ہاں توں ساڈے  
 ملک تے کلیسیا دے خانداناں اُتے کرم دی نظر کرتاں جو ہر خاندان دے ماں  
 باپ تے بچے تیرے وچ قائم رہ کے اک دُجے نال محبت کرن۔ توں

اپنی ہرنال پچیاں دی معصومیت نوں قائم رکھ تے اُہناں دی راکھی کر۔  
 تاں جو ادھ قد قامت تے عقل وچ ددھن تے نال ہی تیرے خوف تے  
 تیری پچیاں وچ دی ددھدے جادو تے تیرے ایمان تے محبت  
 وچ تربیت پاندے جادو۔ ایہہ اسیں تیرے نام دی خاطر منگدے ہاں۔  
 آمین۔

### (۴) دشمنان دے لئی دُعا

اے خُدا ساڈے اسمانی باپ۔ توں اپنے مبارک بیٹے یسوع مسیح  
 دے دیلے سانوں ایہہ سکھ لیا ہے پئی اسیں دشمنان تے ویریاں دے نال محبت  
 رکھیے۔ تے اپنے عداوت رکھن والیاں نوں پیار کریئے۔ تے ستاؤن والیاں  
 دے لئی دُعا منگئے۔ اسیں تیری منت کر دے ہاں توں ساڈے سارے  
 دشمنان تے کینہ رکھن والیاں اُتے رحم کر۔ تے اُہناں نوں تے سانوں دُہاں  
 نوں توبہ دی توفیق دے۔ ایہہ بخش پئی ادھ تے اسیں ہر طرح دی دشمنی  
 تے حسد محقوں دُورہ کے سچیاں تے سلامتی دی راہ اُتے تڑیئے۔  
 ساڈے خُدا دند یسوع مسیح دے دیلے۔ آمین۔

### (۵) جنگ دے ویلے خدا کو لوں مدد پاؤن لئی دُعا

اے قادرِ خدا۔ توں اُہناں سبھناں دے لئی جو تیرے اُتے بھروسہ  
 رکھدے ہن مضبوط قلعہ ہن۔ توں ہن تے ہمیشہ ساڈی راکھی کر۔ جنگ  
 دے قیدیاں تے زخمیاں اُتے ہر دی نظر کر۔ جہڑے اُہناں دی خدمت  
 کردے ہن اُہناں نوں قوت تے طاقت بخش۔ جہڑے فکراں وچ



پریشان ہیں اُنہاں توں دلاسا دے۔ جہناں دے ساک مر گئے ہیں  
 اُنہاں توں تسلی دے جو مردے ہیں اُنہاں دی مدد کرتے اُنہاں اُتے  
 رحم کر۔ اے خدا اوہ ویلا چھیتی لیا جیہڑوں ایس دُنیا وچ لڑائیاں ختم ہو  
 جاون گیاں تے صلح تے امن ہمیشہ لئی قائم ہو جاوے گا۔ ساڈے خداوند  
 یسوع مسیح دے ویلے۔ آمین۔

## (۶) دُنیا وچ صلح تے امن دے لئی دُعا

اے قادرِ خدا۔ سلامتی تے صلح دِا بائی توں ہی ہیں۔ ایس تیری  
 مہنت کر دے ہاں توں سبھناں لوکاں دے دلاں وچ صلح تے امن دی  
 سچی خواہش تے محبت پاء۔ جہناں دے سبھناں وچ دُنیاویاں قوماں دا  
 انتظام ہے۔ اُنہاں دی اپنی سچی حکمت دے نال صلح دِل رہنمائی کرتاں  
 جو تیری بادشاہی امن امان تے چین وچ دودھی جائے تے ساری بھرتی  
 تیری محبت دے گیان نال بھر جائے۔ ساڈے خداوند یسوع مسیح دے  
 ویلے۔ آمین۔

## (۷) زمین دی پیداوار دے لئی دُعا

اے قادرِ خدا۔ توں زمین توں برکت دتی تاں جو اوہ پھلدار ہووے  
 تے انسان دی زندگی دے لئی جو چیزاں ضروری ہیں پیدا کرے۔ ایس  
 تیری مہنت کر دے ہاں توکا شتکاراں دیاں محنتاں توں پھلدار کسے اجہا  
 موسم بخش جو ایس زمین دا پھل حاصل کر لیئے۔ تاں جو ساڈے دل تیریا  
 نعمتاں دی خوشی نال بھر جاون تے ایس تیری پاک کلیسیا وچ تیرا

شکر کر دے رہیئے۔ ساڈے خداوند یسوع مسیح دے وسیلے۔ آمین۔

## (۸) ہنگامی تے کال دے سہ لئی دعا

اے خدا آسمانی باپ۔ تیرے کرم دے نال مینہ وھرا ہے تے زمین  
بھپدار ہندی ہے۔ تے جانوراں تے مچھیاں دی کثرت ہندی ہے۔ اسیں  
تیری مہنت کر دے ہاں توں اپنے لوکاں دیاں مصیبتاں اُتے نظر کر۔  
نے اجیا کر جو ایہہ تنگی تے ہنگامی جہدی اسیں اپنے گناہاں دے سبب  
واجبی تکلیف پاندے ہاں تیری مہربانی نال سستانی تے خوش حالی نال  
پداں جاوے۔ ساڈے خداوند یسوع مسیح دی محبت دی طفیل جہدی  
تیرے تے رُوح پاک نال تمام عزت تے دُپائی ہن تے ہمیشہ تیکر  
ہندی رہوے۔ آمین۔

## (۹) مینہ دے لئی دعا

اے خدا آسمانی باپ۔ توں اپنے بیٹے یسوع مسیح دے وسیلے  
اُہناں سبھناں نال جو تیری بادشاہی تے اوس دی سچائی توں ڈھونڈ  
ہیں ساریاں چیزاں واجو اُہناں دی جہانی پرورش تے روزی دے لئی  
درکار ہیں وعدہ کیتا ہے۔ اسیں تیری مہنت کر دے ہاں اسیں تنگی دے  
وسیلے ایسے اندازے دایمنہ وھرا جو اسیں اپنے آرام تے تیری عزت دے  
واسطے زمین دی پیداوار حاصل کریئے۔ ساڈے خداوند یسوع مسیح  
دے وسیلے۔ آمین۔



## (۱۰) مینہ دے مہتمن لئی دُعا

اے قادرِ خداوندِ خدا۔ توں اک واری انسان دے گناہ دے سبب اٹھاں آدمیاں دے ہوا ساری خلقت نوں غرق کر دتا سی پر اپنے بڑے رحم نال وعدہ کیتا سی پئی توں پھیر ایس طرح کرے غارت نہ کریں گا۔ ایس عاجزی نال تیری درگاہ وچ حاضر ہندے ہاں۔ بھادیں ایس اپنیاں بریاں دے سبب جھڑپاں تے ہڑاں دی آفت دے لائق ہی ہاں تاں وی توں ساڈی سچی توبہ دل دھیان کرتے جیہا موسم بھیج جو ایس ویلے سر زمین وی پیداوار حاصل کریئے تے تیری مینہ دے سبب اپنا چال چلن سدھار ہے۔ تے تیرے کرم نال تیری حمد تے جلال ظاہر کرنا سنجھے۔ ساڈے خداوند یسوع مسیح دے وسیلے۔ آمین۔

## (۱۱) پاسانی علاقہ دے لئی دُعا

اے قادرِ خدا۔ ایس تیری منت کر دے ہاں توں ساڈی کلیسیا دے علاقے دی روحانی بہتری دے لئی سب بخششاں عطا کر۔ کلیسیا دے ایمانداراں نوں قائم تے مضبوط کر۔ بچیاں نوں تعلیم تے ہدایت دے۔ بیماراں دی خبر گیری کر اہناں نوں تسلی دے۔ گنہگاراں نوں توبہ دی توفیق دے۔ جو سست ہین اہناں دی ہمت ودھا۔ جو آزمائشاں وچ ڈگ گئے ہین اہناں نوں مضبوط کر۔ اے خدا تیری سچائی دی راہ وچ جنیاں رکا وٹاں ہین اہناں نوں دُور کر۔ تے سب لوکاں نوں اپنی پاک کلیسیا وچ اک دل تے اک جان بنائی رکھ۔ ساڈے خداوند یسوع مسیح دے وسیلے۔ آمین۔

## (۱۲) ایتوار نوں من دے لئی دُعا

اے قادرِ خدا۔ توں اپنے روح پاک دے دیلے ایتوار دا دن مقرر  
 کیتا ہے تاجِ ایس تیرے بیٹے اپنے خداوند یسوع مسیح دے جی اٹھن دی خوشی  
 دی یاد کاری ہمیشہ لئی کریئے سانوں ایہ بخش پئی ایس تیری ایس نعمت  
 نوں ایوں بیٹے۔ جو ساڈے رُوح تے جسم دونوں تاناہ دم ہو جاوَن۔  
 اَج دے دن ایس تیری پاک درگاہ دے وِچ حاضر ہوئیے ہاں توں  
 سانوں اپنا جلوہ دکھاں۔ تاں جو ساڈے دل تیری محبت نال بھر جاوَن۔  
 اَج دے دن ساری دُنیا وِچ جس تھاں دی تیری بندگی کیتی جائے  
 اوہ رُوح تے راستی نال کیتی جائے تے توں اپنے لوکاں دیاں دعاواں تے  
 شکرانے قبول کر۔ جو شخص بپتسمہ دے دیلے اَج دے دن تیری کلیسیا  
 وِچ شامل کیتے جاوَن توں اُہناں نوں گناہاں تھوں پاک کر کے توں  
 زندگی دی راہ اُتے چلا۔ جو تیرے بیٹے دی موت نوں یاد کرن دے لئی تیرے  
 دسترخوان کول حاضر ہووَن توں اُہناں نوں توبہ ایمان شکر گزاری تے  
 پسچی محبت بخش۔ تاں جو اوہ تیرے کولوں اسمانی فضل تے برکت پاوَن۔  
 جو تیرے لوک اَج دے دن کسے وجہ نال تیری درگاہ وِچ حاضر ہون تھوں  
 رُک گئے ہِن تے تیری بندگی تھوں محروم رہ گئے ہِن اُہناں دے  
 دلاں نوں اپنے دل مائل کر۔ اپنے کلام تے سکرا منٹاں دے خداواں دی  
 ہدایت کر تاں جو اوہ وفاداری نال اپنی خدمت نوں پورا کرن۔ جو لوک  
 ہِن تیکر ہنیرے تے موت دے سایہ وِچ بیٹھے ہِن اُہناں دیاں اکھیاں  
 توں کھول تے اُہناں دیاں قدماں نوں سلامتی دی راہ اُتے چلا ساڈے



خداوند یسوع مسیح دے دیسے۔ آمین۔

## (۱۳) مستحکم ہوں والیاں لئی دُعا

اے خدا توں اپنے بیٹے یسوع مسیح دی تعلیم دے دیسے اپنے شاگرداں نوں روح پاک دے حاصل کرن لئی تیار کیتا سی۔ ایس تیری منت کر دے ہاں اپنے بندیاں دے دلاں نوں تیار کر جیڑے مستحکم ہو کے رُوح پاک نوں پانا چاہندے ہین۔ تاں جواوہ سچی توجہ کر کے خالص ایمان دے نال تیری درگاہ وچ حاضر ہوں۔ تے رُوح پاک اہناں دے دلاں وچ دے۔ ساڈے خداوند یسوع مسیح دے دیسے۔ آمین۔

## (۱۴) بیمار اں تے دکھیاں دے لئی دُعا

اے قادرِ خدا۔ ساڈے اسمانی باپ زندگی تے تندرستی دین والیاں ہی ہین۔ ایس تیری منت کر دے ہاں توں سب بیماریاں تے روگیاں ماڑیاں اُتے رحم دی نظر کر۔ خاص کر اہناں اُتے جنہاں دُعا دی درخواست کیتی ہے۔ توں اہناں توں تسلی دے۔ تے سبھناں نوں جواہناں دی خدمت کر دے ہین طاقت دے۔ بھاویں اوہ کسے طرح دے دکھ درد وچ ہوں توں اپنے فضل نال اہناں دی مدد کر۔ اہناں نوں تسلی تے آرام دے۔ تے جے تیری مرضی ہووے اوہ اپنے روگاں تھو چھٹ کے تندرست ہو جاون تے تیری پاک کلیسیا وچ تیرا شکر کرنے رہن۔ ساڈے خداوند یسوع مسیح دے دیسے۔ آمین۔

## (۱۵) ہسپتالاں تے شفاخانیاں دے لئی دُعا

اے قادرِ خدا تیرا مبارک بیٹا یسوع مسیح نیکی کر دا پھر پاتے اُتے ایس  
دُنیا وِچ ہر طرح دیاں بیماریاں تے ہر قسم دے روگاں نوں چنگیاں کیتا سی  
اسیں تیری مِنت کر دے ہاں توں اپنا فضل ساڈے مُلک دے ہسپتالاں  
تے شفاخانیاں اُتے کر۔ جو بیمار ہن اُہناں نوں جسمانی تے رُوحانی شفا  
عطا کر۔ سب حکیمان۔ ڈاکٹر اں تے نرساں نوں عقل وانا فی ہنر مہدوی  
تے صبر عطا کر۔ جیہڑے بیماریاں دی روک تھام دے کم وِچ لگے ہوئے ہن  
اُہناں دیاں کوششاں اُتے برکت پا۔ تے اپنی محبت و اگیاں سبھناں نوں  
بخش۔ ساڈے خداوند یسوع مسیح دے ویسے۔ آمین۔

## (۱۶) سنڈے سکولاں دے لئی دُعا

اے قادرِ خدا ساڈے اسمانی باپ۔ توں اپنی پاک کلیسیا دے  
سپر وِچیاں وی تعلیم تے تربیت کیتی ہوتی ہے۔ اپنی حکمت دے چاٹن  
نال سنڈے سکولاں دے اُستاداں تے شاگرداں دیاں عقداں تے دِلال  
نوں روشن کر۔ تاں جو ویتیری سچیاں دے علم وِچ خوش ہوکے اپنی ساری  
عمر تیری خدمت وِچ کٹن۔ ساڈے خداوند یسوع مسیح دے ویسے آمین۔

## (۱۷) سب قسم دے آدمیاں دے لئی دُعا

[جوابے وقت پڑھی جائے۔ بدولِ مناجات عام نہ ہووے]

اے مُلک توں سب دُنیا دا پیدا کرن والا پروردگار ہیں۔ اسیں عاجزی



نال ہر قسم تے ہر درجے دے منکھاں دے لئی تیرے آگے عرض کر دے  
 ہاں۔ توں کرم کر کے اپنا راہ سبھناں نوں دکھاں تے اپنی نجات سب  
 قوماں آتے ظاہر کر۔ خاص کر اسیں گلیسیاء دی بہتری دے لئی  
 دعامنگدے ہاں جو تیرا روح کریم اُہدی جیسی ہدایت کرے پئی اوہ ہمیشہ  
 تیری تابعدار رہوئے۔ تاں جو جتنے لوک تیرے پاک نام دا اقرار کر دے ہین  
 اوہ تیرے سچے راہ آتے چلن تے روح دی یک دنی میل ملاپ دے بندھن  
 تے نیک چلنی وچ اپنے ایمان نوں قائم رکھن۔ اسیں اُہناں سبھناں  
 نوں جوڑوٹ یا جسم یا مال دا کوئی رنج یا دکھ پاندے ہین تیری پدرانہ محبت  
 دے سپرد کر دے ہاں۔ رخص کر اُہناں نوں جنہاں دُعا دی درخواست  
 کیتی ہے، توں کرم کر کے ہر اک نوں اودھنی ضرورت دے موافق تسلی  
 تے آرام دے۔ اُہناں دے دکھاں دے اُہناں نوں صبر بخش تے اُہناں  
 دیاں سب مصیبتاں دا انجام بخیر کر۔ ساڈے خداوند یسوع مسیح دے  
 وسیلے۔ آمین۔

(۱۸) اُہناں لئی یا دگاری جو ایمان وچ ایس جہانوں کوں چ کر گئے ہین

اے خدا۔ توں سبھناں دیاں روحاں دا خدا ہیں۔ اسیں تیرے پاک  
 نام دی بزرگی تے تعریف کر دے ہاں تیرے اُہناں ساریاں بندیاں دے  
 لئی جو تیرے ایمان تے خوف دے وچ ایس جہانوں کوں چ کر گئے ہین۔  
 اسیں مبارک کنواری مریم دے لئی تے سب بزرگاں نبیاں رسولان۔  
 شہیداں تے سب نیک تے سچیاں لوکاں دے لئی تیرے پاک نام دا شکر  
 کر دے ہاں۔ اسیں تیری منت کر دے ہاں پئی ایہ بخش جو اسیں اُہناں

دے نیک نمونے قتلوں حوصلہ تے ہمت پا کے تے اہناں دی رفاقت  
 وچ قایم رہ کے سب پاک لوکاں دے ورثہ وچ شریک ہون دے لائق  
 ہو جائے اپنے بیٹے ساڈے خداوند یسوع مسیح دے وسیلے - آمین -

## (۱۹) غیر مذہب دے آدمیاں دے لئی دُعا

اے خدا توں ایس دُنیا دیاں ساریاں قوماں دا پیدا کرن والا اکلّا  
 خدا ہے۔ تیری درگاہ وچ اسیں اہناں سبھناں وکاں لئی دُعا منگدے  
 یاں جو تیری صورت اُتے پیرا کیتے گئے ہن پر تیری محبت توں نہیں  
 جان دے۔ ایہہ بخش پئی تیری پاک کلیسیا دیاں دُعا داں تے محنتاں دے  
 وسیلے اوہ اپنے وہماں گٹا ہاں تے سب جھوٹی تعلیم تے بے ایمانی قتلوں  
 رہائی پا دن۔ تے تیرے اُتے ایمان لیا کے ہمیشہ دی زندگی حاصل کرن۔  
 ساڈے خداوند تے بچا دن والے یسوع مسیح دے وسیلے - آمین -

## ۲۰ دُنیا دیاں سب قوماں دے لئی دُعا

اے خدا توں دُنیا دیاں سب قوماں نوں اکوہی خون قتلوں پیدا کر کے  
 زمین اُتے وسایا ہے۔ تے اپنے مبارک بیٹے نوں بھیجیا ہے تاں جو سبھناں  
 لوکاں نوں جو میتھوں دُور یا نیڑے ہن صلح دی خوشخبری دیوے۔ ایہہ بخش  
 پئی ایس دُنیا دے سب لوک تینوں ڈھونڈن تے تیرے اُتے ایمان لیا دن  
 اے اسمانی باپ اپنے اوس دھرمے نوں بلدی پوریاں کر جو ہیں اپنا  
 روح ساریاں منکھان اُتے نازل کراں گا۔ ساڈے خداوند یسوع مسیح  
 دے وسیلے - آمین -



## (۲۱) انجیل دی خدمت کرن والیاں دے لئی دُعا

مے خُداوند ساڈے اسمانی باپ توں اپنا اِکلا بٹیا یسوع مسیح بھیج  
کے پی محبت نوں ساڈے اُتے ظاہر کیتا ہے اسیں تیری مِنت کر دے ہاں  
تُوں اپنی کھلیسیا نے اپنا رُوح پاک نازل کرے تاں جو اوہ برے حکم اُتے  
عمل کرے سب توں انجیل دی خوشخبری دے دے۔ اپنے خدمت  
گزار جیساں دی خطریاں تے آزمائشاں دے دیلے مدد کر۔ اُہناں نوں  
دُکھ تے تکلیف برداشت کرن دی ہمت دے۔ اُہناں دیاں کمریاں نوں  
سچائی نال کس۔ اُہناں دے دلاں وچ اپنے پاک کلام دا جوش تے  
پیار پاتاں جو اوہ تیرے نام دی عزت تے جلال دے لئی بہت ساریاں  
روحانیاں نوں بھاد دے دیسے ہوون۔ ساڈے خُداوند یسوع مسیح  
دی قدرت نال۔ آمین۔

## (۲۲) عالماں دے لئی دُعا

اے خُدا۔ ساڈے اسمانی باپ۔ اسیں اُہناں سمجھتاں دے لئی  
تیری درگاہ وچ دُعا کر دے ہاں جو تیرے سچے دین دا علم حاصل کرن دی  
کوشش کر دے ہیں۔ یا کتاباں لکھدے تے ہو رناں زباناں وچ ترجمے  
کر دے ہیں۔ اُہناں دے دلاں تے فہم نوں کھول۔ اُہناں دیاں  
عقلاں نوں روشن کر۔ تاں جو اُہناں دی راہیں تیری محبت تے نجات  
دا نور بے دیناں تے غیر مذہب والیاں اُتے چمکے۔ توں اپنی کلیہ یاد  
لوکاں نوں اپنے رُوح پاک دیاں خاص نعمتاں بخش۔ اُہناں نوں علم

تے حکمت تے زبانوں بولن تے کتاباں لکھن دی نعمت عطا کرتاں  
 جو ساڈے وچ عالماں۔ اُستاداں۔ گیت لکھن والیاں و غط کرن  
 والیاں۔ تے انجیل دی خوشخبری سناون والیاں واسلسلہ جاری ہو جاوے  
 تے تیرے نام دی عزت تے بزرگی ہووے۔ ساڈے خداوند یسوع مسیح  
 دے وسیلے۔ آمین۔

### (۲۳) سکولاں دے لئی دُعا

اے اسمانی باپ تیرے مبارک بیٹے تے حکم دتا سی۔ پئی ایانیاں نوں  
 میرے کول آون دیو۔ ایہیں عرض کر دے ہاں۔ توں سکولاں دے  
 اُستاداں تے شاگرداں دوہاں اُتے برکت نازل کر تے ایہہ بخش پئی  
 جیوں جیوں تیرے بچے علم حاصل کر کے ترقی کر دے جاوے اوہ تیرے  
 روح پاک دے وسیلے تیرے گیان وچ تے تیری تے تیرے بیٹے دی محبت  
 وچ ترقی کر دے جاوے۔ ساڈے بچاؤن والے یسوع مسیح دے وسیلے  
 آمین۔

### (۲۴) کالجوں تے یونیورسٹیاں دے لئی دُعا

اے خدا۔ اپنی برکت ساڈے ملک دے کالجوں تے یونیورسٹیاں  
 دے کم اُتے نازل کر۔ تاں جو جیڑے اُہناں وچ پڑھانڈے تے پڑھ  
 ہن اوہ ہمیشہ تیری مرضی نوں نگاہ وچ رکھن۔ تے تیری سچائی دے  
 علم نوں حاصل کرن تاں جو اوہ ہمیشہ دی زندگی نوں پہنچن تے تیری  
 کلیسیا تے ساڈے ملک دا بھلا ہووے۔ ساڈے خداوند یسوع مسیح دے



وسیلے - آمین -

## (۲۵) بشپ صاحب نے علاقہ دے لئی دعا

اے قادرِ خدا۔ ساڈے اسمانی باپ۔ توں اپنے الہی انتظام موجب  
ایس ڈایوسیس دیاں مختلف قوماں نوں ایمان دی یکتائی وچ اکھٹے  
جمع کیتا ہے۔ اسیں تیری مہنت کردے ہاں توں اپنی کلیسیا اتے تے اہیا  
ساریاں کوششاں اتے جو اوہ تیرے نام ناں کردی ہے برکت پائی  
علاقہ دے بشپاں پریشاں۔ ڈیکناں نوں تے اہناں سبھناں نوں جو  
تیرے لوکاں دی خدمت کردے ہیں برکت دے تے اہناں نوں پاک  
کر۔ سبھناں نوں جو تیری پاک انجیل دی خوشخبری سناؤدے ہیں اپنا  
فضل بخش۔ اہناں سبھناں دا آگہو ہو جنہاں دے سپر ساڈے ملک دا  
انتظام ہے۔ ساڈے ملک تے کلیسیا دے لیڈراں نوں دانائی تے سمجھ  
بخش۔ علاقہ دے سکولاں تے کالجیاں دے استادان تے شاگرداں نوں  
عقل تے فہم عطا کر۔ سب ہسپتالاں تے شفاخانیاں دے بیماریاں اتے  
رحم دی نظر کر۔ ڈاکٹراں تے نرساں نوں طاقت تے فضل دے۔ ایہہ  
بخش پئی ایس علاقہ دی کلیسیا داں داہراک شخص اپنے اپنے کم تے  
خدمت نوں جو توں اہدے سپرد کیتا ہے دیانتداری تے وفاداری  
نال پورا کرے۔ تاں جو تیرے پاک نام و جلال ہووے تے تیری بادشاہی  
وڈھے۔ ساڈے خداوند تے بچاؤن والے یسوع مسیح دے وسیلے  
آمین -

## (۲۶) دین دے خاوماں دی گنتی ودھن لئی دُعا

اے قادرِ خدا۔ توں اپنے پیارے بیٹے دے لہو دے وسیلے ایس دُنیا  
 نوں چھٹکارا بچشیا ہے۔ توں ابدے اُتے رحم کرتے اپنی کلیسیا دی پاک  
 خدمت دے لئی بہتیاں دے دلاں نوں ابھارتاں جو اہناں دی  
 خدمت دے وسیلے سنیرے وچ چا بن چکے۔ تے تیری بادشاہی ایس  
 دُنیا وچ چھیتی آوے۔ ساڈے خداوند یسوع مسیح دے وسیلے۔ آمین۔

## (۲۷) پاک عمریاں اُتے مقرر ہون الیاں دے لئی دُعا

اے قادرِ خدا۔ ساڈے اسمانی باپ توں اپنے پیارے بیٹے دے قیمتی  
 لہو نال اپنی کلیہ کلیسیا خریدی ہے۔ ابدے اُتے رحم دی نظر کرتے ایس  
 وسیلے اپنی کلیسیا دے نگہبان اپنے بندے ساڈے پیش دے دل نوں  
 آجی سمجھ تے ہدایت بخش جوادہ بے سوچے سمجھے کسے شخص اُتے ہتھ نہ رکھے  
 سگوں ایمانداری تے ہوشیاری نال تیری کلیسیا دی پاک خدمت دے  
 لئی صرف لائق شخصیاں نوں ہی چُنے۔

جو لوک کسے پاک خدمت اُتے مقرر ہون والے ہین اہناں اُتے  
 اپنا فضل کرا ہناں نوں اسمانی برکت دے۔ تاں جو او داپنی تعلیم تے  
 چال چمن نال تیرا جلال ظاہر کرن۔ تے آدمیاں دی نجات دی ترقی  
 ہووے۔ ساڈے خداوند یسوع مسیح دے وسیلے۔ آمین۔

یا ایہہ

اے قادرِ خدا۔ سب نعمتاں دے بخش والے توں اپنے الہی انتظام



نال اپنی کلیسیا وچ مختلف درجے مقرر کیتے ہن۔ اسیں عاجزی نال تیری  
 مہنت کردے ہاں پئی جتنے اوس وچ ہن تے عمر سے با خدمت آتے مقرر  
 ہون والے ہن توں اہتاں نال اپنا اسمانی فضل بخش تے اہتاں  
 نوں اپنے سچے دین دے علم نال اجیہا بھروسے تے چال چلن دی جے  
 عیسیٰ نال ایس طرح سجادے جو ادہ تیرے بندگ نام دے جلال تے  
 تیری پاک کلیسیا دے فائدے لئی تیرے حضور دی داری نال تیری  
 خدمت کردے رہن۔ ساڈے خداوند یسوع مسیح دے وسیلے۔ آمین۔

## (۲۸) کلیسیا دی کونسل دے لئی دعا

اے خداوند خدا۔ توں سب دانائی دا چشمہ ہیں۔ توں رسولان دے  
 دتاں وچ اپنے روح پاک دے وسیلے پرورش دی کلیسیا دی پہلی کونسل  
 دی ہدایت تے رہنمائی کیتی سی۔ ساڈے اُتے وی رحم دی نظر کرتے  
 ساڈے بٹیاں تے دین دیاں خادماں توں جیہڑے ایس ویلے کونسل  
 دے وچ جمع ہن برکت دے۔ اہتاں دی ہدایت کرتاں جو اہتاں  
 دے فیصلیاں نال تیری کلیسیا تیرے سچے دین تے دینداری وچ قائم  
 ہو باوے۔ ساڈے خداوند یسوع مسیح دے وسیلے۔ آمین۔

## (۲۹) مسیحی اتفاق تے یکدلی لئی دعا

اے خدا توں ساڈے خداوند یسوع مسیح دا باپ ہیں۔ جو ساڈا  
 بچاؤن والے صلح و اشا ہزادہ ہے۔ ساڈے اُتے فضل کرتاں جو اسیں  
 ہر طرح دے تفرقے تے دھڑے بازی مٹھوں نیچے رہیے۔ ساڈے دلاں

وچوں ہر طرح دا حسد کینہ دُشمنی تے اوہ سب نکلاں دُور کر دے جو اتفاق  
 تے یکدلی ی راہ وچ ہین۔ تاں جو جس طرح اگو بدن تے اگو رُوح تے  
 ساڈے بُلا دے دی اگو اُمید تے اگو خداوند تے اگو ایمان تے اگو ہمت  
 تے اگو خدا ہے جو اساں سمجھناں دا باپ ہے اوہ سب طرح ایدوں اگے  
 اک دل تے اک جان ہو کے سچیاں تے صلح۔ ایمان تے محبت دے  
 پاک بندھن وچ اک جان تے اک زبان ہو کے اسیں تیری بزرگی کرے  
 رہیے۔ ساڈے خداوند یسوع مسیح دے وسیلے۔ آمین۔

(۳۰) والسرائے تے حاکماں دے اسی تے ملک ہندستان دے لئی دُعا

دے خدا بادشاہاں دے بادشاہ تے حاکماں دے اعلیٰ حاکم اسیں  
 اپنے ملک ہندوستان دے والسرائے تے گورنراں تے اُہناں دے  
 وزیراں دے لئی دُعا کر دے ہاں۔ اُہناں نوں دانائی تے عقل بخش۔  
 تاں جو ساڈے ملک دا انتظام تیری پاک مرضی دے موافق ہووے۔ توں  
 ساڈے ملک تے صوبہ دیاں کونسل اُتے کرم دی نگاہ کرتاں جو اُہناں  
 دے نمبر اپنی ذمہ داریاں نوں پچھاتن تے ہر طرح دی دھڑے بازی تے  
 نکمیاں خواہشاں نوں چھڈ کے نیک نیتی نال اوہ فیصلے کرن جنہاں نال  
 سب لوکاں دا بھلا ہووے۔ اسیں اُہناں ساریاں راکماں دے لئی دُعا  
 کر دے ہاں جو سرکارویں کسے عہدے اُتے مقرر ہین۔ اُہناں نوں نیکی  
 تے دینداری دی راہ اُتے چلا۔ تاں جو اوہ بے رُورعایت سچیاں تے انصاف  
 نوں قائم رکھن تے دیانتداری نال اپنے اپنے فرض پورے کرن۔ تے رغبت  
 امن تے خدا ترسی وچ اپنے دن کٹے۔ اسیں اپنے ملک دے بیڈراں دے



لہی دُعا کر دے ہاں توں اہناں توں سمجھ حکمت تے دانائی بخش تاں تیرے  
کولوں عقل حاصل کر کے تیری پاک مرضی اُتے عمل کرن۔

اسیں اپنے ملک دے ہندوؤں تے مسلماناں بُت پرستارا  
تے سب مذہب والیاں دے لہی دُعا کر دے ہاں۔ سب فرقیاں تے  
ذاتاں تے مذہب والیاں وچوں نفرت تے بُغض و شنی کینہ تے عداوت توں  
دُور کر۔ تاں جو سب ذات پات تے فرقہ بندیں دا خاتمہ ہو جاوے تے  
برادرانہ سلوک تے محبت ساڈے ملک وچ ہووے۔ ہر قوم تے ہر  
فرقے وچ صلح سلامتی تے میل ملاپ قائم کر۔ تے ایس لہی جو اوہ اپنی جھوٹی  
تعلیم توں چھڈن توں اہناں اُتے اپنی نجات دا نور چمکاتے اہناں توں  
اپنے کلام دی لوکھال تاں جو اوہ تینوں سچے اکا خدا جانن تے یسوع  
مسیح توں جنہوں توں گھلیا ہے مَن تے سب قواں پے میل ملاپ  
محبت نال ساڈے بچاؤن والے دے اُتو ایمان وچ شریک ہو یادن۔  
ساڈے ملک دی کھدسیا۔ نوں ایہہ بخش پئی اوہ مسیح دی روح نال بھر لو  
ہو کے اُہدی محبت دی خوشنبری دا کلام لوکاں نوں دیہی نال سناوے۔  
تے اُہدے پیغام اُتے عمل کرے۔ تاں جو اسے اسمانی باپ لوک ساڈے  
نیک کماں توں ویکھ کے تیری عزت تے بزرگی کرن۔ ساڈے خداوند  
یسوع مسیح دے دیسے۔ آمین +

### را (۳) نذر چڑھاؤن دے ویلے دُعا

اے پاک پروردگار۔ اسیں تیریاں ساریاں نعمتاں دے لہی تیرا شکر  
کر دے ہاں۔ تے تیری منت کر دے ہاں پئی توں ساریاں نذراں تے

چڑھا دیاں نوں جو اسیں تیری درگاہ وچ حاضر کردے ہاں قبول کر۔  
 اے خداوند توں جو ساڈی نیت تھوں واقف ہیں ساڈی تنگ  
 دلی نوں معاف کرتے سانوں برکت دے۔ ساڈے بچاوان والے یسوع  
 مسیح دے وسیلے۔ آمین۔

## شکرانے

### شکرانہ عام

اے قادرِ خدا۔ سب رحمتاں دے بخش والے۔ اسیں تیرے نال لائق  
 بندے تیری محبت تے تیریاں ساریاں مہربانیاں دے لئی جو توں ساڈے  
 اتے تے سب منکھاں اتے کیتیاں ہیں بڑی عاجزی دے نال دلوں  
 جاناں تیرا شکر کردے ہاں۔ اسیں اپنی پیدائش پرورش تے ایس زندگی  
 دیاں ساریاں نعمتاں دے لئی تیرا شکر کردے ہاں تے خاص کر تیری  
 آن مل محبت دے لئی جس کر کے توں ساڈے خداوند یسوع مسیح نوں  
 ایس دنیا وچ بھیج کے سانوں پھٹکارا بخشیا تے فضل دے وسیلیاں  
 دے لئی تے نالے جلال دی امید دے لئی وی تیرا شکر کردے ہاں۔ اسیں  
 تیری منت کردے ہاں پئی توں سانوں اجیہی سمجھ دے جو ہر ویلے تیریاں  
 ساریاں رحمتاں نوں یاد کر کے اسیں خالص نیت نال تیرا شکر کردے  
 رہیئے تے تیری ستائش نہ صرف زبان نال پر اپنے چال چلن نال  
 انجوں ظاہر کریئے جو اپنے آپ نوں تیری خدمت دے لئی تیار کر دیئے۔ تے تیرے سلنے



پاکیزگی تے تنگی وچ اپنی عمر نبائیٹے ساڈے خُداوند یسوع مسیح دے ویسے جہدی آہ  
تے رُوح پاک دے نال سب عزت تے بزرگی ہمیشہ ہندی رہوے۔ آمین۔

## (۲) مینہ دے لئی

اے خُدا ساڈے اسمانی باپ۔ توں اپنے کرم تے پروردگاری نال زمین  
اُتے اگلاتے پھل مینہ ہر مند اپنیاں تالیاں جو انسان دے قائمے لئی پھل پیدا  
ہوئے۔ اسیں عاجزی نال تیرا شکر کر دے ہاں پئی ساڈی تنگی تے حاجت  
دے ویلے توں ساڈے اُتے فضل کر کے مینہ دھرا کے سانوں تازگی بخشی  
ہے تے توں سکے نوں ہر کر دتا ہے۔ جہدے نال اساں نالائق بتدیاں نے  
ارام پایا ہے تے تیرے پاک نام دا جلال ظاہر ہو یا ہے۔ اسیں تیریاں سب  
رحمتاں دے واسطے جو ساڈے خُداوند یسوع مسیح وچ سانوں ملیاں ہن  
تیرا شکر کر دے ہاں۔ آمین۔

## (۳) مینہ مخمّن دے لئی

اے خُداوند خُدا توں شدّت دے مینہ تے ہڑاں دی آفت نال نہیں  
دیناں سانوں واجب طور نال عاجز کیتا سی تے پھیرا اپنے رحم نال عین ویلے  
سرمچنگا موسم گھل کے ساڈے دلاں نوں تسلی دتی ہے تیری ایس مہربانی  
دے سبب اسیں تیرے پاک نام دی حمد تے بزرگی کر دے ہاں تے  
تیریاں رحمتاں دا ذکر نسل در نسل کر دے رہواں گے۔ اپنے خُداوند  
یسوع مسیح دے ویسے۔ آمین۔

## ۴۴۔ سستی دے لئی

اے رحیم باپ توں اپنے کرم تے فضل نال اپنی کلیسیا دیاں دلی  
دعاواں توں سُن کے منگائی تے کال نوں سستی تے خوش حالی نال  
بدلیا ہے۔ اسیں عاجزی نال تیری اسیں نعمت دے لئی تیرا شکر کر دے  
ہاں تے تیری مہنت کر دے ہاں پئی تیری مہر سدا ساڈے اُتے رہوے  
تاں جو اسیں اپنی زمین دی پیداوار حاصل کریئے۔ جہدے نال تیرا بدل  
ظاہر ہووے تے تیرے بندیاں نوں آرام ملے۔ ساڈے خداوند یسوع  
مسیح دے وسیلے۔ آمین۔

## ۴۵۔ صلح تے ویریاں تھون پچاؤ دے لئی

اے قادر خدا توں اپنے بندیاں دے لئی اہناں دے ویریاں دے  
مقابلے وچ بچاؤ دار اک مضبوط قلعہ ہیں۔ اسیں تیری حمد تے تیرا  
شکر کر دے ہاں پئی جہناں دے خطریاں وچ اسیں گھرے ہوئے  
ساں اہناں تھون توں سالوں چھٹکارا دتا ہے تے صح بخشنی ہے۔  
اسیں اقرار کر دے ہاں پئی ایہ تیرا ہی احسان سی جو اسیں اہناں دا  
شکار نہ ہونے تے تیری مہنت کر دے ہاں پئی اگے نوں وی تیری رحم دی نظر  
ایسے طرح ہمیشہ ساڈے اُتے رہوے تاں جو سارا جہان جان جاوے پئی  
توں ہی اکلا ساڈا بچاؤن والا تے زبردست طاقت نال رہائی بخشن والا خدا  
ہیں ساڈے خداوند یسوع مسیح دے وسیلے۔ آمین۔



## (۶) وطن و چوں فساد نہنگامہ موقوف ہوئے لئی

مے قدیم خدا ساڈے اسمانی باپ صرف توں ہی اک گھر دے رہن  
 دایاں نوں اتفاق بخشدا ہیں تے ہنڈ مچاؤن والیاں تے بے لگاماں  
 مے بلویاں نوں بند کردا ہیں اسیں تیرے پاک نام دا شکر کروے ہاں پئی  
 توں اپنے کرم نال اہناں فساداں نوں موقوف کیتا ہے جو اہنیں دہیں  
 ساڈے ملک وچ اُٹھے سن۔ اسیں عاجزی نال تیری منت کروے  
 ہاں توں آساں سمجھناں آتے اجیہا فضل کر جو آگے نوں تیرے پاک  
 حکماں دے راہ اُتے تابعداری نال چلے تے نیکو کاری تے دیانتداری  
 نال امن چین وچ اپنی زندگی مے دن کیٹے۔ تے اہناں رحمتاں دے  
 لئی جو ساڈے اُتے ہوياں ہیں تیری حمد تے شکر دیاں قربانیاں بلاناغہ  
 تیری درگاہ وچ چڑھانڈے رہیے۔ اپنے خداوند یسوع مسیح مے  
 وسیے۔ آمین۔

## (۷) وبائے مری دے موقوف ہوون دے لئی

اے خداوند خدا۔ توں اوس سخت تے خوفناک بلاناں جو اہنیں دہیں  
 ساڈے اُتے آئی سی۔ ساڈے گناہاں تے تقصیراں دے سبب ساڈوں  
 گھائل کیتا سی۔ ہن توں آفت دے ویٹے اپنے رحم نوں یاد کر کے ساڈیاں  
 بلاناں نوں موت دے منہ مقوں چھڑایا ہے۔ اسیں اپنے آپ نوں جان  
 تے تن سمیت تیری پدرا نہ شفقت دے حضور نذر چڑھانڈے ہاں تاں جو  
 اسیں زندہ قربانی بنے تے تیری کلیسیا وچ ہمیشہ تیریاں رحمتاں دی

تعریف تے اُسنت کردے رہیے۔ ساڈے خُداوند یسوع مسیح دے ویلے +

## (۸) فصل دیاں برکتاں دے لئی

اے قادر خُداوند خُدا توں سب واپسدا کرن والا باپ ہیں۔ اسیں  
دلوں جالوں تیرا شکر کردے ہاں جو توں اساں آدمیاں دے لئی بیانی  
تے فصل دے دن مقرر کیتے ہین تے ہن ایس ویلے سالوں اپنے  
فرزنداں نوں ریز دی پیداوار موقعے اُتے بخششی ہے۔ اسیں تیریاں  
ساریاں رحمتاں دے لئی تیرے جلالی نام دی تعریف کردے ہاں۔ اپنے  
خُداوند یسوع مسیح دے ویلے۔ آمین۔

## مَنَاجَاتِ عَام

ہر روز بڑھتے جمعہ دے دن صبح دی نماز دے پچھوں یا کسے ہمدویہ جیوں حاکم  
شرع فرماتے ایہ مناجات پڑھی جائے :-

خاوم دین۔ اے خُدا۔ اسمانی باپ۔ اساں لاچاراں گنہگاراں اُتے رحم کر  
جماعت۔ اے خُدا۔ اسمانی باپ۔ اساں لاچاراں گنہگاراں اُتے رحم کر۔  
خاوم دین۔ اے خُدا بیٹے دینا توں چھٹکارا دین والے۔ اساں لاچاراں  
گنہگاراں اُتے رحم کر۔  
جماعت۔ اے خُدا بیٹے دینا توں چھٹکارا دین والے۔ اساں لاچاراں  
گنہگاراں اُتے رحم کر۔



خادم دین - اے خدا روح پاک - تُوں جواب تے بیٹے بھقوں نکلا رہیں -  
اساں لاچاراں گنہ گاراں اُتے رحم کر -

جماعت - اے خدا روح پاک - تُوں جواب تے بیٹے بھقوں نکلا رہیں  
اساں لاچاراں گنہ گاراں اُتے رحم کر -

خادم دین - اے قدوس مبارک جلالی ثلوث - تن شانناں والے  
اک خدا - اساں لاچاراں گنہ گاراں اُتے رحم کر -

جماعت - اے قدوس مبارک جلالی ثلوث - تن شانناں والے  
اک خدا - اساں لاچاراں گنہ گاراں اُتے رحم کر -

خادم دین - اے خداوند ساڈے جُرمیاں دل دھیان نہ کرتے نہ ساڈے

پیو داویاں دے جُرمیاں دل خیال کرتے ساڈے گناہاں دا بدلہ

سانوں نہ ملے - اے کریم خداوند ساڈے اُتے رحم کر - اپنے لوکاں

اُتے جنہاں تُوں تُوں اپنے اَنَمَل لُونال چھڈایا ہے رحم کر - تاجو

اسیں تینوں سدا رنجیدہ نہ کریئے -

جماعت - اے کریم خداوند - ساڈے اُتے رحم کر -

خادم دین - ہر طرح دی مدی تے آفت بھقوں - گناہ بھقوں شیطان

دے جیڈیاں تے حملیاں بھقوں - اپنے غضب تے ہمیشہ دے

دُکھ بھقوں -

جماعت - اے کریم خداوند - سانوں بچا

خادم دین - دل دے اندھاپے بھقوں - گھمنڈ شیخی تے ریاکاری بھقوں -

حسد و دشمنی - کینے تے ہر طرح دی بدگمانی بھقوں

جماعت - اے کریم خداوند - سانوں بچا -

خادم دین - حرام کاری تے مہور سب ہلاک کرن والے گناہاں تھوں -  
تے دُنیا نفس تے شیطان دیاں فریباں تھوں -

جماعت - اے کریم خداوند - سانوں بچا -

خادم دین - بجلی تے طوفان تھوں - وبامری تے کال تھوں -  
لڑائی خون تے میانک موت تھوں -

جماعت - اے کریم خداوند - سانوں بچا -

خادم دین - ہر فتنے فساد تے منصوبہ بازی تھوں - بغاوت  
تے غدر تھوں - سب جھوٹی تعلیم بدعت تے آپس دی پھپھٹ  
تھوں - دل دی سختی تے تیرے کلام تے حکم دی بے قدری کرن تھوں  
جماعت - اے کریم خداوند سانوں بچا -

خادم دین - اپنے پاک دیہہ دھارن دے بھید دے واسطے - اپنے  
مبارک جہنم تے ختنے دے واسطے - اپنے پتیسے - روزے تے  
ازمایش دے واسطے -

جماعت - اے کریم خداوند - سانوں بچا -

خادم دین - اپنی جانکشی تے لہو ورگے مڑھکے دے واسطے - اپنی صلیب  
تے دکھ سن دے واسطے - اپنی اُنمل موت تے وفن ہون دے  
واسطے - اپنے جلائی جی اٹھن تے اسمان آتے جان دے واسطے -

اُتے رُوح پاک دے آؤن دے واسطے

جماعت - اے کریم خداوند - سانوں بچا -

خادم دین - ساڈے ہراک دکھ دے دیلے - ساڈے ہراک سکھ دے  
دیلے - ساڈے مرن دے ویلے تے عدالت دے دن -



جماعت - اے کریم خداوند - سانوں بچا -  
 خادم دین - اے خداوند خدا - اسیں گنہگار تیری منت کر دے ہاں توں  
 ساڈی سُن تے کریم کر کے اپنی پاک کلیسیا دی ہدایت کرتے اُہنوں  
 سِدھے راہ اُتے رکھ -

جماعت - اے کریم خداوند ساڈی سُن -  
 خادم دین - کریم کر کے اپنے بندے ساڈے مہربان بادشاہ جارج دی  
 راہی کرتے اُہنوں فضل بخش تاں جو اوہ تیری سچی پرستش کرے  
 تے نیکی تے پاکیزگی ورج اپنی عمر گزارے -  
 جماعت - اے کریم خداوند ساڈی سُن -

خادم دین - کریم کر کے اُہدے دل نوں اپنے ایمان خوف تے محبت  
 دل مائل کرتاں جو اوہ ہمیشہ تیرے اُتے توکل کرے تے تیری  
 عزت تے جلال دا ڈھونڈن والا ہووے -

جماعت - اے کریم خداوند ساڈی سُن -  
 خادم دین - کریم کر کے اُہدا حمایتی تے رکھا ہونے دشمنناں اُتے اُہنوں  
 فتح بخش -

جماعت - اے کریم خداوند ساڈی سُن -  
 خادم دین - کریم کر کے ساڈی مہربان ملکہ تے سب بادشاہی خاندان نوں  
 برکت دے تے اوہدی راہی کر -

جماعت - اے کریم خداوند ساڈی سُن -  
 خادم دین - کریم کر کے سب بپاں - پریشاں - ڈیکناں تے دین دے  
 خادماں نوں اپنے کلام مے علم دا تورتے صحیح سمجھ دا چاٹن بخش

تے اچھا کر جو اوہ اپنی تعلیم وچ آہنوں پیش کرن تے اوہیے  
موافق چال چلن۔

جماعت۔ اے کریم خداوند ساڈی سُن۔

خادم دین۔ کرم کر کے کونسل دے سب ممبران تے وزیراں نوں فضل  
وانائی تے فہم بخش۔

جماعت۔ اے کریم خداوند ساڈی سُن۔

خادم دین۔ کرم کر کے ساڈے ملک دے دائسراے صوبیاں دے  
گورنراں۔ فوجاں دیاں افسراں تے عدالتاں دیاں حاکماں دی ہدایت  
کرتے اہناں دا آگو ہو۔

جماعت۔ اے کریم خداوند ساڈی سُن۔

خادم دین۔ کرم کر کے سب ضلعیاں دے حاکماں نوں برکت دے تے  
اہناں اُتے فضل کمرتاں جو اوہ انصاف کرن تے سچیاں نوں قائم  
رکھن۔

جماعت۔ اے کریم خداوند۔ ساڈی سُن۔

خادم دین۔ کرم کر کے اپنے سب لوکاں نوں برکت دے تے اہناں  
دی راکھی کر۔

جماعت۔ اے کریم خداوند ساڈی سُن۔

خادم دین۔ کرم کر کے دنیا دیاں سب قوماں وچ میل ملاپ صلح تے  
اتفاق پیدا کر۔

جماعت۔ اے کریم خداوند۔ ساڈی سُن۔

خادم دین۔ کرم کر کے سانوں اچھا دل دے جو تیری محبت تے خوف



رکھے تے تیرے حکماں نوں پوریاں کرن وچ لگا رہوے۔

جماعت - اے کریم خداوند ساڈی سُن -  
خادم دین - کرم کر کے اپنے لوکاں نوں زیادہ فضل بخش تاں جو تیرا کلام  
عاجزی نال سُنن تے سچی نیت نال قبول کرن تے روح دے پھل  
لیا ون۔

جماعت - اے کریم خداوند ساڈی سُن -  
خادم دین - کرم کر کے اہناں سبھناں نوں جھڑے گراہ پے گئے ہین  
تے جنہاں فریب کھا دا ہے سچے راہ آتے لیا۔  
جماعت - اے کریم خداوند ساڈی سُن -  
خادم دین - کرم کر کے جو قائم ہین اہناں نوں قوت دے - جو کمزور دل  
والے ہین اہناں نوں تسلی دے تے اہناں دی مدد کر - ڈگیاں  
ہویاں نوں اٹھاں تے اوٹک شیطان نوں ساڈے پیراں مہیٹھاں  
لٹاڑوے۔

جماعت - اے کریم خداوند - ساڈی سُن -  
خادم دین - کرم کر کے اہناں نوں جو خطرے وچ ہین بچالے -  
 حاجت منداں دی مدد کر - تے اہناں نوں جو مصیبت وچ  
ہین دلاسا دے۔

جماعت - اے کریم خداوند - ساڈی سُن -  
خادم دین - کرم کر کے خشکی - سمندر تے ہوادیاں مسافراں دی سب  
حاملہ عورتاں دی - سب بیماروں تے ایانیاں دی راکھی کرتے  
سب قیاریاں آتے اپنی رحمت کر۔

جماعت - اے کریم خداوند - ساڈی سُن -  
 خادم دین - کرم کر کے یتیموں تے بیوہ عورتاں - بیکیاں تے مظلوماں  
 دی مدد کرتے اہناں دی خبر لے -  
 جماعت - اے کریم خداوند - ساڈی سُن -  
 خادم دین - کرم کر کے سربت اتے اپنا رحم کر -  
 جماعت - اے کریم خداوند - ساڈی سُن -  
 خادم دین - کرم کر کے ساڈے دشمنوں - ہمت لاؤن والیاں تے  
 ستاون والیاں نوں بخش دے تے اہناں دے دلاں نوں  
 پھیر دے -

جماعت - اے کریم خداوند - ساڈی سُن -  
 خادم دین - کرم کر کے زمین دی فصل پیداوار سائوں دے تے اُدی  
 رانھی کرتاں جو ویلے سیر ساڈے کم آوے -  
 جماعت - اے کریم خداوند - ساڈی سُن -  
 خادم دین - کرم کر کے سائوں سچی توبہ کرن دی ہمت دے - ساڈے  
 سارے گناہ سستیاں تے نالوانیاں بخش دے - تے اپنے روح  
 پاک دے فضل نال سائوں بھر دے تاں جو اسیں اپنا چال چلن تیرے  
 پاک کلام موجب سدھاریے -

جماعت - اے کریم خداوند ساڈی سُن -  
 خادم دین - اے خدا دے بیٹے اسیں تیری ہمت کردے ہاں - توں  
 ساڈی دعا سُن -

جماعت - اے خدا دے بیٹے - اسیں تیری ہمت کردے ہاں - توں



ساڈی دُعا سن۔

خادم دین۔ اے خُدا دے برے توں جو جہاں دے گناہ لے جاندا ہیں  
جماعت۔ اپنا پُت سا نوں بخش

خادم دین۔ اے خُدا دے برے توں جو جہان دے گناہ لے جاندا ہیں  
جماعت۔ ساڈے اُتے اپنا رحم کر۔

خادم دین۔ یا مسیح ساڈی سن۔

جماعت۔ یا مسیح ساڈی سن۔

خادم دین۔ خُداوند ساڈے اُتے رحم کر۔

جماعت۔ خُداوند ساڈے اُتے رحم کر۔

خادم دین۔ یا مسیح ساڈے اُتے رحم کر۔

جماعت۔ یا مسیح۔ ساڈے اُتے رحم کر۔

خادم دین۔ خُداوند۔ ساڈے اُتے رحم کر۔

جماعت۔ خُداوند ساڈے اُتے رحم کر۔

خادم دین تے جماعت۔ اے ساڈے باپ۔ جو اسمان اُتے ہیں۔

تیرا نام پاک منیا جاوے۔ تیرا راج آوے۔ تیری مرضی جس طرح اسمان

اُتے ہندی ہے زمین اُتے وی پوری ہووے۔ ساڈی روڑی روٹی

اج سا نوں دے۔ ساڈیاں گناہاں نوں بخش دے جس طرح اسیں

اپنے قصور واراں نوں معاف کر دے ہاں۔ سا نوں ازمانش وچ

نہ پین دے۔ سگوں بدی تھوں بچا کیوں جو راج تے قدرت تے

جلال ہمیشہ تیرا ہی ہے۔ آمین۔

خادم دین۔ اے خُداوند۔ ساڈے گناہاں موجب ساڈے نال سلوک

نہ ہووے۔

جماعت۔ تے ساڈیاں بدیاں مَوجب سانوں بدلہ نہ تے۔

خادم دین۔ اسیں دے منگئے ب۔

اے خدا۔ رحیم باپ۔ توں تے دلاں دے ہوکیاں تے غماں دے  
مارے ہوئے لوکاں دیاں آرزوواں توں حقارت نال نہیں دیکھدا۔  
جداکدی اسیں دکھ مصیبت بھتوں تنگ آکے تیرے حضور دُعا  
منگئے توں کرم نال ساڈے آتے نظر کرتے اپنے فضل نال ایہہ بخش  
پئی جو بریاں تدبیراں شیطان یا انسان اپنے مکر تے فریب نال ساڈے  
غلاف کردے ہین اوہ تیرے پاک انتظام دی خوبی نال دفع ہو  
جیاون۔ تاں جو اسیں تیرے بندے ہر طرح دے ظلم بھتوں بچ کے  
تیری پال کلیسیا وچ ہمیشہ تیرا شکر کردے رہیے۔ ساڈے خداوند  
یسوع مسیح دے ویسے۔ آمین۔

جماعت۔ اے خداوند۔ اُٹھ۔ ساڈی مدد کرتے اپنے نام دی خاطر  
سانوں بچالے۔

خادم دین۔ اے خدا اسیں اپنی کئی سُنیا ہے۔ تے  
ساڈے پیو دادیاں نے سانوں دسیا ہے۔ پئی  
اُہناں دے دناں وچ تے اُہناں بھتوں پہلاں قدیم  
زمانے وچ توں کیا ہی عجائب کم کیتے۔

جماعت۔ اے خداوند اُٹھ ساڈی مدد کر۔  
تے اپنی عزت دی خاطر سانوں بچالے۔



خادم دین۔ بلال باپ بیٹے روح پاک داہو دے۔  
جماعت۔ جیہا شروع وچ سی۔ ہن ہے۔ تے ہمیشہ تیکر رہوے گا۔  
آمین۔

خادم دین۔ یا مسیح۔ ساڈے دشمنان ہتھوں سانوں پناہ دے۔  
جماعت۔ ساڈی مصیبتاں اُتے کرم دی نظر کر۔  
خادم دین۔ درد مندی نال ساڈے دلاں دے غماں اُتے ترس کھا۔  
جماعت۔ رحم کر کے اپنے لوکاں دے گناہ معاف کر۔  
خادم دین۔ کرم کر کے ساڈیاں دُعاواں نوں سُن لے۔  
جماعت۔ اے داؤد دے بیٹے ساڈے اُتے رحم کر۔  
خادم دین۔ اے مسیح۔ ہن تے ہمیشہ کرم کر کے ساڈی سُن۔  
جماعت۔ اے مسیح مہناں ساڈی سُن۔ اے خداوند مسیح مہناں ساڈی سُن۔  
خادم دین۔ اے خداوند۔ تیری رحمت ساڈے اُتے نازل ہو دے  
جماعت۔ کیوں جو سانوں تیرا ہی آسرا ہے۔  
خادم دین۔ اسیں دُعا منگئے :-

اے باپ اسیں عاجزی نال تیری منت کر دے ہاں توں ساڈیاں  
کمزوریاں اُتے رحم دی نظر کرتے اپنے نام دے جلال دی خاطر مہناں ساریاں  
آفتاں توں ٹال دے جنہاں دے اسیں لائق ہاں۔ تے ایہہ بخش جو  
اسیں اپنے سب دکھاں وچ اپنا سارا آسرا بھروسہ تیری ہی رحمت  
اُتے رکھئے۔ تے ہمیشہ چال چلن دی صفائی نال تیری سیوا کر دے رہیے۔  
تاں جو تیری عزت تے جلال ظاہر ہو دے۔ ساڈے اکٹھے شفیع تے وچوٹے  
یسوع مسیح دے وسیے۔ آمین۔

مقدس خیرستم دی دُعا

اے قائدِ خدا۔ تیرے فضلِ نال اساں رُل کے تیرے اگے  
 اپنیاں سانجھیاں ضرورتاں پیش کیتیاں ہن۔ تے توں وعدہ کیتا ہے  
 پئی جدوں دویا تہ تیرے نام اُتے اکٹھے ہون گے توں اُہناں دیاں  
 عرِضاں نوں قبُول کریں گا۔ مہن اے خداوند۔ اساں بندیاں دیاں  
 مُراداں تے آرزوواں نوں ایس طرح پوریاں کر جہدے وچ ساڈی  
 بہتری ہووے۔ سالوں ایس جہان وچ اپنی سچائی دا گیان تے اوس  
 جہان وچ ہمیشہ دی زندگی بخش دے۔ آمین۔

۲۔ کرنہقیوں۔ ۱۳:۱۴

ساڈے خداوند یسوع مسیح دا فضل تے خدا دی محبت تے رُوح  
 پاک دی رفاقت اساں سبھناں نال ہمیشہ رہوے۔ آمین۔



# سال بھروے لئی دُعا وال تے رُسولاں دے خط تے انجیل شریف دے حصے

جہڑی دُعا کے اتوار یا عرفہ والے مقدس دن دے لئی مقرر ہے  
اوہ اُہدے عرفے دی نمازِ شام وچ دی پڑھی جاوے :-

مسیح دی آمد دا پہلا اتوار

دُعا

اے قادرِ خدا تیرا بیٹا یسوع مسیح بڑی عاجزی نال دُنیا وچ  
ساڈی خاطر آیا۔ ساڈے اُتے فضل کر جو ایس فنا ہون والے  
جہان وچ ایس ہنیرے دے کماں نوں چھڈ دیئے تے پاتن دے  
ہتھیار بچھ لیئے تاں جو چھیکڑ دے دن ہندوں اوہ اپنی بادشاہی شان  
نال جیوندیاں تے مڑیاں دی عدالت دے لئی مڑ آوے گا ایس ہمیشہ  
دی زندگی دے لئی اوسے دے وسیلے جی اُٹھئے جہڑا تیرے تے رُوح  
پاک دے نال ہمیشہ اک خدا ہُن تے سدا زندہ تے راج کر دانہ۔ آمین۔  
خطرو میوں دے نام - ۱۳ باب - ۸ آیت تھوں اخیر تیکر۔  
انجیل متی ۲۱ باب - پہلی آیت تھوں ۱۴ آیت تیکر۔

ایہ دعا آمد دے باقی اتواراں دیاں دُعاواں دے نال عید  
ولادت دے عرفے تیکر ہر روز پڑھی جاوے ۔

## آمد دا دوجا اتوار دُعا

اے مبارک خداوند۔ تُوں سب پاک کتاباں ساڈی تعلیم دے  
لئی لکھوائیاں۔ ایہ بخش پئی اسیں اُہناں تُوں آیوون سنئے تے پڑھئے  
تے اُہناں اُتے آیوون دھیان کریئے تے سوچئے جو اُہناں تُوں اپنے  
اندر مضہم کر لیئے۔ تاں جو تیرے پاک کلام وچوں صبر تے تسلی پاکے آہیں  
ہمیشہ دی زندگی دی اوس مبارک اُمید لوں حاصل کریئے تے مضبوطی  
نال سامبھی رکھیئے جہڑی تُوں ساڈے بچا و ن والے یسوع مسیح دے  
وسیلے بخشی ہے۔ آمین۔

خط - رومیاں دے نام - ۱۵ باب - ۴-۱۴ آیت  
انجیل - لوقا ۱۲ باب ۲۵ - ۳۴ آیت -

## آمد دا تینجا اتوار دُعا

اے خداوند یسوع مسیح۔ جدوں تُوں پہلی واری دُنیا وچ آیا سی  
توں اپنے رسول نوں گھلیا سی تاں جو اوہ اگے اگے تیری راہ تُوں  
درست کرے۔ ایہہ بخش پئی تیرے دین دے خادم جو تیرے پاک  
بھیتاں دے مختار کار ہیں باغیاں دے دلاں نوں ایمانداراں والی  
عقل دے کے تیرے دل موڑن تے تیری راہ لوں تیار کرن۔ تاں جو



جدوں توں دوجی داری دنیادی عدالت کرن آویں اسیں تیری نظر  
 وچ اجیہی اُمت ہوئیے جو تیری قبولیت دے لائق ہووے۔ کیوں جو  
 توں باپ تے رُوح پاک دے نال ہمیشہ اک خدا زندہ تے سدا راج  
 کرداہیں۔ آمین۔

خط۔ کرنھیاں دے نام پہلا خط۔ ۴ باب پہلی آیت تھوں ۶ آیت تیکر  
 انجیل۔ متی ۱۱ باب ۲۔ ۱۱۔ آیت

## آمد و اچو تھا اتوار دُعا

اے خداوند۔ اسیں عرض کردے ہاں توں اپنی قدرت ظاہر کر  
 تے ساڈے وچ آکے اپنی قوت نال ساڈی مدد کر۔ اسیں اپنے گناہاں  
 تے بدیاں دے سبب اپنی مقرری دَور وچ بہت ہی اٹکے تے رُکے  
 ہوئے ہاں۔ توں اپنے فضل نال ساڈے اُتے رحم کر۔ تاں جو تیری مدد نال  
 اسیں اُہتاں تھوں رہائی پائیے۔ تیرے بیٹے ساڈے خداوند یسوع مسیح  
 دے کفارے دے واسطے جہدی تیرے تے رُوح پاک دے نال عزت  
 تے بزرگی ہُن تے ہمیشہ تیکر ہووے۔ آمین۔

خط۔ فلپیاں دے نام۔ ۴ باب ۴۔ ۸ آیت  
 انجیل۔ یوحنا پہلا باب۔ ۱۹۔ ۲۹ آیت

ساڈے خُداوند یسوع مسیح دے جنم دن دی عید

یعنی عید ولادت ۲۵ - دسمبر

دُعا

اے قادرِ خدا - توں اپنا اکلا بیٹا بخش دتا جو اوہ ساڈے درگاہ آدمی  
بنے تے اک پاک کواری تھوں پیدا ہووے تے ایس گل دی اِج دے  
دن اسیں یادگاری کر دے تے خوشی کر کے عید مناندے ہاں - ایہہ بخش  
پئی اسیں جو تیرے فضل نال نواں جنم پاک تیرے فرزند بن گئے ہاں  
وزد ہاڑے تیرے رُوح پاک دی قدرت نال نویوں نویں ہندے  
جائیے - ساڈے خُداوند یسوع مسیح دے ویسے جہڑا تیرے تے اوسے  
روح دے نال ہمیشہ اک خُدا زندہ تے سارا راج کر دا ہے - آمین -  
خط عبرانیوں دے نام - پہلا باب پہلی آیت تھوں ۱۳ اتیکر  
انجیل - یوحنا - پہلا باب پہلی آیت تھوں ۱۵ اتیکر

مقدس سٹیفن دا دن

(۲۶ دسمبر)

دُعا

اے خُداوند - ایہہ بخش پئی جدوں تیرے سچے کلام دی گواہی دین  
دی خاطر ساڈے اُتے ایس دُنیا وچ مصیبت پوے - اسیں اسمان ول  
نگاہ کریئے - تے ایمان دیاں اکھیاں نال اوس جلال دل تکدے رہتے جو  
ظاہر ہون والا ہووے تے رُوح پاک نال بھر پور ہو کے مقدس سٹیفن دے  
دانگوں جو تیری خاطر پہلا شہید ہویا اُہدے نمونے اُتے چل کے اپنے



ستاؤن والیاں نال محبت رکھنی تے اہناں دے واسطے دُعاے خیر کرنی  
 سکھیے۔ اے مبارک یسوع اُہنے اپنے قاتلاں دے لئی تیرے کولوں دُعا  
 منگی کیوں جو تُوں ہی اہناں سبھناں دی مدد لئی جھڑے تیری خاطر دُکھ  
 پاندے پین خُدا دے سچے ہتھ وسیلہ تے شفیع ہو کے کھلوتا ہیں۔ آمین۔

ایں دُعا دے مگروں تے نویں سال دے عرفہ  
 تیکر ہر روز عید ولادت دی دُعا پڑھی جائے۔

خط دے تھاں اعمال دی کتاب - ۷ باب ۵۵ آیت تھوں آخر تیکر۔  
 انجیل - متی ۲۳ باب - ۴۷ آیت تھوں آخر تیکر۔

## مقدس یوحنا انجیل لکھن والے دا دن

(۲۷ - دسمبر)

### دُعا

اے رحیم خُداوند۔ اسیں تیری منت کردے یاں اپنی کلبسیا اُتے اپنے  
 نور دیاں کرناں چمکاتاں جو اوہ تیرے مبارک رسول مقدس یوحنا دی  
 تعلیم تھوں روشن ہو جائے تے تیرے سچے کلام دے چانن وچ اُیوں چلے  
 جو اوہک نوں ہمیشہ دی زندگی دے نور نوں حاصل کرے۔ ساڈے خُداوند  
 یسوع مسیح دے وسیلے۔ آمین۔

خط - پہلا۔ یوحنا پہلا باب

انجیل - یوحنا - ۲۱ باب ۱۹ آیت تھوں آخر تیکر۔

## معصوم شہید بچیاں دا دن

(۲۸ - دسمبر)

دُعا

اے قادرِ خدا - تُوں ایانیاں تے دُور پندے بچیاں دے وسیلے  
اپنی قدرت ظاہر کیتی تے نکے بالکاں دی موت ہتھوں دی اپنا جلال ظاہر  
کیتا ساڈیاں ساریاں بُریاں خواہشاں تے بدیاں تُوں مُردہ کر دے تے  
اپنے فضل نال سانوں اجیہی ہمت دے جو اپنے چلن وچ بے عیب  
تے مُردے دم تیکر ایمان وچ سُختہ رہئے تاں جو تیرے پاک نام دا جلال ظاہر  
ہو دے - ساڈے خداوند یسوع مسیح دے وسیلے - آمین -

خط دے عوض مکاتبات دی کتاب - ۱۴ باب پہلی آیت ہتھوں تیکر  
انجیل - متی - ۲ باب ۱۳ - ۱۹ آیت -

## عیدِ ولادت دے بعد دا آوار

دُعا

اے قادرِ خدا - تُوں اپنا اکلا بیٹا بخش دتا جو اوہ ساڈے ورگا آدمی  
بنے تے اک پاک کواری ہتھوں پیدا ہووے - ایہہ بخش پئی اسیں جو تیرے  
فضل نال لوں جنم پاک تیرے فرزند بن گئے ہاں روزِ دہاڑے تیرے رُوح  
پاک دی قدرت نال لوں نوں ہندے جانیے - ساڈے خداوند یسوع  
مسیح دے وسیلے جہڑا تیرے تے اوئے رُوح نال ہمیشہ اک خدا زندہ تے  
سدا راج کردا ہے - آمین -



خط۔ گھلتیاں دے نام۔ ۴ باب پہلی آیت تھوں ۸ آیت تیکر  
انجیل۔ متی پہلا باب ۱۸ آیت تھوں آخر تیکر۔

## خداوند مسیح دے نختے دادن

(یکم جنوری)

دُعا

اے قادر خدا۔ تُوں اپنے مبارک بیٹے دا نختہ کر کے آہنوں شرع  
دے ماتحت کر دتا۔ سا نوں رُوح پاک دا اصلی نختہ بخش جو ساڈے دل تے  
سارے انگ دُنیا دی تے نفسانی خواہشاں دیوں مُردہ ہو جادن تے  
سب گلاں وچ اسیں تیری مبارک مرضی دے تابعدار ہو کے رہیے۔ اوسے  
تیرے بیٹے ساڈے خداوند یسوع مسیح دے وسیلے۔ آمین۔

اے قیم خدا توں اپنے بندیاں نوں اک ہونہ نوں سال وکھالیا  
ہے۔ اسیں عاجزی نال تیری منت کر دے ہاں توں ساڈیاں پھلیاں  
تقصیراں نوں معاف کرتے اپنے کرم نال ساڈی زندگی دے آخر تیکر  
ساڈے نال رہ۔ ساڈے خداوند یسوع مسیح دے وسیلے۔ آمین۔

خط۔ رومیاں دے نام۔ ۴ باب ۸۔ ۱۵ آیت۔

یا

افسیاں دے نام۔ ۲ باب ۱۱۔ ۱۸ آیت

انجیل۔ لوقا ۲ باب۔ ۱۵۔ ۲۲ آیت

## عید ولادت دے مگروں ویا آوار

ایہ دُعا خط تے انجیل یکم جنوری تے چھ جنوری دے درمیانی  
عرصے وچ کسے دن پڑھے جاوے :-

دُعا

اے قادرِ خدا۔ توں انسان نوں اپنی صورت اُتے عجائب طور نال  
سید اکریتا تے اوس بھتوں ودھ کے عجائب طور نال اسنوں مُطر بحال  
کیتا۔ ایس تیری منت کر دے ہاں ایہ بخش پئی جس طرح تیرا بیٹا ساڈا  
خداوند یسوع مسیح ساڈے ورگا انسان بنیا ایس وی اُہرے ہم شکل ہند  
جلیے۔ اوسے تیرے بیٹے دے وسیلے جو تیرے تے رُوح پاک دے نال  
ہمیشہ اک خدا زندہ تے سدا راج کر دا ہے۔ آمین۔

خط۔ کرنٹھیاں دے نام دوسرا خط۔ ۸ باب۔ ۹۔ ۱۰ آیت  
انجیل۔ یوحنا۔ ۱۲۔ ۱۸ آیت۔

## مسیح دے جلوے دا دن (عیدِ تہجی)

یعنی مسیح دا غیر قوماں اُتے ظاہر ہون دا دن

(۶۔ جنوری)

دُعا

اے خدا۔ توں اک تارے دی راہیں پراپیاں قوماں نوں اپنے اکٹھے  
بیٹے دا جلوہ دکھالیا۔ اپنے رحم نال ایہ بخش پئی ایس جو ہن تینوں ایمان  
دی راہیں جان گئے ہاں ایس زندگی دے بعد تیری الہی شان دا دیدار  
حاصل کریں۔ ساڈے خداوند یسوع مسیح دے وسیلے۔ آمین۔



خط - افسیاں دے نام - ۳ باب ۱ - ۱۳ آیت -  
انجیل - متی - ۲ باب ۱ - ۱۳ آیت -

## عیدِ تجلی دے مگروں پہلا اتوار

### دعا

اے خداوند - اسیں تیری منت کر دے ہاں توں اپنی رحمت نال  
اپنے سوالی بندیاں دیاں دعاواں توں قبول کر - ایہ بخش پئی جو فرض ساڈے  
اُتے واجب ہن اسیں اہناں توں پچھانیے تے تیرے کولوں ہمت تے  
فضل پاکے اہناں توں ایمانداری نال پوریاں کریئے - ساڈے خداوند  
یسوع مسیح دے وسیلے - آمین -

خط - رومیال دے نام - ۱۲ باب ۱ - ۶ آیت  
انجیل - لوقا ۲ باب ۱۴ آیت سمقوں آخر تک -

## عیدِ تجلی دے مگروں دوجا اتوار

### دعا

اے قادر تے قدیم خدا - توں اسمان تے زمین دیاں سب چیزاں  
اُتے حکومت کردا ہیں - اپنی مہر نال اپنے لوکاں دیاں عرضاں توں سن  
تے ساڈی زندگی دے سب دناں وچ سانوں اپنے دلوں آرام تے  
چَین بخش - ساڈے خداوند یسوع مسیح دے وسیلے - آمین -

خط - رومیال دے نام - ۱۲ باب ۶ - ۱۶ آیت -  
انجیل - یوحنا ۲ باب ۱ - ۱۲ آیت -

## عیدِ تجلی دے مگروں تیجا اتوار دُعا

اے قادر تے قدیم خُدا ساڈیاں کمزوریاں اُتے رحمت دی نگاہ کر۔  
تے خطرے تے حاجت دے ویلے اپنی قدرت والا ہتھ ودھ کے ساڈی  
مدد تے راکھی کر۔ ساڈے خُداوند یسوع مسیح دے ویلے۔ آمین۔  
خط۔ رومیاں دے نام۔ ۱۲ باب ۱۶ آیت تھوں آخر تیکر۔  
انجیل۔ متی ۸ باب ۱۔ ۱۴ آیت۔

## عیدِ تجلی دے مگروں چوتھا اتوار دُعا

اے خُدا۔ توں جانداپیں پٹی اسیں چار چو پھیرے بہت تے  
سخت خطریاں نال گھرے ہوئے ہاں تے اپنی طبیعت دی کمزوری  
دے سبب ہمیشہ قائم نہیں رہ سکدے۔ سائوں اجیہی ہمت دے  
جو اسیں سب خطریاں وچ سنبھلے رہیئے تے ساڈی مدد کرتاں جو  
اسیں سب آزمائشاں وچوں نکل جائیے۔ ساڈے خُداوند یسوع مسیح  
دے ویلے۔ آمین

خط۔ رومیاں دے نام۔ ۱۳ باب ۱۔ ۸ آیت۔  
انجیل۔ متی ۸ باب ۲۳ آیت تھوں آخر تیکر۔



## عیدِ تجلی دے مگر دوں پنجواں آوار دعا

اے خداوند۔ اسیں تیری منت کر دے ہاں توں اپنی کلیسیا  
نوں جو تیرا گھرانہ ہے اپنے سچے دین اُتے ہمیشہ قائم رکھ تاں جو جہاں توں  
صرف تیرے اسمانی فضل دا ہی آسرا ہے اوہ ہمیشہ تیری بڑی قدرت  
دے نال بچے رہن۔ ساڈے خداوند یسوع مسیح دے وسیلے۔ آمین۔

خط۔ نکلیاں دے نام۔ ۳ باب۔ ۱۲-۱۸ آیت۔

انجیل۔ متی ۱۳ باب ۲۴-۳۱ آیت۔

## عیدِ تجلی دے مگر دوں چھیواں آوار دعا

اے خدا۔ تیرے مبارک بیٹے دا جلوہ ہو یا تاں جو شیطان دے  
کٹاں نوں تاس کر کے سا نوں خدا دے فرزند تے ہمیشہ دی زندگی  
دے وارث بناوے۔ اسیں عرض کر دے ہاں پئی سا نوں ایہہ توفیق  
بخش پئی اسیں جو ایس طرح دی اُمید رکھ دے ہاں اپنے آپ نوں  
اجیہا پاک کریئے جیہا اوہ پاک ہے تاں جو جہدوں اوہ قدرت بے  
جلال دے نال پھیر مڑ جلوہ دیوے گا اسیں دی اوہدی ابدی تے  
جلالی بادشاہی وچ اوہدے ورگے بن جاییں جہدے وچ اوہ  
اے باپ تیرے تے رُوح پاک دے نال ہمیشہ اک خدا زندہ تے  
سدا راج کر دے۔ آمین۔

خط۔ پہلا یوحنا۔ ۳ باب۔ ۱-۹ آیت۔

انجیل متی - ۲۲ باب - ۲۳ - ۳۲ آیت

## روزیاں تھوں اگول تیجا اتوار

دعا

اے خداوند۔ اسیں عرض کردے ہاں توں کرم کر کے اپنے لوکاں  
دیاں دعاواں نوں سن۔ خداوند۔ اسیں تاں اپنا کیت پاؤندے ہاں  
تے اپنے گناہاں دا پھل بھوگردے ہاں پر توں اپنے رحم نال تے اپنے  
نام دے جلال دی خاطر سائوں جھٹکارا دے۔ ساڈے بچاؤن ولے  
یسوع مسیح دے وسیلے جو تیرے تے روح پاک دے نال ہمیشہ  
اک خدا زندہ تے سدا راج کردا ہے۔ آمین۔

خط۔ کہ نتھیاں دے نام پہلا خط۔ ۹ باب ۲۴ آیت تھوں  
آخر تیکر۔

انجیل متی - ۳۰ باب - ۱ - ۷ آیت۔

## روزیاں تھوں اگول دوجا اتوار

دعا

اے خداوند خدا۔ توں جاندا ہیں پئی اسیں اپنے کیتے اتے آسرا  
نہیں رکھ سکدے۔ اپنی رحمت نال ایہہ بخش پئی اسیں تیری قدرت  
دی مدد نال سب بلاواں تھوں نیچے رہیے۔ ساڈے خداوند یسوع  
مسیح دے وسیلے۔ آمین۔

خط۔ کہ نتھیاں دے نام دوسرا خط۔ ۱۱ باب - ۱۹ - ۳۲ آیت



انجیل - لوقا ۸ باب - ۴ - ۱۵ آیت -

## روزیاں تھوں اگوں پہلا اتوار

دعا

اے خداوند - توں سانوں سکھالیا ہے پٹی ساڈے سارے کم  
محبت پناں نکے پن - اپنا روح پاک گھل تے ساڈیاں دلاں وچ ادھ  
محبت جاری کر جو بہترین نعمت تے میل ملاپ تے ساری نیکیاں دی  
اصل جڑ ہے تے جھدے۔ بغیر ہر زندہ تیری نظر وچ مُردہ ہے۔ اپنے اگلے  
بیٹے ساڈے خداوند یسوع مسیح دے وسیلے - آمین -

خط - کرنتھیان دے نام پہلا خط - ۱۳ باب - پہلی آیت تھوں اخیر  
تیکر -

انجیل - لوقا ۸ باب ۱۴ آیت تھوں اخیر تیکر -

## روزیاں دا پہلا دن

دعا

اے قادر تے قدیم خدا - توں اپنی خلقت تھوں نفرت نہیں کروا  
تے سب توبہ کرن والیاں دے گناہاں نوں بخشدا ہیں ساڈے اندر  
نویں تے توبہ کرن والے دل پیدا کرتاں جو اسیں اپنے گناہاں دے  
واسطے رویئے تے اپنیاں خرابیاں دا اقرار کریئے تے اسیں تیرے  
کولوں جو سب رحمتاں دا خدا ہیں پوری بخشش حاصل کریئے۔ ساڈے  
خداوند یسوع مسیح دے وسیلے - آمین +

ایہ دعا روزیاں دے دے ہر روز مقررہ دعا دے پھوپھوں پڑھی جاوے

خط دے کھاں یوئیل نبی دی کتاب - ۲ باب - ۱۲ - ۱۸ آیت  
انجیل - متی - ۶ باب - ۱۶ - ۲۲ آیت -

## روزیاں دا پہلا اتوار

### دعا

اے خداوند مسیح - توں ساڈی خاطر چا لیہ دن تے چالیہ رات  
روزہ رکھیا ساڈے اُتے فضل کر پئی اسیں اچھا روزہ رکھئے جو ساڈے  
جسم تیرے رُوح پاک دے مطیع ہو جاوے دن تے اسیں راستی تے سچی پاکیزگی  
نال سدا تیریاں مبارک ہدائتاں اُتے چلے رہیئے تاں جو تیرے نام دی  
عزّت تے بزرگی ہووے جو باپ تے رُوح پاک دے نال ہمیشہ اک  
خدا زندہ تے سدا راج کر داہیں - آمین -

خط کر نکھیاں دے نام دوجا خط - ۶ باب - ۱ - ۱۱ آیت -  
انجیل - متی - ۴ باب - ۱ - ۱۲ آیت -

## روزیاں دا دوجا اتوار

### دعا

اے قادر خدا - توں جاندا ہیں پئی ساڈے دے ایسی طاقت نہیں  
جو اپنے آپ نوں سنبھال سکئے ساڈے اندر باہر دوہاں دی رکھوالی کر  
تاں جو اسیں جسم دیاں سب دکھاں تھوں پچے رہیئے تے دل دے سب  
بُمرے خیالاں تھوں جو رُوح نوں دگاڑ دے ہن پاک صاف ہو جائیئے



ساڈے خُداوند یسوع مسیح دے وسیلے - آمین -

خط - تسلیقییاں دے نام پہلا خط - ۴ باب - ۱ - ۹ آیت -

انجیل - متی ۱۵ باب - ۲۱ - ۲۹ آیت -

## روزیاں دا نیچا آوار

### دُعا

اے قادرِ خدا - اپنے عاجز بندیاں دیاں دل آرزواں دل لگاہ  
کرتے اپنی وھڈی قدرت دا ہتھ ودھاتاں جو اوہ سا نوں سب دشمن  
تھوں بچائے - ساڈے خُداوند یسوع مسیح دے وسیلے - آمین -

خط - افسیاں دے نام - ۵ باب - ۱ - ۱۵ آیت -

انجیل - لوقا ۱۱ باب - ۱۴ - ۲۹ آیت

## روزیاں دا چوتھا آوار

### دُعا

اے قادرِ خدا - اسیں اقرار کردے ہاں پئی اسیں اپنی بدیاں دے  
سبب سزا دے لائق ہاں ساڈے اُتے فضل کرتاں جو تیرے رحم نال  
سا نوں اُہناں تھوں چھٹکا رالے - تے تیرے کولوں تسلی پا کے اسیں تازہ  
دم ہو جائیے - ساڈے خُداوند تے بچاؤن والے یسوع مسیح دے وسیلے  
آمین -

خط گلتیاں دے نام ۴ باب - ۳۱ آیت تھوں آخر تیکر

یا عبرانیاں دے نام - ۱۲ باب - ۲۲ - ۲۴ آیت -

انجیل - یوحنا ۶ باب - ۱ - ۱۵ آیت -

## روزیاں دا پنجواں اتوار

### دعا

اے قادرِ خدا - اسیں تیری منت کر دے ہاں اپنے لوکاں اُتے رحم  
دی نگاہ کرتاں جو تیرے بڑے کرم تال ساڈے جسم تے رُوح دو ہاں دی  
ہدایت تے رکھوالی ہمیشہ ہندی رہوے۔ ساڈے خداوند یسوع مسیح  
دے وسیلے - آمین -

خط عبرانیاں دے نام ۹ باب - ۱۱ - ۱۶ آیت  
انجیل - یوحنا ۸ باب - ۶ - ۱۲ آیت مقول اخیر تیکر -

خداوند مسیح دے جی اٹھن یعنی عیدِ قیامت دے اگوں پہلا اتوار

(کھجور دا اتوار)

### دعا

اے قادرِ تے قدیم خدا - توں انسان نال ایڈی محبت کیتی جو اپنے  
بیٹے ساڈے بچاؤن والے یسوع مسیح نوں گھلیا جو اوہ ساڈے ورگا  
جسم اختیار کر کے صلیب اُتے موت دا دکھ جھلے تاں جو سب منکھ اُہدی  
فروتنی دے نمونہ اُتے چلن - ساڈے اُتے رحم کرتے ایہہ بخش جو اسیں اوہدے  
صبر دے نمونے اُتے چلے تے نلے اُہدے جی اٹھن دے فائدے وی حاصل کیئے  
ساڈے خداوند یسوع مسیح دے وسیلے - آمین -

خط فلپیاں دے نام - ۲ باب - ۵ - ۱۲ آیت -



انجیل متی ۲۷ باب ۱ - ۵۵ آیت -

عیدِ قیامت دے اگول سوموار دا دن

دُعا - جو کھجور دے اتوار لئی مقرر ہے اوہ پڑھی جاوے -

خط دے تھاں - یسعیاہ ۶۳ باب - پہلی آیت تھوں اخیر تیکر -

انجیل - مرقس ۱۴ باب - پہلی آیت تھوں اخیر تیکر -

عیدِ قیامت تھوں اگول منگل دا دن

دُعا - جو کھجور دے اتوار لئی مقرر ہے اوہ پڑھی جائے -

خط دے تھاں - یسعیاہ نبی دی کتاب - ۵۰ باب - ۵ آیت

تھوں اخیر تیکر -

انجیل - مرقس ۱۵ باب ۱ - ۴۰ آیت -

عیدِ قیامت تھوں اگول بُدھ دا دن

دُعا - جو کھجور دے اتوار لئی مقرر ہے اوہ پڑھی جائے -

خط - عبرتیاں دے نام - ۹ باب - ۱۶ تھوں اخیر تیکر -

انجیل - لوقا - ۲۲ باب - پہلی آیت تھوں اخیر تیکر -

عیدِ قیامت تھوں اگول جمعرات دا دن

دُعا - جو کھجور دے اتوار لئی مقرر ہے اوہ پڑھی جاوے -

خط - کرئھیاں دے نام پہلا خط ۱۱ باب - ۷ آیت تھوں اخیر تیکر -

انجیل - لوقا ۲۳ باب - ۱ - ۵۰ آیت

## مبارک جمعہ دا دن

اے قادرِ خدا - اسیں عرض کر دے ہاں توں اپنے ایس گھرانے  
 ول مردی نگاہ کر جمدی خاطر ساڈے خداوند یسوع مسیح نے شریاں دے  
 حوالے ہون تے صلیب داسخت عذاب سہن کھتوں دی دریغ نہ کیتا اوہ  
 تیرے تے رُوح پاک دے نال ہمیشہ اک خدا ہُن تے سدا زندہ تے راج  
 کر داپے - آمین

اے قادر تے قدیم خدا تیرے رُوح پاک نال کُل کلیسیا نوں ہدایت  
 تے پاکیزگی ملدی ہے - تیری ایس پاک کلیسیا دے ہر حالت دے منکھاں  
 دے نئی جو دے عاتے التجا اسیں تیری درگاہ وچ کر دے ہاں اوہ توں قبول  
 کر - ایہہ بخش پٹی ہر اک ایماندار آپو اپنے کم تے خدمت وچ نیکی تے  
 دینداری نال تیری سیوا کرے - ساڈے خداوند تے بچاؤن والے یسوع  
 مسیح دے وسیلے - آمین -

اے رحیم خدا - توں ہی سمجھناں دا خالق ہیں تے توں اپنی خلقت  
 کھتوں نفرت نہیں کرداتے کسے گنہگار دی موت نہیں چاہندا - پر ایہہ  
 چاہندا ہیں جو اوہ تیرے دل پھرن تے زندگی پادن - سب یہودیوں لے  
 مسلماناں - ہندوؤاں تے بُت پرستان - منکراں تے بدعتیاں اُتے رحم  
 دی نگاہ کرتے اہتاں وچوں ہر طرح دی نادانی تے سخت دلی - تے  
 اپنے کلام تے حکماں دی بے قدری کٹھ دے تے اے مبارک خداوند  
 اہتاں توں اپنے آئو وچ رالے تاں جو اوہ پیچ اسرائیلیاں دے



باقی بچے ہوئے لوکاں سے بچ جاؤن۔ تے ساڈے اکوایالی خداوند یسوع  
 مسیح دا اکوایا بن جائے جو تیرے تے رُوح پاک دے نال ہمیشہ اک  
 خدا سدا زندہ تے راج کروا ہے۔ آمین۔

خط۔ عبرانیاں دے نام۔ ۱۰ باب۔ ۱۔ ۲۹ آیت۔  
 انجیل۔ یوحنا ۱۹ باب۔ ۱۔ ۳۸ آیت۔

## خداوند مسیح دے جی اُٹھن دا عرفہ

### دُعا

اے خداوند۔ ایہہ بخش پٹی جس طرح اسیں بپتسمہ پاک تیرے مبارک  
 بیٹے اپنے خداوند یسوع مسیح دی موت وِج شال ہو گئے ہاں او س طرح  
 اسیں اپنیاں خراب خواہشاں نوں سد مار کے اوسدے دفنائے جاؤن  
 وِج دی شریک ہو جائیے۔ تے قہر تے موت دے بُوہیاں وِچوں دی سگھ  
 کے خوشی دے نال جی اُٹھئے۔ ایہہ تیرے بیٹے ساڈے خداوند یسوع مسیح دے  
 ثواب دی طفیل ہووے جہڑا ساڈی خاطر مریاں تے دفنایا گیا تے مریاں وِچوں مڑ جی اُٹھیا ہے۔  
 خط۔ پطرس دا پہلا خط۔ ۳ باب ۱۷ آیت تھوں آخر تیکر۔

انجیل۔ متی ۲۷ باب۔ ۵۷ آیت تھوں آخر تیکر۔

## عیدِ قیامت یعنی خداوند یسوع مسیح دے مریاں وِچوں جی اُٹھن دا دن

صبح دی نماز وِچ ۹۵ زبور دے بقال ایہہ آیتاں پڑھیاں جاؤن۔

ساڈا فح یعنی مسیح قربان ہو یا۔ سو آؤ۔ اسیں عید کر بیٹے۔ تہ پُرا تے  
 خمیر نال تے نہ بدی تے ثمرات دے خمیر نال سگوں صاف دلی تے

سچائی دی ہے خمیری روٹی نال عید کریئے۔ (اگر تھقی ۵ باب - ۷ و ۸ آیت)  
 جد مسیح مُردیاں وچوں جی اُٹھیا تے پھیر نہیں مرے گا۔ موت دا  
 اوہدے اُتے کوئی دَس نہیں رہیا۔ کیوں جو مسیح جد مر گیا تے گناہ دلوں  
 اکو داری مر گیا پر مَن جو اوہ زندہ ہے اوہ خُدا دلوں زندہ ہے۔ ایسے طرح  
 تئیں دی اپنے آپ نوں گناہ دلوں مُردہ پر خُدا دلوں مسیح یسوع وچ  
 زندہ سمجھو۔ (رومی ۶ باب ۹ - ۱۱)

مسیح مُردیاں وچوں جی اُٹھیا ہے تے اُہناں وچوں جو سوں گئے  
 ہن پہلا پھل ہويا۔ کیوں جو جد آدمی دے سببوں موت ہے تاں آدمی  
 ہی دے سببوں مُردیاں دی قیامت دی ہے۔ تے جس طرح آدم دے  
 وچ سب مُردے ہیں ایسے طرح مسیح دے وچ سب زندہ کیتے جاوَن گے۔  
 (۱۔ کرنتھی - ۱۵ باب ۲۰ - ۲۲)

جداں باپ بیٹے روح پاک دا ہووے۔ جیہا شروع وچ سی۔ مَن  
 ہے تے ہمیشہ تیکر رہوے گا۔ آمین۔

### دعا

اے قادر خُدا۔ توں اپنے اگتے بیٹے یسوع مسیح دی راہیں موت  
 اُتے فتح پاکے ساڈے لئی ہمیشہ دی زندگی دا یوہا کھول تا ہے۔ اسیں عاجزی  
 نال تیری منت کر دے ہاں پٹی جس طرح توں اپنے خاص فضل نال ساڈے  
 دلاں وچ پہلاں تھوں نیک ادا پیداکر دا ہیں او سے طرح ہر دم  
 ساڈی مدد کرتاں جو اسیں اُہناں توں پوریاں وی کر سکیئے۔ ساڈے خُداوند  
 یسوع مسیح دے وسیلے جو تیرے تے رُوح پاک دے نال ہمیشہ اک خُدا  
 سدا زندہ تے راج کردا ہے۔ آمین۔



خط۔ ٹکسیاں دے نام۔ ۳ باب۔ پہلی آیت تھوں ۸ نیکر۔  
 انجیل یوحنا۔ ۲۰ باب۔ پہلی آیت تھوں ۱۱ آیت تیکر۔

## عیدِ قیامت دے ہفتے دا سوموار دُعا

اے قادرِ خدا۔ توں اپنے اکلے بیٹے یسوع مسیح دی راہیں موت  
 اتے فتح پاکے ساڈے لئی ہمیشہ دی زندگی دا بوہا کھول تاجھے اسیں عاجزی  
 نال تیری منت کر دے ہاں پئی جس طرح تُوں اپنے خاص فضل نال  
 ساڈے دلاں وچ پہلاں تھوں نیک ارادے پیدا کر داپہں اوہ  
 طرح ہر دم ساڈی مدد کرتاں جو اسیں آہتاں تُوں پوریاں دی کہ  
 سکپے۔ ساڈے خداوند یسوع مسیح دے وسیلے جو تیرے تے روح پاک  
 دے نال ہمیشہ اک خدا سدا زندہ تے راج کر داپہں۔ آمین۔

خط دے تھاں رسولان دے اعمال۔ ۱۰ باب ۳۴۔ ۴۴ آیت۔  
 انجیل۔ لوقا ۲۴ باب۔ ۳۶۔ ۴۹ آیت۔

## عیدِ قیامت دے ہفتے دا منگل دُعا

اے قادرِ خدا۔ توں اپنے اکلے بیٹے یسوع مسیح دی راہیں موت  
 اتے فتح پاکے ساڈے لئی ہمیشہ دی زندگی دا بوہا کھول تاجھے اسیں عاجزی  
 نال تیری منت کر دے ہاں پئی جس طرح تُوں اپنے خاص فضل نال  
 ساڈے دلاں وچ پہلاں تھوں نیک ارادے پیدا کر داپہں اوہ طرح

ہر دم ساڈی مدد کرتاں جو اسیں اُہناں نوں پوریاں وی کر سکئے ۔  
 ساڈے خداوند یسوع مسیح دے وسیلے جو تیرے تے روح پاک دے  
 نال ہمیشہ اک خدا سدا زندہ تے راج کردا ہیں ۔ آمین ۔  
 خط دے تھاں رسولان دے اعمال ۔ ۱۳ باب ۔ ۲۶-۲۷ آیت ۔  
 انجیل لوقا ۲۴ باب ۔ ۳۶-۳۹ آیت ۔

### عیدِ قیامت دے مگروں پہلا اتوار

اے قادِرِ باپ ۔ توں اپنا اکلا بیٹا بخشیا تاں جو اوہ ساڈے گناہاں  
 دے لئی مرے تے سائوں سچیاں کرن دے لئی پھیر جی اُٹھے ۔ سائوں ایہہ  
 توفیق بخش پئی اسیں کینے تے بدی دا خمیر اپنے دچوں دُور کر دیئے تے  
 پاک چلن تے سچیاں نال سدا تیری سدا کردے رہئے ۔ تیرے بیٹے ساڈے  
 خداوند یسوع مسیح دے ثواب دی طفیل ۔ آمین

خط ۔ یوحنا دا پہلا خط ۔ ۵ باب ۴-۱۳ آیت ۔  
 انجیل ۔ یوحنا ۔ ۲۰ باب ۱۹-۲۴ آیت ۔

### عیدِ قیامت دے مگروں دوجا اتوار

دُعا

اے قادِرِ خدا ۔ توں اپنا اکلا بیٹا ایس کر کے بخشیا جو ساڈے لئی  
 گناہ دی قربانی ہووے تے نالے دینداری دی چال دا نمونہ وی ہووے ۔  
 ساڈے مُتے ایہہ فضل کر پئی اسیں بڑی شکرگزاری دے نال ادھی  
 ایہہ اَمَل بخشش سدا قبول کریئے ۔ تے روز دہاڑے کوشش کرے



اَدَم نال اُدہی نیک چال دیاں مُبارک کھریاں نوں دیکھ کے تریا کرے  
ساڈے خُداوند یسوع مسیح دے وسیلے - آمین -

خط - پطرس دا پہلا خط - ۲ باب ۱۹ آیت تھوں اخیر تیکر  
انجیل - یوحنا - ۱۱ - ۱۲ آیت -

## عید قیامت دے مگروں تیجا اتوار

### دعا

اے قادرِ خُدا تُوں اپنی سچیاں دا تُوں بھٹکیاں ہویاں نوں ایس  
کر کے دکھا لدا ہیں جو اوہ پھیر سَدھے راہ اُتے تَرَن - جتنے لوک تیرے  
پاک دین وِچ رلائے جاندے ہین اُہناں سبھناں نوں ایہہ توفیق  
دے پئی اوہ اُہناں سبھناں گلاں تھوں پرہیز کرن جو اُہناں دے  
قول قرار دے خلاف ہین - اُہناں گلاں دی پیروی کیتا کرن جو  
اوس دے موافق ہین - ساڈے خُداوند یسوع مسیح دے وسیلے - آمین -

خط - پطرس دا پہلا خط - ۲ باب ۱۱ - ۱۸ آیت

انجیل - یوحنا - ۱۶ باب - ۱۶ - ۲۳ آیت

## عید قیامت دے مگروں چوتھا اتوار

### دعا

اے قادرِ خُدا - گنہگاراں دے بے لگام ارادیاں تے خواہشاں اُتے  
صرف توں ہی قابو پاسکدا ہیں - اپنے لوکاں نوں ایہہ فضل بخش پئی  
جس چیز دا توں مُکھ دیتا - ایس اُہنوں اوہ پسند کرن تے جس چیز دا

توں وعدہ کر دیا ہیں اوس دے اودہ مشتاق ہوون تاں جو ایس دنیاوی رنگا  
رنگی تے اَدل بدل ورج ساڈے دل صرف اوتھے ہی لگے رہن جتھے اہلی  
خوشیاں ملدیاں ہن ساڈے خُداوند یسوع مسیح دے وسیلے۔ آمین۔

خط۔ یعقوب۔ پہلا باب ۱۷۔ ۲۲ آیت۔

انجیل۔ یوحنا۔ ۱۶ باب ۵۔ ۱۶ آیت۔

## عید قیامت دے مگروں پنچواں اتوار

اے خُداوند سب خوبیاں تے چنگیاں چیزاں تیرے ہی دلوں آوندیاں ہن۔  
اپنے عاجز بندیاں لوں ایہہ بخش پئی تیرے پاک الہام نال ساڈے  
دلاں وچ نیک خیال پیدا ہوون تے تیری رحمت دی ہدایت نال اسیں  
آہناں اُتے عمل وی کریئے۔ ساڈے خُداوند یسوع مسیح دے وسیلے۔ آمین۔  
خط۔ یعقوب واپلا باب ۲۲ آیت کھوں اخیر تیکر۔

انجیل۔ یوحنا ۱۶ باب ۲۳ آیت کھوں اخیر تیکر۔

## عید صعود یعنی خُداوند مسیح دے اسمان اُتے جاون اِون

دعا

اے قادرِ خُدا۔ اسیں تیری منت کر دے ہاں ایہہ بخش پئی جس طرح  
ساڈا ایہہ ایمان ہے پئی تیرا اکلا بیٹا ساڈا خُداوند یسوع مسیح اسمان اُتے  
چلا گیا ہے اوسے طرح اسیں وی اپنے دلاں تے دھیاناں لوں اسمانی مقام  
اُتے لگا کے ہر دم اوتھے اودے نال ہی رہیئے جو تیرے تے رُوح پاک دے  
نال ہمیشہ اک خُدا خداوند تے راج کر دے۔ آمین۔

خط دے تھال رسولاں دے اعمال - پہلا باب - پہلی آیت تھوں ۲ آیت تیکر -  
 انجیل مرقس - ۱۶ باب - ۱۴ آیت تھوں آخر تیکر -  
 یا لوقا - ۲۴ باب - ۴۴ آیت تھوں اخیر تیکر -

## عید صعود دے مگروں اتوار دُعا

اے خُدا - تُوں جلال دا بادشاہ ہیں - تُوں اپنے اکلے بیٹے یسوع  
 مسیح تُوں بڑی فتح مندی دے نال اپنی اسمانی بادشاہی وچ بلند کیتا -  
 ایس تیری مہنت کروے ہاں سانوں بے کس تے بے دلی نہ ہون دے -  
 اپنا رُوح پاک ساڈے کول بھیج تاں جو اوہ سانوں تسلی بخشے تے  
 سانوں اوہ مقام اُتے بلند کر جتھے ساڈا بچاؤن والا مسیح سا تھوں پہلا  
 گیا ہے - اوہ تیرے تے رُوح پاک دے نال ہمیشہ اک خُدا سدا زندہ  
 تے راج کر داپے آمین -

حُط - بطرس دا پہلا خط - ۴ باب - ۷ - ۱۲ آیت -  
 انجیل - یوحنا ۱۵ باب - ۲۶ آیت تھوں ۱۶ باب ۵ آیت تیکر -

## عید نزول یعنی رُوح پاک دے اترن دن دُعا

اے خُدا - تُوں آج دے دن اپنے ایماندار بندیاں اُتے رُوح پاک دا  
 نور گھل کے اُہناں دے دلاں نوں روشن کیتا تے اُہناں نوں تعلیم دتی -  
 ایہہ بخش پئی اوہ رُوح دے اثر نال ایس سبھناں گلاں دی صحیح تمیز  
 رکھینے تے اوس دی پاک تسلی نال ہمیشہ خوشی کر دے رہیے - ساڈے بچاؤن



والے یسوع مسیح دے ثواب دی طفیل جو تیرے تے او سے روح پاک دی  
یکتاائی وچ اک خدا سدا زندہ تے راج کردا ہے۔ آمین۔

خط دے تھاں رسولان دے اعمال - ۲ باب - ۱-۱۲ آیت  
انجیل یوحنا - ۱۴ باب - ۱۵ آیتوں اخیر تک

## عید نزول دے ہفتے واسو موار

### دعا

اے خدا۔ تُوں اہنیں دینیں اپنے ایماندار بندیاں اُتے روح پاک دا  
تور گھل کے اُہناں دے دلاں تُوں روشن کیتا تے اُہناں نوں تعلیم دتی۔ ایہ  
بخش پئی او سے روح دے اثر نال اسیں سبھناں گلاں دی صلیح تمیز  
رکھئے تے اوں دی پاک تسلی نال ہمیشہ خوشی کر دے رہیئے۔ ساڈے  
بچاؤن والے یسوع مسیح دے ثواب دی طفیل جو تیرے تے او سے روح  
پاک دی یکتاائی وچ اک خدا سدا زندہ تے راج کردا ہے۔ آمین۔  
خط دے تھاں۔ رسولان دے اعمال - ۱۰ باب - ۳۴ آیتوں اخیر تک  
انجیل۔ یوحنا ۳ باب - ۱۶ - ۲۲ آیت

## عید نزول دے ہفتے واسو موار

### دعا

اے خدا۔ تُوں اہنیں دینیں اپنے ایماندار بندیاں اُتے روح پاک  
دا نور گھل کے اُہناں دے دلاں تُوں روشن کیتا۔ تے اُہناں نوں تعلیم  
دتی۔ ایہ بخش پئی او سے روح دے اثر نال اسیں سبھناں گلاں دی

صحیح تمیز رکھیے تے اوس دی پاک تسلی نال ہمیشہ خوشی کردے رہیے۔ ساڈے  
 بچا دن والے یسوع مسیح دے ثواب دی طفیل جو تیرے تے اوسے رُوح پاک  
 دی یکتائی وچ اک خدا سدا زندہ تے راج کردا ہے۔ آمین۔  
 خط دے تھاں رسولان دے اعمال۔ ۸ باب۔ ۱۴-۱۸ آیت۔  
 انجیل۔ یوحنا۔ ایاب۔ پہلی آیت تھوں ۱۱ آیت۔

## عیدِ تسلیمت دا دن

### دُعا

اے قادر تے قدیم خدا۔ توں اپنے بندیاں نوں ایہہ فضل بخشیا جو  
 ایسے سچے ایمان دا اقرار کر کے ازلی ثابوت دے جلال دا اقرار کریں تے  
 جناب باری دی قدرت نال اکو سچے خدا دی پرستش کریں۔ ایسے تیری  
 مہنت کردے ہاں پئی سالوں ایسے ایمان اُتے قائم رکھتے ہمیشہ سب  
 بلاواں تے مصیبتاں تھوں بچا کیوں جو تو اکلا خدا سدا زندہ تے راج  
 کردا ہے۔ آمین۔

خط دے تھاں مکاشفات دی کتاب۔ ۴ باب پہلی آیت تھوں اخیر تک۔  
 انجیل یوحنا۔ ۳ باب۔ ۱-۱۷ آیت۔

## عیدِ تسلیمت دے مگروں پہلا اتوار

### دُعا

اے خدا توں اُہناں سمجھناں دا زور ہے جو تیرے اُتے آسرا رکھدے  
 ہن۔ اپنی رحمت نال ساڈیاں دُعاواں نوں قبول کر۔ ایسے تیاں اپنی

طبیعت دی کمزوری دے سبب تیری مددیناں عاجز تے لاچار ہاں تے  
 کوئی چنگا کم نہیں کر سکدے ایس لئی اپنے فضل دی مدد سانون بخش  
 تاں جو تیرے حکماں نوں ایس طرح ٹیٹے جو اپنی نیت تے عمل دو ہاں  
 نالی تینوں خوش کریٹے۔ ساڈے خداوند یسوع مسیح دے وسیلے۔ آمین۔  
 خط۔ یوحنا دا پہلا خط۔ ۴ باب ۷ آیت تھوں اخیر تیکر۔  
 انجیل۔ لوقا۔ ۱۶ باب۔ ۱۹ آیت تھوں اخیر تیکر۔

## عیدِ تثلیث دے مگروں دوجا اتوار دُعا

اے خداوند۔ جنھاں توں توں اپنے خوف تے محبت وچ پالدا  
 ہیں اُہناں دی توں سدا مدد تے ہدایت دی کرنا ہیں اسیں تیری  
 منت کر دے ہاں توں سانوں اپنے کرم تے پروردگاری دی پناہ وچ  
 رکھ تے جیہا کر پئی اسیں تیرے پاک نام دا خوف رکھیٹے تے تیرے نال  
 سدا پیار کریٹے۔ ساڈے خداوند یسوع مسیح دے وسیلے۔ آمین۔  
 خط۔ یوحنا دا پہلا خط۔ ۳ باب۔ ۱۳ آیت تھوں اخیر تیکر۔  
 انجیل۔ لوقا ۱۶ باب۔ ۱۶-۲۵ آیت۔

## عیدِ تثلیث دے مگروں تیجا اتوار دُعا

اے خداوند۔ اسیں تیری منت کر دے ہاں۔ اپنی رحمت نال  
 ساڈی سُن تے جس طرح توں ساڈیاں دالاں وچ دُعا منگن دی چاہ



پائی ہے اسے طرح اپنی بڑی قدرت تال سب خطریاں تے مصیبتاں  
 وچ ساڈی مدد کرتے سانوں تسلی بخش تاں چو ساڈی خاطر جمع ہووے۔  
 ساڈے خداوند یسوع مسیح دے وسیلے۔ آمین۔

خط۔ پطرس دا پہلا خط۔ ۵ باب۔ ۵۔ ۱۲ آیت۔  
 انجیل۔ لوقا ۱۵ باب۔ پہلی آیت کھنوں ۱۱ تیکر

## عیدِ تثلیث دے مگروں چوتھا اتوار

### دعا

اے خدا۔ توں اُہناں سبھناں دا جو تیرے اُتے آسرا رکھدے  
 ہن رکھوالا پس تیرے بنیاں کوئی چیز کی تے مضبوط نہیں مہندی تے  
 نہ کوئی چیز پاک ہو سکدی ہے۔ توں ساڈے اُتے اپنی رحمت کثرت  
 نال بھیج تاں جو تیری ہدایت تے حکومت دے سبب ایس خانی زندگی  
 توں ایس طرح گزارے جو اوڑک توں سدا رہن والیاں چیزاں توں  
 نہ گواہے۔ اے اسمائی باپ ساڈے خداوند یسوع مسیح دے وسیلے  
 ایہ بخش دے۔ آمین۔

خط۔ رومیاں دے نام۔ ۸ باب۔ ۱۸۔ ۲۴ آیت۔  
 انجیل۔ لوقا ۶ باب۔ ۳۶۔ ۴۳ آیت۔

## عیدِ تثلیث دے مگروں پنچواں اتوار

### دعا

اے خداوند۔ اسیں تیری منت کردے ہاں پئی تیری حکومت تال

ایس جہان دابند و بست سلامتی دے نال ہووے تاں جو تیری کلیسیا  
دینداری تے امن چین وچ تیری بندگی خوشی نال کردی رہوے -  
ساڈے خداوند یسوع مسیح دے وسیلے - آمین -

خط - پطرس دا پہلا خط - ۳ باب - ۸ - ۱۶ آیت -

انجیل - لوقا - ۵ باب - ۱ - ۱۲ آیت -

## عیدِ تثلیث دے مگروں چھیواں اتوار

### دُعا

اے خدا - توں آہناں دے لئی جو تیرے نال محبت رکھدے ہین  
اجہیاں جنگیاں چیزاں تیار کر رکھیاں ہین جو انسان دی سمجھ بھٹوں دی  
پرے ہین - ساڈے دلاں وچ اپنی محبت آہنی پا جو اسیں تینوں سبھناں  
چیزاں نالوں ودھ کے پیار کریئے تاں جو تیرے آہناں دے عیاں توں  
حاصل کریئے جہڑے ساڈی چاہ نالوں دی ودھیک ہین - ساڈے  
خداوند یسوع مسیح دے وسیلے - آمین -

خط - رومیاں دے نام - ۶ باب - ۳ - ۱۲ آیت -

انجیل - متی - ۵ باب - ۲۰ - ۲۶ آیت -

## عیدِ تثلیث دے مگروں ستواں اتوار

### دُعا

اے خدا توں سب قدرت تے قوت د مالک ہین تے سب جنگیاں  
چیزاں دا بناؤن والا تے نعمتاں دا داتا دی توں ہی ہین - ساڈے

دلاں وچ اپنے نام دی محبت دابی پاتے ساڈے وچ سچی دینداری ددھا  
 توں ہر طرح دی نیکی وچ سانوں پال تے اپنی رحمت نال سانوں اہناں  
 وچ قائم رکھ۔ ساڈے خداوند یسوع مسیح دے وسیلے۔ آمین۔  
 خط۔ رومیاں دے نام۔ ۴ باب۔ ۱۹ آیت تھوں اخیر تیکر۔  
 انجیل۔ مرقس۔ ۸ باب۔ ۱۔ ۱۰ آیت۔

## عیدِ تثلیث دے مگروں اکھواں اتوار

### دعا

اے خدا۔ تیری تدبیر دے نال اسماء تے زمین دیاں سب چیزاں  
 دا ابتدا و بابت ہندا ہے۔ اسیں عاجزی نال تیری مہنت کر دے ہاں  
 پٹی سب نقصان دین والیاں چیزاں سا تھوں دور کر دے تے سب  
 فائدہ دین والیاں چیزاں سانوں عنایت کر۔ ساڈے خداوند یسوع  
 مسیح دے وسیلے۔ آمین۔

خط۔ رومیاں دے نام۔ ۸ باب۔ ۱۲۔ ۱۸ آیت۔  
 انجیل۔ متی۔ ۷ باب۔ ۱۵۔ ۲۲ آیت۔

## عیدِ تثلیث دے مگروں نوواں اتوار

### دعا

اے خداوند۔ اسیں عرض کر دے ہاں سانوں اچھی طبیعت  
 بخش پٹی جو گلاں درست ہین اہناں اتے دھیان تے عمل  
 کریئے تاں جو اسیں جو تیرے بناں کوئی نیک کم نہیں کر سکدے



تیری مدد نال تیری مرضی موجب زندگی گزار یئے۔ ساڈے خداوند  
یسوع مسیح دے وسیلے۔ آمین۔

خط۔ کرنٹھیاں دے نام پہلا خط۔ ۱۰ باب۔ ۱۔ ۱۴ آیت  
انجیل۔ لوقا ۱۶ باب۔ ۱۔ ۱۰ آیت۔

## عیدِ تثلیث دے مگروں دسواں اتوار

### دُعا

اے خداوند۔ تیری رحمت دے کن تیرے عاجز بندیاں دیاں دعاواں  
اُتے لگے رہن۔ تے ایس لئی جو اسیں اپنی مُراداں توں پائیے اچھا کر  
جو اسیں صرف اُنہناں چیزیاں دی درخواست کیتا کریئے جو تینوں پسند  
ہین۔ ساڈے خداوند یسوع مسیح دے وسیلے۔ آمین۔

خط۔ کرنٹھیاں دے نام پہلا خط۔ ۱۲ باب۔ ۱۔ ۱۲ آیت۔  
انجیل۔ لوقا ۱۹ باب۔ ۱۴ آیت تھوں اخیر تک۔

## عیدِ تثلیث دے مگروں پارسواں اتوار

### دُعا

اے خدا۔ توں اپنی کامل قدرت توں خاص کر کے رحم کرن تے ترس  
کھان نال ظاہر کردا ہیں۔ کرم کر کے اپنا فضل ساڈوں بخش تاں جو اسیں  
تیرے حکماں دی راہ وچ دَوڑ یئے تے تیری مہر دے وعدیاں توں  
حاصل کر کے تیریاں اسمانی نعمتاں دی دولت وچ شریک ہو جائیئے۔  
ساڈے خداوند یسوع مسیح دے وسیلے۔ آمین۔

خط۔ کرنھیاں دے نام پہلا خط - ۱۵ باب - ۱ - ۱۲ آیت -  
انجیل - لوقا - ۱۸ باب - ۹ - ۱۵ آیت -

## عیدِ تثلیث دے مگروں بار مھواں اتوار

### دُعا

اے قادر تے قَیِّم خُدا۔ توں ساڈے منگن نالوں ساڈیاں دعاواں  
سُنن توں ہمیشہ یادہ تیار ہین تے ساڈی چاہ تے حق نالوں ودھ کے سانوں  
دیندار مہندا ہیرا۔ توں کثرت نال اپنی رحمت ساڈے اُتے نازل کر  
تے جنہاں قصُوراں دی وجہ نال ساڈا دل خوف کھاندا ہے اوہ سانوں  
معاف کرتے جنہاں نعمتاں دے منگن دے اسیں لائق وی نہیں ہاں  
اوہ اپنے بیٹے ساڈے خُداوند یسوع مسیح دے ثواب تے سفارش دی  
طفیل سانوں بخش دے۔ آمین۔

خط۔ کرنھیاں دے نام دوسرا خط - ۳ باب - ۴ - ۱۰ آیت  
انجیل - مرقس - ۷ باب - ۳۱ آیت بقول اخیر تیکر۔

## عیدِ تثلیث دے مگروں تیر مھواں اتوار

### دُعا

اے قادر تے رحیم خُدا۔ تیری ہی بخشش نال تیرے ایماندار بندے  
تیری سچی تے پسندیدہ خدمت کر سکدے ہین اسیں عرض کر دے ہاں  
ایہ بخش پئی اسیں ایں دُنیا وچ تیری خدمت آیتوں ایمانداری نال  
کریئے جو اوڑک نوں تیری اسمانی برکتاں دے وعدیاں نوں پہنچئے۔

ساڈے خداوند یسوع مسیح دے ثواب دی طفیل - آمین -  
 خط - گلتیاں دے تام - ۳ باب - ۱۶ - ۲۳ آیت -  
 انجیل - لوقا - ۱۰ باب - ۲۳ - ۲۹ آیت -

### عیدِ تثلیث دے مگروں چودھواں اتوار

اے قادر تے قیّم خدا - توں ساڈے وچ ایمان تے امید تے  
 محبت توں ودھاتے اجیہا کر پئی جس چیز دا توں حکم کیتا ہے اہدے  
 نال اسیں پیار کریئے تاں جو اسیں تیرے وعدیاں توں پاؤن دے  
 لائق ہو جائیئے ساڈے خداوند یسوع مسیح دے وسیلے - آمین -

خط - گلتیاں دے نام - ۵ باب - ۱۶ - ۲۵ آیت -  
 انجیل - لوقا - ۱۷ باب - ۱۱ - ۲۰ آیت -

### عیدِ تثلیث دے مگروں پندرھواں اتوار

#### دعا

اے خداوند - اسیں عرض کر دے ہاں پٹی سدا رحم کر کے اپنی  
 کلیسیا دی ہمیشہ رکھوالی کر - خداوند - انسان تاں اپنی طبیعت دی  
 کمزوری دی وجہ نال تیرے بناں ڈگن کھنوں نہیں بچ سکدا تو ہر دم  
 ساڈی مدد کرتے سب نقصان دین والیاں چیزاں کھنوں سانوں بچا -  
 تے جو چیزاں ساڈی نجات دے لئی فائدہ مند ہین اہتاں ول ساڈی  
 ہدایت کر ساڈے خداوند یسوع مسیح دے وسیلے - آمین -

خط - گلتیاں دے تام - ۶ باب - ۱۱ کھنوں اخیر تیکر



انجیل متی - ۶ باب - ۲۴ آیت تھوں اخیر تیکر۔

عیدِ تثلیث دے مگروں سوٹھواں اتوار

دُعا

اے خُداوند۔ اسیں تیری مِنت کر دے ہاں پئی سدا رحم کر کے  
توں اپنی کلیسیا نوں پاک رکھتے اُہنوں ہر خطرے تھوں بچالے۔  
خُداوند۔ اوہ تیری مدد بنیاں سلامت نہیں رہ سکدی توں اپنے کرم  
نال ہمیشہ اُہدی رکھوالی کر۔ ساڈے خُداوند یسوع مسیح دے وسیلے۔  
آمین۔

خط۔ افسیاں دے نام۔ ۳ باب۔ ۱۳ آیت تھوں اخیر تیکر۔  
انجیل۔ لوقا ۱۱ باب۔ ۱۱۔ ۲۰ آیت۔

عیدِ تثلیث دے مگروں ستارھواں اتوار

دُعا

اے خُداوند۔ ساڈی ایہ عرض ہے پئی تیرا فضل سدا ساڈے  
اگے پہنچھے رہوے تے ساڈوں ہر طرح دے نیک کم کرن دے لئی ہر ویلے  
تیار رکھے ساڈے خُداوند یسوع مسیح دے وسیلے۔ آمین۔

خط۔ افسیاں دے نام۔ ۴ باب۔ ۱۔ ۱۶ آیت  
انجیل۔ لوقا ۱۴ باب۔ ۱۔ ۱۲ آیت

## عیدِ تثلیث دے مگروں اکٹھا رھواں اتوار دُعا

اے خداوند۔ اسیں تیری مِشت کر دے ہاں پئی توں اپنیاں  
بتدیاں توں ایہہ مہمت دے پئی اوہ دُنیا نفس تے شیطان دا مقابلہ  
کرن تے پاک دل تے نیک نیت نال تیری پیروی کرن جو اکلا سچا  
خدا ہیں۔ ساڈے خداوند یسوع مسیح دے وسیلے۔ آمین

خط۔ کرنھیاں دے نام پہلا خط۔ پہلا باب۔ ۴۔ ۹ آیت۔  
انجیل۔ متی ۲۲ باب۔ ۳۴ آیت تھوں اخیر تک۔

## عیدِ تثلیث دے مگروں اُتھیاواں اتوار دُعا

اے خدا۔ تیری مدد نال اسیں تاں تینوں خوش نہیں کر سکدے  
ایں کر کے اپنی رحمت نال ایہہ بخش پئی تیرا روح پاک سب گلاں  
وچ ساڈے دلاں دی ہدایت تے حکومت کرے۔ ساڈے خداوند  
یسوع مسیح دے وسیلے۔ آمین۔

خط۔ افسیاں دے نام۔ ۴ باب۔ ۱۷ آیت تھوں اخیر تک۔  
انجیل۔ متی ۹ باب۔ ۱۔ ۹ آیت۔

## عیدِ تثلیث دے مگروں وہیواں اتوار دُعا

اے قادر تے رحیم خدا۔ اسیں تیری مِشت کر دے ہاں۔ اپنے

مہرتے کرم نال سب نقصان دین والیاں چیزاں تھوں سا نوں بچا  
کے رکھتاں جو اسیں جسم تے روح وچ تیار ہو کے اُہناں کماں نوں  
خوشی تے رغبت نال پورا کرے جو تینوں چنگے لگدے ہن۔ ساڈے  
خداوند یسوع مسیح دے وسیلے۔ آمین۔

خط۔ افسیاں دے نام۔ ۵ باب۔ ۱۵۔ ۲۲ آیت۔  
انجیل۔ متی ۲۲ باب۔ ۱۔ ۱۵ آیت۔

## عیدِ تثلیث دے مگروں اگیواں اتوار

### دُعا

اے خداوند۔ اسیں عرض کر دے ہاں اپنے ایماندار بندیاں نوں  
معافی تے سلامتی بخش تاں جو اوہ اپنے سب گناہاں تھوں پاک کیتے  
جاوون تے دل جمعی نال تیری بندگی کرن۔ ساڈے خداوند یسوع مسیح دے  
وسیلے۔ آمین۔

خط۔ افسیاں دے نام۔ ۶ باب۔ ۱۰۔ ۲۱ آیت۔  
انجیل۔ یوحنا ۴ باب۔ ۴۶ آیت تھوں اخیر تیکر

## عیدِ تثلیث دے مگروں بائیواں اتوار

### دُعا

اے خداوند۔ اسیں تیری منت کر دے ہاں توں اپنی کلیسیا نوں  
جو تیرا گھرانہ ہے سدا دینداری وچ قائم رکھتاں جو تیری مدد نال اوہ سب  
بلاواں تے مصیبتاں تھوں بچي رہوے تے سرگرمی نال نیک عمل کر کے۔



تیری بندگی کر دی نہ ہوئے۔ تاں جو تیرے نام داخل ظاہر ہووے۔  
ساڈے خُداوند یسوع مسیح دے وسیلے۔ آمین۔

خط۔ فلپیاں دے نام۔ پہلا باب۔ ۳۔ ۱۲ آیت۔  
انجیل۔ متی۔ ۱۸ باب۔ ۲۱ آیت تھوں اخیر تیکر۔

عیدِ شکیث دے مگروں تیئہواں اتوار

دُعا

اے خُدا۔ توں ہی ساڈی پناہ تے ساڈا زور ہیں۔ توں سب  
دینداری دا چشمہ ہیں اسیں تیری مہنت کر دے ہاں توں اپنی کلیسیا  
دیاں دلی دُعاواں اُتے توجہ کرتے ایہہ بخش پئی جو چیزاں اسیں پکے  
ایمان دے نال تیتھوں منگدے ہاں اوہ سالوں بل جاون۔ ساڈے  
خُداوند یسوع مسیح دے وسیلے۔ آمین۔

خط۔ فلپیاں دے نام۔ ۳ باب۔ ۱۶ آیت تھوں اخیر تیکر۔  
انجیل۔ متی۔ ۲۲ باب۔ ۱۵۔ ۲۳ آیت۔

عیدِ شکیث دے مگروں چوپہواں اتوار

دُعا

اے خُداوند۔ اسیں تیری مہنت کر دے ہاں توں اپنے بندیاں  
نوں اُہناں دے گناہاں تھوں رہائی بخش تاں جو تیرے بڑے کرم  
نال اسیں اُہناں گناہاں دی قید تھوں چھٹ جائیے جو اسیں اپنی  
کمزوری دے سبب کر دے ہاں۔ اے اسمانی باپ ساڈے مبارک

خداوند تے بچاؤن والے یسوع مسیح دی خاطر ایہ بخش - آمین -  
 خط - کلسیاں دے نام - پہلا باب - ۳ - ۱۳ آیت  
 انجیل - متی - ۹ باب - ۱۸ - ۲۷ آیت -

## عیدِ تثلیث دے مگروں پنچھواں اتوار

### دعا

اے خداوند - اسیں تیری منت کر دے ہاں اپنے ایماندار  
 بندیاں دے دلاں توں اُبھارتاں جو ادہ کثرت نال نیک عمل کر کے -  
 پھلدار ہون تے تیرے کولوں بہت اجر پاؤن - ساڈے خداوند  
 یسوع مسیح دے وسیلے - آمین -

خط دے تھان - یرمیاہ نبی دی کتاب ۳ باب - ۵ - ۹ آیت -  
 انجیل - یوحنا - ۶ باب - ۵ - ۱۵ آیت -

جے آمد دے پہلے اتوار تھوں اگے تے عیدِ تثلیث دے مگروں پنچھویں اتوار  
 دے بعد ہوو اتوار باقی ہون تاں ایہ گھٹاپہ پورا کرن دے لئی اہناں اتوار  
 دیاں دعاواں تے خط تے انجیل دے حصے استعمال کیتے جادوں جو عیدِ تہی دے  
 مگروں رہ گئے سن -

جے آمد تھوں پہلاں عیدِ تثلیث دے بعد دے اتوار گنتی وچ پنچھیاں تھوں  
 کم ہون تاں جتنے دافر ہون ادہ چھٹہ دے جان پر ایہ دھیان رکھیا جائے پئی  
 ایہ آخری دعا - خط تے انجیل دا حصہ ہمیشہ اوس اتوار دے دن پڑھیا جادے جو آمد  
 دے پہلے اتوار تھوں اگے آدھا ہے -

# مقدس سال دے دن

پولوس رسول دے ایمان لیا دن اداں

(۲۵ - جنوری)

دھا

اے خدا۔ توں اپنے مبارک رسول مقدس پولوس دی مٹاوی دے  
 وسیلے انجیل دی روشنی سب دُنیا وچ چمکائی۔ ایہ بخش پٹی اسیں اوس  
 دے دن دی تبدیلی دا اچرچ حال یاد رکھینے تے اُہدی پاک تعلیم اتے عمل  
 کر کے اپنی شکرگزاری نوں ظاہر کریں۔ ساڈے خداوند یسوع مسیح دے  
 وسیلے۔ آمین۔

خط دے تھاں رسولان دے اعمال دی کتاب۔ ۴ باب۔ ۲۳ آیت تیکر  
 انجیل۔ متی۔ ۱۹ باب۔ ۲۷ آیت تھنوں اخیر تیکر۔

ہیکل وچ مسیح دے حاضر کیتے جاوے دن

یعنی

مقدسہ کنواری مریم دی طہارت اداں

(۲ - فروری)

اے قادر تے قدیم خدا۔ اسیں تیری جناب وچ عاجزی نال عرض  
 کردے ہاں پئی جس طرح تیرا اکلا بیٹا ہیکل وچ آج دے دن



ساڈے پیسے انسانی جسم وچ تیرے حصہ بند رکیتا گیا سی اسیں دی  
دل دی پاکی تے صفائی دی نعمت پلکے تیری تدریکتے جلیئے۔ اوے  
تیرے بیٹے رائے خداوند یسوع مسیح دے وسیلے۔ آمین۔

خط دے تھاں ملا کی نبی دی کتاب۔ ۳ باب۔ ۱۔ ۶ آیت  
انجیل۔ لوقا ۲ باب۔ ۲۲۔ ۴۱ آیت۔

### مقدس متھیا س دا دن

(۲۴ - فروری)

اے قادر خدا۔ توں اپنے ایماندار بندے متھیا س نوں چنیا۔  
تے اُسہنوں بے ایمان کافر یہوداہ دی جگہ دے کے اپنے بارہ رسولاں وچ  
شامل کیتا۔ ایہہ بخش پئی تیری کلیسیا جھوٹے رسولاں تھوں ہمیشہ پچی رہو  
تے سدا تیرے سچے ایالیاں دے انتظام تے ہدایت وچ رہوے۔ ساڈے  
خداوند یسوع مسیح دے وسیلے۔ آمین۔

خط دے تھاں۔ رسولاں دے اعمال دی کتاب۔ پہلا باب ۱۵  
آیت تھوں اخیر تیکر۔

انجیل۔ متی۔ ۱۱ باب۔ ۳۵ آیت تھوں اخیر تیکر۔

### مبارک کنواری مریم دا فرشتے تھوں خوشخبری پاؤن دا دن

(۲۵ - مارچ)

دُعا

اے خداوند۔ اسیں تیری منت کر دے ہاں۔ ساڈے دلاں وچ

اپنا فضل جاری کرتاں جو جس طرح سانوں فرشتے دی زبانی تیرے بیٹے  
 دے دیہہ دھارن دا بھید معلوم ہو گیا ہے او سے طرح اسیں اُہدی صلیب  
 پاؤن تے دکھ اُٹھاؤن دے سبب اوہدے فتح مندرجی اُٹھن دے جلال  
 وچ پہنچے۔ او سے ساڈے خُداوند یسوع مسیح دے وسیلے۔ آمین  
 خط دے تھان۔ لسیعیاہ نبی دی کتاب۔ ۷ باب۔ ۱۰۔ ۱۶ آیت۔  
 انجیل۔ لوقا پہلا باب۔ ۲۶۔ ۳۹ آیت۔

## مقدس مرقس وادون

(۲۵۔ اپریل)

دُعا

اے قادرِ خُدا۔ توں اپنی پاک کلیسیا نوں اپنے انجیل نویس مقدس  
 مرقس دی اسمانی تعلیم نال داتائی تے تربیت بخشی۔ ساڈے اُتے فضل  
 کرتاں جو اسیں ایانیاں وانگوں جھوٹی تعلیم دیاں بُلیاں نال اُڈوے  
 نہ پھریئے سگوں تیری پاک انجیل دی سچائی اُتے پکّے تے قائم رہیئے۔ ساڈے  
 خُداوند یسوع مسیح دے وسیلے۔ آمین۔

خط۔ افسیاں دے نام۔ ۴ باب۔ ۷۔ ۱۷ آیت۔

انجیل۔ یوحنا۔ ۱۵ باب۔ ۱۔ ۱۲ آیت۔

## مقدس فیلبوس تے مقدس یعقوب وادون

(یکم مئی)

دُعا

اے قادرِ خُدا تیرا سچا گھران اصل وچ ہمیشہ دی زندگی ہے۔

ایہہ بخش پئی اسیں تیرے بیٹے یسوع مسیح نوں کامل طور نال راہ حق تے زندگی  
جانیے تاں جو تیرے مقدس رسول فیلبوس تے یعقوب دی پیروی کر کے  
اوس راہ وچ قائم ہو کے چلیے جو ہمیشہ دی زندگی نوں پچاندی ہے۔  
اپنے بیٹے ساڈے خداوند یسوع مسیح دے وسیلے۔ ۶ مین۔

خط۔ یعقوب دا خط پہلا باب۔ پہلی آیت تھوں ۱۳ آیت تیکر۔  
انجیل۔ یوحنا ۴ باب۔ ۱۔ ۱۵ آیت۔

## مقدس رسول برنباس دا دن

(۱۱۔ جون)

دعا

اے قادر خداوند خدا۔ توں اپنے رسول مقدس برنباس نوں  
روح پاک دیاں خاص نعمتاں نال مالا مال کیتا۔ اسیں عرض کردے  
ہاں توں اپنیاں ون سووینیاں نعمتاں تھوں سانوں محروم نہ ہون  
دے تے نہ اسیں تیرے اوس فضل تھوں محروم ہوئیے جس دی راہیں  
اسیں اہناں نعمتاں توں تیری عزت تے جلال دے ظاہر کرن لئی  
ہر دم استعمال کر سکدے ہاں۔ ساڈے خداوند یسوع مسیح دے وسیلے۔  
آمین۔

خط دے تھیں۔ رسولاں دے اعمال دی کتاب۔ ۱۱ باب۔

۲۲ آیت تھوں اخیر تیکر۔

انجیل۔ یوحنا۔ ۱۵ باب۔ ۱۲۔ ۱۷ آیت۔



## مقدس یوحنا بپتسمہ دین والے وادن

(۲۸ - جُون)

دُعا

اے قادرِ خدا۔ تیرے پاک انتظام موجب تیرا سیدوک یوحنا بپتسمہ دین والا چرچ ویلے پیدا ہويا تے تُوں اُنہوں گھلباتاں جو توبہ دی مُنادی کر کے تیرے بیٹے ساڈے بچا وِن ولے دی راہ تیار کرے۔ ایہہ بخش پئی اسیں اوہدی پاک تعلیم تے نیک چال دے نمونے اُتے تڑیئے تاں جو اوہدی نصیحت دے موافق اسیں سچی توبہ کریئے تے اہدے نمونے موجب ہمیشہ سچ بولیئے تے دلیری نال بدی دی ملامت کریئے تے صبر نال سچیا ئی دی خاطر وُکھ جھلئے۔ ساڈے خداوند یسوع مسیح دے وسیلے۔ آمین۔

خط دے تھاں یسعیہ نبی دی کتاب۔ ۴۰ باب۔ پہلی آیت  
کھنوں ۱۲ آیت تیکر۔

انجیل۔ لوقا۔ پہلا باب۔ ۷ آیت کھنوں اخیر تیکر۔

## مقدس پطرس وادن

(۲۹ - جُون)

دُعا

اے قادرِ خدا۔ تُوں اپنے بیٹے یسوع مسیح دے وسیلے اپنے سول مقدس پطرس تُوں بہت ساریاں اعلیٰ نعمتاں بخشیاں تے اُنہوں تائید کر کے حکم دتا پئی سرگرمی نال میریاں بھینڈاں تُوں چرا۔ اسیں تیری مہنت کر دے ہاں ایہہ بخش پئی سب بپتسمہ تے گلہ بان تے دین دے

خادم کو شمش تے اُدم نال تیرا پاک کلام سُنا یا کرن تے تیرے لوک  
تا بعداری نال اُهنوں تھن تے اُدھے اُتے چلن تاں جو دونویں سدا  
دے جلال دے تاج نوں حاصل کرن۔ ساڈے خُداوند یسوع مسیح دے  
وسیے۔ آمین۔

خط دے تھال رسولاں دے اعمال دی کتاب ۱۲ باب ۱-۱۲ آیت۔  
انجیل متی ۱۶ باب ۱۳-۲۰ آیت۔

## مقدسہ مریم مگد لینی دا دن

(۲۲ جولائی)

اے قادرِ خُدا۔ تیرے مبارک بیٹے نے مریم مگد لینی نوں پاک کیتا  
تے اُهنوں ایہ فضل بخشیا جو اوہ اُہدے جی اُٹھن دی گواہی دیوے۔  
اپنی رحمت نال ایہ بخش پئی اسیں تیرے فضل نال اپنیاں کمزوریاں  
تے بیماریاں تھوں تندرست کیتے جانیے تے اُہدی سداوی زندگی  
تھوں طاقت پاکے ہمیشہ تیری سیوا کر دے رہیے۔ ساڈے خُداوند یسوع  
مسیح دے وسیے جو تیرے تے رُوح پاک دے نال ہمیشہ اک خُدا سدا زندہ  
تے راج کردا ہے۔ آمین۔

خط۔ کرنٹھیاں دے نام دوجا خط۔ ۵ باب ۱۴-۱۸ آیت۔  
انجیل۔ یوحنا۔ ۲۰ باب ۱۱-۱۹ آیت۔

## مقدس یعقوب دا دن

(۲۵ - جولائی)

دُعا

اے رحیم خدا۔ ایہ بخش پئی جس طرح تیرا رسول مقدس یعقوب اپنے  
باپ تے مال نوں چھڈ کے تیرے بیٹے یسوع مسیح دے بلاؤن ویہے فرما تیرا  
مال جھٹ اُہدے مگر ترمیا او سے طرح اسیں دی تیری مہر مال سب  
دُنیاوی تے جسمانی خواہشاں نوں چھڈ کے تیرے پاک حکماں اُتے عمل کرن  
نوں ہمیشہ تیار سیئے۔ اپنے خداوند یسوع مسیح دے وسیلے۔ آمین۔

خط دے تھان۔ رسولان دے اعمال دی کتاب۔ باب ۲۷  
آیت تھوں ۱۲ باب ۳ آیت تیکر۔

انجیل۔ متی۔ ۲۰ باب۔ ۲۰-۲۹ آیت۔

## مسیح دی صورت بدل جاوَن دا دن

(۶ - اگست)

دُعا

اے خدا۔ تُوں اپنے اکٹے بیٹے دے مصلوب ہون تھوں پہلاں  
اوس دے جلال نوں پاک پہاڑ اُتے ظاہر کیتا۔ اپنے بندیاں نوں ایہ  
فضل بخش پئی اسیں ایمان دی راہیں اُہدے چہرے دے جلال نوں دیکھئے  
تے اپنی صلیب اٹھاوَن دے لئی طاقت حاصل کریئے۔ سانوں ایہ  
توفیق دے پئی ساڈی طبیعت بدل کے اُہدی جلالی صورت اُتے ہو  
جاوے۔ اوسے ساڈے خداوند یسوع مسیح دے وسیلے۔ آمین۔



خط - یوحنا رسول دا پہلا خط - ۳ باب - پہلی آیت تھوں ۴ آیت تیکر  
انجیل - مرقس - ۹ باب - ۲ - ۸ آیت -

## مقدس برتلمائی وادون

(۲۴ - اگست)

دُعا

اے قادر تے قدیم خدا توں اپنے رسول برتلمائی توں ایہ فضل  
بخشیا ہوا ہے تیرے پاک کلام اُتے سچے دل نال ایمان لیا کے اُہدی مٹادی  
کیتی - اسیں تیری مہنت کردے ہاں اپنی کلیسیا توں ایہہ بخش پئی جس  
کلام اُتے اوہ ایمان لیا یا سی اُہنوں اوہ پیارا جانے تے اُہدے اُتے  
ایمان لیا کے اُہدی مٹادی وی کرے - ساڈے خداوند یسوع مسیح دے  
وسیے - آمین -

خط دے تھاں - سولال دے اعمال دی کتاب - ۵ باب - ۱۲ - ۷ آیت -  
انجیل - لوقا ۲۲ باب - ۲۴ - ۳۱ آیت -

## مقدس متی رسول وادون

(۲۱ - ستمبر)

دُعا

اے قادر خدا - توں اپنے مبارک بیٹے دے وسیلے مقدس متی  
توں محضول دی چنگی کھوں بلا کے اُہنوں اپنا رسول تے انجیل لکھن والا  
بنایا - سا توں ایہہ توفیق دے پئی ہر طرح دے لالچ دا لوبھ تے

دولت دی سوہ نول چھڈ کے او سے تیرے بیٹے یسوع مسیح دی پیروی کرئیے  
جو تیرے تے رُوح پاک دے نال ہمیشہ اک خدا سداوند نے راج کردا  
ہے۔ آمین۔

خط۔ کرتھیاں دے نام دوہا خط۔ ۴ باب۔ ۱۔ ۷ آیت۔  
انجیل۔ متی۔ ۹ باب۔ ۹۔ ۱۴ آیت۔

## مقدس میکائیل تے سب فرشتیاں دا دن

(۲۹۔ ستمبر)

دُعا

اے قدیم خدا۔ تُوں فرشتیاں تے آدمیاں دیاں خدمتاں دا  
بندوبست تے انتظام عجیب طریقے تال کیتا ہے۔ اپنی رحمت نال  
ایہ بخش پئی جس طرح تیرے پاک فرشتے آسمان اُتے برائرتیری خدمت  
کردے ہین او سے طرح اوہ تیرے حکم نال زمین اُتے ساڈی مدد تے  
لُک کر کرن۔ سداوے خداوند یسوع مسیح دے وسیلے۔ آمین۔

خط دے تھاں مکاشفات دی کتاب۔ ۱۲ باب۔ ۷۔ ۱۴ آیت  
انجیل۔ متی ۸ باب۔ پہلی آیت بقول ۱۱ آیت تیکر۔

## مقدس لوقا انجیل نویس دا دن

(۱۸۔ اکتوبر)

دُعا

اے قادر خدا۔ تُوں لوقا حکیم تُوں جہدی تعریف انجیل وچ ہے۔

بکایاتے اودھ دی راہیں انجیل لکھوائی تیاں جو روح دیاں روگاں دا علاج  
ہووے ایہہ بخش پئی اُہدی تعلیم دی صحت بخش دواواں نال ساڈے  
دلاں دے روگ دور ہو جاون ساڈے خداوند یسوع مسیح دے ثواب  
دی طقیل - آمین -

خط سیمپلیس دے نام دو جا خط - ۴ باب ۵ - ۱۶ آیت -  
انجیل - لوقا ۱۰ باب - پہلی آیت تھوں ۱۰ آیت تیکر -  
یا

لوقا ۱۲ باب ۳۶ آیت تھوں اخیر تیکر -

## مقدس رسول شمعون تے یہوداہ وادن

(۲۸ - اکتوبر)

دعا

اے قادر خدا - توں رسولاں نے نبیاں دی نبیئہ اُتے اپنی کلیسیا  
دی عمارت بنائی جہدے کوئے دا پتھر یسوع مسیح آپ ہے - سانوں ایہہ  
بخش پئی اسیں اُہناں دی تعلیم دے وسیلے یگانگت وچ آئیوں گھٹے  
رہیے جو تیری پسند دے لائق اک مقدس سیکل بن جائیے - ساڈے خداوند  
یسوع مسیح دے وسیلے - آمین -

خط - یہوداہ - پہلی آیت تھوں ۹ آیت تیکر -

یا خط دے تھاں مکاشفات دی کتاب ۲۱ باب - ۹ - ۱۵ آیت -

انجیل - یوحنا - ۱۵ باب - ۱۷ آیت تھوں اخیر تیکر -



## سب مقدساں دادن

رکیم نومبر

دعا

اے قادرِ خدا۔ تُوں اپنے چُھنے ہوئے بندیاں توں اپنے بیٹے ساڈے  
خداوند یسوع مسیح دے روحانی بدن وچ جوڑ کے اک کر دتا ہے۔ ساڈے  
اُتے فضل کر پئی تیرے مبارک مقدساں دے نیکی تے دینداری دے  
نمونے دی اسیں ائیوں پیروی کریئے جو اہنتاں خوشیاں توں پہنچے  
جو عقل تھوں وی پرے ہن۔ پر جہڑیاں توں اپنے نال خالص محبت  
رکھن والیاں لئی تیار کر رکھیاں ہن۔ ساڈے خداوند یسوع مسیح دے  
وسیلے۔ آمین۔

خط دے تھاں مکاشفات دی کتاب۔ ۷ باب۔ ۲-۳ آیت۔  
انجیل۔ متی ۵ باب۔ ۱-۳ آیت۔

## مقدس اندریاس دادن

۳۰ نومبر

دعا

اے قادرِ خدا۔ تُوں اپنے رسول مقدس اندریاس توں  
ایہہ فضل بخشیا جو اوہ تیرے بیٹے یسوع مسیح دے بلادے توں خوش  
نال قبول کر کے جھٹ اُہدے مگر تڑپئے۔ اساں سمجھتاں توں ایہہ فضل  
بخش پئی تیرے پاک کلام دا بلاداسن کے اسیں اپنے آپ توں تیرے  
حوالے کر دیئے تے تیرے پاک حکماں اُتے فرمانبرداری نال عمل کریئے۔

اوسے ساڈے خداوند یسوع مسیح دے ویسے۔ آمین۔  
 خط۔ رومیاں دے نام۔ ۱۰ باب ۹ آیت تھوں اخیر تیکر۔  
 انجیل متی۔ ۴ باب ۱۸۔ ۲۳ آیت۔

## مقدس تھوما رسول دادن

(۲۱)۔ دسمبر  
 دعا

اے قادر تے زندہ خدا۔ تیرے رسول مقدس تھوما نے تیرے بیٹے  
 دے جی اٹھن وچ شک کیتا تے توں اُہدے ایمان نوں اگے نالوں  
 وِہ کے قائم تے مضبوط کیتا۔ ایہہ بخش پئی اسیں تیرے بیٹے یسوع مسیح  
 آتے اجیہا پاک تے پختہ ایمان رکھیے جو ساڈا ایمان تیرے حضور کدے  
 ملامت دے لایق نہ ہووے۔ اے خداوند ساڈی عرض یسوع مسیح  
 دے ویسے قبول کر جہدی تیرے تے روح پاک دے نال عزت تے  
 بزرگی ہن تے ہمیشہ تیکر ہووے۔ آمین۔

خط۔ افسیاں دے نام۔ ۲ باب ۱۹ آیت تھوں اخیر تیکر۔  
 انجیل۔ یوحنا۔ ۲۰ باب ۲۷ آیت تھوں اخیر تیکر۔

# عشائے ربانی

یعنی

## پاک رفاقت دی ترتیب

پاک رفاقت دی نماز دے ویلے اک صاف چٹی چادر میز اُتے دو چھٹی ہووے۔  
ایہ میز گرجے دے درج یا محراب درج جتنے فجر تے شام دی نماز پڑھی جاندی ہے  
رکھی جاوے۔ پریسٹ میز دے پہاڑ بنے کھلو کے ربانی دُعا منگے۔ تے  
جماعت گودے نوائے۔

اے ساڈے باپ جو آسمان اُتے ہیں۔ تیرا نام پاک منیا جاوے۔  
تیرا راج آوے تیری مرضی جس طرح آسمان اُتے ہندی ہے زمین اُتے  
دی پوری ہووے۔ ساڈی روز دی روٹی آج سانوں دے۔ ساڈیاں  
گناہاں نوں بخش دے جس طرح اسیں اپنے قصور واراں نوں معاف  
کردے ہاں۔ سانوں آزمائش ورنج نہ پین دے۔ سگوں بدی کھوں  
بچا۔ آمین۔

دُعا

اے قادرِ خدا۔ تیرے آگے سب دلال و احوال کھلیا ہو یا ہے۔ تینوں  
سمجھناں دیاں خواہشاں معلوم ہن۔ تے تیرے کولوں کوئی بھیست اُکھیا



ہو یا نہیں رہندا۔ اپنے رُوح پاک دے الہام نال ساڈے دلاں دے  
 وچاراں نوں صاف کرتاں جو اسیں تیرے نال پوری محبت رکھینے  
 تے لائق طور نال تیرے پاک نام دی بزرگی کریں۔ ساڈے خداوند  
 یسوع مسیح دے وسیلے۔ آمین۔

پھر پریسٹ جماعت دِل مَنہ کرے دس حکم صاف آواز نال پڑھے۔ جماعت گودے  
 نواں رکھے۔ تے ہر حکم دے پچھوں اوس حکم دی نافرمانی کرن دے لئی معافی منگے تے آگے  
 ادھر آتے عمن کرن دے لئی خدا کوں فضل منگے۔

پریسٹ خدا نے حکم دتا ہے جو توں میرے سوا کسے دوجے نوں خدا نہ جان۔  
 جماعت۔ اے خداوند ساڈے آتے رحم کرتے ایں حکم نوں پورا کرن ول ساڈے دلاں نوں پھیر دے۔  
 پریسٹ۔ توں اپنے لئی کوئی مورت یا کسے چیز دی صورت جو آپتر  
 آسمان آتے یا سیٹھاں زمین آتے یا جو زمین دے سیٹھاں پانی  
 وچ ہے نہ بنا۔ توں نہ آہناں توں سجدہ کرتے نہ آہناں دی پرستش  
 کر۔ کیوں جو میں خداوند تیرا خدا غیرت والا خدا ہاں تے پیو دا دیاں  
 دے گناہاں دی سزا آہناں دی اولاد توں جو میرے نال ویر رکھدے  
 ہین بچی چوھتی پڑھی تیکر دیندا ہاں تے ہزاراں آتے جو میرے نال  
 محبت رکھدے ہین تے میرے حکماں توں پورا کر دے ہین رحم کر دے  
 ہاں۔

جماعت۔ اے خداوند ساڈے آتے رحم کرتے ایں حکم نوں پورا کرن  
 ول ساڈے دلاں نوں پھیر دے۔

پریسٹ۔ توں خداوند اپنے خدا دا نام آیتوں بے فائدہ نہ لے۔ کیوں جو  
 جیڑا اہل نام بے فائدہ لبند ہے خداوند آہنوں بے گناہ نہ ٹھہر دے گا

جماعت۔ اے خداوند ساڈے اُتے رحم کرتے ایس حکم نوں پورا کرن ل  
ساڈے دلال نوں پھیر دے۔

پیر لیٹ۔ توں یاد رکھ کے سبت دا دن پاک سمجھ۔ چھ دن محنت کر کے  
توں اپنا سب کم دھنرا کر پرستواں دن خداوند تیرے خدا دا سبت  
ہے۔ اوس دن توں کوئی کم کاج نہ کر۔ نہ ٹوں نہ تیرا پتر۔ نہ تیری  
دھی۔ نہ تیرا ٹھلیا۔ نہ تیری ٹہلن۔ نہ تیرا چوکھر۔ نہ کوئی پر یا مسافر  
جو تیرے گھر دے اندر ہووے۔ کیوں جو خداوند نے چھیاں دناں  
وچ آسمان تے زمین تے سمندر تے سب کچھ جو ہناں دے  
وچ ہے بنایا۔ پرستویں دھاڑے آہتے آرام کیتا۔ ایس لئی  
خداوند نے سبت دے دن نوں برکت والا کر کے پاک کیتا۔  
جماعت۔ اے خداوند ساڈے اُتے رحم کرتے ایس حکم نوں پورا کرن ل  
ساڈے دلال نوں پھیر دے۔

پیر لیٹ۔ توں اپنے ماں بیو دی عزت کرتاں جو تیری عمر اوس ملک  
وچ جیہڑا خداوند تیرا خدا نینوں دینا ہے وودھ جیائے۔  
جماعت۔ اے خداوند ساڈے اُتے رحم کرتے ایس حکم نوں پورا کرن  
ول ساڈے دلال نوں پھیر دے۔

پیر لیٹ۔ توں خوں نہ کر۔  
جماعت۔ اے خداوند ساڈے اُتے رحم کرتے ایس حکم نوں پورا کرن  
ول ساڈے دلال نوں پھیر دے۔

پیر لیٹ۔ توں زنا نہ کر۔  
جماعت۔ اے خداوند ساڈے اُتے رحم کرتے ایس حکم نوں پورا کرن ل

ساڈے دلاں توں پھیر دے۔

پریسیٹ۔ توں چوری نہ کر۔

جماعت۔ اے خداوند ساڈے اُتے رحم کرتے ایس حکم نوں پورا کرن

ول ساڈے دلاں توں پھیر دے۔

پریسیٹ۔ توں اپنے گواہنڈی اُتے جھوٹی گواہی نہ دے۔

جماعت۔ اے خداوند ساڈے اُتے رحم کرتے ایس حکم نوں پورا کرن

ساڈے دلاں توں پھیر دے۔

پریسیٹ۔ توں اپنے گواہنڈی دے گھر والا لچ نہ کر۔ نہ توں اپنے

گواہنڈی دی وہٹی والا لچ کرتے نہ اُہدے ٹہیئے۔ نہ اُہدی

ٹہلن۔ نہ اُہدے بولرتے نہ اُہدے کھوتے۔ تے نہ کسے ہور

چیز والا لچ کر جو تیرے گواہنڈی دی ہے۔

جماعت۔ اے خداوند ایس تیری منت کر دے ہاں ساڈے

اُتے رحم کرتے راہناں ساریاں حکماں نوں ساڈے

دلاں اُتے لکھ دے۔

پاپریٹ ایہہ آکھے۔

پریسیٹ۔ ساڈے خداوند یسوع مسیح نے فرمایا ہے پیٹی خداوند ساڈا

خدا اکلا خدا ہے۔ تے توں خداوند اپنے خدا نوں اپنے سارے دل تے اپنی

ساری جان تے اپنی ساری عقل تے اپنے سارے زور نال محبت

کر۔ ایہہ اول حکم ہے۔ تے دوجا ایہدے وانگوں ایہہ ہے

پیٹی توں اپنے گواہنڈی نال اپنے برابر محبت کر۔ ایہہ حکم ساری

شریعت تے بنیاں دیاں کتاباں دا پنجوڑ ہین۔



پھر پریسٹ پہلے دانگوں کھلو کے اہنساں دہاں دعاواں  
دچوں اک دُعا ملے ۔۔

اے قادرِ خدا - تیرا راج قدیم تے تیری قدرت بے حد ہے اپنی سب  
کلیسیاں اُتے رحم کرتے ساڈے بادشاہ تے حاکم جارج دے دل دی اجیہی  
ہدایت کر پئی اوہ اپنے آپ نوں تیرا بندہ جان کے سب گلاں نالوں  
و دھڑکے تیری عزت تے جلال نوں ڈھونڈے ۔ تے اسیں اوہدی سار  
رعیت سمیت ایہہ گل سمجھ کے پئی اوس نے کس دے دلوں اختیار پایا ہے  
اوہدی خدمت تے عزت کر پئے ۔ تے عاجزی نال اوہدی تابعداری کر پئے ۔  
ساڈے خداوند یسوع مسیح دے وسیلے جو تیرے تے رُوح پاک دے نال  
سدا اک خدا ہمیشہ زندہ تے راج کردا ہے ۔ آمین ۔

[یا ایہہ دُعا]

اے قادرِ تے قدیم خدا ۔ اساں تیرے پاک کلام تھوں سکھیا ہے ۔  
پئی بادشاہاں دے دل تیرے حکم تے اختیار وچ ہین تے توں اپنی الہی  
حکمت نال جو بہتر جاندا ہین اوس دے دل اہنساں نوں پھیر دا ہین ۔  
اسیں عاجزی نال تیری منت کر دے ہاں پئی توں اپنے بندے ساڈے  
بادشاہ تے حاکم جارج دے دل دی اجیہی ہدایت کر پئی اوہ اپنے ہر  
خیال قول تے فعل وچ سدا تیری عزت تے جلال نوں ڈھونڈے ۔ تے  
ایں فکر وچ رہوے پئی تیرے لوک جو اُہارے سپرد ہین خوشحالی تے امن  
امان تے دینداری وچ اپنے دن کٹن ۔ اے رحیم باپ اپنے پیارے بیٹے  
یسوع مسیح دے وسیلے ایہہ بخش دے ۔ آمین ۔

ایس دے گردن ادس دن دی مقرر دی ماسنگل مایا دے۔ تے دُعا دے چھوں  
 پرستیاں ایہہ آکھ کے نہ پڑھے۔۔۔ جس دے ریا خط دے تھاں بائبل شریف د مقرر  
 حصہ فلانی کتاب دے فلانی باب دی فلانی آیت تھوں شروع ہندا ہے تے  
 تیروں خطوں پڑھ چکے تاں آکھئے:۔ ایہ خط ختم ہو یا۔ پھر جماعت کھویا۔  
 تے پرست ایہہ آکھ کے انجیل نوں پڑھے:۔ لا انجیل شریف فلانی انجیل دے  
 فلانی باب دی فلانی آیت تھوں شروع ہندی ہے تے انجیل نوں پڑھن  
 دے گردن ایہہ عقیدہ پڑھیا مایا دے جماعت کھوتی نہ ہوئے۔

میرا ایمان ہے اک خدا اُتے جو قادر باپ ہے تے آسمان تے زمین  
 تے سب دیکھی تے ان دیکھی چیزاں دا پیدا کرن والا ہے۔  
 تے اک خداوند یسوع مسیح اُتے جو خدا والا کلا بیٹا ہے۔ اوہ کل زمانیاں  
 تھوں پہلاں اپنے باپ تھوں پیدا ہو یا۔ خدا وچوں خدا۔ نور وچوں نور۔  
 برحق خدا وچوں برحق خدا۔ اوہ نبیا نہیں پر پیدا ہو یلے اوہدی تے باپ  
 دی اکواسل ہے۔ اوہ دے ویسے کل چیزاں موجود ہوئیاں۔ اوہ اسان  
 منکھاں دے لئی تے ساڈی نجات دے لئی اسمان نوں اُتر آیا۔ تے  
 روح پاک دی قدرت نال کواری مریم تھوں دہدھاری ہو یا تے انسان  
 بنیا نے پطوس پلاطوس دی حکومت وچ ساڈے واسطے صلیب وتا  
 گیا۔ اُہنے دُکھ سہیا تے دفنایا گیا تے تھے دھاڑے پاک کتاباں موجب جی  
 اُکھیا۔ اوہ اسمان اُتے چڑھ گیا۔ تے باپ دے سجے ہتھ بیٹھا ہے۔ اوہ  
 جلال دے نال جیوندیاں تے مُردیاں دی عدالت دے لئی پھیر آوے گا۔  
 اوہ دے راج دا انت نہ ہووے گا۔

میرا ایمان ہے روح پاک اُتے جو زندگی بخش والا خداوند ہے۔

اوہ باپ تے بیٹے تھوں نکلا رہے۔ اُہدی باپ تے بیٹے دے نال عبادت  
تے بزرگی ہندی ہے۔ اوہ تیاں دی زبانی بولیا۔

نالے میرا ایمان ہے اک کلیہ رسولی کلیسیا اُتے۔ گناہاں دی معافی  
دے لئی اک بپتسمے اُتے۔ نالے مُردیاں دے جی اُٹھن تے اگلے جہان دی  
زندگی دے اُتے میرا ایمان ہے۔ آمین۔

ایس تے مگر دس خادم دین جماعت نوں اطلاع دیوے پئی اوس ہفتے وچ کٹری  
عید یارو دے دے دن نوں متنا چا ہیڈا ہے۔ تے جے عشاءے ربانی ہوتی ہووے  
تاں اوہ اودھ دی خیر دی ایس ویلے دیوے۔ نذرانے تے چڑھاوے دا اشتہار تے  
بکاج دی پکاتے طلب ماضری دے حکم سنا دن تے کلیسیا وچوں کسے دے فارج  
کرن دی خبر دین دا ایہ موقع ہے۔

گر جے دے وچ عبادت دے ویلے خادم دین دے سول ہور کوئی اشتہار نہیں  
دے سکدا۔ تے اوہ دی صرف اجیہا اشتہار دے سکدا ہے جو ایس کتاب دے  
قواعد دے مطابق ہووے یا شرح دے حاکم دواں مقرر ہووے۔ ہُن وعظ  
کیتی جاوے۔ یا کوئی نصیحت جو کلیسیا دی مقرر کیتی ہوئی وعظ دی کتاب  
وچوں ہووے سنا ئی جاوے۔

وعظ دے کچھوں پریسٹ خُداوند دی میز دے کول جا کے چڑھاوے دی رسم  
شروع کرے۔ تے اپناں آیتاں وچوں اک یا زیادہ اپنی مرضی موافق پڑھے۔

تھاڑی روشنی آدمیاں دے سامنے چمکے تاں جو اوہ تھاڑے نیکی  
کماں نوں ویکھن تے تھاڑے باپ دی جو اسمان اُتے ہے بزرگی کریں۔

امتی ۵: ۱۶

اپنے لئی مال زمین اُتے جمع نہ کرو جتھے کپڑا تے جنگال خراب



کر دیا ہے۔ تے جتھے چورسنہ لگاندے تے چرانداے ہین پراپتا مال  
 اسمان اُتے جمع کرو جتھے نہ کیڑا تے نہ خنگال لگدا تے خراب کردا ہے۔  
 تے نہ چورسنہ لگاندے تے چرانداے ہین۔ (متی ۶: ۱۹-۲۰)  
 جو کچھ تئیں چاہتے ہو پئی لوک تہاڈے نال کرن اوہو تئیں  
 دی اُوہناں دے نال کرو کیوں جو توریت نے نبیاں دی تعلیم  
 ایہو ہے (متی ۷: ۱۲)

جو مینوں اے خداوند اے خداوند آکھدے ہین اوہناں دچوں  
 ہر اک اسمان دی بادشاہی وچ داخل نہیں ہووے گا۔ پر اوہو  
 جہڑا میرے اسمانی باپ دی مرضی اُتے تہدا ہے۔ (متی ۷: ۲۱)  
 زکی نے کھوکھلے خداوند دے اگے عرض کیتی پئی دیکھ اے  
 خداوند میں اپنا ادھال غریباں ویندا ہاں۔ تے جے میں کسے دا  
 گچھ مال دغے نال لیا ہے تاں اوس دا چوناں بھر دیندا ہاں۔ (لوقا ۱۱: ۸)  
 کیہڑا سپاہی اپنی گنڈوں کھا کے لڑو دا ہے؟ کون انگور دا  
 باغ لگا کے اوس دا پھل نہیں کھاندا؟ یا کون اربڑنوں چار کے اوس  
 دا دودھ نہیں پیندا (اگر نتھیوں ۹: ۷)

جے اساں تہاڈے لئی روحانی چیزاں بیچیاں ہین تاں ایہہ کوئی  
 اچھت گل ہے جو اسیں تہاڈیاں دُنیاوی چیزاں دی فصل وڈھئے؟  
 (اگر نتھیوں ۹: ۱۱)

کیہہ تئیں نہیں جانداے ہو پئی جہڑے پاک چیزاں دی خدمت کردے  
 ہین اُوہناں دا گذارہ ہیکل وچوں ہی ہندا ہے؟ تے جو قربان گاہ  
 دے خدمت گذار ہین اوہ اوس دے نال حصہ پاندے ہین؟ ایسے

طرح خداوند نے دی حکم دتا ہے پٹی جو انجیل دی مُنادی کر دے ہیں

اوہ اوس دی راہیں گزارہ کرن۔ (اکرتیمتھیوں ۹ : ۱۳ و ۱۴)

جھڑا گھٹ بیجا ہے اوہ گھٹ وڈے گا۔ تے جھڑا بہتا بیجا ہے۔

اوہ بہتا وڈے گا۔ جتا ہراک راجی کر دا ہے اوہ ناہی دیوے۔ نہ آدکھا

ہو کے تے نہ پھوری نال کیوں جو خدا خوشی نال دین والے نوں پہا کر دا

ہے۔ (۲ کرنتھیوں ۹ : ۷)

کلام دے سکھن والے نوں چاہیدا ہے پٹی اپنے اُستاد نوں

ساریاں نعمتاں دے وچ حصہ دار بنائے۔ دھوکا نہ کھا ڈ خدا نال گھٹھا

نہیں کیتا جاسکدا۔ کیوں جو آدمی جو کجھ بیجا ہے سوہی وڈے گا۔

(رگلتی ۶ : ۷)

اسیں موقع نوں غنیمت جان کے سمجھناں نال نیکی کریئے تے

خاص کر اوہناں نال جھڑے ایمان دے سببوں رگو گھرانے دے ہیں

(رگلتی ۶ : ۱۰)

دینداری قناعت دے نال بڑی دولت ہے۔ کیوں جو اسیں نہ

تے دُنیا وچ کجھ لیا ئے سنیئے نہ ہی کجھ لے جاواں گے۔ (۱ تیمتھیس ۶ : ۶-۷)

جو ایس جہاں وچ دولت والے ہیں اُہناں نوں حکم دے پٹی اوہ

سخاوت کرن لئی تیار تے امداد کرن لئی ہشیار ہوون نے اگے دے

واسطے اپنے لئی اک چنگی نینہ قائم کر لیں تاں جو ہمیشہ دی زندگی نوں

حاصل کر سکن۔ (۱ تیمتھیس ۴ : ۱۸-۱۹)

خدا بے انصاف نہیں ہے جو اوہ تہاڈے کم تے اوس محبت دی

محنت نوں ٹھیل جائے جھڑی تہاں اوہ دے نام دی خاطر ایس طرح

دکھائی ہے پئی پاک لوکاں دی ٹیل سیوا کیتی ہے تے ہن دی کروے  
ہو۔ (عبرانیوں ۱۰: ۱۶)

بھلا کر ناتے سخاوت کرنی نہ بھلو۔ کیوں جو خدا اجیاں قربانیاں  
نال خوش ہندا ہے (عبرانیوں ۱۳ : ۱۶)

جے کسے دے کول دنیا داماں ہووے تے اوہ اپنے بھائی نوں محتاج  
ویکھ کے اُہدے آتے ترس نہ کھائے تاں اوہ دے وچ خدا دی محبت کس  
طرح قائم رہ سکدی ہے ۹ (۱۔ یوحنا ۳ : ۱۷)

اپنے مال وچوں خیرات کرتے اپنا منہ کسے کنگال دلوں نہ موڑ  
تے خدا تیرے دلوں دی منہ نہ موڑے گا۔ (توہیت ۴۔ ۵)

اپنی طاقت موجب رحم کیتا کر۔ جے تیرے کول ہستا ہووے تاں  
ہستا دے جے تیرے کول تھوڑا ہووے تاں اوس تھوڑے وچوں خوشی دے  
نال دینا دی کوشش کیتا کر کیوں جو ایس طرح توں ضرورت دے دن  
دے واسطے اپنے لئی نیک اجز جمع کر رکھیں گا (توہیت ۴ : ۸۔ ۹)

جو کنگالاں اُتے رحم کروا ہے خداوند توں ادھار دیندا ہے جو کچھ  
وس نے دتا ہووے گا اوہ خدا کولوں پھیرا لے گا۔ (امثال ۱۹ : ۱۸)

دھن ہے اوہ جو کنگالاں دی فکر رکھدا ہے۔ خداوند ادبہنوں

بیٹا دے ویٹے چھڑا دے گا۔ (زبور ۱۱۱ : ۱)

ایہناں آیتاں دے پڑھن دے دیے ڈیکن یا گرجے مانگمیاں یا کوئی ہو رلائی  
آدمی جو ایس خدمت واسطے مقرر ہووے محتاجاں دے لئی خیرات یا جماعت  
دی باقی ندان اک سٹھرے برتن وچ جیہڑا جماعت لے مہیا کیتا ہووے۔  
اکٹھا کرے تے ادب نال پریسٹ دے کول لے آوے تے پریسٹ اوس چڑھا دے



توں چڑھا کے پاک میز اُتے رکھے رہے۔  
 یے عشاءے ربانی ہوئی ہو دے تاں ایس دیلے پر لیٹ ادنی روٹی تے انگور دا  
 رس پاک میز اُتے رکھے جتا اودہ کافی سمجھے۔  
 پھیر پر لیٹ رکھے :-

اسیں مسیح دی نکل کلیسیا دے لئی جو دُنیا وِچ رُومانی جنگ کر دی  
 دعا منگئے :-

اے قادرِ قدیم تے زندہ خدائوں ساٹوں اپنے مقدس رسول دی  
 راہیں ایہہ سکھا ایہا ہے۔ پئی سبُنکھاں دے لئی دُعاواں رِعرضناں  
 نے شکرانے گزارے۔ اسیں عاجزی نال تیری مہنت کر دے ہاں پئی توں  
 اپنے رُحم نال (ساٹے نذرانے تے خیرائیاں تے) ساٹیاں ایہہ دُعاواں جو  
 اسیں تیرے حضور پیش کر دے ہاں قبول کرے۔

اسیں تیری مہنت کر دے ہاں پئی اپنی نکل کلیسیا توں سچیاں تے  
 میل ملاپ تے اتفاق دی رُوح نال سدا زندہ رکھ تے ایہہ بخش پئی جتے  
 تیرے پاک نام دا اقرار کر دے ہن اودہ تیرے کلام پاک دی اصل تعلیم دے  
 اُتے اتفاق کرن تے میل ملاپ تے پاک محبت وِچ زندگی کٹن۔

اسیں عرض کر دے ہاں پئی توں سارے بادشاہاں تے حاکماں تے  
 خاص کر اپنے بندے ساڈے بادشاہ جارج دی اجیہی ہدایت کر جھاوہنا  
 دی عملداری وِچ تیرے لوکاں دی حکومت ویتداری تے من تال  
 ہووے تے اوہناں سبھناں توں جہناں توں ساڈے بادشاہ دیوں کوئی  
 اختیار ملیا ہے ایہہ توفیق بخش پئی اودہ بے رُورعایت انصاف کر کے

لک بے خیرات تے صدقہ نہ ہو دے تاں ایہہ نفظ چھڈے جان۔

بداں نوں نرا دین تے تیرے سچے دین تے دیتداری نوں قائم رکھن۔  
 اے اسمانی باپ۔ سارے بشریاں تے دین دے خادماں نوں ابھی  
 توفیق دے جو اوہ تیرے زندہ تے سچے کلام نوں اپنے چال چلن تے تعلیم نال  
 ظاہر کرن تے تیرے پاک سکرا منڈیاں نوں درست طور نال ادا کرن۔  
 نوں اپنیاں ساریاں لوکاں نوں اسمانی فضل بخش خاص کرا لیں  
 جماعت نوں جو ایٹھے حاضر ہے تاں جو اوہ غریب دلی تے ادب نال تیرا  
 پاک کلام سُنے تے قبول کرے تے ساری عمر تیری سچی خدمت پاکیزگی تے نیکی  
 نال کرے۔

اے خداوند اسیں بڑی عاجزی نال تیری مہنت کروے ہاں پیٹی  
 جتنے ایس پارو ہاڑے دی زندگی وچ تکلیف۔ غم۔ محتاجی بیماری پاکسے  
 ہو مصیبت وچ پھسے ہوئے ہین توں اوہناں سبھناں نوں اپنے فضل  
 نال تسلی تے مدد دے۔

جتنے تیرے بندے ایس جہان تھوں تیرے ایمان تے خوف دے  
 وچ کوچ کر گئے ہین اوہناں سبھناں دے لئی اسیں تیرے پاک  
 نام و اشکر کر دے ہاں۔ اسیں مہنت کر دے ہاں پیٹی اسیں تیرے کوہوں  
 فضل پاکسے اوہناں دے نیک نمونے اُتے چلنے تانجو اوہناں دے نال  
 تیری اسمانی بادشاہی وچ شامل ہو جائیے۔ اے باپ ساڈے شفیع تے  
 دچوے یسوع مسیح دی خاطر ایہہ بخش دے۔ آمین۔

ایہہ پریسٹ اوہناں نوں جیہڑے پاک رفاقت دی شریک ہون لئی آں۔ کھے۔

تیس جیہڑے دلوں جانوں اپنے گناہاں تھوں سچی توبہ کر دے ہوتے  
 اپنے گواہنڈیاں نال پریم تے پیار رکھدے ہوتے اگے توں خدا دے حکماں

موجب اوس دی پاک راہ اُسے چل کے نویں زندگی اختیار کرن دا قصد  
 کر دے، ہوا یا بن رکھ کے نیڑے آؤتے اپنی دل جمعی دے لئی ایس پاک  
 سکرامنٹ توں نووتے خدا قادر دی درگاہ وچ عاجزی نال گوڑے  
 نوا کے آیتوں اقرار کرو :-

ایس دے پچھوں خادم دیناں وچوں اک شخص پاک رفاقت وچ شامل ہون  
 دالیں دلوں ایہ اقرار پڑھے تے اوہ گوڑے نوا کے سب جماعت دے نال نال آکھے

اے قادر خدا ساڈے خداوند یسوع مسیح دے باپ توں سب چیزاں  
 واجب اکرن والے سب آدمیاں دا منصف ہیں۔ اسیں رو روکے تیرے  
 اگے اقرار کر دے ہاں پئی اساں ہر ویلے خیال قول تے فعل نال تیری الہی  
 شان دے برخلاف طرح طرح دیاں بدیاں تے گناہ کہتے ہیں۔ جنہاں  
 دے سبب اسیں غضب دے ہی لائق ہاں۔ اسیں جی جان نال توبہ  
 کر دے ہاں تے اپنے نا واجب کماں دے سبب دلوں پھیتا ندے ہاں۔  
 اہناں دے چہیتے داوی سالوں بڑا دکھ ہے۔ اہناں دا بھار ساڈی  
 برداشت تھوں باہر ہے۔ اے رحیم باپ ساڈے اتے رحم کر۔ ساڈے کوپوں  
 جو کچھ ہوئے اوہ اپنے بیٹے ساڈے خداوند یسوع مسیح دے وسیلے معاف  
 کرتے ایہ بخش پئی اگے نوں نویں زندگی دی چاں وچ اسیں تیری سیوا  
 کر بیٹے تے تینوں خوش کریئے۔ تاں جو تیرے نام دی عزت تے جلال  
 ہووے۔ ساڈے خداوند یسوع مسیح دے وسیلے۔ آمین۔

تدپر لیٹ دیا بشپ جے اوہ موجود ہووے، کھلوکے جماعت  
 دل منہ کے معافی دا کلمہ سنائے :-

قادر مطلق خدا ساڈا اسمانی باپ جنہ اپنی بڑی رحمت دے سبب



اُہناں سبھناں دے گناہاں دی معافی دا وعدہ کیتا ہے جیہڑے دی  
توبہ تے سچے ایمان نال اوہدے دل مُردے ہیں۔ اوہ تہاڈے اُتے  
رحم کرے تے تہاڈوں بخشتے۔ اوہ ساریاں گناہاں بھٹوں تہاڈوں چھٹکارا  
دیوے تے ہر طرح دی نیکی وچ تہاڈوں قائم تے مضبوط کرے تے تہاڈوں  
ہمیشہ دی زندگی وچ پہنچا دے۔ ساڈے خداوند یسوع مسیح دے  
وسیے۔ آمین۔

تد پرلیٹ آئے۔

سنو ساڈا بچاؤن لا مسیح اُہناں سبھناں نوں جہڑے سچے دل نال اُہدے  
دل مُردے ہن کیڈی تسلی دے گلے فرما دے :-  
اے لو کو جہڑے محنت کروے ہو تے بھار ہینٹھاں دے ہوئے تے  
مانڈے ہو سب میرے کول آؤ۔ میں تہاڈوں آرام دیواں گا۔ (متی ۱۱: ۲۸)  
خدا نے دُنیا نال اجیہا پیار کیتا جو اوس نے اپنا اکلا بیٹا بخش دتا  
تا بچو جہڑا اُہدے اُتے ایمان لیا دے ہلاک نہ ہووے سگوں ہمیشہ دی  
زندگی پاوے۔ (یوحنا ۳: ۱۶)

جو مقدس پولوس آکھدا ہے اوہ وی سنو :-

ایہہ گل سچی تے ہر طرح قبول کرن والی ہے پئی مسیح یسوع گناہگار  
نوں بچاؤن لئی دُنیا وچ آیا۔ (۱۔ تیمتھیس ۱: ۱۵)  
جو مقدس یوحنا آکھدا ہے اوہ وی سنو :-

جے کوئی گناہ کرے تاں باپ دے کول اک ساڈا مددگار موجود  
ہے۔ یعنی مسیح یسوع جیہڑا پیار ہے تے اوں ساڈے گناہاں دا کفارہ دی ہے۔  
(۱۔ یوحنا ۲: ۱۱)

پھر پریسٹ آکھے :-

تسین اپنے دل خداوند : دل چکو  
جماعت - اسیں اہناں نوں خداوند ول چکدے ہاں -  
پریسٹ - اسیں اپنے خداوند خدا دا شکر کریئے -  
جماعت - اجہا کرنا واجب تے مناسب ہے -

تد پریسٹ خداوند دی میز دے ول منہ پھیر کے آکھے :-

ایہ بہت واجب تے مناسب تے ساڈے اُتے فرض وی ہے  
جو اسیں ہر ویلے تے ہر تھاں تیرا شکر کر دے رہیئے - اے خداوند مقدس  
باپ قادر تے قدیم خدا -

جے کسے خاص دن دا تعریف دا کلمہ مقرر ہووے تداوہ ایہ تھے پڑھیا  
جائے - نہیں تاں ایہ آکھیا جاوے -

ایس واسطے فرشتیاں تے اعلیٰ فرشتیاں تے کُل اسمانی جماعت  
دے نال اسیں تیرے جلالی نام وی ستائش تے بزرگی کر دے ہاں  
تے ہمیشہ تیری حمد کر کے آکھدے ہاں - قدوس - قدوس - قدوس -  
خداوند لشکراں دا خدا - اسمان تے زمین تیرے جلال نال پھر لود  
ہن - اے خداوند تعالیٰ تیرا ہی جلال ہووے - آمین -

تعریف دے خاص کلمے :-

عید ولادت تے ادبے اکھواری دے واسطے :-

ایس لٹی جو توں اپنے اکلے بیٹے یسوع مسیح توں بخشیا پئی اوہ

اے لفظ "مقدس باپ" عید تثلیث دے دن تہ پڑھے جاوے -

اہنیں دہیں ساڈے واسطے جنم لوے۔ اوہ روح پاک دی قدرت نال  
اپنی ماں کواری مریم دی ذات وچوں گناہ دے داغ تھوں پاک حقیقی  
انسان بنیا تاں جو سالوں سب گناہاں تھوں پاک کرے۔ ایس واسطے  
فرشتیاں وغیرہ۔

مسح دے جی اٹھن دے دن تے اُہدے اٹھواری دے واسطے :-

پر تیری حمد خاص کر تیرے بیٹے اپنے خداوند یسوع مسیح دے جلال  
جی اٹھن دے واسطے ساڈے اُتے فرض ہے۔ کیوں جو اوہ مسیح دا  
اصل برہ ہے جو ساڈے واسطے قربان ہو یا تے دُنیا دے گناہ توں لے  
گیا ہے۔ اوس نے اپنی موت دے وسیلے موت توں نابود کر دتا تے  
اپنے جی اٹھن دے وسیلے سالوں ہمیشہ دی زندگی وچ بحال کر دتا  
ہے۔ ایس واسطے فرشتیاں وغیرہ۔

مسح دے اسمان اُتے چڑھ جادن دے دن تے اُہدے اٹھواری دے واسطے :-

ایہ تیرے عزیز بیٹے ساڈے خداوند یسوع مسیح دے وسیلے  
ہو وے۔ اُہنے اپنے جلال جی اٹھن دے مگروں اپنے سب رسولاں  
نوں درشن دتا اُہناں دے ویکھدیاں اسمائیں چڑھ گیا تاں  
جو ساڈے واسطے تھاں تیار کرے۔ تانجو جتھے اوہ ہے اوہ تھے ایس  
وی چڑھ سکے اُہدے نال جلال وچ راج کریئے۔ ایس واسطے فرشتیاں  
وغیرہ۔

روح پاک دے اترن دے دن تے اُہدے پھوں چھیاں دناں دے واسطے :-

ساڈے خداوند یسوع مسیح دے وسیلے جس دے سچے تے برحق  
وعدے موجب اہنیں دہیں روح پاک مہیری دی شوکر دانگوں تے



اگ دانگر دیاں زبانان دی مانند یکا یک اسمانوں آیتے رسولان دے اُتے  
 آٹھیریا۔ تاں جو اُہناں نوں تعلیم دیوے تے ہر طرح دی سچیا فی دل اُہناں  
 دی ہدایت کرے۔ اُہنے رسولان نوں سو دینیاں زبانان بولن دی نعمت  
 بخشی تے ہمت دتی تاں خواہ سب قویاں نوں دیری تے سرگرمی نال ہر  
 ویلے انجیل دی منادی سناون ایسے سبیلوں اسیں ہنیرے تے گمراہی چو  
 شکل کے تیرے تے تیرے بیٹے یسوع مسیح دے صاف پان تے سچے  
 گیان نوں پالیا ہے۔ ایس واسطے فرشتیاں وغیرہ۔

صرف عیدِ تثلیث دے دن دے واسطے :-

جو اکلا واحد خدا تے اکو خداوند ہیں۔ جہدی اکو شان ہی نہیں قول اک  
 اصل تے تیناں شانان والا خدا ہیں۔ کیوں جو باپ دے جلال دی بابت  
 جو کچھ ساڈا ایمان ہے اوہو اسیں بیٹے تے روح پاک دی بابت بنا کے فرق  
 یا کسی بیشی دے مندے ہاں۔ ایس واسطے فرشتیاں وغیرہ۔

تعلیف دے ہر ایک کلمے دے پچھوں ایہہ پڑھیا جا دے :-

ایس واسطے فرشتیاں تے اعلیٰ ... تیرا ہی جلال ہووے۔ آمین۔

ایس دے پچھوں پرلیٹ خداوندی میز دے کول گوڈے پا کے سمجھتاں دلوں ایہہ دے مانگے :-

اے رحیم خداوند۔ اسیں اپنی نیکی اُتے بھروسہ کر کے تیری میز دے  
 کول آون دا حوصلہ نہیں رکھدے۔ پر تیریاں وُن سو دینیاں وھٹیاں  
 رحمتاں اُتے آسرا کر کے حاضر ہندے ہاں۔ اسیں تے تیری میز دے  
 ہیٹھاں ڈگے ہوئے چورے دی چنن جو گے نہیں ہاں۔ پر توں اوہ  
 خداوند ہیں جدا خاصہ سدا رحم کرتا ہے۔ ایس لئی اے کریم خداوند ایہہ بخش  
 پئی اسیں تیرے پیارے بیٹے یسوع مسیح دا گوشت ایس طرح کھائیے تے

ادہا لو ایس طرح پیویئے جو ساڈے پانی بدن اوس دے بدن نال پاک ہو  
جاون تے ساڈیاں رُوحاں اوس دے اُن تے لہو نال دھوتیاں جاون  
تے اسیں ہمیشہ ادہرے وچ قائم رہیئے تے اوہ ساڈے وچ دے آئین

جد پرلیٹ میز دے سامنے کھوکے روٹی تے انگور دے رس نوں ایس ترمیمت  
نال رکھی اسی تے ادب نال جماعت دے رُوبرو مدنی نوں توڑ سکے تے  
پیلے نوں اپنے ہتھوں وچ لے سکے تہاں تقدیس دی دعا ہوئے :-

اے قادر خدا ساڈے اسمانی باپ - توں اپنی بڑی رحمت نال اپنے  
اکھلے بیٹے یسوع مسیح نوں بخشیا تاں جو اوہ ساڈے لئی صلیب اُتے موت دا  
دُکھ سہے - اوس نے صلیب اُتے اپنے آپ نوں اکو واری نذر چڑھلے کل  
جرمان دے گناہاں دے لئی اک پوری کال تے خاطر خواہ قربانی نذر تے  
کفارہ دتا - تے سدا دے لئی اپنی اُن مل موت دی اک یادگار مقرر کیتی تے  
اپنی پاک انجیل وچ سانوں محکم دتا پئی جدوں تیکر اوہ دوبارہ نہ آوے  
اسیں اسنوں لگاتار کر دے رہیئے - اے رحیم باپ - اسیں عاجزی نال تیری  
منت کر دے ہاں ساڈی سُن تے ایہہ بخش پئی تیرے بیٹے اپنے بچاؤن  
والے یسوع مسیح دے پاک انتظام موجب اُہدی موت تے دُکھ دی  
یادگاری دے لئی اسیں تیری پیدا کیتی ہوئی روٹی تے انگور دے رس  
نوں کھاپی گے ادہرے مبارک بدن تے لہو وچ شریک ہو جائیئے جس رات  
اوہ پھڑوایا گیا سی - اوس نے روٹی لئی تے شکر کر کے توڑی - تے اپنے  
شاگرداں نوں دے کے آکھیا - لو - کھاؤ - ایہہ میرا بدن ہے جو تہاڈے  
واسطے دتا جاندا ہے - میری یادگاری دے لئی آئیؤں کر یا کرو - ایسے

لہ ایہجے پرلیٹ رکابی نوں اپنے ہتھ وچ کرے - لہ ایس ہتھ پرلیٹ روٹی توڑے - لہ ایس فیٹ  
پرلیٹ روٹی اُتے ہتھ رکھے -

طرح کھاتے دے پچھوں اپنے پیانہ لیا تے شکر کر کے اُہناں نوں دے کے  
 ۲ کھیا۔ تئیں سارے ایہہ پٹیو کیوں جو نوں عہد دا ایہہ میرا لہوے جو  
 تہا دے تے بتیاں دے گناہاں دی بخشش دے واسطے دہایا جاندے ہے۔  
 جیروں تئیں اہنوں پٹیو میری یادگاری کیتا کرو۔ آمین۔

ایں دے مگروں پریسٹ عشاء دیاں دواں فساں نوں آپ لے تے پھیر جے کوئی پشپ  
 یا پریسٹ یا ڈیکن حاضر ہو دے اُہنوں دی ادسے طرح دیوے تے پھیر ترتیب وار جماعت  
 دے لوکاں دے ہتھاں وچ دیوے تے لین ویلے سب عاجزی نال گودے نوئی پھن  
 جیروں ادسے نوں روٹی دیوے تاں ایہہ آکھے نہ۔

سادے خداوند یسوع مسیح دا بدن جو تیرے لئی دتا گیا تیرے بدن تے  
 روح نوں ہمیشہ دی زندگی لئی بچائی رکھے۔ اہنوں لے تے کھا۔ ایں گل  
 دی یادگاری لئی پٹی مسیح نے تیرے لئی اپنی جان دتی تے شکر کر کے مسیح  
 نوں اپنے دل وچ ایمان دی راہیں کھایا کر۔

ا جیروں خادم دیں کسے نوں پیالہ دیوے تاں ایہہ آکھے نہ۔

سادے خداوند یسوع مسیح دا لہو جو تیرے لئی دہایا گیا تیرے بدن  
 تے روح نوں ہمیشہ دی زندگی لئی بچائی رکھے۔ اہنوں پی لے ایں گل  
 دی یادگاری لئی پٹی مسیح دا لہو تیرے لئی دہایا گیا تے شکر کر۔

جے تقدیس کیتی ہوئی روٹی یا رس سمجھناں دے عشاء لین بھتوں پہلاں ختم ہو  
 جادے تاں پریسٹ آپر دا کلمہ پڑھ کے ہور تقدیس کرے تے روٹی اہناں لفظاں  
 نال متبرک کرے نہ۔ جس رات ساڈا بچا دن والا مسیح پھرایا گیا سی ادس نے

لہہ ایہہ پریسٹ پہلے نوں اپنے ہتھ وچ لے لے۔ لہہ ایں ویلے پریسٹ ہر برتن اُتے رکھاویں ادد  
 پیالہ ہو دے بھاویں صراحی ہو دے، جہدے وچ تقدیس دے لئی انگور دارس ہو دے  
 ہتھ رکھے۔



روٹی تو "دینرہ" تے پیالہ ہوتاں نفلان نال تیرک کرے "ایسے طرح کھاتے دے  
بچھو اہنے پیالہ لیا" وغیرہ:-

جدوں سبب عشاء لے مکین پرلیٹ خداوندی میز دے کول آکے تقدیس کیتی  
ہوئی روٹی تے رسا دچوں جو کچھ بچیا ہو دے ادب نال میز اتے رکھ کے صاف چٹی  
چادر نال ڈھک دیوے۔

پھیر پرلیٹ ربانی دُعا پڑھے تے جماعت ادھرے مگر گرا آکھے:-

اے ساڈے باپ۔ جو اسمان آتے ہیں تیرا نام پاک منیا جاوے۔  
تیرا راج آوے۔ تیری مرضی جس طرح اسمان آتے ہندی ہے زمین اتے  
وی پوری ہووے۔ ساڈی روز دی روٹی اچ سانوں دے۔ ساڈیاں  
گناہاں نوں بخش دے جس طرح اسیں اپنے قصور واراں نوں معاف کردے  
ہاں۔ سانوں آزمائش وچ نہ پین دے سگوں بدی تھوں بچا کیوں جو  
راج تے قدرت تے ہلال ہمیشہ تیرا ہی ہے۔ آمین۔

ایسے دے پھول ایہ دُعا منگی جائے۔

اے خداوند اسمانی باپ اسال تیرے عاجز بندیاں دی دلی آرزو ایہ  
ہے پئی نوں اپنی پدرانہ مہرتے رحمت دے نال ساڈی حمد تے شکر دی  
قربانی نوں قبول کر۔ اسیں بڑی عاجزی نال تیری منت کردے ہاں پئی تیرے  
بیٹے یسوع مسیح دے ثواب تے موت دے سبب تے ادھرے لہو اتے ایمان  
رکھن دے کارن اسیں تیری کل کلیسیا سمیت اپنے گناہاں دی معافی تے  
اُہدے دُکھ دے ہو سارے فائدے حاصل کریں۔

اے خداوند اہیں ویلے اسیں اپنے آپ نوں تے اپنی جان تے تن  
نوں تیری درگاہ وچ نذر چڑھاندے ہاں تاں جو تیرے لئی اک عقل والی

پاکیزہ تے زندہ قربانی بنیئے۔ تے عاجزی نال تیری منت کر دے ہاں پئی اسیں  
 چتے ایں پاک رفاقت وچ شامل ہوئے ہاں تیرے فضل تے اسمانی  
 برکت نال بھر جلیئے۔ تے بھاویں اسیں اپنے طرح طرح دے گناہاں  
 دے سبب تیرے اگے کوئی قربانی چڑھاؤن جو گے نہیں رہے تاں وی  
 اسیں تیری منت کر دے ہاں توں ایں ساڈے فرض تے خدمت توں  
 جو ساڈے اُتے واجب ہے قبول کر تے ساڈی لیاقتاں دا اندازہ نہ کر پر  
 ساڈے جرم بخش دے۔ ساڈے خداوند یسوع مسیح دے وسیلے جس دی  
 راہیں تے جس دے نال روح پاک دی یکتائی وچ اے قادرِ باپ سب  
 عزت تے جلال ہمیشہ تیکر تیرا ہی سہندا رہوے۔ آمین۔

یا ایہ دعا منگی جاوے۔

اے قادر تے زندہ خدا۔ ایں دل جان نال ایں گل دے لئی تیرا  
 شکر کر دے ہاں پئی توں سانوں جو اہناں پاک بھینتاں وچ جیہا واجب  
 سی شریک ہوئے ہاں اپنے بیٹے ساڈے بچاؤن والے یسوع مسیح دے  
 اُن ملے بدن تے لہو دی روحانی خوراک کھوال کے اپنی ہر تے رحمت دا  
 یقین دلاندا ہیں۔ ایں تیرا شکر کر دے ہاں پئی توں ایں طرح ساڈے  
 اتے ظاہر کردا ہیں پئی ایں تیرے بیٹے دی روحانی بدن وچ جو سب  
 ایمانداراں دی مبارک جماعت ہے گٹھے ہوئے انگ ہاں۔ تے تیرے  
 پیارے بیٹے دی آن مل موت تے دکھاں دے ثواب دے سبب امید  
 دی سا ہیں تیری ہمیشہ دی بادشاہی دے وارث ہاں۔

اے اسمانی باپ۔ ایں عاجزی نال تیری منت کر دے ہاں  
 پئی اپنے فضل نال توں ساڈی اجیہی مدد کر جو ایں ایں پاک رفاقت

روح سدا قائم رہیئے تے اوہ سب نیک عمل کیتا کریئے جنہاں نوں  
کرن دے لئی توں ساڈے لئی یہلاں تھوں بند و بست کیتا ہو یا  
ہے۔ ساڈے خداوند یسوع مسیح دے وسیلے جہدی تیرے تے روح پاک  
دے نال سب عزت تے بزرگی ہمیشہ تیکر مہندی رہوے۔ آمین۔

پھیر شکر دا کلمہ پڑھیا جاوے:-

اُسمان اُتے خدا دا جلال تے زمین اُتے صلح تے آدمیاں نال  
رضا مندی ہووے۔ اے خداوند خدا۔ اسمانی بادشاہ۔ خدا قادر باپ۔  
اسیں تیرے بڑے جلال دے سبب تیری حمد کردے ہاں تینوں مبارک  
آکھدے ہاں۔ اسیں تینوں سجدہ کردے ہاں۔ اسیں تیرا جلال ظاہر کرے  
تے تیرا شکر کردے ہاں۔

اے خداوند۔ اکلے بیٹے یسوع مسیح۔ اے خداوند خدا۔ خدا دے  
بڑے۔ باپ دے بیٹے۔ توں جو دنیا دے گناہاں نوں لے جاندا ہیں  
ساڈے اُتے رحم کر۔ توں جو دنیا دے گناہاں نوں لے جاندا ہیں  
ساڈی دعا قبول کر۔ توں جو خدا باپ دے سچے بیٹھا ہیں ساڈے اُتے  
رحم کر۔

کیوں جو توں ہی پاک ہیں۔ توں ہی اکلا خداوند ہیں۔ توں ہی  
اکلا اے مسیح روح پاک دے نال خدا باپ دے جلال و جلالی ہیں۔ آمین۔

پھیر پریسٹ (یا بشپ) نے اوہ موجود ہووے، برکت دے ایس کلمے دے نال جماعت نوں نصرت کیتا۔

خدا دا اطمینان جو فہم تھوں پرے ہے۔ خدا تے اوہدے بیٹے ساڈے  
خداوند یسوع مسیح دے گیان تے محبت و جلال تے دنیا لال  
دی راکھی کرے۔ تے قادر مطلق خدا باپ بیٹے روح پاک دی برکت



تھاڑے اُتے ہووے تے تھاڑے نال ہمیشہ رہوے۔ آمین۔

راہناں دعاواں دچوں اک یا زیادہ آپر دیاں دعاواں دے  
پچھوں پڑھیاں با سکریاں ہین :-

اے خدا۔ رحم کرنا تے گناہ بخشنا تیرا ہی خاصہ ہے۔ ساڈیاں منتاں  
قبول کر۔ اسیں تاں اپنے گناہاں دیاں زنجیراں وچ جکڑے ہوئے ہاں پر  
توں ترس کھا کے اپنی رحمت نال اہناں نوں کھول دے۔ ساڈے دچوے  
تے شفیع یسوع مسیح دی عزت دے واسطے۔ آمین

اے خداوند ساڈیاں راہناں درخواستاں تے دعاواں اُتے کرم دی  
نظر کرتے اپنے بندیاں دی ہدایت کرتاں جو اسیں نجات دی راہ وچ  
ترقی کر دے رہیے۔ ایہ بخش پٹی تیرے فضل نال ایس زندگی دیاں سب  
تبدیلیاں وچ تیری مدد ہر ویلے ساڈی پناہ ہووے۔ ساڈے خداوند  
یسوع مسیح دے وسیلے۔ آمین۔

اے قادر خداوند تے قایم خدا۔ اسیں تیری رحمت کر دے ہاں توں  
اپنے کرم نال ساڈے دل تے بدن دواں دی ہدایت کر۔ اہناں نوں  
پاک کرتے اہناں اُتے حکومت کرتاں جو اسیں تیری شرع تے حکماں  
دی راہ اُتے چلتے۔ تے تیری کامل قدرت دی مدد نال ساڈے جیمہ تے  
روح ایس جہان وچ تے ہمیشہ تیرے سلامت رہن۔ ساڈے خداوند  
تے بچاؤن والے یسوع مسیح دے وسیلے۔ آمین۔

اے قادرِ خدا! اسیں تیری منت کر دے یاں ایہہ بخش پئی جو کلام  
اساں اپنے کُناں نال سُنیا ہے او تیرے فضل نال ساڈے دلاں وچ ایسی جڑ  
پھڑے جو ساڈے اندر نیک چلنی دا پھل پیدا ہو جاوے تاں جو تیرے نام دی  
حمد تے عزت ہووے۔ ساڈے خداوند یسوع مسیح دے ویسے۔ آمین۔

اے خداوند! اپنے کرم تے فضل نال سب کماں وچ ساڈا آگُو ہوتے  
ہمیشہ ساڈی مدد کر کے سانوں اگے ودھا۔ تاں جو ساڈے کماں دا مدد  
تے اوڑک تیرے وچ ہووے تے ساڈے سب کلم تیرے وچ قائم رہن تانجو  
اسیں تیرے بندے ایس طرح تیرے پاک نام دا جلال ظاہر کر کے تیرے  
رحم نال اوڑک لوں ہمیشہ دی زندگی پائیے۔ ساڈے خداوند یسوع مسیح  
دے ویسے۔ آمین۔

اے قادرِ خدا توں سب داناں دا چشمہ ہیں توں ساڈیاں حاجتاں  
نوں ساڈے منگن بھتوں پہلاں ہی جاندا ہیں تے ساڈے سوال  
کرن دے ویلے ساڈی نادانی بھتوں وی واقف ہیں۔ اسیں تیری  
منت کر دے یاں توں ساڈیاں کمزوریاں اُسے ترس کھلتے جہاں چیزاں  
اسیں اپنی نالائقی دے سبب منگن دا حوصلہ نہیں رکھدے تے افسے  
ہون دی وجہ نال منگ نہیں سکدے توں اپنے کرم نال اپنے  
بیٹے ساڈے خداوند یسوع مسیح دی لیاقت دے واسطے سانوں  
بخش دے۔ آمین۔

اے قادرِ خدا توں وعدہ کیتا ہے پئی ہمدوں تیرے بیٹے دا نام لے  
 کے اسیں تیتھوں سوالی ہوواں گے توں ساڈیاں عرضاں سُنیں گا۔ اساں  
 ایس ویلے تیری درگاہ وچ اپنیاں دُعاواں تے درخواستاں کیتیاں ہن۔  
 اسیں تیری مہنت کردے ہاں توں ساڈے ول اپنے کُن لگا۔ تے اہیہ  
 بخش پئی جو چیزاں اساں ایمان دی راہیں تیری مرضی دے موافق منگیاں  
 ہن اوہ سانون ضرور مل جاوَن تاں جو ساڈیاں حاجتاں رفع ہووَن  
 تے تیرا جلال ظاہر ہووے۔ ساڈے خداوند یسوع مسیح دے وسیلے۔  
 آمین۔



# بچیاں دے بپتسمہ دی ترتیب

جماعت نوں سمجھانا چاہیدا ہے۔ پئی بپتسمہ اتوار نوں یا کسے دُوجے تیوار دے دن دیا جائے۔ حد بہت لوگ اکٹھے ہندے ہن۔ تاں جو جھسڑی جماعت حاضر ہے اوہ گواہ ہووے پئی بچہ مسیح دی کلیسیا وچ قبول کیتا گیا ہے۔ دُوجے ایس لئی پئی جڑے بپتسمہ پانچکے ہن۔ اُہناں نوں اوہ قول اقرار یاد آجائے جہڑا اُہناں اپنے بپتسمہ دے ویلے کیتا سی۔ پر کسے ہور دن نوں وی بچے نوں بپتسمہ دینا روا ہے۔ ایہ وی یاد رہے پئی ہر بچے دے واسطے دو دھرم باپ تے اک دھرم ماں تے ہر بچے کی دے واسطے اک دھرم باپ تے دو دھرم ماں ہون۔ جیہ بچیاں دا بپتسمہ ہون والا ہووے تاں باپ گھٹ گھٹوں گھٹ اک دن پہلاں خادم دین نوں خبر دین۔

بپتسمہ دے دیے دھرم باپ تے دھرم ماں تے باقی لوک بپتسمہ دے حوض دے پاس اکٹھے ہون تے خادم دین حوض دے پاس آکے رجوا دس ویلے صاف پانی ناں بھریا ہووے (گھڑا ہوکے ایہ آکھے)۔

ایس بچے نے آجے تیکر بپتسمہ پایا ہے یا نہیں؟

جے اوہ جواب دین:-

نہیں۔

تاں خادم دین آکھے

پیارے لو۔ سارے آدمی پیدائش تھوں ہی گناہ ول رغبت رکھدے  
ہین پر خدا محبت ہے تے چاہندا ہے پئی سب لوک نجات پادن۔ تے  
ساڈا نجات دین والا مسیح فرمندا ہے پئی جو آدمی پانی تے رُوح پاک  
دے وسیلے توں جنم نہ پاوے اوہ خدا دی بادشاہی وچ داخل نہیں ہو  
سکدا۔ ایس لئی میں تہاڈے اگے عرض کردا ہاں پئی ساڈے خداوند  
یسوع مسیح دے وسیلے خدا باپ دے کولوں ایہ دعا کرو جو اوہ اپنے  
فضل تے کرم نال ایس بچے توں اوہ نعمت بخشے جو اوس توں سُہا و تھوں  
کسے طرح نہیں مل سکدی۔ تاں جو اوہ پانی تے رُوح پاک دا بپتسمہ  
پلکے مسیح دی پاک کلیسیا وچ شامل ہو جاوے تے اوہ از زندہ انگ  
بن جاوے۔

جماعت کھڑی رہوے تے خادم دین آکھے۔  
ایس پوچھا منگئے۔

اے قادرتے قہیم خدا توں سب عاجزاں تے محتاجاں تے وڈکیان  
ڈھٹھیاں دامادھکاریاں تے ایمانداراں دی زندگی تے مڑدیاں دی قیامت  
ہیں۔ ایس ایس بچے توں تیرے حضور حاضر کردے ہاں تے دعا منگدے  
ہاں۔ پئی اوہ جو ہن پاک بپتسمہ پاؤن لئی آیا ہے توں جنم دے وسیلے  
اپنے گناہاں دی معافی پاوے۔ اے خداوند توں ایس توں قبول کر  
تے اپنا اوہ وعدہ پورا کر جو توں اپنے پیارے بیٹے دے وسیلے کینا  
ہے۔ پئی منگو تاں تہا توں ملے گا۔ ڈھونڈو تاں پاؤ گے کھڑکاؤ تاں

تھاڑے لئی کھولیا جائیگا۔ ہن اسیں منگدے ہاں سافوں دے۔ اسیں  
 ڈھونڈ دے ہاں سانوں لبھ پوے تے اسیں کھڑکاندے ہاں ساڈے  
 لئی دروازہ کھول دے۔ تاںجواہیہ بچہ تیری سچی صفائی تے سدا دی برکت  
 پا کے اوس ہمیشہ دی بادشاہی وچ پہنچے جہا وعدہ ٹوں ساڈے خداوند  
 یسوع مسیح دے دیسے کیتا ہے۔ آمین۔

پھر خادم دین ایہہ آکھے:-

انجیل شریف دیاں آیتاں سُنو جو مقدس مرقس دی انجیل دے دسویں  
 باب دی پنجی آیت تھوں شروع ہندیاں ہین:-  
 تے لوک چھوٹے بچیاں ٹوں مسیح دے کول لیاؤندے سن۔ پئی  
 ادہ اہناں اُتے ہتھ رکھے۔ پر شاگرداں نے اُہناں ٹوں چھڑکیا۔ یسوع  
 ایہہ ویکھ کے خفا ہو یا۔ تے آکھیا۔ چھوٹے بچیاں ٹوں میرے کول آؤن  
 دیو۔ اُہناں نوں منع نہ کرو۔ کیوں جو خدا دی بادشاہی ایہو جہاں دی  
 ہے۔ میں تہا ٹوں سچ آکھدا ہاں پئی جو کوئی خدا دی بادشاہی ٹوں چھوٹے  
 بچے وانگوں قبول نہیں کردا۔ ادہ اوس وچ کدی داخل نہ ہووے گا۔ تے  
 اوہنے اُہناں ٹوں کچھڑکھیا تے اُہناں اُتے ہتھ رکھ کے اُہناں ٹوں  
 برکت دتی۔

ہن خادم دین ایہہ نصیحت سناوے

پیارے۔ تہاں سُنیا ہے۔ جو ساڈے بچا دن والے مسیح نے حکم  
 دتا ہے جو بچیاں ٹوں میرے کول لیاؤ۔ تے چھڑے اُہناں ٹوں اُہدے  
 کول آدن تھوں روکدے سن اُہناں تال خفا ہو یا تے سبھناں ٹوں  
 نصیحت کردا ہے پئی بچیاں وانگوں معصوم ہوون۔ اوس نے



اُہتاں توں اپنی گودی وچ لیا۔ تے اُہتاں اُتے ہتھ رکھ کے اُہتاں  
 توں برکت دتی۔ تے ایس طرح صاف اشارے تے فعل نال ظاہر کیتا  
 پئی اوہ اُہتاں دا خیر خواہ ہے۔ سوہن تئیں شک نہ کرو سگوں یقین کرو  
 پئی امہ ایس نیچے توں پیار کر دا ہے تے ادس توں ایہ گل پسند آئی ہے  
 پئی ایس ایس نیچے توں بپتسمہ دواؤن لئی لیائے ہاں اوہ ایس نیچے  
 توں اپنی مہر نال قبول کر دا ہے تے اپنی رحمت دی گودی وچ لے کے  
 اُہنوں ابدی زندگی دی برکت دیندا ہے۔ سو جدسا نوں ایس گل دا یقین  
 ہے پئی ساڈا آسمانی باپ اپنے بیٹے یسوع مسیح دے کلام موجب ایس  
 نیچے دا بھلا چاہندا ہے تاں آؤ اسیں ایمان داری تے عاجزی نال ایس  
 طرح اُہا شکر کریئے۔

خادمِ دین تے جماعت اکٹھے آکھن

اے قادر تے قدیم خدا آسمانی باپ۔ اسیں عاجزی نال تیرا شکر  
 کر دے ہاں کیونجو توں اپنے کرم نال سانوں ایس واسطے بکلیا ہے پئی اسیں  
 تیرے فضل توں پہچانیے تے تیرے اُتے ایمان لے آئیے۔ ساڈی ایس  
 پہچان توں دہا۔ تے سانوں ایس ایمان اُتے ہمیشہ قائم رکھ۔ ایس نیچے  
 توں اپنا روح پاک بخش تاں جو اوہ توں جنم پاک ہیشہ دی زندگی دا وارث  
 بن جائے ساڈے خداوند یسوع مسیح دے وسیلے جو تیرے تے روح پاک  
 دے نال ہن تے سدا زندہ تے راج کر دا ہے۔ آمین۔

ہن خادمِ دین دھرم ماں پیوتوں ایہہ کھے۔

پیارے۔ تئیں ایس نیچے توں بپتسمہ دواؤن واسطے ایتھے لیائے  
 ہوتے تہاں دعا منگی ہے پئی ساڈا خداوند یسوع مسیح دناں ادس توں

قبول کرے تے اُمنوں پاک کرے۔ تے اسماء دی بادشاہی تے ہمیشہ دی  
زندگی بخشے جو چیزیں تہاں منگیاں ہین اُہناں سبھناں دے دین  
داساڈے خُداوند یسوع مسیح نے انجیل وچ وعدہ دی کیتا ہے۔ اوہ تاں اپنے  
ایس وعدے نوں ضرور یاد رکھے گا۔ تے پورا کرے گا۔ پر تہاڈا وی ایہہ  
فرض ہے پئی ایس نیچے ولوں تہاں گلاں داسچا وعدہ کرو۔ پہلی۔ ایہہ  
پئی اوہ شیطان تے اوس دے ساریاں کماں نوں ترک کرے گا۔  
دوجی۔ ایہہ۔ پئی اوہ خُدا دے پاک کلام اُتے پکا ایمان رکھے گا۔ تے  
تہیجی۔ ایہہ۔ پئی اوہ خُدا دے حکماں اُتے فرمانبرداری نال عمل کرے گا۔  
سوہن میں پچھدا ہاں

کیہ توں ایس نیچے ولوں شیطان تے اُہدے سایاں کماں  
نوں۔ تے دُنیا دی نکمٹی دھوم دھام۔ تے ہر طرح دے لالچ تے جسم دیاں  
بُریاں خواہشاں نوں چھڈاؤں۔ جو توں نہ اُہناں دا پچھا کریں گا۔  
تے نہ اُہناں دے قابو وچ رہویں گا؟  
جواب۔ میں اُہناں سبھناں گلاں نوں چھڈا ہاں۔  
سوال۔ کیہ توں ایس نیچے ولوں مسیحی ایمان دا اقرار کردا ہوں؟  
جواب۔ ہاں۔ میں اقرار کردا ہاں۔

تد خادم دین تے دھرم ماں باپ  
مل کے رسولان دا عقیدہ پڑھن :-

میرا ایمان ہے خُدا قادرِ باپ اُتے جنے اسمان تے زمین نوں پیدا کیتا۔  
نالے اُہدے اکلے بیٹے اپنے خُداوند یسوع مسیح اُتے۔ جہڑا رُوح  
پاک دی قدرت نال گربھ وچ پیدا۔ کواری مریم تھوں جمیا۔ اُسے

پنطوس پلاطوس دی حکومت وچ دکھ سہیا۔ اوہ صلیب دتا گیا۔ مر گیا۔  
 دفنایا گیا۔ رُوحاں دے جہان چلیا گیا۔ تیجے دیاڑے مُردیاں وچوں جی  
 اُٹھیا۔ اسمان اُتے چڑھ گیا تے خدا باپ قادر دے سجے ہتھ بیٹھا ہے  
 جتھوں اوہ جیوندیاں تے مُردیاں دی عدالت کرن لئی پھیر آوے گا۔

میرا ایمان ہے رُوح پاک اُتے۔ پاک کلیہ کلیسیا اُتے۔ پاک لوکاں  
 دی ست سنگت اُتے۔ نالے گناہاں دی معافی۔ بدن دے جی اُٹھن تے  
 ہمیشہ دی زندگی اُتے میرا ایمان ہے۔ آمین۔

سوال۔ کہہ توں ایس نیچے دُولوں وعدہ کردا ہیں پئی توں خدا دی پاک  
 مرضی تے حکماں توں تابعداری نال مئے گاتے ساری عمر اُہناں  
 اُتے چلیں گا ؟

جواب۔ ہاں میں اجہا ہی کراں گا۔

سوال۔ کہہ توں ایس نیچے دُولوں بپتسمہ چاہندا ہیں ؟

جواب۔ ہاں میری ایہو خواہش ہے

سند قادم دین۔ ایہہ آکھن۔

اے جیم خدا ایہہ بخش دے پئی پُرانا آدم ایس نیچے وچ اجیہا دُتیا  
 جائے جو اُہدے تھاں توں آدمی جے اُٹھے۔ آمین۔

ایہہ بخش دے۔ پئی جسم دیاں ساریاں بُریاں خواہشاں ایہدے  
 وچ مرجان تے پتیاں چیزاں رُوح دے نال واسطہ رکھیاں ہین  
 اوہ سب ایہدے وچ زندہ ہوون تے ودھدیاں جادون۔ آمین۔

ایہہ بخش دے پئی اہنوں اجیہا زور تے طاقت ملے جو اوہ شیطان  
 تے دُنیا تے جسم دیاں بُریاں خواہشاں اُتے فتح پاوے۔ آمین۔



ایہہ بخش دے پئی جس کسے نوں اسیں اپنے عہدے تے خدمت  
دی حیثیت دی وجہ نال تیری نذر کردے ہاں ادہ اسمانی نیکیاں نال  
سج جائے۔ تے ہمیشہ دا اجر پائے۔ اے مبارک خداوند خدا جو سدا  
زندہ تے ساریاں چیزاں اُتے حکومت کردا ہیں۔ ایہہ تیرے ہی رحم نال  
ہووے۔ آمین۔

## ۱۵۷ پانی نوں پاک کرنا

پھر خادم دین آکھے۔

اے قادرِ قدیم خدا تیرے پیارے بیٹے یسوع مسیح نے ساڈے  
گناہاں دی معافی دے لئی اپنی مبارک پسلی وچوں پانی تے لہو دوویں  
وہائے تے اپنے شاگرداں نوں حکم دتا پئی جاوے ساریاں قوماں نوں شاگرد  
بناوے اہناں نوں یاب بیٹے روح پاک دے نام اُتے بپتسمہ دیو۔  
اسیں منت کردے ہاں پئی توں اپنی ایس جماعت یاں عرضاں وِل  
دھیان کرتے روحانی طرح نال گناہاں دے دھون لئی ایس پانی  
نوں پاک کر۔ تے بخش پئی ایہہ بچہ جو ہُن ایس وچ بپتسمہ پاؤن والا  
ہے۔ تیرے فضل نال بھر جائے تے ہمیشہ تیرے ایماندار تے چنے ہوئے  
قہر زنداں وچ گنیا جائے ساڈے خداوند یسوع مسیح دے وسیلے  
جہدی تیرے تے روح پاک دے نال تمام عزت تے بزرگی ہُن  
تے ہمیشہ ہندی رہوے۔ آمین۔

## (۴) بتسمہ

ہن خادم دین نیچے نوں اپنے ہتھوں وچ لے کے دھرم ماں باپ کوں اوس  
 دانام پیچھے۔ تے خادم دین نیچے دانام لے کے اوس نوں غوطہ دیوے یا اہد  
 سر آتے پانی پائے تے ایہ آکھے۔ فلانی میں تینوں باپ بیٹے روح پاک دے  
 نام آتے بتسمہ دیندا ہاں۔ پھر خادم دین ایہ آکھے۔

اسیں ایس نیچے نوں مسیح دی کلیسیا وچ شامل کر دے ہاں۔ تے  
 ایس دے متھے اُتے صلیب دا نشان بناؤندے ایس ویلے خادم دین نیچے  
 ہاں۔ تاں جو اگے نوں ایہ مسیح مصلوب متھے اُتے صلیبی شکل بناو  
 دے اُتے ایمان رکھن دے اقرار تھوں نہ شرماءے تے اوس دے  
 جھنڈے پہنچاں گناہ تے وُنیاتے شیطان نال مروانہ وار لپٹے۔ تے  
 مردے دم توڑی مسیح دا وفادار سپاہی تے ٹلیا بنیا رہوے۔ آمین۔

## (۵) شکر گزاری

پھر خادم دین آکھے

پیارے۔ ایس لئی جو ایس نیچے نے نواں جنم پایا ہے تے مسیح دی کلیسیا  
 وچ رل گیا ہے۔ آسیں ایہناں نعمتاں دے لئی خدا قادر واکر  
 کر یئے تے اک دل ہو کے اوس تھوں دُعا منگیئے پئی ایہ بچہ اپنی ساری  
 عمر ایس طرح کئے جس طرح ہن ایس دا شروع ہو یا ہے۔

سارے لوک گوڈے بوا کے ایہ آکھن۔

اے ساڈے باپ جو آسمان اُتے ہیں تیرا نام پاک ٹلیا جاوے۔  
 تیرا راج آوے۔ تیری مرضی جس طرح آسمان اُتے ہنڈی ہے

زمین م تے وی پوری ہو دے۔ ساڈی روز دی روٹی آج سانوں دے تے  
 ساڈیاں گناہاں نوں بخشے جس طرح اسیں اپنے قصور واراں نوں معاف  
 کر دے ہاں تے سانوں آزمائش وچ نہ پین دے۔ سگوں بدی کھتوں  
 بچا۔ کیونجو راج تے قدرت تے جلال ہمیشہ تیار تیرا ہی ہے۔ آمین۔

پھیر خادم دین آکھے۔

اے رحیم باپ اسیں تیرا دلون شکر کر دے ہاں جو توں ہر کر کے ایس  
 نیچے نوں اپنے روح پاک نال توں جنم دے کے اپنا لے پالک فرزند۔ تے  
 اپنی کلیسیا دے بدن دانگ بنایا ہے۔ ایہہ بخش دے جو ایہہ بچہ جو بپتسمہ  
 دے وسیلے تیرے بیٹے دی موت وچ شریک ہو یا ہے اوہ دے جی اٹھن  
 وچ وی شریک ہو جاوے تاں جو ایس جہان وچ نویں زندگی نال تیری سیوا  
 کرے تے اوڑک نوں تیری پاک کلیسیا دے باقی لوکاں دے نال تیری  
 ہمیشہ دی بادشاہی دا وارث ہو جائے۔ ساڈے خداوند یسوع مسیح دے  
 وسیلے۔ آمین۔

پھیر خاندان دے لئی ایہہ دعا کہیتی جائے۔

اے قادر خدا ساڈے اسمانی باپ تیرے مبارک بیٹے نے  
 ناصرت دے اک خاندان وچ پرورش پائی سی۔ اسیں تیری منت  
 کر دے ہاں پٹی ایس نیچے دے خاندان اُتے اپنی برکت نازل کرتے اوہناں  
 سبھناں نوں چنناں دے ہتھناں وچ ایس دی پرورش ہے عقل تے  
 دانائی بخش تاں جو ایہہ بچہ تیرے خوف تے محبت وچ ودھدا جاوے۔  
 ایہہ تیرے بیٹے ساڈے خداوند یسوع مسیح دے وسیلے منگدے ہاں۔ آمین۔



## (۶) دھرم ماں باپ دے فرض

پھیر خادم دین ماں باپ تے دھرم ماں باپ نوں ایہہ نصیحت کرے۔

تسیں جو ایس پتھے نوں مسیح دی کلیسیا وچ رالان لئی بیتسمہ دوان نوں ایتھے لیائے ہو۔ ایس گل دا خیال رکھو پئی ایہہ بچہ عقیدہ تے دُعلے رتبائی تے دس حکم زبانی یاد کرے تے نالے ساریاں گلاں جواک مسیحی توں اپنی رُوحانی تندرستی دے لئی جاننیاں تے منٹیاں چاہیدیا ہین اہناں توں دی زبانی یاد کرے۔ ایس گل دا دی خیال رکھو پئی ایہہ اجہی تربیت پائے جو خدا پرستی دی راہ اُتے چلے تے مسیحی چال چلن رکھے۔ یاد رکھو پئی ایہہ مستحکم ہوون لئی پشپ صاحب دے روبرو حاضر کیتا جائے تانجو رُوح پاک دی بخشش حقوں طاقت حاصل کرے۔ تے تیاری دے بعد ایہہ مسیح دے بدن تے تون وچ شریک ہون لئی آیا کرے تے ایس دُنیا وچ کلیسیا دی شراکت وچ قائم رہ کے خدا دی خدمت و وفاداری نال کرے۔ کیہ تسیں اہناں گلاں دے وچ ایس بچے دی مدد کرو گے؟

جواب۔ ہاں خدا میری مدد کرے میں اجیہا ہی کراں گا۔

خادم دین۔ تسیں ایہہ گل ہمیشہ یاد رکھو پئی بیتسمہ ساڈے اقرار دا نشان ہے۔ تے اوہ اقرار ایہہ ہے پئی اسیں اپنے نجات دین والے مسیح دے نمونہ اُتے چلاں گے تے اُہدے ورگے بناں گے۔ جس طرح اوہ ساڈے لئی مر گیا تے پھیر جی اُٹھیا اوہی طرح واجب ہے پئی اسیں دی جہاں نوں بیتسمہ ملیا ہے گناہ ولوں مرجائیے تے نیکی لئی جی اُٹھئے

تے اپنی سب خراب تے گندیاں خواہشاں نوں ہمیشہ بارے رہیئے تے روز  
 دھاڑے ہر طرح دی صفائی تے نیک چلنی تے خدا پرستی وچ ترقی کرے  
 جانیئے

جے بپتسمہ دی رسم صبح یا شام دی نماز وچ ادا نہ کیتی  
 گئی ہووے تاں خادم دین جماعت نوں ایہ برکت  
 دے کے رخصت کرے۔

خداوند تہا نوں برکت دیوے تے تہاڈی رکھوالی کرے۔ خداوند اپنے  
 چہرے دا نور تہاڈے اُتے چمکائے۔ تے تہاؤں اطمینان بخشے ہُن تے  
 ہمیشہ دے لئی۔ آمین۔

# بالغاں دے بپتسمہ دی ترتیب

بد بالغاں نوں بپتسمہ دینا ہووے۔ ہمدیا ہیدا ہے۔ پئی ماں یا پیا کوئی ہو مگر شخص گھٹ گھٹ تھوں گھٹ اک اٹھوارہ پہلاں بشپ صاحب نوں یا کسے ہو شخص نوں جہڑا اہدے وولوں ایس کم اتے مقرر ہویا ہووے۔ خبر دے۔ تاں جو ادہناں دا امتحان کیتا تھا سکے پئی ادہناں نوں چنگی طرح مسیحی دین دے سٹے سکھائے گئے ہین یا نہیں ناے ادہناں نوں نصیحت کیتی جاوے پئی دعاتے روزے ناں ایس پاک ساکرامنٹ نوں لین لئی اپنے آپ نوں تیار کرن۔

جے اوہ بپتسمہ پاؤن دے لائق ہوں تاں ادہناں وچوں ہر شخص تن یا گھٹ تھوں گھٹ دو گواہ چنے جو ادہنوں بپتسمہ دے لئی پیش کرن۔ ایہ رسم کسے مغربی تواریا کسے ہوپاک دن نوں جدجاعت اکٹھی ہووے خادم دین وی صلاح ہو جب بھانویں صبح بھانویں شام دی نماز دے دے دیے درود دے مگروں عمل وچ آوے۔

حوض دے پاس کھلو کے خادم دین پچھے۔ پئی ادہناں وچوں کسے نوں بپتسمہ ملیا ہے یا نہیں؟ جے اوہ جواب دین پئی نہیں تاں

خادم دین آکھے

بیاریو۔ سب آدمی پیرائش متوں ہی گناہ کرن ول رغبت رکھدے ہین تے جو جسم متوں پیدا ہندا ہے اوہ جسم ہے پر جو لوک جسمانی ہین اوہ خدا نوں خویش نہیں کردے تے گناہ وچ زندگی گزار دے تے شیطان کم کردے ہین۔ ساڈا نجات دین والا مسیح فرمندا ہے۔ پئی جو آدمی پانی تے روح پاک دے وسیلے نوں جنم نہ پاسے اوہ خدا دی بادشاہی وچ داخل نہیں ہو سکدا۔



ایس لئی میں تہاڑے اگے عرض کردا ہاں پئی ساڈے خداوند یسوع مسیح دے وسیلے نڈا باپ دے کولوں ایہ دعا کرو۔ جو اوہ اپنے فضل تے کرم نال اینہاں شخصیاں نوں اوہ نعمت بخشے۔ جو اینہاں نوں سمجھاؤ کہوں کسے طرح نہیں مل سکدی۔ ہاں جو اوہ پانی تے روح پاک دا بپتسمہ پاکے مسیح دی ملک کلیسیا وچ شامل ہو جاون۔ تے اوہ دے زندہ انگ بن جاون۔

جماعت کھدوئی رہوے تے خادم دین آکھے

### اسیں دُعا منگئے

اے قادر تے قدیم خدا تیرے پیارے بیٹے یسوع مسیح نے دریائے یردن وچ بپتسمہ پایا تے ایس طرح نوں پانی نوں روحانی طرح نال گناہاں دے دھون لئی پاک بھیرایا ہے۔ اسیں تیری ہمت کمر دے ہاں۔ پئی اپنی بے حد رحمت نال اپنے اینہاں بندیاں اُتے کرم دی نظر کر۔ اینہاں نوں روح پاک دے نال دھو تے پاک کر۔ تاں جو اوہ مسیح دی کلیسیا دی بیڑی وچ داخل ہو جاون۔ تے ایمان وچ قائم تے اُمید وچ خوش ہو کے تے محبت وچ جڑ پھڑکے ایس دُکھ بھری دنیا دے طوفان دیاں ٹھٹھاں پھٹوں آئیں پار لنگھ جاون جو اوڑک نوں ہمیشہ دی زندگی دے دیس وچ اپڑ کے تیرے نال ہمیشہ تیکر راج کر دے رہن۔ ساڈے خداوند یسوع مسیح دے وسیلے نال۔ آمین۔

یا ایہ

اے قادر تے قدیم خدا توں سب عاجزاں تے محتاجاں تے ڈگیاں ڈھٹیاں دا مددگار ہیں تے ایمانداراں دی زندگی تے مُردیاں دی قیامت میں۔ اسیں اینہاں شخصیاں نوں تیرے حضور حاضر کر دے ہاں۔ تے دُعا

منگدے ہاں۔ پٹی ادہ جوہن پاک متیمہ وُن لئی آئے ہین۔ نوین جنم دے ویلے  
اپنے گناہاں دی معافی پا دن۔ اے خداوند۔ توں اہناں نوں قبول کر۔ تے  
اپنا ادہ وعدہ پورا کر جو توں اپنے پیارے بیٹے دے ویلے کہتا ہے۔ پٹی منگو۔  
تاں تہا نوں ملے گا۔ ڈھونڈو تاں پاؤ گے۔ کھڑکا ڈتاں تہا ڈے لئی کھولیا  
جائے گا۔ ہن اسیں منگدے ہاں۔ سائوں دے۔ اسیں ڈھونڈ دے  
ہاں سائوں بھ پوے تے اسیں کھڑکا ندے ہاں ساڈے لئی دروازہ  
کھول دے۔ تاں جو ایہ شخص تیری سچی صفائی تے سدا دی برکت پا کے  
اوس ہمیشہ دی بادشاہی وچ پہنچن چھدا وعدہ توں ساڈے خداوند یسوع  
مسیح دے ویلے کیتا ہے۔ آمین۔

تے خادم دین ایہ آکھے

انجیل شریف دیاں آیتاں سُنو۔ جو مقدس یوحنا دی انجیل دے نتیجے  
باب دی پہلی آیت تھوں شروع ہندیاں ہین۔  
فریسیاں وچوں اک آدمی نکوڑمیں کر کے یہودیّاں دا اک سرھارسی۔  
اُہ رات دے ویلے یسوع کول آیا تے اُہنوں آکھیا۔ اے اُستاد اسیں جانک  
ہاں پٹی توں خدا ولوں اُستاد ہو کے آیا ہیں۔ کیونچو ایہ معجزے جیہڑے  
توں دکھاندا ہیں۔ کوئی نہیں دیکھا سکدا جدوں تیکر خدا وہدے نال نہ  
ہو دے۔ یسوع نے اوہنوں جواب دتا میں تینوں سچ سچ آکھا ہاں جدوں  
تیکر کوئی آدمی نوں سریوں پیدا نہ ہووے اُدہ خدا دی بادشاہی توں دیکھ  
نہیں سکدا۔ نیکر میس نے اُہنوں آکھیا آدمی جیہڑا ہاں ہو گیا تاں اوکس طرح  
پیدا ہو سکدا ہے؟ کہہ ادہ اپنی ماں دے پیٹ وچ دوجی واری جاسکدا تے  
پیدا ہو سکدا ہے؟ یسوع نے جواب دتا میں تینوں سچ سچ آکھا ہاں جدوں

تیکر کوئی آدمی پانی تے رُوح کھوں پیدانہ ہووے اوہ خُدا دی بادشاہی  
وچ داخل نہیں ہو سکدا۔ جو جسم کھوں جمیا ہے اوہ جسم ہے تے جو رُوح کھوں  
جمیا ہے اوہ رُوح ہے۔ تعجب نہ کر جو میں تینوں اکھیا ہے پئی تہاںوں نوں  
سہریوں پیدا ہونا ضروری ہے۔ ہوا چدھرنوں چاہندی ہے وگدی  
ہے تے ٹول اُہدی آواز سُندا ہیں۔ بہا یہ نہیں جاند پئی اوہ کھوں  
آندی ہے تے کدھرنوں جاندی ہے چہڑا کوئی رُوح کھوں جمیا ہے  
اوہ ایہو جمیا ہی ہے۔

اہدے مگروں ایہ نصیحت سنائی جاوے

پیارے۔ تسیں انجیل شریف دیاں اینہاں گلاں وچ ساڈے بچاؤن  
والے مسیح دا کلام سُنیا ہے۔ پئی تیکر آدمی پانی تے رُوح کھوں پیدانہ  
ہووے اوہ خُدا دی بادشاہی وچ داخل نہیں ہو سکدا۔ ایس کھوں تسیں  
سمجھ سکدے ہو۔ پئی جیویں ہو سکے ایس سکرا منٹ ٹوں کیشا ات ضروری  
ہے۔

ایسے طرح مقدس مرقس دی انجیل دے آخری باب وچ لکھیا ہے پئی  
اسمان اُتے جان دے ویلے مسیح نے اپنے شاگرداں ٹوں ایہ حکم دتا۔ پئی  
تسیں ساری دُنیا وچ جا کے سب خلقت نوں انجیل دی خوشخبری سناؤ۔  
چہڑا ایمان بیاٹے تے بپتسمہ پائے اوہ نجات پا ئیگا۔ چہڑا ایمان نہ لیاوے  
اوہ مجرم ٹھہرایا جاوے گا۔ ایس کھوں ظاہر ہے۔ پئی بپتسمہ کھوں ساٹوں  
کپڑا وٹھا فائدہ مند ہے۔

تے ایسے لئی جڈن مقدس پطرس رسول کے پہلی واری انجیل دی مَنادی  
کیتی جس نال بپتسمیاں دے دل چھد گئے تے اوہ پطرس رسول کھوں



تے باقی شاگرداں تھوٹ چھین لگے۔ پٹی بھراؤ اسیں کیہ کریئے تداوس نے  
جواب دے کے اُہناں نوں آکھیا پٹی توبہ کرو تے تہاڈے وچوں ہر اک  
اپنے گناہاں دی معافی پاؤن لٹی بیتسمہ لئے۔ تاں تئیں رُوح پاک  
العام وچ پاؤ گے۔ کیونجواہیہ وعدہ تہاڈے تے تہاڈی اولاد دے نال ہے  
تے اُہناں سبھناں دے نال دی ہے چہڑے دُور ہین۔ جنہاں نوں خداوند  
ساڈا خدا اپنے کول سدّیگا۔

سوہن تئیں شک نہ کرو۔ سگوں سچے دل نال یقین کرو۔ پٹی خدا اینہاں  
بندیاں نوں چہڑے حاضر ہین تے سچی توبہ کر دے ہین تے پکے ایمان  
نال اوہدے کول آؤندے ہین۔ خوشی نال قبول کرے گا تے اُہناں دے  
گناہ بخشے گا۔ اُہناں نوں رُوح پاک تے ہمیشہ دی زندگی دی برکت دیوے گا  
تے اپنی ہمیشہ دی بادشاہی وچ شریک کرے گا۔

جد سانوں ایس گل دا یقین ہے پٹی ساڈا اسمانی باپ اپنے بیٹے  
یسوع مسیح دے کلام موجب اینہاں شخصیاں دا بھلا چاہندا ہے۔ تے  
اوس نے اپنے بیٹے یسوع مسیح دی راہیں ایس گل نوں ظاہر کیتا ہے۔ تاں  
واجب ہے پٹی اسیں ایمان داری تے عاجزی نال اُہدا شکر کریئے تے اُکھئے۔

[خادم دین تے جماعت ددویں آکھن]

اے قادر تے قہیم خدا اسمانی باپ اسیں عاجزی نال تیرا شکر  
کروے ہاں کیونجوتوں اپنے کرم نال سانوں ایس واسطے بلایا ہے پٹی  
اسیں تیرے فضل نوں پچھانئے تے تیرے اُتے ایمان لے آئے۔ ساڈی  
ایس پچھان نوں ودھاتے سانوں ایس ایمان اُتے ہمیشہ قائم رکھو۔ اہتا  
شخصاں نوں اپنا رُوح پاک بخش۔ تانجواہیہ تہاں جنم پاک ہمیشہ دی زندگی

دے وارث بن جان۔ ساڈے خداوند یسوع مسیح دے ویسے جو تیرے تے روح پاک دے نال ہُن تے سدا تیکر زندہ تے راج کردا ہے۔ آمین۔

## (۲) وعدے

خادم دین ہُن بیتیمہ لین والیاں تیں ایوں آکھئے۔

بیاریو۔ تیسیں جو پاک بیتیمہ لین لئی ایتھے آئے ہو۔ تَساں سُنیا ہے جو ایس جماعت نے تہاڈے حق وچ دُعا کیتی ہے پئی ساڈا خداوند یسوع مسیح کرم نال تہا تُوں قبول کرے۔ تے برکت دے۔ تے تہاڈے گناہوں کھتوں تہا تُوں چھڈا کے اسمان دی یاد شامی تے ہمیشہ دی زندگی بخشے۔ تَساں ایہہ وی سُنیا ہے۔ جو ساڈا خداوند یسوع مسیح اپنے کلام وچ اہناں ساریاں چیزاں دے دین دا جیہڑیاں اُساں شکیاں ہین وعدہ کردا ہے۔ اوہ تاں اپنے وعدے تُوں پُوریاں کیے گا۔ پر مسیح دے اچھے وعدے دے بعد تہاڈے واسطے ضروری ہے پئی تیسیں وی اپنے اہناں گواہاں دے سامنے تے ایس ساری جماعت دے سامنے سچا وعدہ کرو۔ پئی اسیں شیطان تے اوہدیاں ساریاں کماں تُوں تَرک کراں گے۔ خدا دے پاک کلام اُتے پکا ایمان رکھاں گے تے اہدے حکماں اُتے فرمانبرداری نال عمل کراں گے۔

پھر خادم دین بیتیمہ پان والیاں جو چوں ہواکھتوں اہ سوال پچھئے۔

سوال۔ کہہ تُوں شیطان تے اہدے سارے کماں تُوں تے دنیاوی نیکی دھوم دھام تے ہر طرح دے لالچ تے جسم دیاں بُریاں خواہشاں تُوں چھڈواہیں۔ جو تُوں نہ اہناں دا پچھا کریں گا۔ تے نہ اہناں دے قابو وچ رہوین گا، جواب۔ میں اہناں نبھناں تُوں چھڈواہاں۔

سوال :- کبہ توں مسیحی ایمان دا اقرار کردا ہیں ؟  
جواب :- ہاں ۔ میں اقرار کردا ہاں ۔

خادم دین تے بپتسمہ پان والے تے  
گواہ سب رسولان دا عقیدہ پڑھن ۔

میرا ایمان ہے خدا قادرِ بپا اُتے ۔ جنے اسمان تے زمین نوں پیدا کیتا ۔  
نالے اُہدے رکھے بیٹے اپنے خداوند یسوع مسیح اُتے ۔ جہڑا روح پاک دی قدرت  
نال گریہ وچ پیا ۔ کواری مریم بھقوں جمیا ۔ اُسنے نپطوس پلاطوس دی  
حکومت وچ دکھ سہیا ۔ اوہ صلیب دتا گیا ۔ مر گیا ۔ دفنایا گیا ۔ روحاں دے  
جہان چلیا گیا ۔ تیجے دھاڑے مُردیاں وچوں جی اُکھیا ۔ اسمان اُسے  
چڑھ گیا تے خدا بپ قادرِ وسے سبھے ہتھ بیٹھا ہے ۔ جیتھوں اوہ جیونیاں  
تے مُردیاں دی عدالت کرن لئی پھیر آوے گا ۔

میرا ایمان ہے روح پاک اُتے ۔ پاک کلمہ کلبسیا اُتے پاک  
لوکاں دی ست سنگت اُتے ۔ نالے گناہاں دی معافی ۔ بدن دے  
جی اُٹھن تے ہمیشہ دی زندگی اُتے میرا ایمان ہے ۔ آمین ۔  
سوال :- کبہ توں ایس ایمان اُتے بپتسمہ چاہندا ہیں ؟  
جواب :- ہاں ۔ میری ایہو خواہش ہے ۔

سوال :- کبہ توں خدا دی مرضی تے حکماں نوں تابعداری نال منے گا  
تے ساری عمر اہناں اُتے چلیں گا ؟  
جواب :- ہاں خدا دی مدد نال میں اجیہا ہی کراں گا ۔

خادم دین آکھے

اے رحیم خدا ایہہ بخش دے پئی پُرانا آدم اینہاں شخصیاں وچ اجیہا



دیتا جائے جو اہدے تھاں نواں آدمی جی اُٹھے۔ آمین۔

ایہہ بخش دے پئی جسم دیاں ساریاں بُریاں خواہشاں اہتاں دے  
روح مَر جان۔ تے جتیاں چیزاں رُوح نال واسطہ رکھیاں ہن اوہ  
سب اہتاں دے روح زندہ ہون تے ودھدیاں جان۔ آمین۔

ایہہ بخش دے پئی اہتاں نوں اجیہا زور تے طاقت دے جو اوہ شیطا  
ن تے دُنیا تے جسم دیاں بُریاں خواہشاں اُتے فتح پاؤن۔ آمین۔

ایہہ بخش دے پئی اوہ جہڑے ساڈے عہدے تے خدمت دی و خدایاں  
ایتھے تیرے حضور نذر رکھتے جاندے ہن۔ آسمانی نیکیاں نال سچ جاون  
۔ تے ہمیشہ وا اجھپاؤن اے مبارک خُدا و تدُخدا جو سدا زندہ تے ساریاں  
چیزاں اُتے حکومت کردا ہن ایہہ تیرے ہی رقم نال ہووے۔ آمین۔

### (۳) پانی نوں پاک کرنا

اے قادر تے قدیم خُدا تیرے پیارے بیٹے یسوع مسیح نے ساڈے  
گناہاں دی مُعافی دے لئی اپنی مُبارک پسلی وچوں پانی تے لہو دوئیں  
ہوائے۔ تے اپنے شاگرداں نوں محکم دتا پئی جاؤ تے ساریاں قوماں نوں گرد  
بناؤ تے اہتاں نوں باپ بیٹے تے رُوح پاک دے نام اُتے بپتسمہ دیو۔  
اسیں مہنت کر دے ہاں پئی نوں اپنی ایس جماعت دیاں عرضاں ول دھیان  
کرتے رُوحانی طرح نال گناہاں دے دھون لئی ایس پانی نوں پاک کرتے بخش۔  
پئی ایہہ شخص جہڑے ہن ایس روح بپتسمہ پاؤن والے ہن تیرے فضل نال  
بکھر جاون تے ہمیشہ تیرے ایماندار تے چنے ہوئے فرزنداں سچ گنے جاون۔  
ساڈے خُداوند یسوع مسیح دے وسیلے جہدی تیرے تے رُوح پاک دے

نال تمام عزت تے بزرگی ہن تے ہمیشہ ہندی ہووے۔ آمین

### (۴) بیتسمہ

تد خادم دین ہر اکہ بیتسمہ ادا تے داسی ہتھ پھیر کے حوض دے کول جس طرح مناسب سمجھے موقع سرے  
آوے تے اوہ دے گواہاں کھوں ادا تے فرمچھے تے ایہ آکھ کے اہنوں پانی وچ غوطہ دیوے یا اہدے سر آ پانی پاک

فدا نیا۔ میں تینوں باپ بیٹے روح پاک دے نام آتے بیتسمہ بیتسمہ

ہاں۔ آمین

پھیر خادم دین ایہ آکھے

اسیں ایس شخص نوں مسیح دی کلیسیا وچ شامل کروے ہاں۔ تے

ایس پے خادم دین اہدے ایس دے متھے آتے صلیب دا نشان بناؤ تے

متھے آتے صلیب دی گل بناؤ ہاں۔ تا تجھ ادا وے گے نوں مسیح مصلوب دے آتے

ایمان رکھن دے اقرار کھوں نہ شرمادے تے اوس دے جھنڈے ہیڈھاں گناہ

تے دُنیا تے شیطان نال مروانہ وار لڑے۔ تے مردے دم توڑی مسیح دا

وفادار سپاہی تے ٹھنڈا بنیا رہوے۔ آمین

### (۵) شکر گزاری

پھیر خادم دین آکھے۔

پیارے یو ایس لئی جو ایمان شخصال نے نواں جنم پایا ہے تے مسیح

دی کلیسیا وچ رل گئے ہن۔ اسیں اہتاں نعمتاں دے لئی قادر

خدا دا شکر کریئے۔ تے اک دل ہو کے اوس کھوں دُعا مانگے پئی ایہ

شخص اپنی ساری عمر ایس طرح کٹن۔ جس طرح ہن اہتاں دا شروع

ہو یا ہے۔

پھیر سب اڈے نوک دھائے ربانی پڑھن

اے ساڈے باپ جو آسمان اُتے ہیں تیرا نام پاک منیا جائے۔ تیرا  
راج آوے۔ تیری مرضی جس طرح آسمان اُتے ہندی ہے زمین اُتے  
دی پوری ہووے۔ ساڈی روز دی روٹی آج سالوں دے۔ تے ساڈیاں  
گناہاں توں بخش دے جس طرح ایس اپنے قصور واراں توں معاف کردے  
ہاں۔ سالوں آزمائش وچ نہ پین دے سگوں بدی تھوں بچا کیونجہ راج  
تے قدرت تے بلال ہمیشہ تیرا ہی ہے۔ آمین۔

پہیر خادم دین آکھے

اے قادر تے قدیم خدا اسمانی باپ۔ ایس عاجزی نال تیرا شکر  
کردے ہاں۔ کیونجہ توں کرم نال سالوں ایس واسطے بلایا ہے پٹی  
ایس تیرے فضل توں بچھائیے تے تیرے اُتے ایمان لے آئیے۔ ساڈی ایس  
بچھان توں ودھائے سالوں ایس ایمان اُتے ہمیشہ قائم رکھ۔ اینہاں  
شخصاں توں اپنا روح پاک بخش۔ تاں جو اہ جیہڑے ہن لوں سرے تھوں  
جتے ہیں تے ساڈے خداوند یسوع مسیح دے وسیلے نال سدا دی نجات  
دے وارث بن گئے ہیں۔ تیرے بندے بنے رہن تے تیرے وعدیاں  
توں حاصل کرن۔ اپنے بیٹے ساڈے خداوند یسوع مسیح دے وسیلے نال  
جیہڑا تیرے تے روح پاک دی یکتائی وچ سدا زندہ تے راج کردا ہے۔  
آمین۔

یا ایہہ دعا منگی جائے

اے رحیم باپ ایس تیرا دلوں شکر کردے ہاں جو توں ہر گرجے اینہاں شخص  
توں اپنے روح پاک نال نواں جنم دے کے اپناے پاک فرزند تے اپنی  
کلمبسیا دے بدن دانگ بنایا ہے۔ ایس عاجزی نال تیری منت کردے



ہاں ایہہ بخش دے پئی ایہہ شخص جو گناہ دے ولوں مُردہ تے نیکی دے لئی زندہ  
 تے مسیح دی موت وچ شریک ہو کے اوس دے نال دفن ہوئے ہین پُرائی  
 آدمیت نوں صلیب دے دیون تے گناہ دے بدن نوں بالکل نیست کر دیون  
 تے جس طرح اوہ تیرے بیٹے دی موت وچ شریک ہوئے ہین اوس دے جی  
 اُٹھن دے وی شریک ہو یا دے پاتاں جو اوڑک نوں تیری پاک کلیسیا دے  
 باقی لوکاں دے نال ہمیشہ وی بادشاہی دے وارث ہو جاوَن۔ ساڈے  
 خُداوند یسوع مسیح دے وسیلے۔ آمین۔

## (۶) گواہاں دے تے اوہناں دے فرض جہناں نوں پتسمہ بلایا ہے

[خادم دین ایہہ نصیحت پڑھے۔ پیلے گواہاں دل مُتہ کر کے آئیوں آکھے:]

ایہناں شخصیاں نے تہاڈے سامنے ایہہ وعدہ رکیتا ہے۔ پئی  
 اسیں شیطان تے اُہدے سارے کماں نوں ترک کرائیگے تے خُدا  
 اُتے ایمان رکھاں گے تے اُہدی سیوا کراں گے۔ سوٹھاؤں وی یاد  
 رکھنا چاہیدا ہے پئی تہاڈا ایہہ ذمہ تے فرض ہے پئی ایہناں نوں  
 چتیا دیا کرو۔ پئی ایہناں تے ہُن ایس جماعت دے سامنے تے خاصکر  
 تہاڈے سامنے چہڑے ایہناں دے چُنے ہوئے گواہ ہو کیڈا دھڑا وعدہ تے  
 اقرار کیتا ہے۔ تے تہاؤں ایہہ وی چاہیدا ہے جو تسیں ایہناں نوں  
 سمجھایا کرو۔ پئی بڑے جتن نال دل لا کے خُدا دے پاک کلام دی صحیح  
 تعلیم سکھن۔ تاں جو وہ خُداوند یسوع مسیح دے فضل تے پُچھان وچ دودھ  
 جاوَن تے ایس جہان وچ خُدا پرستی تے دینداری تے پرہیزگاری نال زندگی

کتن۔

پھیرا دیناں دل جنہاں نوں اوس ویلے بپتسمہ دیا ہے منہ کر کے ایہہ آکھے۔

تھاڑے اُتے وی جنہاں نے ہن بپتسمہ پا کے مسیح نوں پہن لیا ہے۔ ایہہ فرض ہے پئی مہن جو نہیں مسیح اُتے ایمان لیا وں نال لورے فرزندین گئے ہو تیسیں اجیہی چال چلو جو مسیح دے لائق ہو وے تے جیہی لورے فرزندیاں نوں چلنی چاہیدی ہے۔ تے ہمیشہ یاد رکھو پئی بپتسمہ ساڈے اقرار دا نشان ہے۔ تے اوہ اقرار ایہہ ہے پئی اسیں اپنے بچا وں والے مسیح دے نمونے اُتے چلاں گے تے اہدے ورگے بناں گے۔ جس طرح اوہ ساڈے لئی مر گیا تے پھیر جی اُٹھیا اوسے طرح واجب ہے پئی اسیں وی جنہاں نوں بپتسمہ دیا ہے گناہ وول مر جائیے تے نیکی لئی جی اٹھئے تے اپنی سب خراب تے گندیاں خواہشاں نوں ہمیشہ مار دے رہئے تے روز دھاڑے ہر طرح دی صفائی تے نیک چلنی تے خدا پرستی وچ ترقی کر دے جائیے۔

جے بپتسمہ دی رسم صبح یا شام دی نماز وچ ادا نہ کیتی گئی ہو وے تاں خادم دین جماعت نوں ایہہ برکت دے کے رخصت کرے

خداوند تہا نوں برکت دیوے تے تھاڈی رکھوالی کرے۔ خداوند اپنے چہرے دا نور تھاڈے اُتے چمکائے تے تہا نوں اطمینان بخشے ہن تے ہمیشہ دے لئی۔ آمین۔

مناسب ہے پئی جو کوئی ایس طرح بپتسمہ پائے اوہ بپتسمہ دے بعد حدوں مناسب موقعے پشپ صاحب دے ستھوں مستحکم کیتا جائے تاں جو پاک شراکت وچ شامل ہو سکے۔

جے کوئی اجیہا شخص بپتسمہ پاؤں لئی حاضر کیتا جائے جس نے یا نف

روح بپتسمہ نہ پایا ہووے پرا جے ایس قابل نہ ہووے جو آپ بالغ ہو کے  
جواب دے سکے تاں اُہے لئی بچیاں دے بپتسمہ دی ترتیب استعمال کیتی  
جائے پر لفظ "پچھے" دے تھاں لفظ "لٹکا" یا "لٹکی" جیہا موقع ہووے  
آکھیا جائے۔

جے ایس گل وچ شک ہووے پئی کسے بالغ شخص دا بپتسمہ ہویا ہے  
یا نہیں۔ تہ فادوم دیں اتہنوں ایس طرح بپتسمہ دیوے۔

فلانیا جے توں ابجے تیکر بپتسمہ نہیں پایا تاں یں تینوں باپ  
بیٹے روح پاک دے نام اُتے بپتسمہ دینا ماں - آمین۔



# سوال و جواب

جو شخص مستحکم ہونا چاہتا ہے اُسے لئی ضرور ہے پٹی لپیٹ صاحب دے  
سامنے حاضر ہوں تھوں پہلاں ادھ ایس تعلیم توں یاد کرے :-

سوال - تیرا کیہ نام ہے ؟

جواب - اچھے سکھن والا اپنا نام دے۔

سوال - تیرا نام کنے رکھیا ہے

جواب - میرا نام میرے دھرم ناں باپ نے میرے بپتسمہ دے دیے رکھیا

جدوں میں مسیح دا انگ تے خدا دا فرزند تے اسمان دی بادشاہی

دا وارث بنیا۔

سوال - تیرے دھرم ناں باپ نے بپتسمہ دے دیے تیرے ولوں کیہ

آکھیا سی ؟

جواب - اُہناں نے میرے ولوں ضامن ہو کے ترناں گلاں دا وعدہ تے

قول قرار کیتا سی۔

(۱) پہلی گل ایہہ پٹی میں شیطان تے اُدے سارے کماں نوں تے دُتیاوی

نکستی دھوم دھام تے ہر طرح دے لالچ تے جسم دیاں بُریاں خواہشاں

نوں چھڑا نکا۔

(۲) دوجی گل ایہہ پٹی میں اپنے دین دے سب مسئلیاں اُتے ایماں رکھانگا۔

رسا تیجی گل ایہہ پٹی میں خُدا دی پاک مرضی تے حکماں تُوں پورا کراں گا۔  
تے ساری عمر اہناں اُتے عمل کراں گا۔

سوال۔ کیہ تُوں متداہیں پٹی جہناں تنّاں گلاں دا قول قراراوس ویلے تیرے  
دھرم ماں باپ نے تیرے دلوں ضامن بن کے کیتا سہی اُہناں اُتے  
ایمان رکھنا تے عمل کرنا تیرے اُتے فرض ہے۔

جواب۔ جی ہاں۔ خُدا دی مدد نال میں اجیہا ہی کراں گا۔ میں اپنے آسمانی  
باپ دادلوں شکر کردا ہاں جو اوس نے ساڈے بچاؤن لئی یسوع مسیح  
دے ویلے کینوں نجات دے ایس مرتبہ اُتے پہنچا یلے۔ تے خُدا دی  
ورگاہ وچ میری ایہو عرض ہے پٹی اُہدے فضل نال مردیاں دم توڑی  
میں اپنے ایمان وچ قائم رہواں۔

سوال۔ تیرا ایمان کاہدے اُتے ہے؟

جواب۔ میرا ایمان ہے خُدا قادر باپ اُتے جنے آسمان تے زمین فوں پیدا کیتا۔  
نالے اُہدے اکلے بیٹے اپنے خُداوند یسوع مسیح اُتے جہڑا رُوح  
پاک دی قدرت نال گرجہ وچ پیا۔ کواری مریم تھوں جیہا۔ اُہنے  
نپٹوس پلاطوس دی حکومت وچ دکھ سہیا۔ اوہ صلیب دتا گیا۔  
مرگیا۔ دفنایا گیا۔ رُوحاں دے جہان چلیا گیا۔ تیجے دھاڑے مُردیاں  
وچوں جی اُٹھیا۔ آسمان اُتے چڑھ گیا تے خُدا باپ قادر دے بجے  
ہتھ بیٹھا ہے جتھوں اوہ جیوندیاں تے مُردیاں دی عدالت کرن لی  
پھیر آوے گا۔

میرا ایمان ہے رُوح پاک اُتے۔ پاک کلبہ کلیسیا اُتے پاک لوکاں دی  
ست سنگت اُتے۔ نالے گناہاں دی معافی۔ بدن دے جی اُٹھن

تے ہمیشہ دی زندگی اُتے میرا ایمان ہے۔

سوال۔ تُوں اپنے عقیدے وچوں خاص کر کیہ سکھدا ہیں؟

جواب۔ میں خاص کر تن گلاں سکھدا ہاں۔

(۱) پہلی۔ ایہہ جو میں ایمان رکھدا ہاں خدا باپ اُتے۔ جنے مینوں تے

سارے جہان نوں پیدا کیتا ہے۔

(۲) دوجی۔ ایہہ جو میں ایمان رکھدا ہاں خدا بیٹے اُتے۔ جنے مینوں تے

سارے منکھاں نوں بچایا ہے۔

(۳) تہیجی۔ ایہہ جو میں ایمان رکھدا ہاں خدا روح پاک اُتے۔ جنے مینوں

تے خدا دے سارے چنے ہونے لوکاں نوں پاک کیتا ہے۔

سوال۔ تُوں آکھیا ہے پئی تیرے دھرم ماں باپ تے تیرے دلوں خدا

دے حکماں نوں پورا کرن دا وعدہ کیتا سی۔ اوہ حکم کتنے ہیں؟

جواب۔ اوہ حکم دس ہیں۔

سوال۔ اوہ کیہ ہیں؟

جواب۔ اوہ جو جہڑے خروج دی کتاب دے دیہویں باب وچ لکھے

ہوئے ہیں۔ پئی خدا نے حکم دتا جو

(۱) پہلا حکم۔ تُوں میرے سوا کسے دوجے نوں خدا نہ بیان۔

(۲) دوجا حکم۔ تُوں اپنے لئی کوئی مورت یا کسے چیز دی صورت جو اُپر

اسمان اُتے یا سہیٹھاں زمین اُتے یا جو زمین دے سہیٹھاں پانی

وچ ہے نہ بنا۔ تُوں نہ اہناں نوں سجدہ کر۔ تے نہ اہناں دی

پرستش کر۔ کیوں جو میں خداوند تیرا خدا غیرت والا خدا ہاں تے

یہودا ریاں دے گناہاں دی سزا اہناں دی اولاد نوں جو میرے



نال ویر رکھ دے ہیں تجھی چو تھی پڑھی تیکر دیندا ہاں تے ہزاراں اُتے  
جو میرے نال محبت رکھ دے ہیں تے میرے حکماں توں پورا کھدے  
ہیں رحم کھدا ہاں۔

(۳) تیجا حکم۔ توں خداوند اپنے خداوانام لے خوین بے فائدہ نہ لے۔  
کیوں جو جہڑا اہدا نام بے فائدہ لینا ہے۔ خداوند اہنوں بے گناہ  
نہ بھڑا دے گا۔

(۴) چوتھا حکم۔ توں یاد رکھ کے سبت دا دن پاک سمجھ۔ چھ دن محنت  
کر کے توں اپنا سب کم دھندا کر پرستواں دن خداوند تیرے خدا  
سبت ہے۔ اوس دن توں کوئی کم کاج نہ کر۔ نہ توں نہ تیرا  
پیتر۔ نہ تیری دھی۔ نہ تیرا ٹھلیا۔ نہ تیری ٹھلن۔ نہ تیرا چوکھر۔ نہ کوئی  
پرایا مسافر جو تیرے گھر وے اندر ہووے۔ کیوں جو خداوند نے  
چھیاں وناں وچ آسمان تے زمین تے سمندر تے سب کچھ جواہن  
دے وچ ہے بنایا پرستویں دھاڑے اُہنے آرام کیتا۔ ایس لئی  
خداوند نے سبت دے دن نوں برکت والا کر کے پاک کیتا۔

(۵) پنجواں حکم۔ توں اپنے ماں پیو دی عزت کرتاں جو تیری عمر اوس  
ملک وچ جہڑا خداوند تیرا خدا تینوں دیندا ہے ودھ جائے۔

(۶) چھپواں حکم۔ توں خون نہ کر۔

(۷) ستواں حکم۔ توں زنا نہ کر۔

(۸) اٹھواں حکم۔ توں چوری نہ کر۔

(۹) نوواں حکم۔ توں اپنے گواہنڈی اُتے جھوٹی گواہی نہ دے۔

(۱۰) دسواں حکم۔ توں اپنے گواہنڈی دے گھر والا لچ نہ کر۔ نہ توں اپنے

گواہنڈی دنی دہٹی دالالچ کرہ نہ اوہدے ٹہلے نہ اوہدی ٹہلن نہ  
اوہدے بولہ تے نہ اوہدے کھوتے تے نہ کسے ہو ر چیز دالالچ کر جوتیرے  
گواہنڈی دی ہے ۔

سوال ۔ توں راہناں حکماں وچوں خاص کہہ سکھیا ہیں ؟  
جواب ۔ میں خاص کرد وگلاں سکھدا ہاں :-

۱) پہلی ایہ پٹی خدا دا حق میرے آتے کیہ ہے ۔

۲) تے دوجی کل ایہ پٹی گواہنڈی دا حق میرے آتے کیہ ہے ۔

سوال ۔ خدا دا تیرے آتے کیہ حق ہے ؟

جواب ۔ خدا دا حق میرے آتے ایہ ہے جو میں اُہدے آتے ایمان

رکھاں تے اُہدا خوف رکھاں تے اپنے سارے دل تے اپنی

ساری عقل تے اپنی ساری جان تے اپنے سارے زور تال

اُہدے نال محبت رکھاں ۔ اُہدی بندگی کراں تے اُہدا شکر

کراں تے اُہدے آتے پورا بھروسہ رکھاں ۔ اوس بھتوں دُعا سنکا

تے اُہدے پاک نام تے کلام دنی عزت کراں تے ساری عمر دل

جان نال اُہدی سیوا کردا نہ ہواں

سوال ۔ گواہنڈی دا تیرے آتے کیہ حق ہے ؟

جواب ۔ گواہنڈی دا حق ایہ ہے جو میں اُہدے نال اپنے براہر محبت

رکھاں ۔ تے سربت نال اوہو سلوک کراں جو میں چاہنڈا ہاں

پٹی میرے نال ہووے ۔

میں اپنے نال پویناں محبت رکھاں تے آہناں وی عزت تے ٹہل

کراں ۔ بادشاہ تے ماکاں وی عزت تے تابعداری کراں ۔

اپنے استادوں۔ دین دے خداؤں نے مالکوں دے حکم و بیج رہا ہوا۔ اپنے  
سب بزرگاں را ادب تے وھڑیاں دا لحاظ کراں تے کسے نوں قولوں تھوں  
دکھ نہ دیواں تے اپنے سرب کم دھندے و بیج سچیاں نوں ورتاں۔

میں اپنے دل و بیج کینہ تے ویرہ رکھاں۔ اپنے ہتھوں نوں چوری چکاری  
تھوں تے اپنی جیسہ نوں بُرا بولن تے جھوٹ تے تہمت لگان تھوں  
روکاں۔ اپنے بدن نوں پرہیزگاری نیکی تے پاکیزگی و بیج رکھاں۔  
پرانے مال دا لالچ نہ کراں۔ سگوں محنت کر کے حلال دی روزی  
کماواں تے خدا جس حال و بیج مینوں رکھنا چاہے۔ اُہدے و بیج اپنے  
قرضاں نوں پوریاں کراں۔

سوال۔ پیاریا۔ ایہ جان تے پٹی تھیں آپ خدا دے حکم پورے  
نہیں ہو سکدے۔ تے اُہدے خاص قصوں بناں توں نہ  
اُہدے حکماں اُتے چل سکدا ہیں تے نہ اُہدی سیوا کر سکدا ہیں۔  
ایس لئی ضرور رہے پٹی توں خاص توفیق تے فضل لین دے  
واسطے خدا کو لوں کوشش کر کے دعا مانگیں۔ جے تینوں ربانی  
دعا آؤندی ہے تاں سنا۔

جواب۔ اے ساڈے باپ۔ جو اسمان اُتے ہیں تیرا نام پاک منیا  
ہاوے۔ تیرا راج آوے۔ تیری مرضی جس طرح اسمان اُتے ہندی ہے  
زمین اُتے وی پوری ہووے۔ ساڈی روزدی روٹی آج  
سانوں دے۔ ساڈیاں گناہاں توں بخش دے۔ جس طرح  
ایس اپنے قصور واراں نوں معاف کر دے ہاں۔ سانوں آزمائش  
و بیج نہ بین دے سگوں بدی تھوں بچا۔ آمین۔



سوال - ایس دُعا وچ توں خُدا کوں کیہہ منگدا ہیں ؟  
 جواب - میں اپنے خُداوند خُدا تھوں جو ساڈا اَسْمائی باپ تے سب  
 چنگیاں چیزاں دادین والا ہے۔ ایہہ منگدا ہاں پئی اوہ میرے  
 اُتے تے سربت اُتے اپنا فضل کرے تاں جو جیہا واجب ہے  
 اسیں اُہی پرستش کریئے تے فرمانبرداری تال اُہی سبوا کریئے۔  
 میں خُدا تھوں ایہہ وی منگدا ہاں پئی جو چیزاں سائوں اپنے  
 جسم تے رُوح دے لئی درکار ہین اوہ سائوں مل جاوَن - تے  
 خُدا اپنی رحمت نال ساڈے گناہ بخش دیوے تے کرم کمرے  
 ساڈے جسم تے رُوح توں ہر طرح دے خطرے تھوں  
 بچاوے۔ تے سائوں ہر طرح دے گناہ تے بدی تے شیطان  
 تے ہمیشہ وی موت تھوں اپنی پناہ وچ رکھے۔ تے میںوں لہتین  
 ہے پئی اوہ اپنے رحم تے کرم دے نال ساڈے خُداوند یسوع مسیح  
 دے وسیلے اجیہا ہی کرے گا۔ ایس لئی میں آکھدا ہاں آمین  
 جہدا مطلب ہے پئی اجیہا ہی ہووے۔

سوال - مسیح نے اپنی کلیسیا وچ کتنے سکرامنٹ مقرر کیتے ہین ؟  
 جواب - صرف دو۔ جو ساڈی نجات دے لئی ضروری ہین۔ پہلا بپتسمہ  
 تے دوجا عشاءے ربانی۔

سوال - فقط سکرامنٹ واکیمہ مطلب ہے ؟  
 جواب - سکرامنٹ باطنی رُوحانی فضل دے ظاہری نشان توں آکھدے  
 ہین۔ خُداوند مسیح نے آپ ایہہ نشان مقرر کیتا سی تاں جو سائوں  
 فضل دے ملن دا وسیلہ ہووے تے نالے ایس نشان دی راہیں

ساتوں یقین ہو گیا دے پئی خدا دلوں ساتوں فضل مل گیا ہے۔

سوال۔ سکرامنٹ دے کئے جتے ہیں؟

جواب۔ سکرامنٹ دے دو جتے ہیں۔ پہلا حقہ ظاہری نشان ہے۔  
تے دوجا حقہ باطنی روحانی فضل ہے۔

سوال۔ بیتسمہ و ظاہری نشان یا علامت کیسہ ہے؟

جواب۔ بیتسمہ و روح ظاہری نشان پانی ہے جس دے نال باپ بیٹے  
روح پاک دے نام اُتے بیتسمہ دتا جاندا ہے۔

سوال۔ بیتسمہ و روح باطنی روحانی فضل کیسہ ملدا ہے؟

جواب۔ ساتوں بیتسمہ دے و روح روحانی فضل ایہ ملدا ہے۔ پئی  
اسیں گناہ و لوں مَر جاندا ہے ہاں تے نیکی دے لئی نواں جنم پاندے  
ہاں۔ اسیں سبھا دھقوں گناہ دل غبت رکھدے سی تے  
ایں واسطے الہی قہر دے لائق سی۔ پرہیز بیتسمہ دی راہیں اسیں  
خدا دے فضل دے فرزند بن جاندا ہے ہاں۔

سوال۔ آہناں نوں جو بیتسمہ پاتا چاہندے ہیں کیسہ کرنا چاہیدا ہے؟

جواب۔ دو گلاں۔ پہلی۔ توبہ کر کے گناہاں نوں چھڈ دینا تے  
دو جی۔ ایمان دی راہیں خدا دے آہناں و عدیاں اُسے پکا  
یقین کرنا جو ایں سکرامنٹ و روح کیتے جاندا ہے۔

سوال۔ بچے تاں اپنی ایالف دے سبب ایہ گلاں نہیں کر سکرے

پھیر آہناں نوں بیتسمہ کیوں دتا جاندا ہے؟

جواب۔ آہناں دے دھرم ہاں باپ آہناں دے دلوں ضامن بن

کے آہناں دو ہاں گلاں نوں پورا کرن دا قول قرا کر دے

ہیں پر اہنٹاں اُتے فرض ہے پئی سیانے ہو کے ایس وعدے نوں  
آپ پورا کرن۔

سوال۔ عشاے ربانی واسکر امنٹ کیوں مقرر ہويا۔

جواب۔ عشاے ربانی واسکر امنٹ ایس لئی مقرر ہويا تاں جو مسیح  
دی موت دی قربانی دی تے نالے سب برکتاں دی چاوس  
تھوں سانوں ملدیاں ہیں ہمیشہ تیکر یا دگاری نہ ہو سکے۔

سوال۔ عشاے ربانی دا ظاہری نشان یا علامت کیہہ ہے؟

جواب۔ عشاے ربانی دے ظاہری نشان دو ہیں۔ اک روٹی تے  
دو جاناگور دارس۔ تے اہنٹاں دوہاں دے کھان تے پین دا  
حکم خداوند مسیح نے آپ دتا ہے۔

سوال۔ عشاے ربانی وچ باطنی روحانی فضل کیہہ ہے جہدے ایہہ  
دو ذیں نشان ہیں؟

جواب۔ خداوند مسیح دا بدن تے لہو جنہاں نوں ایمان دار لوک  
عشاے ربانی وچ بغیر شک شبہ دے لیندے تے پاندے  
ہیں۔

سوال۔ سانوں عشاے ربانی لین نال کیہہ فائدہ ملدا ہے؟

جواب۔ جس طرح ساڈے پدناں نوں روٹی تے انگور دے رس

نال طاقت ملدی ہے اویس طرح عشاے ربانی وچ ساڈیاں

روحان نوں مسیح دے بدن تے لہو تھوں زور تے تازگی ملدی ہے۔

سوال۔ اہنٹاں نوں جو عشاے ربانی لینا چاہندے ہیں کیہہ کرنا

چاہیڈا ہے؟



جواب۔ عشائے ربانی لین والیاں آتے واجب ہے جو وہ اپنے آپ  
نوں پر کھن پٹی :-

- (۱) اوہ اپنے کچھلے گناہاں حقوں سچی توبہ کر دے ہین یا نہیں۔
  - (۲) تے نوں زندگی دی چال آتے چلن دا پکا ارادہ رکھ دے ہین  
یا نہیں۔
  - (۳) تے خدا دے اوس رحم دے آتے جو مسیح دے وسیلے ہو یا  
ہے جیوندا ایمان رکھ دے ہین یا نہیں۔
  - (۴) تے ابدی موت نوں شکر گذاری دے نال یاد رکھ دے ہین  
یا نہیں۔
  - (۵) تے سربت نال محبت رکھ دے ہین یا نہیں۔
-

# استحکام دی نماز دی ترتیب

پاک میز دے اُتر دل اک گُرسی بَشیپ صاحب دے واسطے رکھی جائے  
تے اک ہور گُرسی بَشیپ صاحب دے لئی ادس تھاں رکھی جائے جتھے  
ادہ مستحکم کرن لئی بیٹھن۔

اُمیدوار جماعت دے اگے ایس طرح بٹھالے جالیں جو بَشیپ صاحب  
سوال پُچھن یا وعظ کرن دے ویلے اُمیدواراں دے سَنہ ویکھ سکن۔ تے اُمیدوار  
عورتاں سر اُتے چٹی پیا در رکھن۔ پُچھن نہ کڈھن۔

اُمیدواراں دی فرست جس وچ ہر اک دا پورا نام تے عمر صاف صاف  
لکھی ہووے۔ بَشیپ صاحب دے کول پندرہ دن پہلاں گھلی گئی چاہیہ  
ہے تے ادس وی اک نقل عبادت تھوں پہلاں بَشیپ صاحب نوں دتی جاوے۔

کوئی اُمیدوار بَشیپ صاحب دے سامنے حاضر نہ کیتا جاوے جس دا  
نام ادس فرست وچ جو بَشیپ صاحب نوں پہلاں گھلی گئی سی لکھیا  
نہ ہووے۔ پر جے کوئی خاص ضرورت آن پئے تاں بَشیپ صاحب کوور  
بچھ کے مافر کرنا چاہیہ ہے۔ تیراں ورہیاں تھوں گھٹ عمر و  
اُمیدوار پناں بَشیپ صاحب دی خاص اجازت دے حاضر نہ کیتا جاوے۔

چاہیہ ہے پئی جس ترتیب تال اُمیدواراں دے نام فرست وچ  
لکھے ہوئے ہوں۔ ادسے ترتیب تال ادہ بٹھالے جالیں۔ تاں جو بَشیپ صاحب  
نوں جھٹ معلوم ہووے پئی کس اُمیدوار دیکھ نام ہے۔

مستحکم ہون دے ویلے اُمیدوار قطار بندھ کے اک دو جے دے پیچھے ہونے کے

اگے آؤں ایں طرح نال جو اگے آدمی ہوں تے پچھے عورتاں پھیر ہراک  
 اُمید واراک اک کر کے لیشپ صاحب دے اگے گوڑے ٹیکے - تے یاقی اُمید  
 اوس دے پچھے قطار بھٹی کھلوتے رہن - بعد اک اُمید وار مستحکم ہو چکے تان  
 اوہ اپنی جگہ واپس مُڑ جاوے تے سجدہ کر کے دعا منگے - ایں طرح دا  
 بند و بست ہونا چاہیدا ہے جو کے اُمید وارتوں اپنی جگہ ول مُڑن  
 دے ویٹے دوجیاں نال جو اوس بھٹوں پہلاں اپنی جگہ اُتے سجدے  
 دوج ہون مگر یادھکا نہ لگے -

## گیت

|                                 |                               |
|---------------------------------|-------------------------------|
| میرے دل تُون تُون لے میرے الہی  | جو میں تیرا ہی ہو جاواں سپاہی |
| کدی تینوں ایالی میں نہ چھڑاں    | ہے ایو گل اندر دل وے آئی      |
| میری توں بیتی سُن لے میجا       | سدا رکھاں صلیب اپنی میں چائی  |
| تے چڑھ جاواں جہاں دُون میں شہلی | تے تیرے نام دی دیواں گواہی    |
| توں میرے دل تے کر مہر اللہ      | تے رُوح القدس وے مینوں سوائی  |
| کراں سجدہ میں تیرے تحت اگے      | میں دیکھاں شان تے تیری خدائی  |
| ستا نش یاپ بیٹے رُوح قدس دی     | سدا ہووے جو ہے میرا سہائی     |

پھیر سب مستحکم ہون والے لیشپ صاحب دے سامنے  
 ترتیب وار کھلویان تے ادد یا کوئی دوجا خادم دین دھنوا  
 اہہ ایں کم لئی مقرر کرے، ایہہ دیبا چہ پڑھے :-

خداوند دوج پیارے پھراؤ - کلیسیا استھکام دی رسم توں پوریا



کرن وچ مسیح دے رسولاں دے نمونے آتے چل دی ہے۔ کیوں جو رسولاں  
دے اعمال دی کتاب دے اٹھویں باب وچ لکھیا ہویا ہے:-

”سو جیڑے کھڑے گئے سن اوہ کلام دی خوشخبری دیندے پھرے  
تے فلپس شہر سامریہ وچ جا کے یوکان وچ مسیح دی مٹادی کرن لگا۔  
جداہناں نے فلپس دا یقین کیتا جو خدا دی بادشاہی تے یسوع مسیح  
دے نام دی خوشخبری دینداسی تہ سب لوک کیہ آدمی کیہ عورتاں  
بتسمہ لین گے۔ جدا رسولاں نے جویر و شلیم وچ سن ایہہ سنیا  
پئی سامریاں نے خدا دا کلام قبول کر لیا تہ پطرس تے یوحنا لوں  
اہناں دے کول بھیجا۔ جہناں نے جا کے اہناں دے لئی دعا  
منگی پئی اوہ رُوح پاک پاؤن کیونجو اوہ ابے تیکر اہناں دچوں  
کسے آتے نازل نہیں ہویا سی۔ اہناں نے صرف خداوند یسوع دے  
نام آتے بتسمہ لیا سی۔ پھیر پطرس تے یوحنا نے اہناں آتے ہتھ  
رکھے تے اہناں لوں رُوح پاک ملیا۔

اہناں آیتاں وچ پاک کلام سانوں ایہہ سکھاندا ہے۔ پئی  
دعا دے نال ہتھ رکھن دے وسیلے رُوح پاک دی نعمت خاص  
طور نال ملدی ہے۔ تے کیونجو ایہہ نعمت صرف خدا ولوں ملدی ہے۔  
ایس لئی واجب ہے پئی اسیں جو ایہتھے حاضر ہاں خدا دے کولوں دعا  
منگے تہ ناخو اوہ اہناں لوں جیڑے بتسمے دے وسیلے اوس دے  
فرزند بن چکے ہن ہن استحکام دے ذریعے رُوح پاک دے نال  
طاقت تے قوت عطا کرے۔

سو ضرور ہے پئی تسیں جیڑے مستحکم ہون والے ہوں ایں جماعت

دے رو برو ایس گل دا اظہار کرو پئی تہاڈا پکارا دہے جو خدا دی ایس  
نعمت تھوں مدد حاصل کر کے تیں مسیحی ایمان وچ زندگی کٹو گے  
تے خدا دی مرضی تے اوس دے حکماں اُتے چلو گے۔ نالے ایہہ گل  
وہی ضروری ہے پئی تیں سب دے سامنے ایس گل دا دی اقرار  
کرو پئی جہناں مسیحی فرضاں دے ادا کرن دا تہاڈے ویلے پتے تے  
ویلے وعدہ کیتا گیا سی تیں اہناں دے پابند رہو گے تے اہناں نوں  
وفا داری نال پورا کرو گے۔

(۱۲) پتسمہ تے وعدیاں دا دوبارہ اقرار کرنا

**تدیشپ صاحب آکھے:**

کیہہ تیں ایس ویلے خدا تے ایس جماعت دے رو برو اوس وعدے  
تے بھاری وعدے تے خدا جو تہاڈے پتے دے ویلے کیتا گیا سی غلط  
کے اقرار کر دے ہوتے آپ اپنی زبانی اقرار کر کے اوس دی تصدیق کر دے  
ہوتے ایہہ مشدے ہو پئی جہناں گلاں دا وعدہ تہاڈے پتے دے  
ویلے تہاڈے دھرم ماں باپ نے تہاڈے ویلے کیتا سی اہناں اُتے  
ایمان رکھنا تے عمل کرنا تہاڈے اُتے فرض ہے۔

**ہر اک اچھی دتی جواب دے:**

جواب۔ ہاں۔ یس مشد اہاں تے وعدہ دی کردا ہاں۔

**یا بشپ صاحب ایرآکھے:**

کیہہ تیں ایس ویلے خدا تے ایس جماعت دے رو برو شیطان  
تے اُہدے سارے کماں نوں تے دنیا دی نکتی دھوم دھام تے ہر  
طرح دے لالچ نوں تے جسم دیاں سب بریاں خواہشاں نوں اجیرا چھڈ

دے ہو پئی اگے توں نہ تے اہناں دی پیر دی کرو گے تے نہائی اہناں  
دے قابو وچ رہو وگے ؟

جواب - ہاں - میں اہناں سمجھناں گلاں توں چھٹا ہاں -

سوال - کیہ تئیں سچی دین دے اہناں ساریاں مسئلیاں اُتے ایمان  
رکھدے ہو - جڑے رسولان دے عقیدے وچ لکھے ہوئے ہین ؟

جواب - ہاں - میں اہناں اُتے ایمان رکھدا ہاں -

سوال - کیہ تئیں خدا دی پاک مرضی اُتے تے اوس دے حکماں اُتے  
عمل کرو گے نئے عمر بھر اُدی راہ اُتے چلن دی کوشش کرو گے ؟

جواب - ہاں - میرا بکا ارادہ ہے پئی میں ایہو ہی کراں -

سوال - کیہ تئیں منڈے ہو پئی ایہہ شادا فرض ہے پئی مسیح مصلوب  
دے ایمان دا اقرار کرو تے اوس دے جھنڈے ہیٹھاں مردانہ داء

لمڑو - تے مردے دم توڑی اوس دے وفادار سپاہی تے ٹٹھے رہو  
تے اپنے قول تے فعل نال اوس دے گواہ بنو ؟

جواب - ہاں - میں ایہہ مندا ہاں -

## (۳) استحکام

بشپ - ساڈی مدد خداوند دے نام تھوں ہے -

جواب - جس نے آسمان تے زمین پیدا کیتے -

بشپ - خداوند دا نام مبارک ہو دے -

جواب - ہُن تھوں نے کسے ہمیشہ ربیکم -

بشپ - اے خداوند - توں ساڈیاں دعاواں سُن -



جواب سے ساڈھی منت دی آواز تیرے حضور پہنچے۔  
 بشپ۔ اسیں دُعا منگئے :-

اے قادر تے قدیم خدا۔ توں کرم کر کے اپنیاں اہناں بندیاں  
 توں پانی تے رُوح پاک دے نال نوں جنم بخشیا ہے تے اہناں دیاں  
 گناہاں نوں معاف فرمایا ہے۔ اے خداوند اسیں تیری منت کر دے  
 ہاں پئی توں اہناں توں تسلی دین والے رُوح پاک دی طاقت  
 نال مضبوط کر۔ تے اہناں وچ اپنے فضل دیاں دُون سوجھتیاں  
 نعمتاں یعنی دانائی تے فہم دی رُوح مصلحت تے روحانی قوت دی  
 رُوح۔ اپنے گیان تے سچی خدا پرستی دی رُوح روز دھاڑے ودھیا۔ اے  
 خداوند اپنے پاک خوف دی رُوح نال اہناں توں ہن تے ہمیشہ نیکر  
 بھر پور رکھ۔ آمین۔

## رگیت

اے رُوح پاک ساڈے دلاں وچ آ  
 تے چمکارا تُو اپنے دا دے دکھا  
 تے ساڈے دلاں دے توں غم دور کر  
 ہنیرا توں اکھیاں دا ساڈا ہٹا  
 گناہ ساڈے سارے توں کر دے معاف  
 خدا پاس سانوں توں چھیتی بچا  
 کرم کر توں ساڈے تے اے پاک رُوح  
 مسیح دی محبت توں سانوں چکھا

توں وسواس کر دُور ساڈے دلوں  
 کرم نال ایمان ساڈا دھما  
 دلاں تُوں کریں پاک توئیں ہمیش  
 تے رُوح تُوں دی روشن کریں تو سدا  
 نواں جنم دیندا ہیں سمجھناں تُوں تُوں  
 توں زندگی ساڈے اندر تُوں پا  
 یا ایہہ گایا جاوے

توں ساڈے دلاں وچ رُوح پاک آ  
 تے تُوں آسمانی توں ساڈے وچ پا  
 سدا بندیاں تُوں جو کرواہے پاک  
 توں بخشش سائو وی اوہو دوا  
 مبارک مسیح آسمانوں تُوں آ  
 تسلی تے جیون ہیں توئیں سدا  
 توں چاہن ہے سائو وی دے چا منا  
 ہینرا توں اندر دوا ساڈا ہٹا  
 فضل تیرے وی کچھ نہیں حد ہے  
 گناہاں دے تُوں داغ ساڈے ہٹا  
 توں دشمن تُوں کر دُور رکھ آسن وچ  
 جے حافظ ہیں تُوں پھیر ڈرکا سدا  
 تُوں رہبر ہیں ہادی ہیں آستاد ہیں  
 خدا باپ دی راہ تے سائو چلا

توں دے باپ بیٹے دی سافوں سیان  
 ہیں توں نال اُہناں دے واحد خدا  
 ہمیشہ سدا پیڑھیاں لگ دام  
 اسیں گاؤندے رہئے تیری ثنا  
 ثنا باپ بیٹے تے رُوح پاک دی  
 جو ہے سوتا سب خوبیاں دا بڑا

تد سارے مستحکم ہوں والے بپ صاحب دے سامنے ترتیب وار  
 ٹوٹے نوان تے بپ ہر اک شخص دے سر اُتے ہتھ رکھ کے آکھے:-

اے خداوند اپنے اسمانی فضل نال اپنے ایں لڑکے (یا اپنے ایں  
 بندے) توں اپنی پناہ وچ رکھ تاں جو ایہ ہمیشہ تیرا ہی بنیا رہوے۔  
 تے جد تیکر ایہ تیری ہمیشہ دی بادشاہی وچ نہ پہنچے، ایہ تیرے رُوح  
 پاک توں روت دھاڑے زیادہ حاصل کر دیا جائے۔ آمین۔

پھر بپ آکھے

خداوند تہاڈے نال ہووے۔

جواب۔ تے تہاڈی رُوح دے نال وی ہووے۔

بپ۔ اسیں دعا منگئے:-

اے ساڈے باپ۔ جو اسمان اُتے ہیں تیرا نام پاک منیا جائے۔

تیرا راج آوے۔ تیری مرضی جس طرح اسمان اُتے ہندی ہے زمین

اُتے وی پوری ہووے۔ ساڈی روز دی روٹی آج سافوں دے۔

تے ساڈیاں گناہاں توں بخش دے جس طرح اسیں اپنے قصور واراں

توں معاف کر دے ہاں۔ تے سافوں آزمائش وچ نہ پین دے۔



سگوں بدی بھتوں بچا کیونجو راج تے قدرت تے جلال ہمیشہ  
تیرا ہی ہے۔ آمین۔

[مَدِشپ صاحب ایہ دعاواں دی سکے۔]

اے قادر تے قدیم خدا۔ جو کم تیری جناب الہی وچ چنگے تے  
اچھے پین اہناں دا ارادہ کرنا تے اہناں اُتے عمل کرنا تیرے ہی  
فضل دے سببوں ہندا ہے۔ اسیں پڑی عاجزی نال تیرے اہناں  
بندیاں دے لئی عرض کر دے ہاں جہاں اُتے اسیں ایں دے تیرے  
پاک رسولان دے نمونے موجب ایں لئی ہتھ رکھے پین تاں جو ایہ  
نشان اہناں دے لئی ایں گل دی سند ہو دے پئی تیرا فضل تے کرم  
اہناں دے نال ہے۔ اسیں تیری منت کر دے ہاں پئی تیرا پاپ والا  
ہتھ امتاں اُتے نہوے۔ تیرا روح پاک اہناں دا ساکھی ہو دے۔  
اے خداوند توں اپنے کلام دے سمجھن تے من وچ اہناں دی ہدایت  
فرماتا بخوایہ آخر کار ہمیشہ دی زندگی حاصل کرن۔ ساڈے خداوند  
یسوع مسیح دے وسیلے جو تیرے تے روح پاک دے نال ہمیشہ اک  
خدا سا زندہ تے راج کر دا ہے ایہ بخش دے۔ آمین +

## گیت

خداوند توں کیئوں اپنا کر  
سا توں رہاں تیرا ہی چاکر  
میرا دل جان توں اپنا بنا لے  
تے کر دے مہراں بندے دے اوپر

نہیں کچھ لوڑ ینوں باجھ تیرے  
 بھلا پھر لوڑ کیہ جد توں ہیں سرور  
 میرا حصہ تے بھرا بس ہیں توئیں  
 تو ہی مالک ہے میرا توئیں دا ور  
 ہیں توئیں ساریاں تھوں ودھ کے پیارا  
 میرے ایمان دا ہیں توئیں لنگر  
 سدا رکھ کوں ینوں اپنے توں  
 ہمیشہ لگ میری ساری عمر بھر  
 خزانہ آسمان تے میرا ہووے  
 محبت نال کر دے توں تو لنگر  
 نہیں آفت دی تیری ہاتھ لگدی  
 سدا میرا ہیں توں حافظ تے یاوہ

### (۴) خاتمہ

اے قادرتے قایم خدا۔ ایسے تیری منت کر دے ہاں توں اپنے  
 کرم نال ساڈے دل تے بدن دوہاں دی ہدایت کر۔ آہناں توں پاک  
 کر۔ تے آہناں اُتے حکومت کرتاں جو ایسے تیری شرع تے حکماں دی  
 راہ اُتے چلے تے تیری کامل قدرت دی مدد نال ساڈے جسم تے روح پس  
 جہان وچ تے ہمیشہ ریکر سلامت رہن۔ ساڈے خداوند تے بچاؤن والے  
 یسوع مسیح دے ویلے۔ آمین۔

تدبیش صاحب اہناں نوں ایہ ہدایت دے

اطمینان دے نال دُنیا وِچ جاؤ۔ دلیر بنو۔ جو چیز چنگی ہے اوس نوں  
 سنا بھی رکھو۔ کسے نال بدی دے عوض بدی نہ کرو۔ کم ہمت والیاں دی  
 ہمت ددھاؤ۔ کمزوراں نوں سنبھالو۔ مصیبت دے ماریاں دی مدد  
 کرو۔ ساریاں دی عزت کرو۔ رُوح پاک دے زور تے طاقت وِچ خوش  
 رہ کے دُور وِند دی خدایت کرو تے اوس دے نال محبت رکھو۔

پھیر بَشپ صاحب اہناں نوں برکت دے تے آکھے

قادرِ مطلق خدا باپ بیٹے رُوح پاک دی برکت تھادے اُتے  
 ہووے تے ہمیشہ تھادے نال رسوے۔ آمین



# نکاح دی رسم دی ترتیب

نکاح کران والیاں دے نکاح دا اشتہار کر جے وچ اُپر قہل تن وار سویر  
دی نماز یا شام دی نماز دے دوجے وچ دے کچھوں ایس طرح دتا جاوے۔

بیس فلانے تھاں دے فلانے تے فلانے تھاں دی فلانی دے نکاح  
دا اشتہار دیندا ہاں۔ جے ٹھاڑے وچوں کوئی اجیہا سبب جاندا ہووے  
جس کر کے شرعاً مجباً ایہناں دا پاک نکاح کرنا جائز نہ ہووے تاں اوہ  
بیان کرے۔ ایہہ اشتہار دا پہلا یا دوجا یا تیجا مرتبہ ہے۔

جنہاں دا نکاح ہون والا ہے۔ جے اوہ وکھو وکھرے تھاں رہندے ہوون  
تاں دوئیں تھاں نکاح دا اشتہار دتا جائے۔ تے اک تھاں دا خادم دین  
نکاح نہ پڑھے جد تیکر دوجے تھاں دے خادم دین ولوں تن وار دے  
اشتہار دا سرٹیفکیٹ نہ مل جاوے۔

نکاح پڑھن دے ون تے دینے جنہاں دا نکاح ہون والا ہے۔ ویلے ہر  
اپنے رشتہ دا جس تے دوستانہال کر جے وچ آؤن تے اوکھے لاڑا سجے تے لاڑی  
اُہدے کچھے پائے اکٹھے کھڑے ہون تے خادم دین ایوں آکھے۔

بھراؤاں ایس خُدا دے حضور تے ایس جماعت دے روبرو ایس لئی  
اکٹھے ہوئے ہاں پئی ایس مرد تے ایس عورت دا نکاح پڑھے۔ ایہہ عزت  
دا معاملہ ہے جنہوں خُدا نے مقرر کیتا ہے تے گلیل دے پنڈا قانا وچ  
ساڈے خُداوند مسیح نے پہلا معجزہ دکھا کے دیاہ لوں رول تے عزت دتی۔

تے پوس رسول دی اُہدی آیوں وڈیاٹی کرداتے آکھدا ہے پئی ایہہ معاملہ  
 سب آدمیاں وچ عزت دے لائق ہے۔ ایس لئی ایہہ نہیں چاہیدا  
 پئی کوئی آدمی بغیر عورتے فکر کیتیاں تے بنناں سوچیاں سمجھیاں ایس پاکیزہ  
 حالت نوں اختیار کرے۔ سگوں چاہیدا ہے پئی ادب تے ہوشیاری  
 نال سوچ وچار کے پرہیزگاری تے خُدا دے خوف وچ نکاح دی حالت  
 نوں اختیار کرے تے اوہناں سبیاں اُتے غور کرے جنہاں دی وجہ  
 نال ایہہ حالت مقرر کیتی گئی ہے:-

نکاح دے ہون دا پہلا سبب ایہہ ہے پئی خُدا دی مرضی دے  
 موافق انسانی نسل دے تے اولاد دی تربیت تے پرورش خُدا دے  
 خوف وچ ہووے۔ تاں جو اوس دے پاک نام دی وڈیاٹی ہووے۔  
 دوجا سبب ایہہ ہے پئی ساڈی سبھاؤ دیاں خواہشاں جو خُدا  
 نے مانوں بخشیاں ہین پاکیزگی دی حالت وچ جائز طریقے نال پوریاں  
 ہوون تے جنہاں لوکاں نوں خُدا تے نکاح دی پاکیزہ حالت وچ رہن  
 لئی بلایا ہے اوہ پاکیزہ زندگی کٹن۔

تیسرا سبب ایہہ ہے پئی دُکھ سکھ دے دیلے اک لوں دوجے کدوں مُرد  
 تے تسلی ہے۔

ہن ایہہ پاک نکاح کراؤن لئی حاضر ہوئے ہین۔ سو جیکر تھادے  
 وچوں کوئی اجیہا سبب جاندے جس کر کے اہناں دوہاں دا نکاح  
 شرع موجب جائز نہیں تاں اوہ ہن دس دیوے۔ تبیں تاں اوہ  
 پھیر ہمیشہ چپ رہوے۔

پھیر جنہاں دا نکاح ہون والا ہے اُہناں نوں قدام دیں آیوں آکھے۔

میں تہا فوں عدالت دے اوس ڈراؤنے دن دی یاد کر کے چہرے  
 وچ سمجھتاں دے دلاں دے بہر کھل جان گے۔ تہا فوں دھماں  
 تاکید تے حکم کروا ہاں پٹی جے تہا ڈسے وچوں کوئی اجیہا سبب جاندا  
 ہووے جس کر کے تہا ڈانکاح بھٹنا جائز نہ ہووے۔ تاں ہتے اوہدا اقرار  
 کر دیوے۔ کیوں جو یقین جائز پٹی جہناں دانکاح خُدا دے کلام موجب  
 نہیں ہندا، وہ خُدا ولوں نہیں جڑوے تے نہ اہننا دانکاح جائز ہندا  
 ہے۔

نکاح دے دن جے کوئی شخص پکا سبب نکاح دے جائز نہ ہون طیار  
 کرے تلے ہر جہ دادرہ کوئے تاں اُہدی تحقیقات ہون تیکر نکاح نہ پڑھیا مال پر  
 جے کوئی اجیہا سبب نہ ہووے تاں قادم دین مرد فوں آیوں آکھے :-

## (۲) عقد

خدا نیا۔ کیہ تُوں ایس عورت تُوں اپنی ویاہنا بیوی ہون لئی قبول  
 کروا ہیں۔ تاں جو خُدا دے حکم موجب نکاح دی پاکیزہ حالت وچ  
 اُہدے نال عمر کیٹیں۔ کیہ تُوں اُہدے نال محبت رکھیں گا؟ اُہدے نال  
 تسلی دیں گا؟ اُہدی عزت کریں گا؟ دُکھ سکھ وچ اُہدی تیریش گا؟  
 تے جد تیکر تیسں دونوں جیوندے رہو و ساریاں تُوں چھڈ کے  
 صرف اُہدے ہی نال واسطہ رکھیں گا؟

مرد جواب دے

ہاں میں قبول کروا ہاں۔

پھیر قادم دین عورت فوں آکھے :-



فلانے۔ کہہ توں ایس آدمی توں اپنا خاوند ہون لئی قبول کر دی ہیں  
تاں جو خدا دے حکم موجب نکاح دی پاکیزہ حالت وچ اہدے نال عمر  
کٹیں۔ کہہ توں اہدے نال محبت رکھیں گی ہا اہدے حکم وچ رہیں گی۔  
اہدی عزت کریں گی ہا اہدی خدمت کریں گی ہا دکھ سکھ وچ اہدی خبر  
لیں گی تے جد تیکر تسیں دو توں جیوندے رہو و سایاں توں چھڈ کے  
صرف اہدے ہی نال واسطہ رکھیں گی ؟

عورت جواب دے

ہاں۔ میں قبول کر دی ہاں۔

پھر خادم دین آکھے۔

کون ایس عورت توں ایس مرد نال ویاہے جان لئی سپرد کردا ہے ؟

تداوہ اک دوجے نالی ایس طرح قول قرار کرن

پئی خادم دین اہدے کسے نیکیا کسے سچن دے ہتھوں لے کے مرد دے

سچے ہتھ وچ عورت داسجا ہتھ پھڑا دیوے۔ تے مرد خادم دین دے پچھے پچھے آوے آکھے۔

میں تینوں اپنی دیاستا بیوی ہون لئی قبول کر دیا ہاں۔ میں خدا دے پاک  
حکم موجب آج کھوں لے کے موت تیکر بھلیائی تے برائیائی تنگی تے خوشحالی۔  
بیماری تے تندرستی وچ تینوں اپنی کر کے رکھاں گا۔ میں تیرے نال محبت رکھاں گا  
تے تیری خاطر کراں گا۔ ایس گل دایں تیرے نال قول قرار کر دیا ہاں۔

پھر ادوہ ہتھ چھڈ دین تے عورت اپنے سچے ہتھ نال مرد داسجا ہتھ

بھڑکے خادم دین دے پچھے پچھے آوے آکھے۔

میں تینوں اپنا خاوند ہون لئی قبول کر دی ہاں۔ میں خدا دے  
پاک حکم موجب آج کھوں لے کے مردیاں توڑی بھلیائی تے برائیائی۔

تنگی تے خوشحالی۔ بیماری تے تندرستی وچ تینوں اپنا کر کے رکھاں گی۔  
تیرے نال محبت رکھاں گی تے تیری خاطر کراں گی۔ تیرے حکم وچ رہواں گی۔  
تے ایس گل دا میں تیرے نال قول قرار کردی ہاں۔

پھیرا دہ ہتھ چھدین تے مرداک چھلاکتا ب اے رکھ  
تے خادم دین دے آکھن موجب عورت دے کھے ہتھ دی چوٹی  
انگلی وچ پاد پئے تے چھلا پھر کے خادم دین دے  
چھتے چھتے ایوں آکھے:-

میں ایس چھتے نال تینوں ویا ہوندا ہاں۔ اپنے بدن نال تیری  
عزت کردا ہاں۔ اپنے سارے مال اسباب وچ تینوں شریک کردا  
ہاں۔ پاپ بیٹے روح پاک دے نام نال۔ آمین۔

پھیرا دے چھتے نوں انگلی وچ ہی چھڈ دیوے تے دونوں گوڈے نوکے  
سجدہ کرن۔ تے خادم دین آکھے:- ایس دُعا منگئے:-

اے قدیم خدا توں ساری خلقت دا پیدا کرن والائے پروردگار  
میں تے روحانی فضل دا بخشش والائے ہمیشہ دی زندگی وادین والاوی  
توں ہی ہیں۔ ایس مرد تے ایس عورت اُتے جہاں توں ایس تیرے نام  
نال دُعا ئے خیر دیندے ہاں اپنی برکت نازل کرے تاں جو ایہ دونوں ایس  
قول قرار اُتے وفاداری نال قائم رہن جو اہناں اپو وچ کیتا ہے۔  
چھدا نشان ایہ چھلا ہے جو دتا تے لیا گیا ہے۔ ایہ بخش پئی ایہ ہمیشہ  
بڑی محبت تے میل ملاپ نال رہن تے تیرے حکماں موبہب علم کائن۔  
ساڈے خداوند یسوع مسیح دے دیسے۔ آمین۔

پھیرا خادم دین دو ہاں دے ہتھ ملا کے آکھے

جہناں لُوں خُدا نے جوڑا کیتا ہے اُہناں لُوں کوئی اڈ نہ کرے۔

**خدمتِ دین جماعت لُوں آکھے**

ایس لئی جو فلا نے تے فلائی تے رضا مندی نال پاک نکاح کیتا ہے۔  
تے خُدا تے ایس جماعت دے سامنے اُہدا اقرار کیتا ہے تے آپو وچ وی قول  
قرار کیتا ہے تے چھلے دے دین لین تے ہتھیاں دے ملاؤن نال ایس گل  
دا اظہار کیتا ہے سوئیں اہناں دوہاں لُوں خاوند تے بیوی قرار دیندا  
لاں۔ باپ بیٹے رُوح پاک دے نام نال۔ آمین۔

**تے خادمِ دین ایہ برکت حاصل وی آکھے۔**

خُدا باپ خُدا بیٹا خُدا رُوح پاک تہا لُوں برکت دیوے۔ تہا ڈی  
حفاظت تے رکھوالی کرے نالے اپنے کرم فضل دی نظر تہا ڈے اُتے رکھے  
تے ہر طرح دی رُوحانی برکت نال تہا لُوں بھر دیوے۔ تاں جو تیں  
دو لُویں اکٹھے ایس طرح گزراں کر وپئی اگلے جہان وچ ہمیشہ دی زندگی  
زندگی حاصل کرو۔ آمین۔

## (۳) دُعائے خیر

مزمور۔ ۱۲۸

کوہیں۔ جو خُداوند تھوں ہے ڈروا۔ اہ تے ہے مبارک حال  
اُہریاں راہاں اُتے سا چلدا اوہ خوشیاں نال  
۲ اپنے ہتھیاں دی کمائی تُوں آپیں کھا دیں گا  
تیرے نال رہے گی خوشی تُوں خوش رہیں گا۔  
۳ اوس انگوڑے وانگر تیری بوسٹی ہووے گی خوشحال



گھر دے آئے دولے لگا لڈیا ہو یا میوے نال  
 ۴ ہرے بھرے تے سوہنے لگدے وانگ زیتون دے بوٹے  
 تیری میز دے آئے دولے تیرے بچے ہوون گے  
 ۵ ایسے طرح اوہ منگھ وی جس وچ خوف خداوند وا  
 ہووے گا اوہ برکت والا سدا مبارک ہووے گا  
 ۶ صیحوں وچوں کرے خداوند برکت دے نال مالا مال  
 ساری عمر ویکھیں گاتوں یروشلم نوں خوش حال  
 ۷ اپنے بچیاں دے بچے توں پھیر آپیں ویکھیں گا  
 اسرائیل پر اُہدی رحمت سدا مبارک رہے گا

### یا مزمور ۶۷

۱ رب اساڈا ساڈے اُنے اپنا رحم دکھاوے  
 برکت دیوے چہرہ اپنا ساڈے تے چمکاوے  
 ۲ تیرا رہ ایس دھرتی اُنے یا رب جاتا جاوے  
 سب قوماں وچ تیری مکتی صاف پھپھانی جاوے  
 ۳ اے خدا سب لوکی تیری اُستت تے کوڈیائی  
 تیری اُستت تیری مہماں گاوے سب بوکائی  
 ۴ ساریاں قوماں آپس اندر خوشی مناوون تیری  
 خوشیاں دے وچ لہراں دے نال اُستت گاؤن تیری  
 ۵ کیوں جو لوکاں دی عدالت توئیں آپ چکاویں

دھرتی اُپر اُمتاں نوں توئیں راہ دکھلاویں  
 ۶ اے خُدا لوک گا دن تیری اُستت تے وڈیاں  
 تیری اُستت تیری مہا گا وے سب لوکاں  
 ۷ ہو وے گی ہن دھرتی اُتے پیداوار گھنیری  
 سانوں دیوے گا رب ساڈا برکت آپ بھیری  
 ۸ برکت دیوے گا رب ساڈا دھرتی دے کنارے  
 کین گے سب لوگ خُدا ہتھوں نین گے ڈر سارے

### یا زبور - ۳۷

کورس دُکھ بریاں لوکاں دے نہ کریئے

بدکاراں ہتھوں نہ سٹریئے

۲ رکھ خُداوند تے بھروسا توں ہن نیکی کرے  
 دھرتی اُتے عُمر گزاریں نال ایماتے چرے  
 ۳ خوش وہ یاد خُداوندی وچ - کرسی مطلب پورے  
 چھٹ خُدا وعدے - بناسی تیرے کم ادھورے  
 ۴ نور وانگہ سچیاں تیری آپے اوہ چمکا وے  
 وانگہ دوپہر عدالت تیری روشن کر دکھلا وے  
 ۵ چُپ رجوع ہو وُل خُداوند - ہٹیرا وڈیکرے توں  
 بد منصوبے بھج جوت دا اوس توں نہ کٹھ توں

جد مزور ہو چکے عورت تے مرد خداوند دی میز کول گھوڑے نواؤن  
تے خادم دین اُہناں دُل منہ کر کے ایہہ آکھے :-

خادم دین - خداوند ساڈے اُتے رحم کر۔

جواب - مسیح ساڈے اُتے رحم کر۔

خادم دین خداوند ساڈے اُتے رحم کر۔

اے ساڈے باپ جو اسمان اُتے ہیں تیر نام پاک نیا عبادے۔

تیر راج آفے۔ تیری مرضی جس طرح اسمان اُتے ہنڈی ہے زمین

اُتے دی پوری ہووے۔ ساڈی روزی روٹی اُج سانوں دے

ساڈیاں گناہاں توں بخش دے جس طرح اسیں اپنے قصور وار

توں معاف کر دے ہاں تے سانوں آزمائش وچ نہ پین دے۔

سگوں بدی تھوں بچا۔ آمین۔

خادم دین - اے خداوند اپنے ایس بندے تے بندی نوں سلامت رکھ۔

جواب - کیوں جو اوہ تیرے اُتے بھروسہ رکھدے ہیں۔

خادم دین - اے خداوند اپنی پاک درگا ہوں اُہناں دی مدد کر۔

جواب - تے ہمیشہ اُہناں توں اپنی پناہ وچ رکھ۔

خادم دین - اُہناں لئی اک پکا بُرج ہو۔

جواب - اُہناں دے ویری دے حملے دے ویلے۔

خادم دین - اے خدا ساڈی دُعا سن۔

جواب - تے ساڈی منت دی آواز تیرے حضور پہنچے۔

خادم دین - اے قدیم خدا۔ اپنے اینہاں دوہاں بندیاں نوں برکت

دے تے اُہناں دے دلاں وچ ہمیشہ دی زندگی دا رہی



پا۔ ایہہ بخش پئی جو کچھ ایہہ تیرے پاک کلام وچوں اپنے فائدے  
 لئی سکھن اُہدے اُتے عمل وی کرن۔ اے خداوند اہناں اپنے  
 بندیاں اُتے ہر کر کے برکت نازل کرتاں جو ایہہ تیری مرضی دے تابع  
 رہن۔ اہناں دی راکھی کرتاں جو ایہہ مردے دم توڑی تیری محبت  
 وچ قائم رہن ساڈے خداوند یسوع مسیح دے وسیلے۔ آمین۔

بجے عورت بہت بڑاھی ہو گئی ہووے تاں ایہہ دعا پڑھی جاوے

اے رحیم خداوند۔ تے اسماعی باب تیرے کرم فضل نال آدمی  
 ودھدے ہن۔ اسیں تیری محبت کروے ہاں پئی اپنی برکت نال  
 اہناں دو ہاں دی مدد کر۔ پئی ایہہ اولاد نال پھلن پھلن تے نالے  
 آپو وچ پاکیزہ پیار تے سلوک محبت نال رہن تے ایناں چر جیوندے  
 رہن جو اپنے پتر اں دھیاں نوں تیرے دین دے راہ اُتے گردیاں ویکھ  
 لیں۔ تانجو تیری حمد تے عزت ہووے ساڈے خداوند یسوع مسیح دے  
 وسیلے۔ آمین۔

اے خدا۔ توں سا نوں ایہہ سکھایا ہے پئی جہناں نوں توں نکاح  
 دے رشتہ وچ اک کیتا ہے اہناں توں الگ کرنا جائز نہیں توں  
 نکاح دی حالت نوں پاکیزہ کیتا ہے تے اہنوں اوس روحانی رشتہ دا  
 نشان بنایا ہے جو مسیح تے اوس دی کلیسیا وچ ہے۔ اپنے اہناں بندیاں  
 اُتے رحم دی نظر کرتا تانجو ایہہ آدمی تیرے پاک کلام موجب اپنی عیوی نال  
 محبت رکھے جس طرح مسیح نے اپنی کلیسیا نال جیسی محبت رکھی جو  
 اوس نے اپنے آپ توں اُہدی خاطر نثار کردتا۔ تے ایہہ وی بخشش  
 پئی ایہہ بی بی وی اپنے خداوند نال محبت تے سلوک نال زندگی

کئے تھے پہنیز گاری تے اسن تے صلح نال اُہناں بیسیاں دی پیروی  
کرے جو خدا تھوں ڈردیاں سن۔ اے خدا اُہناں دوہاں نوں برکت  
دے تے اُہناں نوں اپنی ہمیشہ دی بادشاہی دے وارث بنا سادے  
خداوند یسوع مسیح دے وسیلے۔ آمین۔

پھیر پرلیٹ ایہ برکت دیوے

تقارِ مطلق خدا سادے خداوند یسوع مسیح دا باب ٹھاڈے اُتے  
اپنے فضل دارینہ و صلائے اوہ ٹھاڈوں پاک کرے تے برکت دیوے  
تا بخوتیں اپنے جسم تے روح نال اُہنوں خوش رکھو تے ساری عمر  
پاک محبت وچ اکٹھے گزران کرو۔ آمین۔

## نصیحت

تیس سارے جہناں دا نکاح ہو گیا ہے۔ تے نالے چہڑے نکاح  
دی پاکیزہ حالت وچ رہن دا ارادہ رکھدے ہو۔ سنو۔ راغبیل شریف  
خاوندان نوں اُہناں دیاں بیویاں دے حق بابت تے بیویاں نوں  
اُہناں دے خاوندان دے حق بابت کیہ حکم دیندی ہے:-  
مقدس پوٹوس اُتھیاں دے خط دے پنجویں باب وچ سارے دیاں  
ہویاں نوں ایہ حکم دیندا ہے پئی اسے خاوندو۔ اپنیاں بیویاں نوں پیار  
کرو جس طرح مسیح نے کلیسیا نوں پیار کیتا تے اپنے آپ نوں اوس  
دی خاطر موت دے حوالے کر دتا۔ تاں جو اوہنوں کلام دی راہیں پانی دے  
نال نہالے تے صاف کر کے پاک بنائے تے اک اجیہی حلال والی کلیسیا  
بنا کے اپنے کول حاضر کرے جس دے بدن اُتے داغ یا جھری یا کوئی ہور

اجیہی چیز نہ ہووے سگوں پاک تے بے داغ ہووے۔

ایسے طرح خاوندان نوں چاہیا ہے پئی اپنیاں بیویاں نوں اجیہا  
پیار کرن جیہا اپنے بدن نوں۔ جیہڑا اپنی بیوی نوں پیار کردا ہے سو اپنے  
آپ نوں پیار کردا ہے۔ کیوں جو کسے نے اپنے بدن نال گدی دیر تیں  
رکیتا۔ سگوں اوہنوں پالدا ہے جس طرح مسیح اپنی کلیسیا نوں۔ کیوں جو  
اسیں اس دے بدن دے انگ ہاں۔ ایس لئی آدمی اپنے ماں بیوی نوں  
چھڈے گلے اتے اپنی بیوی نال رہوے گا۔ تے اوہ دونوں اک تن ہون گے۔

پھر مقدس پوٹوس کلیسیاں دے خط وچ خاوندان نوں ایہ حکم دیندا  
ہے پئی اپنیاں بیویاں نوں پیار کرو تے اہناں نال کوڑے نہ ہووے۔

مقدس پطرس جو مسیح دارسول نے آپ وی دیا ہیا ہویا سی۔ ایہ  
فرماندا ہے۔ اے خاوندو۔ تیں عقل نال اپنیاں بیویاں نال ورتو۔  
تے بیوی نوں تازک برتن سمجھ کے عزت دیو تے ایہ جاتو پئی زندگی دی  
نعمت دے ورثہ وچ تیں دونوں حصہ دار ہو۔ تاں جو تھاڈیاں دُعاواں  
سنیاں جان۔

ایتھوں توڑی تے آدمیاں لئی نصیحت ہے۔ ہن جو بیویاں لئی حکم  
ہے اوہ وی سنو۔

مقدس پوٹوس اوہے افسیاں دے خط وچ فرماندا ہے پئی اے بیویاں  
اپنے خاوندان دی اجیہی تابع رہو جو جس طرح خداوند دی۔ کیونجو خاوند  
بیوی داسر ہے جس طرح مسیح کلیسیا داسر ہے۔ تے اوہ آپ ہی بدن  
داجاؤن والا ہے۔ پر جس طرح کلیسیا مسیح دے تابع ہے۔ اوہی طرح  
بیویاں دی سمجھناں گلاں وچ اپنے خاوندان دی تابع ہون۔



تے پھیرا وہ آکھدا ہے پٹی بیوی ایس گل دادھیان رکھے جوادہ اپنے  
خاوند کولوں ڈردی رہوے۔

تے جو خطاوس نے گتسیاں نوں لکھیا ہے اوہدے وچ وی اوہ  
تتاؤں ایہہ چھوٹی جیہی نصیحت کردا ہے پٹی اے بیویو جس طرح خداوند  
وچ مناسب ہے اپنے خاوندان دی تابعداری کرو۔

پھیر مقدس پطرس وی تھانوں ایہہ تعلیم دیتا ہے :-

اے بیویو تسیں اپنے خاوندان دی تابعداری کرو۔ ایس لٹی پٹی  
جے اُہناں وچوں بعض کلام نوں نہ دی مُتدے ہون تاں وی تہاڈے  
یا کیزہ چال چلن تے خدا خونی نوں دیکھ کے بغیر جل حجت دے اپنی بیوی دے  
چال چلن دی وجہ نال خداؤں پچھے جاؤں۔ تے تہاڈا سنگھار صرف ظاہری  
نہ ہووے یعنی مردے وال بنانا تے سونے دے زیور تے رنگ برنگے  
کپڑے پانا۔ سگوں تہاڈی باطنی تے پوشیدہ انسانیت جیسی تے عزیز  
مراجی دی سدا رہن والی آرایش نال سچ جاوے۔ کیونجو خدا دے نزدیک  
ایس دی بڑی قدر ہے تے اگلے زمانے وچ وی خدا آتے بھروسہ رکھن  
والی پاک پیہیاں اپنے آپ نوں ایسے طرح سنوار دیاں ہتھیاں سن  
تے اپنے خاوندان دی تابعداری ہتھیاں سن۔ ایسے گلے سا راہ ابراہیم  
دے حکم وچ رہندی سی تے اُہنوں مالک آکھدی ہندی سی۔ جے  
تسیں وی نیکی کردگیاں تے کسے ڈراوے کھوں نہ ڈروگیاں تے  
آبدیاں دھیاں اکھواؤگیاں۔

پھیر خادم دین ایہہ آکھ کے جماعت

نوں رخصت کرے :-

## اسیں دُعا منگے :-

اے قادرِ خداوندِ تے قدیمِ خدا۔ اسیں بہت کر دے ہاں پئی تُوں  
اپنے کرمِ نال ساڈے دل تے بدن و دواں دی ہدایت کر تُوں اہنا  
اُتے حکومت کر تے اہناں تُوں پاک کرتا بنجھو اسیں تیری شرع تے حکماں  
دی راہ اُتے چلے تے تیری کامل قدرت دی مدد نال ساڈے جسم تے  
رُوح ایس جہان وچ تے ہمیشہ تیکر سلامت رہن۔ ساڈے خداوند  
تے بچاؤن والے یسوع مسیح دے وسیلے۔ آمین۔  
خدا قادرِ مطلق باب بیٹے رُوح پاک دی برکت تہاڈے  
اُتے ہووے تے ہمیشہ تہاڈے نال رہوے۔



# پنجیاں دے جنازے دی نماز دی ترتیب

خادم دین قبرستان دے دروازے کول کھلے  
کے میت دے آگے آگے چلے تے ایہ آکھے :-

خداوند فرماتا ہے۔ قیامت تے زندگی میں ہاں۔ جو میرے آتے  
ایمان لیا تھا ہے۔ بھاویں اوہ مر جائے تدریسی زندہ رہوے گا۔ تے جو  
کوئی زندہ ہے تے میرے آتے ایمان لیا تھا ہے اوہ کدیری نہ مرے گا۔ (یوحنا ۱۱: ۲۵)  
میں جاندا ہاں پٹی میرا مائی دین والا زندہ ہے تے اوہ اوٹک ٹول  
زمین اُتے اُٹھ کھڑا ہووے گا۔ میں آپ خدائوں ویکھاں گا۔ تے میریاں  
اپنیاں اکھیاں اوس ٹول ویکھن گیاں نہ کسے پائے دیاں۔ (ایوب ۱۹: ۲۵)  
ایس دنیا وچ نہ اسیں کچھ لیاے ہاں تے نہ اسیں ایس وچوں  
کچھ لے جاسکدے ہاں۔ خداوند نے دتا خداوند نے لے لیا۔ خداوند دا  
نام مبارک ہووے۔ (تیمتھیس ۶: ۷۔ ایوب ۱: ۲۱)  
اوہ ایالی وانگوں اپنا ایڑ چرلے گاتے اوہ لکیاں ٹول اپنے  
بازوؤں وچ جمع کرے گاتے اپنے کچھڑ چک کے لے چلے گا۔ (یسعیاہ ۴۰: ۱۱)

## ۲۔ گر جے دے وچ نماز

زبور ۲۳۔

کوہیں رب ایالی میرے کول میرے دل ٹول نہیں ڈول



کدی نہ ہووے گی تھڑکینوں رب جو میرا ایالی ہے  
 ہری ہری گھاہ تے یئوں بہالے مٹھے پانی کول  
 میری جان ٹوں آپ ہی خداوند مڑکے جو اوے گا  
 اپنے نام دی خاطر یئوں لیتدا سچائی کول  
 موت دے سائے دا جو جنگل جد میں اوس وچ جاواں  
 خوف بڈاواں دا نہ ہرگز ہووے گا میرے کول  
 تیری سوٹی تیری لاٹھی یئوں لین سنبھال  
 کیوں جو تدوں ٹوں خداوند ہوویں گا میرے کول  
 رحم تے مہ ساری عمر رہن گیاں میرے نال  
 میں خداوند دے گھر سدا رہاں گا اہدے کول

پھیرا انجیل شریف وچوں ایہ پڑھیا جائے۔

انجیل شریف دیاں آیتاں سٹو جو مقدس مرقس دی انجیل دے  
 دسویں باب دی تیسری آیت تھوں شروع ہندیاں ہین۔  
 لوک چھوٹے بچیاں ٹوں مسیح دے کول لیا ڈندے سن۔ تاں جو  
 اہہ اہناں اُتے ہتھ رکھے۔ پر شاگرداں نے اہناں ٹوں جھڑکیا۔ یسوع  
 ایہہ دیکھ کے بہت خفا ہويا۔ تے اہناں ٹوں آکھیا۔ چھوٹے بچیاں  
 میرے کول آؤن دیو۔ اہناں ٹوں منع نہ کرو۔ کیوں جو خداوی بادشاہی  
 ایہو جیہاں دی ہے۔ میں تھانوں سچ آکھدا ہاں پیٹی جو کوئی خدا دی  
 بادشاہی ٹوں چھوٹے بچے وانگوں قبول نہ کرے اہہ اوس وچ کدی  
 داخل نہ ہووے گا۔ تے اہنے اہناں ٹوں پھڑکیا تے اہناں اُتے ہتھ  
 رکھ کے اہناں ٹوں برکت دتی۔

حدود اود قبر دے کول پہنچ جاوے تے میت نوں زمین  
مے اندر رکھن دی تیاری کر لین تد قادم دین آکھے :-

آدمی جو عورت تھوں جیہا ہے - تھوڑے دناں تیکر جیوندا تے  
مصیبتاں وچ پھسار سندا ہے اوہ پھل وانگوں کھڑ دا ہے تے پھیر کھلا  
جاندا ہے اوہ سایہ وانگوں ڈھل جاندا ہے - تے کدے اکو جیہا نہیں  
رکھندا ہے -

حدود میت نوں قبر وچ رکھیا جانے تد خادم دین آکھے

قادِر خُدا دی ایہہ مرضی ہوئی ہے پئی ساڈے ایس نیچے دی  
رُوح نوں جو کوچ کر گیا ہے اپنی بڑی رحمت نال اپنے کول بلا لوسے -  
ایس لئی اسیں اُہدی لاش نوں زمین دے اندر رکھدے ہاں تاں  
جو مٹی دے نال مٹی - تے گھٹے دے نال گھٹا تے دھول دے نال دھول رل جاوے -  
ساڈی ایہہ پوری تے پئی اُمید ہے پئی ساڈے خُداوند یسوع مسیح دے  
وسیلے سمیشہ دی زندگی دے لئی قیامت ہووے گی - اوہ اپنی بڑی قدر  
نال ساریاں چیزاں نوں اپنے ہیٹھاں کر سکدا ہے سوا اوہ ساڈے  
ایس حقیر بدن نوں بدل کے اپنے جلالی بدن وانگوں بنا دے گا -

یا ایہہ

اے رحیم باپ - اسیں ایس نیچے دی رُوح نوں جو کوچ کر گیا ہے  
تیری رحمت دے حوالے کر دے ہاں - اسیں اوہدی لاش  
نوں زمین دے اندر رکھدے ہاں - تاں جو مٹی دے نال مٹی لے گھٹے دے  
نال گھٹا تے دھول دے نال دھول رل جاوے - اسیں تیری منت  
کر دے ہاں پئی اپنی بے حد رحمت نال ایہہ بخش پئی اسیں تیرے ڈرتے

پیار وچ زندگی کیلئے۔ تے تیری مہر وچ ایس جہانوں کوچ کر یئے تاں جو  
جہدوں قیامت دا دن آئے جو تُوں اپنے پیارے بیٹے دے سپرد کینا ہویا  
ہے۔ ایہہ ساڈا بچہ تے ایس تیری نظر وچ مقبول ہوئیے۔ اے رحیم  
باپ ساڈے بچا دن والے وچوے تے شفیع یسوع مسیح دی خاطر ایہہ بخش  
دے۔ آمین۔

پھیر ایہہ پڑھیا جاوے

اُہناں تُوں نہ کدی جھکھ لگے گی تے نہ تریہہ۔ اُہناں تُوں نہ کدی  
دھپ ستائے گی تے نہ گرمی۔ کیوں جو جیہڑا برہ تخت اُتے ہے اوہ آپ  
اُہناں دا ایالی ہووے گا تے اُہناں تُوں زندگی دے پانی دے چشمیاں  
کول لے جاوے گا تے خُدا اُہناں دیاں اکھیاں دے آنسو پونجھے گا۔

پھیر خادم دین آکھے۔

خُداوند ساڈے اُتے رحم کر۔

جماعت۔ مسیح ساڈے اُتے رحم کر۔

خُداوند ساڈے اُتے رحم کر۔

اے ساڈے باپ جو آسمان اُتے ہیں تیراں پاک مَیاں جاوے۔

تیرا راج آوے۔ تیری مرضی جس طرح آسمان اُتے ہندی ہے زمین اُتے

وی پوری ہووے۔ ساڈی روز دی روٹی آج سانوں دے۔ تے

ساڈیاں گناہاں تُوں بخش دے جس طرح ایس اپنے قصور داراں

تُوں معاف کر دے ہاں۔ تے سانوں آزمائش وچ نہ پین دے سگوں

باری تھوں بچا۔ آمین۔

خادم دین۔ اے خُداوند ساڈی دعا سُن۔



جماعت تے ساڈی منت دی آواز تیرے حضور پہنچے +  
خادم دین۔ ایسے دعا منگئے۔

اے خداوند یسوع مسیح توں نکلے بچیاں توں اپنی گودی وچ  
لیا سی تے اہناں توں برکت دتی سی۔ ایسیں تیری منت کردے ہاں  
پئی توں ساڈیاں اکھیاں کھول تاں جو سا نوں ایس گل دا پتہ لگ  
سجھا دے پئی توں اپنے رحم دی وجہ نال ایس اپنے بچے نوں اپنی ابدی  
گود وچ لے لیا ہے کیوں جو توں باپ تے روح پاک دے نال ہمیشہ اک  
خدا سدا رہندے راج کردا ہیں۔ آمین۔

اے خدا تیرے راہ پوشیدہ تے تیرے کم بڑے عجیب ہیں۔  
توں کسے چیز نوں اینویں نہیں بنایا تے اپنی ساری خلقت نال محبت  
رکھدا ہیں۔ توں اپنے بچیاں توں جو غمگین ہیں تسلی بخش تاں جو اوہ  
ایس زندگی وچ تیرے نال پیار کرن تے تیری سیوا کرن تاں جو  
اوہ سب تے تیرا ایہہ بچہ اگلے جہان وچ تیرے وعدیاں نوں پوری  
طرح حاصل کرن۔ ساڈے خداوند یسوع مسیح دے وسیلے۔ آمین۔  
اے رحیم خدا۔ ایسیں تیری منت کردے ہاں اہناں اُتے  
جیہڑے غمگین ہیں اپنی مردی نظر کر۔ اہناں نوں اپنی  
محبت دالیقین عطا کر تاں جو اوہ تیرے کولوں تسلی حاصل کرن۔  
بخش دے پئی اہناں دا ایمان ایس گل اُتے پکا ہووے پئی توں  
اہناں دا پیار کرن والا باپ ہیں۔ اہناں نوں اپنی جناب تھوڑا  
قوت تے اُمید بخش تاں جو اوہ تازہ دم ہو جاوے تے صبر تے تسلی  
نال ایس صدمہ دی برداشت کرن تے اپنا بھروسہ ہمیشہ تیری

پروردگاری اُتے رکھن۔ ساڈے خداوند یسوع مسیح دے دیسے۔  
آمین۔

ساڈے خداوند یسوع مسیح دا فضل۔ خدا دی محبت تے رُوح  
پاک دی رفاقت اساں سبھناں نال ہمیشہ تیکر رہوے۔  
آمین۔

# نماز جنازہ کی ترتیب

ایہ خیال رکھیا جاوے پئی ایہہ ترتیب آہناں لوکاں دے جنازے  
اُتے نہ پڑھی جائے جو سہ سہ پایاں بغیر یا آپ اپنے ہتھوں مر گئے ہوں۔ یا کلیسا  
دچوں چھیکے گئے ہوں یا کسے جرم نوں کردیاں مر گئے ہوں۔  
جے کسے ویلے ایہہ پتہ نہ لگے پئی ایہہ ترتیب کسے دے جنازے اُتے پڑھی جائے  
یا نہ تاں جے ہو سکے ایہہ سوال بشیپ صاحب دے سامنے پیش کیتا جائے۔  
تے اوس دے فیصلے اُتے عمل کیتا جائے۔

خادم دین قبرستان دے دروازے کول کھلو کے میت  
دے اُگے آگے پھلے تے ایہہ آکھے :-

خداوند فرماندا ہے قیامت تے زندگی میں ہاں۔ جو میرے اُتے  
ایمان لیا تھا ہے بھاویں اوہ مر جائے تہ وی زندہ رہوے گا۔ تے جو کوئی  
زندہ ہے تے میرے اُتے ایمان لیا تھا ہے اوہ کدی نہ مرے گا۔ (یوحنا ۱۱: ۲۵)  
میں جاندا ہاں پئی میرا رہائی دین والا زندہ ہے تے اوہ اوڑک  
ٹوں زمین اُتے اٹھ کھڑا ہووے گا۔ تے بھاویں میری کھل وی برباد ہو  
جاوے تہ وی میں خداوند ٹوں ویکھاں گا۔ میں آپ اوس ٹوں  
ویکھاں گا۔ تے میریاں اپنیاں اکھیاں اوس ٹوں ویکھن گیاں نہ  
کسے پرانے دیاں۔ (ایوب ۱۹: ۲۵)

ایس دُنیا وچ نہ اسیں کچھ لیائے ہاں تے نہ اسیں ایس وچوں



یکھ بے جا سکدے ہاں۔ خداوند نے دیتا۔ خداوند نے لے لیا۔ خداوند

داتا مبارک ہووے۔ (۱ تیمتھا ۶: ۷ - ایوب ۱: ۲۱)

نیکاں دی راہ ترط کے دے نور وانگوں ہے جس دی روشنی دپہر

تیکر ودھری ہی جاندی ہے۔ (امثال ۴: ۱۸)

نیکاں دیاں رموحاں خدا دے ہتھ وچ ہن تے کسے طرح دا غذا

آہناں دے نیڑے نہیں آئے گا۔ اے خداوند۔ میری جوانی دیاں بنیاں

تے میرے گناہاں ول دھیان نہ کیے تے اپنی نیکی دی خاطر مہرناں

نیتوں یاد کر۔ (زبور ۲۵: ۶)

ابدی خدا تیری پناہ دا تھاں ہے تے تیرے سپیٹھاں اوس دے

بازو ہمیشہ تیکر پکین۔ (استثنا ۳۳: ۲۷)

خدا دی جو محبت ساڈے خداوند یسوع مسیح وچ ہے۔ اوس تقوں

سانوں نہ موت جڈا کر سکے گی نہ زندگی نہ فرشتے تے نہ حکومتاں۔ نہ

ہن دیاں چیزاں نہ آؤن والیاں چیزاں۔ نہ قدرتاں نہ آپھٹیاں نہ

نیوٹیاں۔ تے نہ کوئی ہو پیداکیتی ہوئی شے سانوں مسیح تقوں جڈا

کر سکدی ہے۔ (روم ۸: ۳۸)

جے اسیں زندہ ہاں تاں خداوند دے واسطے زندہ ہاں جے اسیں

مردے ہاں تاں خداوند دے واسطے مردے ہاں۔ بھائیوں اسیں

جیویئے بھائیوں مرئیئے اسیں خداوند دے ہی ہاں کیوں جو مسیح ایں

لٹی مرگیا تے زندہ ہو یا تاں جو اوہ جیو مریاں تے مریاں وو ہاں دا خداوند

ہووے۔ (روم ۸: ۱۴)

مبارک ہین اوہ جو غمگین ہین کیوں جو اوہ تسلی پاؤن گے ہتی ۵

تھا ڈاول نہ گھیرائے تیس خدائے ایمان رکھ دے ہو۔ میرے آتے  
وی ایمان رکھو۔ میرے باپ دے گھر وچ بہت سارے مکان ہیں۔  
(یوحنا ۱۴:۱۱)

## (۲) گرجے وچ نماز

جدوں اوہ گرجے وچ پہنچن اہناں زبوراں وچوں اک یا زیادہ  
زبور پڑھے یا گائے جادون۔

### زبور - ۳۹

کوہوں اپنے راہ دی میں راکھی کراں گا  
جدوں بد میں کوئی ویلھ پاواں  
ہویا گونگاتے میں چپ چپاتا  
تازہ غم ہویا تے چھاتی تیدی  
تدوں کیہا میں اپنی زبان بھیس  
میرا اوڑک ہے کیہ؟ عمر کتنی؟  
عمر میری ہے گٹھ بھر چھوٹیری  
ایس آدم دا کچھ نہ بھروسا  
جندڑی سب دی نری ہے خیالی  
ایٹویں اہناں دی ہے بے قرار  
جیہڑی اسیں اکھٹی ہاں کر دے  
میتھوں نہ ہو قصور زبان دا  
اپنے منہ توں لگام میں چڑھاواں  
بھلا کاہنوں گیا میں گنوا تا  
میرے سوچن دے وچ آگ بلدی  
اے خداوند توں ایہہ مینوں دسیں  
تاں میں جاناں اوہ رہندی ہے جتنی  
تیرے آگے نہ کچھ جان میری  
بھاویں کیڈا ہی ہو زور والا  
وہم دانگوں ہے اُس دی بحالی  
نہیں جانن کہ دولت ایہہ ساری  
کون سا نبھے گا ایہہ ساڈے پیچھے

### یا زبور - ۲۳

کورس رب ایالی میرے کول  
میرے دل توں نہیں ڈول

- ۱ کدی نہ ہووے گی تھڑ یینوں رب جو میرا ایالی ہے  
 ہری ہری گھاہ تے یینوں بہاے مٹھے پانی کول  
 ۲ میری جان نوں آپ ہی خداوند مرے جواوے گا  
 اپنے نام دی خاطر یینوں لیڈا سچیاٹی کول  
 ۳ موت دے سائے دا جو جنگل حدیں اوس وچ جاواں  
 خوف بلاواں دا نہ ہرگز ہووے گا میرے کول  
 ۴ تیری سوٹی تیری لاٹھی یینوں لین سنبھال  
 کیوں جوتدوں نوں خداوند ہو دیں گا میرے کول  
 ۵ دشمن اگے میرے واسطے رب وچھاندا میر  
 تیل دی میرے سر دے اُتے اوہو دیندا ڈوہل  
 ۶ رحم تے حمر ساری عمر رہن گیاں میرے نال  
 میں خداوند مے گھر سدا رہاں گا اُہدے کول

### یا زبور - ۹۰

- ۱ نوں پشت در پشت خدایا رہیا پناہ اساڈی  
 پہاڑ آسمان تے دھرتی گل آہناں دی آبادی  
 ۲ خد اپنی قدرت نال نوں ایہہ سمجھو کچھ بنایا  
 توں آہناں تھیں سیں پہلاں تے سدا تیک خدایا  
 ۳ انسان نوں خاک دے اندر نوں پھیر دا رب ہمارے  
 تے کہندا ہیں کہ پھرواے ہی آدم سارے  
 ۴ ہزار برس تیرے اگے ہن ایسے ہن خدایا  
 جیویں کل دا دن ہے لنگھدا تے رات دے پردا سایا



۵ ہٹ وانگ اُہٹاں توں روہڑا اوہ ہین اک بیندر جیہ  
 اوس گھاہ دے وانگر ہنڈے جو فیرے توں اگ پئے  
 ۶ اوہ فیرے تازہ ہندا تے ڈاڈا لہساں دا  
 پر شام توں وڈھیا جا کے اوہ بالکل ہے سک جاندا

دو جاحصہ دو جاحزن

کوریں ساڈی بدکاری رکھتی ہے ساری اپنے توں آگے خدا  
 ۸ تیرا ہی چہرہ روشن ہے جھڑا جاندا سب چھپے گناہ  
 دن آساں سارے غم وچ گزارے قروچ تیرے خدا  
 ۹ ساڈی عمر وی گنی ہے گذر وی جیویں اک گذر خیال  
 ستر رہے تیک۔ اسی دے تیک۔ آخر توں پھیر وی فنا  
 ۱۰ ہے ساری طاقت۔ محنت مشقت جاندی ہے رہندی شتا  
 جاندی ہے کھڑا ات غصہ تیرا۔ تیرے غضب توں خدا

تیجا حصہ تیجا وزن

کوریں دن ساڈی عمر دے سب توں گناہن سکھائیں  
 تے دل دانائی والا توں بخشیں سانوں سائیں  
 ۱۲ یارب توں مڑ آ چھیتی کد تیکر غصے رہی؟  
 توں اپنے بندیاں توں رحم اپنا ہن وکھائیں  
 ۱۳ کٹ جا دے وچ خوشی دے تاں باقی عمر ساڈی  
 نال اپنی رحمتاں دے سویرے توں رہائیں  
 ۱۴ توں جتنے دن ہے رکھیا دکھاں دے وچ اسانوں  
 سو اتنے سال یارب ہن خوشی توں وکھائیں

۱۵ کم اپنے ظاہر کریں توں اپنے لوکاں اُتے  
 اپنا جلال دسیں اُہناں دے بچیاں تائیں  
 ۱۶ خُداوند پاک خُدا دا۔ ہے جیہڑا رت اساڈا  
 جمال ہوا ساڈے اُتے ظاہر ہمیشہ تائیں  
 ۱۷ جو کم اساڈے ہتھ دا یا رت توں قائم کریں  
 ہاں کم اساڈے ہتھ دا توں قائم کہ دکھائیں  
 یا پیدا جتہ تبادون

۱ توں رہیا ساڈی پتاہ گاہ پیڑھی در پیڑھی خُدا یا  
 ایس تھوں پہلے جد کہ پریت دھرتی دُنیا توں رچایا  
 ۲ مڈھوں لے کے ہیں سدا تیکر توئیں قائم خُداوند  
 مٹی وچ بلدا مُنکھ ہے۔ جدوں تیرا حکم آیا  
 ۳ اک ہزار ورہے دی مدت تیرے سامنے ہے اجیہی  
 جیویں گل دا دن ہو لنگھیا۔ یا ہور رات دا پرتیا یا  
 ۴ روہڑا اوہ سب توں ہڑوانگر اوہ تے ہیں اک نیشہ اٹھو  
 ہاں اوس ہرے گھاہ دے وانگر جیہڑا فجرے اُٹھایا  
 وھڈے ویٹے ترو تازہ پر جد ویلا شام دا آوے  
 وڈھیا جاندا گھاہ اوہ سارا پھیر سک جائدا ہے خُدا یا

پھیرا بہہ ورجڑا مقدس پووس دے پئے خط وچوں جو  
 قرنتیاں توں لکھیا گیا سی۔ پڑھیا جاوے۔ راقن تور کاغذ

پرہن مسیح تاں مُردیاں وچوں جی اٹھیا ہے۔ تے اُہناں وچوں جو  
 سوں گئے ہیں پیدا پھل ہو یا کیونچو بر آدمی دے سببتوں موت آئی تاں

آدمی ہی دے سببوں مُردیاں دی قیامت وی آئی تے جس طرح آدم  
 دے وچ سارے مر جانڈے ہن اوسے طرح مسیح دے وچ ہی سار  
 زندہ کیتے جاوَنگے۔ پر ہر اک آپو اپنی واری سر پہلاں مسیح۔ پھیر مسیح  
 دے آؤن اُتے اوس دے لوک۔ اوس دے بعد آخرت ہے۔ تدا وہ  
 ساری حکومت تے سارے اختیار تے قدرت نوں نیست کر کے بادشاہی  
 نوں خدا یعنی باپ دے ہتھماں وچ سونپ دیوے گا۔ کیونچو جد تیکر  
 ساریاں ویریاں نوں اپنے پیراں ہتھ نہ کر لوے تد تیکر اوس نوں  
 راج کرنا ضرور ہے۔ موت وی جو پھلا ویری ہے تاس ہو جاوے گی۔  
 کیوں جو خدا نے ساریاں چیزاں اُبدے پیراں ہتھ کیتیاں ہن۔  
 پر خدا وہ کہندا ہے۔ پئی ساریاں چیزاں اُبدے ہتھ ہوئیاں تاں  
 ظاہر ہے جو اوہو ہی باقی رہیا جس نے سب کچھ اوس دے ہتھ  
 کر دتا۔ تے جد سب کچھ اوس دے ہتھ ہو جاوے گا تاں بیٹا آپ  
 وی اوس دے ہتھماں ہووے گا جس نے سب چیزاں اوس دے  
 ہتھ کیتیاں ہن۔ ایس لئی جو خدا سبھناں وچ سب کچھ ہووے۔  
 نہیں تاں اوہ جو مُردیاں دے بدلے پستہ لیندے ہن کہہ کرن گے ؟  
 جے مُردے جی نہیں اُٹھدے تاں مُردیاں دے بدلے کیوں پستہ لیندے  
 ہن ؟ تے ایس وی کیوں ہر گھڑی اپنے آپ نوں خطریاں وچ پاندے  
 ہاں ؟ بھراؤ۔ بٹیوں جو تہادی بابت ساڈے خداوند مسیح یسوع دا  
 کھنڈ ہے۔ اوس دی سونہ ہے جو میں روز دھاڑے مُردا ہاں۔ جے  
 میں افس وچ آدمیاں دے وانگوں پشتواں دے نال لڑیا تاں  
 مینوں کہہ فائدہ ؟ جے مُردے جی اُٹھدے تاں آؤ کھائے پیوئے۔



کیونہو پھلے مرہاواں گے۔ فریب نہ کھاؤ۔ بُریاں سنگتاں  
اچھیاں چلناں نوں وگاڑ دیندیاں ہین۔ تئیں نیک ہوون لٹی  
ہوش وچ آؤ تے پاپ نہ کرو۔ کیونہو کنیاں وچ خُدا دی پچھان نہیں  
ہے۔ میں تھانوں شرابون واسطے اہ کھندا ہاں۔

پرہین کوئی آنکھے گا پئی مُردے کس طرح جی اُٹھدے ہین؟ تے کس  
طرح دا جسم رکھدے ہین؟ ادا حق۔ توں آپ جو کجھ نہ ہین وچ، بیچدا  
ہیں جد تیکرا وہ نہ مرے زندہ نہیں ہو سکدا تے جو کجھ توں بیچدا ہین  
ایہ اوہ جسم نہیں جیہڑا پیدا ہون والا ہے۔ پر صرف دانہ ہندا ہے  
بھاویں اوہ کنک دا ہووے تے بھاویں اوہ کسے ہووے پتیر یا ہووے۔  
پر خُدا جس طرح چاہندا ہے اوسے طرح دا اُنہوں جسم ہندا ہے۔  
تے اوہ ہر اک بی توں اوس دا خاص جسم دیندا ہے۔ سب ماس  
اکو جیہا ماس نہیں ہندا ہے۔ آدمیاں دا ماس اک طرح دا ہندا ہے۔  
پشوؤاں دا ماس ہووے طرح دا ہندا ہے۔ جانوراں دا ماس ہووے طرح دا  
مچھلیاں دا ماس ہووے طرح دا ہندا ہے۔ ایسے طرح آسمانی جسم دی ہین  
تے زمینی جسم وی ہین پیمائیاں دا جلال ہووے طرح دا ہندا ہے۔  
زمین تے رہن والیاں دا ہووے طرح دا ہندا ہے۔ سونج دا جلال اک  
طرح دا ہے۔ چنڈ دا جلال وکھ طرح دا ہے۔ تے ستاریاں دا جلال وکھ  
ہی ہے۔ کیونہو ستارے ستارے مے جلال وچ دی فرق ہندا ہے۔  
مُردیاں دی قیامت وی ایسے طرح ہی ہے۔ جسم ناس ہون والی حالت  
وچ بیچیا جاندا ہے تے بقا دی حالت وچ جی اُٹھدا ہے۔ بے عزتی دی حالت  
وچ بیچیا جاندا ہے۔ تے جلال دی حالت وچ جی اُٹھدا ہے۔ کمزوری

دی حالت وچ بیجیا جائدا ہے تے قوت دی حالت وچ جی اٹھدا ہے۔  
 کیوں جو چاروں نفسانی جسم ہے تے ضروری گل ہے پئی روحانی جسم وی  
 ہووے۔ ایسے واسطے لکھیا ہویا وی ہے پئی پہلا آدمی یعنی آدم زندہ نفس  
 بنیا تے پھیللا آدم زندگی بخش والی روح بنیا۔ پر روحانی پہلاں نہیں سی  
 سگدوں نفسانی پہلاں سی۔ اوس دے مگروں روحانی ہویا۔ پہلا آدمی  
 زمینی تے خاکی سی دوجا آدمی روحانی تے اسمانی ہے۔ تے جس طرح  
 آدم خاکی سی اوسے طرح ہو روی خاکی ہیں۔ تے جس طرح دوجا آدم  
 اسمانی ہے اوسے طرح ہو روی اسمانی ہیں۔ تے جس طرح اسیں خاکی  
 آدم دی شکل صورت اُتے ہوئے اوسے طرح اوس اسمانی آدم دی  
 شکل صورت اُتے وی ہوواں گے۔

پھراؤ۔ میرا مطلب ایہ ہے پئی گوشت تے لہو خدا دی بادشاہی  
 دے وارث نہیں ہو سگدے تے نہ ناس ہوون والی چیز بقا دی وارث  
 ہو سگدی ہے۔ ویکھو۔ میں تہاؤں اک بھید دی گل دسدا ہاں۔ اسیں  
 سب نہیں سوواں گے پر سب بدل جاواں گے تے اک دم وچ پھلی تہی  
 چھکدیاں ہی بدل جاواں گے۔ کیونچو تہی پھوکی جاوے گی۔ تے مردے  
 بقا دی حالت وچ جی اٹھن گے۔ تے اسیں بدل جاواں گے۔ کیونچو ضرور  
 ہے پئی ایہ ناس ہوون والا جسم بقا توں پس لوے۔ تے ایہ مرن والا  
 جسم ہمیشہ دی زندگی دی پوشاک پاوے۔ تے جردوں ایہ ناس ہوون والا  
 جسم بقا توں پس لوے گا۔ تے ایہ مرن والا ہمیشہ دی زندگی توں پلٹے گا  
 تاں اوہ گل جو لکھی ہے پوری ہووے گی پئی فتح نے موت توں گل لیا۔ اے  
 موت تیرا ڈنگ کہتے ہے؟ اے موت تیری فتح کہتے ہے؟ موت واڈنگ

پاپ ہے۔ تے پاپ دا زور شرع ہے۔ پر شکر ہے خدا جو سانوں ساڈا  
خداوند یسوع مسیح دے وسیے نال فتح بخشدا ہے۔ سو اے میرے پیارے  
بھلاؤ۔ تیں ثابت قائم تے قائم رہو۔ تے خدا دے کم وچ سدا ودھدے  
رہو۔ کیونجو تیں جاندے ہو۔ جو تہاڈی محنت خدا وچ بے فائدہ نہیں

یا ۲۔ کرنتھیوں ۴: ۱۶ - ۵: ۱۰ آیت

ایس لئی اسیں ہمت نہیں ہار دے سگوں بھانویں ساڈی ظاہری  
انسانیت زائل ہندی جاندی ہے تاں وی ساڈی باطنی انسانیت روز  
دہاڑے نویں ہندی جاندی ہے۔ کیوں جو ساڈی اک پل دی ہلکی جیہی  
مصیبت ساڈے لئی دے دھیا تے بھارتے سدا دا جلال پیدا کر دی ہے۔  
جس حال وچ اسیں اہناں چیزاں اُتے نظر نہیں کردے جو سانوں  
دکھائی دیندیاں ہن سگوں اُن دیکھیاں چیزاں اُتے نظر کردے ہاں۔  
کیوں جو جیہڑیاں چیزاں دکھائی دیندیاں ہن اوہ چند روزہ ہن۔ پر  
اندیکھیاں چیزاں سدا تیکر ہندیاں ہن۔

کیونجو اسیں جاندے ہاں پٹی جیہڑی ساڈا تبنو دا گھر جو زمین اُتے  
ہے ڈگایا جائے گا تہ ساٹوں خدا دے ولوں آسماناں اُتے اک اجیہا مکان  
ملے گا جیہڑا ہتھاں نال بنایا ہویا نہیں ہے پر ہمیشہ دا ہے۔ سو اسیں کراہندے  
ہاں تے بڑی خواہش رکھدے ہاں پٹی اپنے آسمانی گھر دے کپڑے پالینے۔  
تاں جو ایہو جیہے کپڑے پاکے ننگے نہ ہوئے۔ کیونجو اسیں اسیں تبنو وچ رہ کے  
بھار دے مارے کراہندے ہاں۔ اسیں لئی نہیں تاں جو ایہہ کپڑے لاہ  
سٹیں۔ پر اسیں لئی جو ایہدے اُتے ہو رپانا چاہندے ہاں۔ تاں جو اوہ جو  
فانی ہے۔ زندگی وچ غرق ہو جائے۔ تے جس نے ساٹوں اسیں گل لئی تیار



کہتا ہے اودہ خدا ہے۔ تے اوسے نے سانوں رُوح بیجانے رُوح دتلی ہے۔  
 ایس واسطے ہمیشہ ساڈی خاطر جمع رہندی ہے تے ایس ایہ جانے  
 ہاں پئی جدتیکر ایس بدن دے مُلک وچ ہاں خداوند دے دلوں پر دسی  
 ہاں کیونجو ایس اکھیں دیکھے ا تے نہیں چلے سکوں ایمان ا تے  
 چلے ہاں۔ غرض ساڈی خاطر جمع ہے تے سانوں ایس بدن دے  
 مُلک تھوں الگ ہو کے خداوند دے مُلک وچ رہنا زیادہ چنگا لگدا ہے  
 ایسے واسطے سانوں ایہ حوصلہ ہے پئی بھائیوں ایس ایس مُلک وچ  
 ہوئے تے بھائیوں پر دسی اوس نوں خوش رکھے۔ کیونجو ضرور ہے  
 پئی مسیح دی عدالت دے تخت دے سامنے جلے ساریاں  
 دا حال کھل جائے تاں جو ہر اک شخص اپنے اہناں کماں دا بدلہ پلائے جو  
 اوس نے اپنے بدن دے نال کیتے ہیں بھائیوں اودہ چنگے ہوون بھائیوں  
 اودہ مندے ہوون۔

### یا مکاشفات دی کتاب ۲۱: ۷

پھیریں اک نواں آسمان تے نوں زمین دیکھی کیونجو پہلا آسمان  
 تے پہلی زمین جاندی رہی سی تے سمندر دی نہیں رہیا سی۔ پھیریں پاک  
 شہر یروشلم نوں آسماناں توں خدا دے کولوں اُتو دیاں دیکھیا تے اودہ  
 اوس وُہٹی وانگوں سچی ہوئی سی جہنے اپنے آپ نوں اپنے لارے دے  
 لئی سجایا ہووے پھیریں تخت ا توں کسے نوں اچی دتی آکھیاں  
 سُنیاں پئی دیکھو خدا دا تبنو آدمیاں دے وچ لگیا ہویا ہے۔ تے اودہ  
 آپ اہناں دے نال تبنو وچ رہوے گا۔ تے اودہ اوس دے لوک  
 ہوون گے۔ تے خدا آپ اہناں دے نال رہوے گا تے اہناں دا خدا

ہو دے گا۔ تے اوہ اہناں دیاں اکھیاں بھتوں سب آنسو پونجھ دیوے گا۔  
 اوس دے مگروں موت نہیں رہوے گی تے نہ ماتم تے نہ سیا پا۔  
 تے نہ رونا تے نہ دکھ درد رہوے گا۔ سگوں پہلیاں گلاں جانڈیاں رہن  
 گیاں تے جوتخت تے بیٹھیا ہو یا سی اوس نے آکھیا۔ ویکھ۔ یس ساریاں  
 چیزاں توں نواں بنا نداہاں پھیر اوس نے آکھیا۔ لکھ لے۔ کیوں جو  
 ایہہ گلاں سچ تے برحق ہین۔ پھیر اوس نے بینوں آکھیا پی ایہہ گلاں  
 پوریاں ہو گیاں ہین۔ یس الف تے یے شروع تے آخر ہاں یس ہلے  
 نوں زندگی دا پانی مفت پلاواں گا۔ جیڑا غالب آئیگا اوہ اہناں گلاں  
 دا دات ہووے گا۔ تے یس اہدا خدا ہوواں گا۔ تے اوہ میرا بیٹا ہووے گا۔

### یا مکاشفات ۲۱: ۲۳-۲۴

اوس شہر وچ سورج تے چند دی روشنی دی کوئی حاجت نہیں  
 ہووے گی۔ کیونجو خدا دے جلال نے اوس توں روشن کیتا ہو یا ہے۔  
 تے برہ اوس دا چراغ ہے تے ساریاں قوماں اوسے دے چان وچ  
 چلن پھرن گیاں تے زمین دے بادشاہ اپنی شان شوکت دا سامان  
 اہدے وچ لیاؤن گے تے اوس دے دروازے دن توں کدی بند نہ  
 ہون گے تے رات اوتھے نہ ہووے گی تے لوک قوماں دی شان شوکت  
 تے عزت دا سامان اہدے وچ لیاؤن گے تے اہدے وچ کدی کوئی ناپاک  
 چیز یا گندرا آدمی یا جھوٹا کھوئے نکل نہ ہووے گا۔ یہ صرف اوہ داخل ہون گے  
 جہاں دے نام برہ دی زندگی دی کتاب وچ لکھے ہوئے ہین۔

خداوہ قبر دے کول پتہ جاون تے میت توں زمین  
 اندر رکھن دی تیاری کر لیں تدفادم دین آکھے۔

آدمی جو عورت کھتوں جیسا ہے۔ کھوڑے وناں تیکر جیو خدا تے  
 مصیبتاں وچ پھسپار ہندا ہے۔ اُوہ پھل وانگوں کھڑا ہے تے پھیر کلا  
 جاند اے۔ اوہ سایہ وانگوں ڈھل جاند اے۔ تے کدے اگو جیہا نہیں  
 رہندا۔

اسیں جیو دے جی موت دے پنجے وچ ہاں۔ اسیں تیرے  
 یا جھول اے خداوند کس دا آسرا لہئے۔  
 اے قدّوس خداوند خدا۔ اے قادر خداوند۔ اے پاک تے  
 رحیم بچاؤن والے سانوں ہمیشہ دی موت دی تلخی نوں چکھن نہ  
 دے۔ اے خداوند توں ساڈے دلاں دے بھید جاند اپن۔ رحم کر کے  
 ساڈی دُعا نوں سُن تے سا نوں بچالے۔ اے قدّوس خداوند۔ اے  
 قادر خدا۔ اے پاک تے رحیم بچاؤن والے۔ اے بزرگ منصف۔ سانوں  
 مرن دے ویلے موت دے کسے دکھ دے سبب اپنے کھتوں جہانہ ہوں  
 دیویں۔ آمین۔

اجڑن میت نوں قبر وچ رکھیا جائے تہ خادم دیں آکھے۔

قادر خدا دی ایہ مرضی ہوئی ہے پئی ساڈے ایس بھائی دی روح  
 نوں جو کوچ کر گیا ہے اپنی بڑی رحمت نال اپنے کول بلاوے۔ ایس  
 لئی اسیں اُہدی لاش نوں زمین دے اندر رکھ دے ہاں تاں جو مٹی دے  
 نال مٹی تے گھٹے دے نال گھٹا تے دھول دے نال دھول رل جاوے  
 ساڈی ایہ پوری تے پئی اُمید ہے پئی ساڈے خداوند یسوع مسیح دے  
 وسیلے ہمیشہ دی زندگی دے لئی قیامت ہووے گی۔ ادا اپنی بڑی قدرت نال  
 ساریاں چیزاں نوں اپنے ہیٹھاں کر سکدا ہے۔ سو اوہ ساڈے ایس حقیر



بدن نوں بدل کے اپنے جدالی بدن وانگوں بنا دے گا۔

[یا ایہہ]

اے رحیم باپ ایس ایس بھائی دی رُوح نوں جو  
کوچ کر گیا ہے۔ تیری رحمت دے حوالے کر دے ہاں۔ آسیں اُہی  
لاش نوں زین دے اندر رکھ دے ہاں تاں جو مٹی دے نال مٹی تے  
گھٹے دے نال گھٹا تے دھول دے نال دھول رُل جاوے۔ آسیں  
تیری مہنت کر دے ہاں پٹی اپنی بے حد رحمت نال ایہہ بخش پٹی آسیں  
تیرے ڈرتے پیار وچ زندگی کٹے تے تیری مہر وچ ایس جہانوں کوچ  
کریٹے تاں جو جدوں قیامت دا دن آئے جو توں اپنے پیارے بیٹے دے  
سپر دیکھتا ہو یا ہے۔ ایہہ ساڈا بھائی تے آسیں تیری نظر وچ مقبول  
ہو بیٹے۔ اے رحیم باپ ساڈے بچاؤن والے دے چولے تے شفیع یسوع  
مسیح دی خاطر ایہہ بخش دے۔ آمین۔

[پھیر ایہہ پڑھیا جائے]

میں آسمان تھوں اک آواز سنی۔ پٹی لکھ۔ ہن تھوں چہرے  
مردے خداوند وچ مڑے ہن اوہ مبارک ہن۔ رُوح آکھدی ہے۔  
بے شک۔ کیونجو اوہ اپنیاں تختیاں تھوں آرام پاؤن گے۔

[پھیر خادم دیں آکھے]

خداوند ساڈے اُتے رحم کر۔  
جواب۔ مسیح ساڈے اُتے رحم کر۔  
خادم دین۔ خداوند ساڈے اُتے رحم کر۔  
اے ساڈے باپ جو آسمان اُتے ہن۔ تیرا پاک مٹیا جاوے۔

تیرا راج آدے - تیری مرضی جس طرح آسمان اُتے ہندی ہے زمین اُتے وی پوری ہو دے۔ ساڈی روز دی روٹی آج ساتوں دے - تے ساڈیاں گناہاں توں بخش دے جس طرح اسیں اپنے قصور وار لوں معاف کر دے ہاں۔ تے ساتوں آزمائش وچ نہ پھنس دے۔ سگوں بدی تھوں بچا۔ آمین۔

پھیر خادم دین اک یا زیادہ دُعاواں منگے۔

اے قادرِ خدا - اہتاں لوکاں دیاں رُوحاں جھڑے خداوند وچ ہو کے ایں دُنیا تھوں گزر جان دے ہن تیرے کول زندہ رہندیاں ہن تے ایمانداراں دیاں رُوحاں جسم دے بھارتھوں چھٹ کے تیرے کول خوشی تے آرام وچ رہندیاں ہن۔ اسیں دیوں جانوں تیرا شکر کر دے ہاں۔ پیٹی تینوں بھلا لگا جو توں ساڈے ایں بھرتوں پانی دُنیا دے دکھاں تھوں چھڑاویں۔ اسیں تیری منت کر دے ہاں۔ پیٹی اپنی مرنال اپنے چُنیاں ہو یاں دی گنتی شتابی پوری کر۔ تے اپنی بادشاہی توں چھیتی لے آتا بنج اسیں اہتاں سبھناں سمیت جھڑے تیرے پاک نام دے سچے ایمان وچ گزر گئے ہن تیرے قدیمی سدا دے خدال وچ بدن تے رُوح دی پوری تکمیل تے مبالغہ عالی حاصل کریئے ساڈے خداوند یسوع مسیح دے وسیلے۔ آمین۔

اے رحیمِ خدا - ساڈے خداوند یسوع مسیح دے باپ جہڑا قیامت تے زندگی ہے۔ اوس اُتے جہڑا ایمان لیاؤندا ہے بھائیوں اوہ میر جائے تاں وی زندہ رہوے گا۔ تے جہڑا جیوؤندا تے اُہرے اُتے ایمان رکھدا ہے اوہ کدی نہ مرے گا۔ اُہنے اپنے مقدس پولوس رسول

دی راہیں سائوں ایہ سکھا لیا ہے۔ پیٹی اسیں اُہناں دے لئی ہے  
 مسیح وچ ہو کے سوں جان دے ہین نا اُمیداں دے وانگوں ماتم تے  
 سیا پانہ کرئیے۔ اے باپ اسیں عاجزی نال تیری منت کر دے ہاں۔  
 سائوں گناہ دی موتوں کٹھکے راستبازی دی زندگی وچ داخل کر۔

تاں جو اسیں جدوں ایس زندگی وچوں کوچ کر چائیے مسیح وچ آرام  
 پائیے۔ جس طرح سائوں اُمید ہے پیٹی ساڈے ایس بھائی نے آرام  
 پایا ہے۔ نالے اہ وی منگدے ہاں۔ پیٹی اوٹک دے دن لوں جڈں سب  
 دی قیامت ہووے گی اسیں تیری نظر وچ منظور ہوئیے۔ تے اوہ  
 برکت واکلمہ سائوں سٹایا دے۔ جھڑا تیرا پیارا بیٹا اُہناں سبھناں  
 نوں جھڑے تیرا پیار تے ڈر رکھدے پین اوس ویلے سنا دے گا۔  
 پیٹی اے میرے باپ دے مبارک فرزندو۔ آؤ اوس بادشاہی دے  
 وارث بنو جھڑی دنیا دے مڈھوں تھوڑے لئی تیار کیتی گئی ہے۔ اے  
 رحیم باپ اسیں تیری منت کر دے ہاں۔ ساڈے وچو لے تے چھٹکارا  
 دین والے یسوع مسیح دے وسیلے اہ بخش دے۔ آمین۔

اے قادر خدا۔ سب رحمتاں دے باپ۔ توں ہر طرح دی تسلی  
 داجتمہ ہین۔ اسیں تیری منت کر دے ہاں توں اُہناں سبھناں اُتے  
 اپنا فضل کر جو رنج تے غم وچ گھرے ہوئے ہین تاں بخواہ اپنا سارا  
 فکر تیرے اُتے پا دین۔ توں اُہناں دیاں حاجتاں نوں رفع کر۔  
 اُہناں دیاں فکراں توں دور کر۔ اُہناں دیاں ضرورتاں توں پورا  
 کرتا بخواہ تیری محبت دی تسلی نوں جان سکین۔ تے اوہ معلوم کر  
 لین پیٹی ساریاں چیزاں مل کے تیرے نال محبت کرن والیاں دے



لئی بھلیاٹی پیارا کر دیاں ہین۔ ساڈے خُداوند یسوع مسیح دے وسیلے۔  
آمین۔

اے خُداوند۔ تُوں ایس دکھ بھری زندگی دے دناں وچ ساڈی مدد  
کے۔ جاووں تیکر ساڈی عمر ڈھل کے زندگی دی شام تُوں نہ پہنچے تے  
ایس دُنیا دا شور تے زندگی دا رولا ختم نہ ہو جائے تے ساڈا کم پورا نہ ہو جائے۔  
اے خُداوند اپنے رحم نال اوس ویلے تُوں سا نوں اپنے ٹھکانے پُچھاتے  
ساڈی جان تُوں آرام تے پورا اطمینان بخش۔ ساڈے خُداوند یسوع  
مسیح دے وسیلے۔ آمین۔

اے رحیم باپ۔ اسیں اُہناں سمجھناں تُوں جو رُوح یا جسم پالائے  
یا ہووے کسے طرح دے رنج یا تکلیف وچ پئے ہوئے ہین تیری محبت بھری  
رحمت دے پیرد کر دے ہاں۔ تُوں کرم کر کے ہر اک تُوں اُہدی ضرورت  
دے موافق تسلی تے آرام دے۔ اُہناں دے دُکھاں وچ اُہناں تُوں  
صبر بخش تے اُہناں دیاں سب مصیبتاں دا انجام بخیر کر۔ ایہہ اسیں اپنے  
خُداوند یسوع مسیح دا واسطہ دے کے منگدے ہاں۔ آمین۔

پھیر خادم دین آکھے۔

ساڈے خُداوند یسوع مسیح دا فضل تے خُدا دی محبت تے رُوح  
پاک دی رفاقت اُساں سمجھناں دے نال ہمیشہ رہوے۔ آمین۔

## چچہ دانشکرانہ

عورت جن دے نگروں مقرری دیلے ماف مستھرے  
کپڑے پاکے گریج وچ آدے۔ تے دستورے مطابق مناسب  
جس جگہ گوڑے لوائے تدغام دین اہتوں ایہ آکھے :-

خدا دی بڑی مہربانی ہوئی جو تینوں سلامتی نال بچہ پیدا ہويا تے  
اوس نے بڑے خطرے دے ویلے تیری حفاظت کیتی۔ ایس لئی چاہیدا  
ہے پئی توں دل لختوں خدا واشکر کریں۔ تے راہ آکھیں۔

تدغام دین مزبور پڑھے :-

### مزبور - ۱۱۶

۱۔ میں ایس کر کے خداوند دے نال محبت کردی ہاں کیونچا اوس  
نے میری آواز تے میریاں بنتاں سُنیاں۔

۲۔ ایس کر کے جواوس نے میرے ول کن لائے سو جہنیکر میرا  
دم ہے میں اہد نام لواں گی۔

۳۔ موت دے دکھاں تے یینوں گھیریا سی۔ قبر دے شکنجے نے

یینوں آگھٹیا سی۔ میں دکھ تے غم وچ پھنس گئی ساں

۴۔ تہ میں خداوند دے نام توں پکاریا۔ پئی خداوند ایس تیری

مہنت کردی ہاں میری جان توں بچالے۔

۵۔ خداوند مہربان تے صادق ہے۔ ساڈا خدا رحیم ہے۔



۷۔ خُداوند بھولیاں بھالیاں دارا کھا ہے۔ میں ڈگ پٹی ساں تے  
اوس نے مینوں بچا لیا۔

۸۔ اے میری جان تُوں اپنے ٹھکانے ول مُڑ چل۔ کیوں جو خُداوند  
نے تیرے اُتے بڑا احسان کیتا ہے۔

۹۔ اوس نے میری جان تُوں موت تھوں تے میریاں اکھیاں  
تُوں آنسو اں تھوں تے میرے پیراں تُوں تلکُن تھوں بچا لیا  
ہے۔

۱۰۔ میں خُداوند دے حضور زندگی دی زمین اُتے چلاں گی۔

۱۱۔ اُہناں ساریاں برکتاں دے بدلے جیہڑیاں مینوں ملیاں ہین  
میں خُداوند تُوں کیہ دیاں ؟

۱۲۔ میں نجات دا پیالہ لے کے خُدا دے نام تُوں پکاراں گی۔

۱۳۔ میں خُداوند دے حضور اوس دے گھر دیاں بارگاہاں وچ  
اوس دے لوکاں دے سامنے چڑھا دے چڑھاواں گی۔

جدال باپ بیٹے رُوح پاک دا ہووے۔

جیہا شروع وچ سی ہن ہے تے ہمیشہ تیکر رہوے گا۔ آمین

### یا مزمور ۱۲۷

۱۔ جے خُداوند ہی گھر تُوں نہ بنا دے تاں اوس دے بناؤن  
والیاں دی محنت بے فائدہ ہے۔ جے خُداوند شہر دا  
راکھا نہ ہووے تاں پیرے والابے فائدہ جاگد ہے۔

۲۔ تہاڈا سویر دا اُٹھنا تے اویر دا سوتا تے تہاڈی مُڑکے



دی روٹی سب بے فائدہ ہے۔ کیونچو اوہ اپنے پیایاں ٹول تیندر  
بخشا ہے۔

۳۔ دیکھو اولاد خداوند و لول ورثہ ہے۔ تے پیٹ دا پھل اُہے  
لول اجر ہے۔

۴۔ جس طرح بادِ رے ہتھ وچ تیراں دا مٹھا ہندا ہے اوے  
طرح جوانی دی اولاد ہے

۵۔ دھن ہین اوہ آدمی جنہاں دا ترکش اہناں نال بھریا ہويا  
ہے۔ اوہ تال شرمندہ نہ ہون گے۔ جدا ہاپے و بریاں تال  
پھاٹک دے وچ گلاں کرن گے۔

[خادم دین آکھے۔ اسیں دُعا منگئے]

خداوند ساڈے اُتے رحم کر۔

جواب۔ مسیح ساڈے اُتے رحم کر۔

خداوند ساڈے اُتے رحم کر۔

اے ساڈے باپ جو آسمان اُتے ہیں تیرا نام پاک منیا جاوے۔

تیرا راج آوے۔ تیری مرضی جس طرح آسمان اُتے ہندی ہے

زمین اُتے وی پوری ہووے ساڈی روز دی روٹی آج سانوں

دے۔ تے ساڈیاں گناہاں ٹول بخش دے۔ جس طرح اسیں

اپنے قصور واراں نوں معاف کر دے ہاں۔ تے سانوں آزمائش

وچ نہ پین دے۔ سگوں بدی تھوں بچا۔ کیوں جو راج تے



قدرت تے جلال ہمیشہ تیرا ہی ہے۔  
 خادم دین۔ اے خداوند اپنی ایس بندی نوں سلامت رکھ۔  
 جواب۔ کیونجو اوہ تیرے اُتے بھروسہ رکھدی ہے۔  
 خادم دین۔ اُہدے لئی اک پکا برج ہو۔  
 جواب۔ اُہدے دیری دے حملے دے دیلے۔  
 خادم دین۔ اے خداوند ساڈی دُعائیں۔  
 جواب۔ تے ساڈی مہنت دی آواز تیرے حضور پہنچے۔  
 خادم دین۔ اسیں دُعائیں منگئے :-

اے قادر خدا اسیں عاجزی نال تیرا شکر کر دے ہاں پئی توں اپنے  
 بڑے کرم نال اپنی ایس بندی نوں نیچے دی پیراش دے ویلے بڑے  
 دکھ تے خطرے تھوں بچا یا ہے۔ اے رحیم باپ اسیں تیری مہنت  
 کر دے ہاں ایہہ بخش پئی ایہہ تیری مدد نال ایس جہان وچ اپنی  
 عمر ایما نداری نال گزارے۔ تے تیری مرضی موجب چلے۔ تے آؤں  
 والے جہان وچ ہمیشہ دے جلال وچ شریک ہو جاوے۔ ساڈے  
 خداوند یسوع مسیح دے وسیلے۔ آمین۔

اے خدا ساڈے آسمانی باپ۔ اسیں تیرا شکر کر دے ہاں تے  
 تیری حمد کر دے ہاں جو توں اپنی ایس بندی نوں برکت دیتی ہے تے  
 اوس نوں نیچہ بخشیا ہے۔ اے رحیم باپ۔ اسیں تیری مہنت کر دے  
 ہاں ایہہ بخش پئی ایہہ تیری بندی اپنے نیچے توں نیکی دی راہ اُتے چلاو  
 تاں جو ایس طرح اہ آپ دی برکت حاصل کرے۔ تے تیرے پاک نام  
 دی بزرگی ہووے۔ ساڈے خداوند یسوع مسیح دے وسیلے۔ آمین۔



اے خدا اسیں تیری منت کردے ہاں توں اپنی برکت ایس بند  
 دے گھر اُتے نازل کو ایہہ بخش پئی مسیح دی روح ابدے گھر وچ وسے۔  
 تے محبت تے امن تے سلامتی ابدے گھر وچ رہن تے تیری مدد ابدے  
 گھر دی رکھوالی کرے۔ ساڈے خداوند یسوع مسیح دے وسیلے آئین۔

جو چھ شکرانہ دے لئی آئے پیا ہیدا ہے  
 پئی اوہ دستور موجب نذرانہ گزارے  
 تے جے عشائے ریانی دی نماز ہووے  
 تاں اُبدے وچ وی شامل ہووے